


34-4 H. 14

11-11-10

7-11-6-2





R E R V M  
A S O C I E T A T E I E S V  
I N O R I E N T E G E S T A R V M  
V O L V M E N .

In quo hæc ferme continentur .

DE REBVS INDICIS AD ANNUM  
*usque a Deipara Virgine M D LXVIII, Com-  
mentarius Emmanuelis Acoſtæ Luſitani, reco-  
gnitus, & Latinitate donatus.*

DE REBVS INDICIS AD ANNUM  
*usque M D LXX, Epistolæ Liber I.*

DE IAPONICIS REBVS AD ANNUM  
*usque M D LXV, Epistolæ Libri V.*

Omnes item accurate recogniti, & in Latinum ex  
Hispanico sermone conuerſi .

*Ad calcem operis, epistolæ duæ separatim additæ sunt, de LII,  
e Societate IESV, pro fide Catholica nuper occisæ.*

Accessit etiam specimen quoddam litterarum  
vorumq; Iaponicarum .

POSTREMO COPIOSVS INDEX.



100-10

# CLARISSIMO PRINCIPI,

AC DOMINO, D. OTHONI TRVCHSES  
a VValdburg, S. R. E. Cardinali, Augusta-  
no Episcopo ac Prænestino, Præpo-  
sito & Domino Eluua-  
censi &c.



*IOAN. PETRUS MAFFEIVS S. P. D.*




VOD te non fugit omni liberali do-  
ctrina eruditum, Otho Card. Am-  
plifs., India prouinciarum omnium  
maxima, tametsi proprie dici uide-  
tur pars illa terrarum, quam nobilif-  
simus fluuius Indus interfluit; usus  
tamen obtinuit, ut etiam ultra Gan-  
gem æque magnum ac celebre flumen, immensi illi ter-  
rarum tractus, qui ad Sinas usque, & in extremo positos  
Oriente pertinent Seras, Indiæ nomine censeantur. Por-  
ro ultra Sinas, in Serico Oceano, haud procul a continē-  
te, ingens cernitur Insula compluribus minoribus adia-  
centibus, quam nostri uulgo Iaponem uocant, Zipan-  
grim antiquis dictam fuisse nonnulli arbitrantur. Hac  
insula excepta, ceteras ferme regiones eas, cum alijs opi-  
bus,

bus, tum etiam pretiosissimis aromatibus odoramentisq;  
refertas, constat priscis tēporibus, Romano florente Im-  
perio, cū Europeis hominibus, & cōmercijs, & hospitio  
fuisse coiunctas. traditū est etiā, multas Christiana quon-  
dam sacra tum ab alijs, tum præsertim a duobus eximia  
sanctitate uiris Thoma, & Barptolemæo Domini Apo-  
stolis accepisse. Verum ubi Romani decus Imperij, cōspi-  
rantibus undiq; in ipsum uarijs nationibus concidit; mer-  
cimonij uocumq;, & litterarū cū illis gentibus commu-  
nionē sublata, Christi cultus, atque religio paulatim ex-  
tincta ac deleta sic est, ut nullum prope ipsius uestigium  
in illis iam regionibus appareret. Quo melius de Chri-  
stiana meruisse Rep. Lusitani iure putandi sunt, quod cū  
terrestri itinere, sine summo uitę discrimine ea loca peti  
non possent, & uix quisquam reperiretur, qui peregrina-  
tionem eiusmodi suscipere auderet; ornatissimis ipsi  
classibus extima legentes Africę litora; Bonę spei pro-  
montorium ante id tempus pēne incognitum, Auream  
Chersonesum quę Malaca dicitur hodie, Taprobanā,  
quę Sumatra, siue Samotra, Sinas denique præteruecti:  
ad ipsā de qua diximus Iaponis insulam ingenti ausu,  
summaq; animi magnitudine penetrarunt: iidemq;,  
Indicę orę magna parte subacta, sinus etiam Persici  
faucibus fortiter eque ac feliciter occupatis, Arabici ue-  
ro nauigatione crebris incursionibus impedita, merci-  
busq; Indicis per Africum, atque Atlanticum Oceanum  
in Hispaniam auersis; non modo Memphitica Turcarū  
uectigalia grauissimis damnis atq; incommodis affece-  
runt:

runt: sed etiam CHRISTI liberatoris nostri cultum, ac nomen, apud eos populos uel nunquam ante id tempus auditum, uel diuturna uetustate, atq; obliuione deletum, salutari prædicatione longe lateq; propagarūt adhibitis perductisq; secū, Summi Pontificis iussu, multis Euangelij præconibus, tum aliarū familiarū, tum uero præcipue Societatis IESV. Quorum Epistolæ (huc enim tota spectat oratio) quas uulgo Indicas nomināt, in Europā subinde perlatæ, minime dubiū est, quin haud mediocrem utilitatem pari delectatione coniunctā hominibus nostris attulerint. Veruntamen ea uolumina cum iam nimium excreuerent, multosq; a legendi studio retardarent; prudenter mihi simul, ac pie fecisse uidetur Emanuel, is cuius nos scripta conuertimus, qui circuncisis iis quæ minus necessaria uidebantur, cetera breuem in commentarium retulit, ut essent parata & in promptu, quæ quis de rerum Indicarum statu, progressu, quod attinet ad religionem; scriptione maxime digna, cognoscere cuperet. Quam nos etiam, aliqua ex parte, circuncidendi castigandique, siue diligentiam, siue licentiā, in Iaponicis Epistolis ita præstare conati sumus, ut historię fides ac ueritas omnino integra permaneret: quod facile perspiciet si quis hæc exempla cum ceteris accurate contulerit. Volumen autem ipsum, Rerum in Oriente gestarum, ob eam causam inscribitur, quòd eiusdem Societatis homines etiam in Brasiliæ regione, & in Occidentali quæ dicitur India, uarijs locis, atque prouincijs magna cum animarum utilitate,

fructuq; uersantur:& res ad Christi Domini gloriam ita  
multas, eodem duce atque adiutore perficiunt, ut pro-  
prio, & quidem iusto uolumine ipsæ per se ad explican-  
dum indigeant. Quam nos in historiam, & in eas quæ su-  
persunt ex Oriente colligēdas epistolas, quidquid otij,  
quidquid possumus operæ, deinceps conferre decreui-  
mus. Profecto enim digna res est, in qua nō mea solum,  
uerum optimi cuiusque, ac litteratissimi uiri libentissi-  
me defudet industria: quippe quæ non modo plurima-  
rum rerum uariam, & iucundissimam afferat cognitio-  
nem, sed etiam ueritatem Catholicę religionis, & sedis  
Apostolicę maiestatem, summamq; Romani Pontificis  
potestatem (quæ hac præsertim ætate omnibus tormen-  
tis ac machinis oppugnatur) humanis, & diuinis testi-  
monijs, atque miraculis, egregie tueatur, & comprobet.  
Interea, hæc quæ habebamus absoluta, tibi potissimum,  
Ortho clarissime, pluribus de causis dicare statuimus. pri-  
mum, quod hoc ueræ atque orthodoxæ fidei firmamen-  
tum ei deberi maxime uidebatur, qui sese calamitosi hi-  
sce temporibus contra perditorum hominum insanias,  
Catholicæ sinceraq; religionis defensorē acerrimum  
præbuisset: deinde quod ipsimet Societati IESV, quæ  
plurimum tibi debere se profitetur ac prædicat, in pri-  
mis id gratum fore mihi persuaseram. Tu, pro tua excel-  
lenti humanitate, munusculum hoc qualecunque liben-  
ter accipies, meq; in tuorum numerum adscribes æquo  
animo. Vale. Romæ. 15. Kalend. Decembris. M D  
LXX.

# DE REBUS INDICIS COMMENTARIUS.



*VO* tempore Ignatius Loiola parens auctoꝝq;  
Societatis *IESV*, Romam una cum so-  
cijs uenit, ad obedientiam Pontifici maxi-  
mo (qui tum erat Paulus hoc nomine ter-  
tius) rite deferendam; eo ipso tempore apud  
eundem Pontificem Petrus Mascarenias  
pro Lusitaniæ rege Ioãne legati munere fun-  
gebatur. is, cognito eorum uitæ genere atque instituto, quòd ita in  
mandatis habebat ab Rege, qui de ipsorũ uirtute ac pietate, ex ami-  
corum litteris iam ante cognouerat; egit cum summo Pontifice, ut  
ex ijs aliquot promulgandi Euangelij causa mitterentur in Indiã:  
cuius prouinciæ ab Idolorum cultu ad Christianam fidem traducẽ-  
da, Rex Catholicæ religionis cultor egregius, magno in primis desi-  
derio tenebatur. Missi ex decem, qui tum erant Socijs, duo (nec  
enim plures concessit Ignatius, cuius arbitrio totam rem Pontifex  
ipse permiserat) Franciscus Xauerus Nauariensis, & Simon Ro-  
dericus Lusitanus, Ulyssiponem attigere anno a Deipara Virgine  
1540. quorum non aduentus modo Regi accidit exoptatus & ca-  
rus, sed etiam, interim dum nauigandi tempus expectant, uarijs  
in actionibus atque muneribus pia sedulitas & industria ita pro-



## DE REBUS INDICIS

bari ac suspici cæpta est, ut uulgo non nisi Apostolorum nomine appellarentur. Inde hoc Societatis in Lusitania cognomentum est ortum, quod ipsa quidem sibi non modo non arrogat, uerum etiam recusat, ac refugit. Latius eo rerum euentu Rex, Indorumq; iam propemodum oblitus, cum reliquos octo, qui Romæ remanserant, suum in regnum accipere potius, quàm hosce duos ab se dimittere cuperet: ipsi autem contra, diuini amoris igne succensi, multa pro Christi nomine perpeti, remotis illis ac barbaris nationibus Euangelij lumen inferre, & quo consilio profecti fuerant, id ipsum assequi atque obtinere contenderent; diuisa tota res est. Francisco Xauerio India prouincia destinata; Simon Rodericus quamuis inuitus in Lusitania retentus, ut quoniam ad Ignatium alij multi se iam adiungere ceperant, instituendo in Conimbricensi Academia ipsorum Collegio præset, quod tanquam seminarium foret eorum, qui deinceps in Indiam supplementi causa mitterentur. Ei Collegio Rex uectigalium annuorum quod satis esset ad Socios centum alendos ( qui numerus postea duplicatus est ) litterisq; & profanis & sacris erudiendos, attribuit.

Xauerius igitur, anno post Christum natum 1541. cum India præfecto Martino Alphonso Sosa Vlyssipone discessit. itineris comitem secum duxit e Societate Italum Sacerdotem præstanti uirtute uirum, nomine Paulum. In Indiam peruenerunt Maio mense anni insequentis. In ea nauigatione, Xauerij uita ratio, rerum ab ipso deinde gestarum quoddam quasi proludium fuit. Etenim ex quo die conscendit, tum in ipsa naui, tum in Mosambico Insula, ubi hyematum est, eam in egrotos pauperes, egentesq; assiduitatem ac diligentiam, dies ac noctes, tanta cum alacritate, & iucunditate animi præstitit, ut sanctus perfectusq; uir haberetur ab omnibus,



nibus, & qui presentes uiderunt, rem uerbis haud satis exequi possint. Goam simul atq; peruentū est, omni statim conatu ad ethnicos Christianis præceptis imbuendos, Christianos uero & Lusitanos, & incolas in fide atque officio retinendos ac promouendos incubuit. Ad hæc, egrotos, & uinctos inuifere, uale tudinaria frequētare, uel in ijs habitare potius, quo commodius agris ministrare posset, quibus & uiuentibus interdū noctuq; summo cū labore cunctis admirantibus, præsto erat, & mortuorū cadauera suis ipse manibus funebri linteo rite ad sepulturam insuebat, proq; eorundem animarum expiatione sacrum misse faciebat: quod ille semper, ubicumq; terrarū fuit, in India solenne seruauit. Nec tamen interea confessiones audire, publicis cōcionibus, priuatisq; colloquijs hominum uitam moresq; corrigere, simultates ac dissidia tollere, aliaq; id genus facere multa desisteat. quocirca magno in honore, ac ueneratione habebatur a populo.

Aliquot menses Goæ magno cum rei Christianæ adiumento uersatus, in eam Indiæ oram discessit, quæ uulgo Comorini caput, seu promontoriū dicitur: ab urbe Goæ passuum sexcenta millia. Regio est piscatu margaritarum insignis. Gens autem ipsa quondam a D. Thoma Apostolo ad Christum adiuncta, sed quæ iam Christiani præter nudum nomē haberet nihil. Interroganti quippe Xauerio de religione fideq; illud unum dumtaxat respondebant: Christiani sumus. Hoc igitur Domini uinetum in syluam Xauerius plane degenerasse cum cerneret, acri studio, & accuratissima diligentia pro uiribus colendum suscepit, uno Dei fretus auxilio, quem ille in eo præsertim negotio ita propitiū ac liberalem expertus est, ut breui plurimos homines ad Catholicam Ecclesiam aggregauerit: qui ad eam deinde uirtutis frugē peruenerunt, ut qui ijs præsumt hoc tēpore Socij affirmant,

affirment, eas ecclesias, etsi a Lusitanis destituantur, suis iam nunc posse uiribus niti, captumq; uirtutis ac religionis cursum tenere. Censetur in presentia maritima illa ora, Christianorum amplius centum & triginta millibus, eorumq; numerus non mediocriter augetur in dies. Quae fere omnia unisecundū Deū Xauerio precipue accepta referēda sunt, qui non illā modo plantauit rigauitq; uineā, sed alias quoque in eo tractu permultas: in ijs, Trauancoris regnum pæne totum, & Bringanum inter ac Permanelem, decem ferme pagos, & circa Beadalam ac Tramanancorem, uicos circiter septem. Neque uero, cum in aliorum salute procuranda uigilantissimus, tum in sui ipsius custodia remissus erat, aut negligens. uitam quippe ducebat eiusmodi, quæ satis ostenderet, nihil omnino sibi præter unam Dei gloriam, suamq; salutem & proximorum, esse propositam. Itaque res quas gerebat, sanctitas morum, laboresq; perpetui, & infestationes, iniuriæq; quas uel in conuertendis barbaris, uel in tuendis neophytis ac Lusitanis subibat, Goam ceterasq; in Indiæ regiones non dubio sermone perlatæ, tanta cum admiratione celebrabantur ab omnibus, ut uel ab ipsis Mauris, ethnicisq; Pater sanctus appellaretur. Qui rumor cum etiam in Lusitaniam permanasset, cumq; Ioannes Rex eadem a multis certisq; auctoribus tum ipso adhuc uiuente Xauerio, tum multo magis mortuo, cognouisset, per motus rerum magnitudine atque præstantia, Proregi Indiæ per litteras mandauit, ut Xauerij res gestas atque miracula omnibus uestigijs indagata quam diligentissime ad se perscriberet. Regis ipsius litterarum subiicietur exemplum, e quibus quid ille de Frantisci uirtute, atque præstantia senserit, facile appareat.

## IOANNIS TERTII LVSITANIÆ

Regis ad Proregem Indiæ litterarum exemplum.

**R**ex amice: ego rex tibi multam salutem. Francisci Xauerij uita, gestaq; res, adeo salutaris exempli fuere, ut eas in lucem edi palamq; proponi, ad gloriam Domini Dei nostri pertinere magnopere existimem. Cuius editionis quo maior auctoritas fidesq; sit, mando tibi plane, ut de preclaris omnibus uiri illius actionibus, deque ijs rebus, quas per eum siue adhuc uiuentem, siue defunctum, Dominus noster supra naturæ uires effecit, ubicunque testes idonei fuerint, tabulas publicas seu instrumenta autentica conficienda quàm studiosissime cures, & ad me primo quoque tempore perferenda. Id erit mihi uehementer gratum. Ac licet rerum ipsarum dumtaxat tabulas imperauerim, tu nihilo minus efficies, ut ipsamet inquisitio in publica monimenta recte atque ordine referatur. Inquisitionis autem erit eiusmodi ratio, ut omnibus istis in regionibus, quicunque earum rerum probe conscij exstiterint, ij de uita, factis, moribusque Francisci, quibus in terris atque oppidis infidelium fuerit, quid in ijs gesserit, interrogati, & iurati respondeant. Eius porro inquisitionis exemplum scriba relationis ipse desumito, tuoque chirographo subscriptum, adhibito etiam Auditore generali, complicato, obsignatoque: tu deinde ad nos id ipsum triplici uia transmittito. Vlyssipone. V. Kal. Aprilis 1556.

Regis epistola perlata in Indiam, ministri sedulo imperata fecerunt, atque ita multa de Francisco Xauerio ad Regem  
probe

probe comperta atque explorata miserunt, ut singula hoc loco persequi nimis longum sit. Summatim nonnulla perstringam. Xaverius cum apud Comorinenses degeret, in Christiana doctrina tradenda tenebat hanc regulam. Mane post preces horarias recitatas, puero uno comite, qui signum gestaret Crucis, vias oppidi circuibat, querens ubi nam essent egroti curandi, uel mortui sepeliendi, uel infantes adultius baptismo lustrandi. Si quid occurrebat eiusmodi, manibus oculisque sublati in celum, elata voce concionatoris instar, admodum pie pronuntiabat Symbolum Apostolorum, una cum Decalogo &c. eo statim magna vis hominum confluebat. Si pro egroto uel neophyto faceret, uniuersam precationem Euangelio, sin pro defuncto, Psalmodia funebri, siue mortuorum officio concludebat. Ad sextam ferme horam diei uersatus in opere, quamquam summa corporis defatigatione, nullum tamen intermittebat diem, quin aliquid pueris e Catechismo explicaret. Inde ubi cibo se refecisset, Christianis omnibus copiam sui faciebat: quaestiones ipsorum nodosque dubitationum expediens, omnia discordiarum semina tollens, pacemque concilians: cum etiam sub uesteram, atque interdum noctu sese in cætus hominum frequentiores concionabundus infereret. Augerant autem laborem ac lassitudinem tum calores in ijs regionibus maximi, tum summa uiri paupertas, cuius ille semper adeo studiosus fuit ac tenax, ut in tam crebris ac longis terra marique peregrinationibus sine sacco & pera ambulare solitus fuerit. Quin etiam in urbe Goa regio procuratori multa ad iter necessaria liberaliter offerenti, instantique ut acciperet, omnino remisit, & non modo uiatico prorsus nullo conscendit, sed etiam impedimenta nulla in nauem imposuit præter Breuiarium, & alium libellum, & su-

& superpellitium. In ipsa autem navigatione precario uicti-  
 bat, aliorum benignitate sese sustentans. Iam uero Christianos,  
 quos in Comorini tractu CHRISTO pepererat, a barbarorum  
 Regum & ceterorum iniurijs defendebat egregie, proq; ijs &  
 CHRISTI religione tuenda sepe sese obtulit in apertum uitæ  
 discrimen. Gens est in regno Bisnagæ, quos Badagaas uocant. ho-  
 rum permagna manus cum ad neophytos diripiendos, occidendosq;  
 in regnum Trauancoris irrupisset; cognita re Xauerius ex alio quo-  
 dam oppido, ubi tum morabatur, Trauancorem prouolat: nihilq;  
 mortis metu perterritus, summo animi ardore, atque constantia  
 scelus hostium increpans, in mediam Christianorum turbam ul-  
 tro se coniicit, ut ipsum reueriti reliquis parcerent. Quamquam  
 alioqui sane ipsius capiti assidue pæne tendebantur insidiæ. itaque  
 & ab ethnicis quibusdam aliquando conquisitus ad necem, arbo-  
 rem scandens, ibique pernoctans, manus eorum effugit. Tanto au-  
 tem desiderio flagrabat uniuersæ barbariæ ab interitu reuocandæ, ut  
 nullos labores, uel pericula subterfugeret, nullamq; fere partem ca-  
 peret quietis. Insulæ Mauri sunt ultra Malucum. in ijs ille uer-  
 satus est omni plane humano præsidio nudus, multis undique cin-  
 ctus ueneni cadisq; periculis. quo ille cum discedere pararet, non  
 modo ab amicis frustra deterritus, ac reuocatus est, sed etiam uene-  
 ni multa remedia (cuius est usus in ijs insulis frequentissimus, atque  
 etiam iccirco multos iam annos sacerdote, atque pastore carue-  
 rant) sibi ab iisdem oblata diuino magis quàm humano fretus au-  
 xilio, cuncta repudiavit. Qua de profectione, precibusque ami-  
 corum ipse in Lusitaniâ ad suos scripsit his uerbis: Ego ipso-  
 rum in me beneuolentiæ ac studio ingentes egi gratias: sed ne ip-  
 se mihi sollicitudinem struerem, ac multo magis ne quid de mea

## DE REBUS INDICIS

spe in uno Deo penitus fixa ac locata remitterem : amuleta, quæ mihi peramanter lacrimantes donabant, omnia recusavi, rogans eos, ut pro me *DEVM* obsecrare ne desisterent : eo ueneni remedio nullum certius inueniri. *Exstat* de eadem profectione eiusq; difficultatibus, de terræ natura & inopia, ad Socios Romanos alia item ipsius epistola, cuius illa clausula est : *Hæc* ad uos eo scripsi, ut sciatis quanta sit in hisce insulis cælestium solatiorum copia : namq; omnia hæc pericula ac labores unius *DEI* causa ultro suscepti, thesauri sunt ingentibus referti spiritalibus gaudijs, ita ut hæc apprimè facta & apposita prouincia sit ad oculorum aciem paucis annis e suauissimi fletus ubertate perdendam. Equidem in uita mea, nec ulla umquam animi tanta tamque perpetua uoluptate sum affectus, quanta in his locis afficior : nec tam leuiter corporis uexationes, atque molestias pertuli ; cum tamen hostes circa finitimi sint, incolæ ipsi non amicissimi, regio uero ita infelix & sterilis, non modo ut cunctis ualeitudinis aduersæ subsidjs, sed etiam consuetis alibi uitæ præsidjs fere omnibus careat : sic prorsus, ut hæ mihi uideantur insulæ, Diuinæ spei uerius appellandæ, quàm Mauri. Nec uero populi in his partibus desunt (Iauaros uocant) qui posse hominem interficere, summæ beatitudinis instar putent, a quibus cum alijs, tum Christiani multi occiduntur.

Tres menses apud eas nationes Xauerius posuit, partim Christianorum loca circumiens (quæ iam diu lustrauerat nemo, siue quòd absunt ab India leucas amplius mille, siue quòd, quem præfulem habebant, ipsimet insulani peremerant) partim etiam in barbaris conuertendis ad Dominum ita multis, ut in uno dumtaxat oppido Tolo, Christianorum omnis ætatis amplius uiginti quinque millia ab eo facta fuisse dicantur : idque anno post Christum  
natum



natum circiter 1547. Nam ex eo tempore is numerus per So-  
 cios qui in opere successerunt, ualde auctus esse credendus est. His  
 rebus peractis, cum intelligeret Xauerus, quàm uehementer insu-  
 la Maluci & Amboini cultorum inopia laborarent, cessare ne-  
 scius eo se contulit, ibiq; Christiana re præclare gesta, regnum aliud  
 petijt, in quo intra mensem hominum plus decem millia ad cultum  
 CHRISTI perduxit, & significauit suis ipse litteris, sperare  
 se eo anno plus centum millia Christianorum esse facturum. Mul-  
 tis igitur in eo tractu institutis Ecclesiis, quæ sacrosanctæ Sedi Apo-  
 stolicae Romanoque Pontifici obtemperant, & multiplicantur in  
 dies, relictisq; ad earum tutelam aliquot e Societate custodibus; ip-  
 se quòd alijs Indiæ locis mortales plurimos doctores destitutos in  
 æternum perire intelligebat, reuertit in Indiam. Iaponis regnum  
 paucis illis annis aperuerant Lusitani, cuius incolæ sunt ingenij ac  
 docilitatis laude præstantes. Id ille ubi didicit, nequaquam loci  
 longinquitate deterritus (abest enim id regnum ab urbe Goa leu-  
 cas plus mille) quamquam dissuadentibus cunctis, intempestiuo  
 ad nauigandum mari, nauigio barbarorum Sinarum sese commi-  
 sit, difficilique ac periculosa nauigatione maritimam Iaponis ur-  
 bem Cangoximam tenuit. Comitem habuerat Iaponium quen-  
 dam Lusitanicæ linguae peritum. Eo usus interprete, capita Chri-  
 stianæ religionis in Iaponicum sermonem transtulit primum: dein-  
 de CHRISTI Euangelium in ijs terris inauditum promul-  
 gare, nec sane frustra, aggressus est. Cangoximæ cum neophy-  
 tis aliquandiu moratus, ad magnam illam urbem perrexit Mea-  
 cum, regni totius caput, leucas trecentas ab eo loco positam, Chri-  
 sti notitia nulla. Iter habuit in primis laboriosum, atque diffici-  
 le. In uiam se dedit Octobri mense, cum frigora in Iapone sæuire  
 incipiunt,

incipiunt, tanta niuium copia geluque, ut in syluis concreta ex glacie moles passim ad instar trabium rigeant. Mari non semel infesta piratis loca traiecit, in infima nauium propter obscuritatem ac nouitatem nominis sui a nautis saepe coniectus. Terra autem, ne erraret ignarus uiarum, indigenas equites citato cursu prosequabatur; & quidem pedibus nudis, quod eo anni tempore flumina multa uado superanda sese crebro offerrent. Itaque saepe niuium & algoris iniuria pedes intumescabant: saepe etiam assidua sacrorum instrumentorum gestatione defatigatus, asperitate uiae fallente uestigia, concidebat. Nocte uero, aqua madidus, frigore fameque confectus, cum ad hospitium perueniret; humana solatia nullareperiebat: nam caelestia illa ac diuina (credo) non deerant. In ipsis uero pagis, & oppidis, qua transibat, ad alias contumelias & iurgia illud etiam accedebat, ut per plateas crebro lapidibus peteretur a pueris: nec tamen iccirco a sacrosanctae fidei Catholicae praconio desistebat. Meacum ut uenit, omnia offendit bello tumultibusque flagrantia. Itaque re infecta Cangoximam reuerti coactus est, Christianis aliquot in reditu factis. Annum circiter in Iapone uersatus est: in Meacensi peregrinatione menses quattuor posuit. Tum institutis ibi quoque Socijs, qui capta promouerent, in alia regna discessit. Magnum uero nomen, magnam sibi uenerationem apud Iaponios peperit, plane ut illum Europaeis omnibus anteferrent. tanta enim fuit uitae morumque innocentia, uix ut in ijs quisquam uel uenialis noxae maculam deprehenderit. quin etiam ea re aiebant illum a ceteris differre Socijs, quod illi sigillatim ad uarias multorum interrogationes, deinceps, atque ordine responderent; Xauerius, decem duodecimue maxime inter se diuer-



diuersis propositis questionibus uno eodemq; responso simul ita satisfaceret uniuersis, ut si eorum unicuique separatim ac proprie respondisset. Illa uero de Xauerij actis supra humanas uires admirabilia celebrantur, quòd uarijs temporibus in Iapone muto cuidam ac pedibus capto usum lingue, & ingressum, surdo auditum, item alteri surdo mutoue sanitatem diuinitus reddidit. Atque hæc in Iapone. In Comorini autem regione dum ageret, non solum egros cōplures a medicis desperatos morbo diuinitus liberauit, spiritusq; fugauit immundos, sed etiam mortuos reuocauit ad uitam. Iuuenis quidā obierat multis affinitate coniunctus. hunc oppidani mortuum magnis clamoribus frequentes ad Xauerium afferunt, quem ille manu apprehensum uiuentē erexit. idq; Goam constanti fama perlatum est. quo Xauerius etiam cum non multo post rediisset, ad Didacum quendam magnæ auctoritatis uirū diuertit. is cum rem gestam cognoscere de ipso Xauerio admodum cuperet, Cosmū Ioan nem regium procuratorē inuitat, ut ambo simul id a Xauerio sciscitentur. Cosmus pudore deterritus, rem ad ipsum Didacum reijcit: qua ille recepta, paucis post diebus Xauerium nomine compellans, Ad gloriam (inquit) ac laudem Domini, cedo magister Franciscæ, quidnam fuit illud de adolescente, quem defunctum in Comorini promontorio reuocasti? Ad ea uerba Xauerius nimirum erubuit, hominemq; amplexatus, atque subridens; Iesu bone (ait) egone ut mortuos excitauerim? Omne nequam, iuuenem ad me, mortui speciei, attulerant: iussus a me surgerè nomine Dei surrexit: ea uidelicet populo noua res uisa. Hæc deinde Cosmo referens Didacus, Noli (inquit) dubitare, quin ope diuinā iuuenem illum Xauerius reuera mortuum suscitauerit. Ibidem mulier Christiana ad Xauerium accedit; rogat ut ad filium suum uita fun-

Etum uenire ne grauetur. Ille eo se confert: pueri cadauer flexis genibus Deum precatus crucis signo lustrat: puer statim exsurgit in uitam, ac sanitatem pristinam restitutus. Christiani qui aderant, miraculum exclamant: illos uero Xauerus obsecrat, rem uti silentio contegant.

Ex Iapone decedens, nauem conscendit Lusitani cuiusdam, qui Colani presidio praesuit. In ea nauigatione cum in oram Sinarum e regione Chincheti iam peruenissent, atrox & periculosa procella coorta, scapham, una cum duobus Mauris e nauali turba, retinaculo rupto, ex omnium oculis tanto impetu abripuit, ut paulo post ne e summo quidem ipsius mali carchesio speculantibus appareret. tum uero ea deplorata, cursum prosequi nautae decernunt. Id ubi sentit Xauerus, magistrum nauis ductoremq; obsecrat, ut dolones qui ob uenti uehementiam non erant omnino sublatis, demittant, & scapham expectent. Negare ductor primo, magnum esse affirmans in mora periculum: exiguo illo contracto uelo, quo maris impetum fugerent, haustum iri nauigium fluctibus. Ad extremum tamen uictus Xauerij precibus, submitti dolones imperat. Verum ubi nihil profici ea re intelligunt nautae, tumido praesertim ac saeuiente mari, uela rursus expediunt. Contra Xauerius niti, serio affirmare scapham breui incolumem affuturam. Cum illi nihilo minus desperata re dolones erigerent, extemplo Xauerius ad proram accurrit, manuq; antennis iniecta, nautas per Christum dominum, eiusq; uulnera obtestatur, ne ex eo loco discedat: confidere se plane fore, ut par illud animarum, quae Christianae esse possent, Deo miserante, non interiret. His auditis nautae de nouo uela submitunt. Interea Antonius Dias Xauerij rogatu rudentes ascenderat, nihilq; dispiciens, descendere iam parabat, cum illum

illum adhuc paululum expectare Xauerus iubet, simulq; ipse ad nauis marginem sublati manibus se in preces effundit, nauarchum & ceteros bono animo iubet esse. Cum hæc maxime fierent, ecce tibi repente aduentans scapha conspicitur. Tum ad eam expectandam, cursumq; facilius inhibendum, nauis contra maris imperum in obliquum locatur nec mora: duarum triumve horarum intervallo scapha neutram in partem declinans recta ad onerariam appropinquat: cui cum funem eminus iniicere pararent, nihil opus esse ait Xauerus, ipsam per se placide ad onerarie latus accessuram: itaque factum est. Duo qui uehebantur, in nauem accepti, scapha, quamquam minime sedata tempestate, retinente nemine, tam diu stetit, quoad eam nautæ ad onerariam religarunt. Mauri illi duo ad Christum deinde cōuersi baptismo lustrantur. Res tota summa omnium admiratione animaduersa ac notata est.

Fuit uero Xauerus utique ipsius etiam Prophetiæ dono conspicuus. multa post futura, multa longe remota prædixit, quæ humanitus sciri nullo pacto possent. Ex Iapone tendens Malacam, quingentarum amplius leucarum itinere, in portum Sinarum delatus, e Duartis Gamme oneraria in Didaci Pererie nauem transcendit: is, quod Malacam in discessu ab hostibus circumuentam obsessamq; reliquerat, nihilq; postea de euentu rei cognouerat, percontari de Sinis magnopere cupiebat, num quid de Malacensi obsidione audissent. Simul etiam cum uectoribus in eius urbis subsidium arma sedulo comparabat. quos ita sollicitos metu cōspicatus Xauerus, iubet (idq; sæpius) sine cura esse, pro certo affirmans otium esse Malacæ. Idem Didacus cū animo suspensio metueret, ne oēs naues in Indiā Malaca soluissent, quod bona iā pars idonee ad nauigandum tēpestatis effluxerat. Nihil est (inquit Xauerus illi) cur ti-

meas. Antonium Pereriam etiam num reperiemus Malaca. sublati ad uelificandum antennis, nos ipso iam triduo præstolantem. Ad quem deinde Xauerius e freto Sincapurano passuum nonaginta millibus Malacam litteras de suo aduentu premisit: quo simul atque peruentum est, omnia prorsus ut ille prædixerat, res Malacenses pacatas, Antonium Pereriam tertium iam diem profectione parata ipsos opperientem inueniunt.

Simone Mello Malacæ præfecturam gerente, cum ibi Xauerius esset, Aceni, immanis ac bellicosa gens, celocibus fere sexaginta, noctis silentio Malacæ portum inuecti, ut onerarias, quæ in eo iactis anchoris stabant, inflammarent, atq; diriperent, Bandensem nauem iam prope ceperant, cum Lusitani qui in oppido habitant, biremibus circiter quinque raptim instructis decemq; dierum duntaxat imposito commeatu, intra decimum diem redire iussi, cōiectos in fugam pyratas ad Parlem usque amnem ducentas ab urbe leucas persequuntur. iamq; mensem totum ultra finitum sibi temporis spatium absuerant, cum interea nullus de ijs nuntius uenerat Malacam. Quin etiam complures ad explorandum lintres a præfecto dimissi, nihil omnino retulerant. Quo circa magna erat suspicio, male pugnatum esse: auxitq; suspicionem rumor a Mauris incolis dissipatus, nostros ab hostibus plane uictos ac deletos esse. Cum mæsta atque afflictæ eo metu ciuitas esset, matronæ etiam maritos ut mortuos effuse lugerent, in concionem populum Xauerius aduocat, & ad extremum, nonnullorum fidem in Christum requirens, & inconstantiam increpans: Sunt, inquit, in hoc cætu cum alij, tum mulieres quædam, quæ sortibus iactis, consultisque ueneficiis, persuasere sibi, classem nostram ab Acenis captam, maritosq; lugent. At uos fratres mei amiciq;, omni marore deposito, exhila-

exhilaramini, & gaudete uehementer : namque hodierna die fratres nostri pugnarunt, insigniq; de hostibus parta uictoria cum opimis spolijs reuertuntur ad nos. Certo die (ipsumq; notauit diem) adiuuante Domino incolumes aderunt, non plus tribus e nostris, aut quattuor in pugna desideratis. Proinde tantam uictoriam Deo gratulantes semel orationem dominicam, & salutationem angelicam recitemus, iterumq; pro ijs qui uitam in certamine profuderunt. Hec ille solita uultus orisq; serenitate cum perorasset, ingens omnium stupor & motus animi cōsequutus. tantaq; fuit de uiri sanctitate auditorum opinio, ut nemo plane dubitauerit, quin illa Xauerius diuino afflatus spiritu uere pronuntiaffet, cum nec terra nec mari nuntij eo tempore ad urbem uenissent, nec uero tam breui ex tam longinqua regione uenire potuissent. Eodem die sub uesperam in eade Mariae Virginis in cliuo, separatim ad matres familias uerba fecit, ipsum nominatim definiens diem, quo die certum de suorum incolumitate ac uictoria nuntium essent acceptura. itaque factum est. Nuntium uictores ipsi cum ingenti praeda paulo post subsequuti, nauigijs, & myoparonibus, tormentis, apparatuq; bellico, multis denique ex hostium numero captiuis adductis. Appropinquanti ad oppidum classi Xauerius una cum urbis praefecto, & reliqua multitudine ad litus obuiam prodit, signum crucifixi Christi domini tenens : descendentem ducem, ceterosque primarios gratulabundus amplectitur. In ea celebritate atque frequentia, Mellus urbis Praefectus quid paucis illis diebus de suggestu Xauerius dixerit, classarijs publice exponit. rei gesta seriem cum Xauerij uerbis ad amussim conuenire comperiunt. tantum denuo admirationis, atque admurmurationis exortum, ut aliud fere nihil per eos dies in ore sermo neque omnium uersaretur. Neque uero Malacensibus leta solum

ne prospera, sed etiam aduersa tristiaq; uaticinatus est. Attenderunt eum saepenumero quidam, cum pro concione solutos accusaret Malacensium mores, neglectamq; iustitiam, imminencia urbi mala pœnasq; deprecantem eas, quibus deinde statim Malacenses affecti sunt. Proximo quippe anno Malaca ab Iais Mauris obfessa, & agri uastati. belli cladem contagiosa ac dira morbi lues. excepit, quæ per uniuersum grassata populum, perpetuis funeribus urbem propemodum exhausit.

Idem Xauerius alias cum ad Chinceum Sinarum esset, Lusitanis, qui ibidem aderant, repente, Deum (ait) pro fratribus nostris Malacensibus deprecemur, qui ab hostibus graui obsidione cincti premuntur; uosq; ad opem laborantibus ferendam nulla interposita mora contendite. Profecti, quo in statu Xauerius dixerat, rem Malacensem offendunt. In Maluci insulis missæ sacrificium facienti aperuit Dominus, uita excessisse in Amboino insula, uico Tibi; Ioannem Darausium, Lusitanum. Conuersus igitur ad populum oblationis tempore, Ioannes, inquit, Darausius, qui erat in Amboino, extremum obiit diem: uos eum, quæso, Deo Domino commendate. mirati qui audiere, cælitus id patefactum Xauerio statuunt, cum Maluco distaret Amboinus ducēta quadraginta milia passuum, nec per eos dies quisquam terra mariue ex ijs locis uenisset. Spatio deinde interiecto dierum ferme duodecim, Ioannis Deiroi litteris cognitum est, Darausium ea ipsa hora, qua Xauerius dixerat, e uita migrasse. Rursus in Amboino dum concionaretur, auditores iussit genibus nixos orationem dominicam recitare pro Didaco Aegidio, qui Maluci eo ipso tempore animam ageret. quod ita fuisse nauibus deinde, litterisq; e Maluco rescitum est.

Sed illa præsertim laude Xauerius prestitit, animos hominum à  
uitijs



uitijs atque libidine ad uirtutem pietatemq; traducendi. Urbis uicos tintinnabulo circumiens pueros quot quot poterat, Maurosq; sexus utriusq; conuocabat in templum: ibi post Catechismum peractum, uerbis, ut poterat, e Lusitanico, Mauricoq; sermone mistis, querebat ex ijs, quis nam concubinas haberet. quibus tres uel plures esse compererat, ijs unam, miscens imperio preces, demebat, satis esse reliquas inquiring. atque ita, subducens decimo, uel uigesimo quoque die singulas, non ante desistebat, quam cunctas omnino dimitterent. Hoc ille artificio nouem circiter scorta cuidam paulatim detraxit. Quos flagitijs huiusmodi coopertos repererat, cum ijs hac ratione utebatur & uia: blande primum & familiariter compellere, nihil in uultu seueritatis, nihil asperitatis in uerbis ostendere, ultro etiam ad conuiuium semet offerre. ubi sese arcta cum ijs & iucunda familiaritate coniunxerat, tum eos, quo uellet, denique perducebat; atque ita aggrediebatur ad alios. hoc maxime modo complures pæne perditos a flagitiosa uitæ consuetudine reuocauit. ut Xauerius ab ijs, qui eum norunt, plus familiari sermone atq; colloquijs, quam publicis ad populum concionibus profecisse iudicetur.

Victu fuit cultuq; corporis tenuissimo. carnibus non fere, nisi si quando ut morem conuiuii gereret, uescebatur. totum sepe biduum ac triduum uix uno panis obolo transigebat: uino autem abstinebat maxime: cuius uas a Martino Alphonso Sosa cum alijs quibusdam donis sibi missum neque gustauit, & pauperibus cuncta distribuit, in quos ubicunque terrarum esset, quæ sibi donarentur ab alijs, erogabat. quieti id solummodo tribuebat, quod a quotidianis ex instituto muneribus otij superfuerat: uix autem horæ duæ tresue ferme supererant: nec ijs quidem plane utebatur, sed aliud agens, naturæ ipsa demum necessitate cogente cedebat somno.

Obseruarunt eum saepe de industria quidam externi, cum in cubi-  
 culum se reciperet, obfirmato semper animo precationi insistentem,  
 quoad somno oppressus, ac pæne concidens, ad saxum pro ceruica-  
 li recumberet. Christiana sacra cum Indicis insulis iam fere omni-  
 bus impertisset, summa ope sibi enitendum putauit, ut eadem in  
 amplissimam quoque illam Sinarum regionem inferret. Eam igitur  
 ob causam ex Iapone reuertit in Indiam, ut se ad hanc ex-  
 peditionem pararet. nec, quamuis multis iter illud uel dissuaden-  
 tibus, uel etiam impedire (præsertim Malacæ) conantibus, de su-  
 scepta sententia potuit dimoueri. Insula est in ora Sinarum, quam  
 Santianum appellant, a continenti passuum millibus nonaginta,  
 quo Lusitani mercatores ad negotia cum Sinis contrahenda com-  
 meant: nam Sinarum mediterranea penetrare aduenis capitale  
 est. Eo Xauerius negotij ipse quoque sui causa contendit, nullis ter-  
 roribus cedere solitus, ubi Christiana res, & animarum salus age-  
 retur. Cum Sionio quodam, ut se Cantonij portus in litore expo-  
 nat, emendicatis ad eam rem decidit aureis nummis trecentis. Sed  
 nimirum interea Xauerij laborum finis obrepserat: & qui sese in  
 medio uersari stadio rebatur adhuc, ad calcem atque ad paratam  
 uictoribus a iusto iudice coronam gloriæ peruenerat insciens. Dum  
 enim hac maxime gerit, grauissima opprimitur febris, ex qua pau-  
 cis diebus est mortuus in eiusdem insule monte quodam deserto,  
 summa rerum omnium inopia, sensibus animi ad extremum usq;  
 spiritum integris, uerba illa saepe inter mortuis uocibus iterans, Mi-  
 serere mei fili Dauid, Iesu fili Dauid miserere mei. item illa, Ma-  
 ter Dei memento mei. atque ita e mundi tempestasibus atque pro-  
 cellis ereptus, portum DEI beneficio tenuit, longe Cantonio tutio-  
 rem, quarto Nonas Decembris, anno Christiani 1552. Indicæ



uero suae peregrinationis, undecimo. Corpus humatum amictu sacerdotali, uiua calce, quod ipsemet iusserat, amici eo consilio contingunt, ut ossa nuda in Indiam deportent. Inde mense circiter tertio effodiunt: non modo non absumptum, sed etiam integris uestimentis, ea insuper auctum dote reperiunt, ut uarios efflaret odores mirae suauitatis. Ac nihilo minus in eadē calceis arca reconditū, in nauē imponunt: transuehuntq; ex eo loco Malacā summa populi ueneratione. quo ut illatū est (mirū dictū) seuiens per eos dies pestilentia in urbe, famesq; statim sedatur. Malaca deniq; (ubi menses aliquot sepultum iacuit) Goam delatū est, magno utiq; nautarū bono: quippe ex multis, certisq; naufragij periculis, artemonis malo diffractō, ipsaq; oneraria bus per imprudentiam in Syrtes inuecta, eius implorato subsidio, cuius uehebant corpus, erepti sunt. Goam aduentanti uniuersa sese obuiam effudit ciuitas, ingentiq; pompa, ac celebritate in D. Pauli templo depositum, inq; omnium conspectu locatum per aliquot dies omnium ordinum uiri fæminæq; religionis causa celebrarunt, & eo quidem concursu, ut ad arcendam ex æde multitudinem, arca inclusum terræ mandare necesse fuerit. ubi illæsum ab omnī tabe hodieq; persistens, non leui argumento indicat castimoniam uiri, ac uirginitatem, cui dant testimonium etiā ij, qui confessiones illius excipere soliti sunt. Hactenus de Xauerio, pro instituta operis breuitate, & angustijs temporis, multa: pro illius meritis ac dignitate, per pauca. Nunc quoniam eiusdem præcipue ductu, atque consilio Collegia Societatis IESV aliquot in illis partibus instituta sunt, ex quibus deinde stationibus, Euangelij causa, diuersa ac remotissima Orientis loca Socij penetrarunt; sequitur ut de singulis aliquid breuiter dicendum esse uideatur.

## GOA INSVLA ET VRBS.



Tque ut a Goensi ducatur initium, quod in Asia fundatum est omnium primum, (distat autem a Lusitania litoribus Goa, recta quidem linea leucarum duo millia, consuetu uero navigatione, circiter quattuor) cum Ioannes tertius Lusitanie rex in urbe Goa per amplas aedes, quæ D. Pauli uocatae sunt, & uectigalibus certis instructas ideo comparasset, ut in ijs aleretur proborum doctorumq; hominum copia, qui in unam barbarorum conuersionem toto pectore incumberent: Didacum quendam magnæ existimationis uirum, piumq; simul, ac litteratum uniuersæ procurationi præposuit. Is, ut primum Xauerius in ea loca delatus est, uiri institutis uitæq; ratione mirabiliter captus, factaq; ex eo de reliquis coniectura, secum ipse statuit, Societatem IESV maxime dignam esse, cui eiusmodi prouincia delegetur: totamq; rem per litteras cum Rege communicat. Rex, qui optime de eo hominum ordine iam ante sentiret, haud grauate concedit in eandem sententiam. Goanas aedes una cum instrumento, uectigalibusq; confestim Societati attribuit, idq; Collegium nouis deinceps beneficijs liberalissime cumulauit, auxitq;, non Socijs solum, sed etiam neophytis nutriendis ampla decreta pecunia. Missi eo statim concionatores, Confessarij, doctores, & ceteri ad usus domesticos necessarij. Versantur autem hoc tempore in eo contubernio (ex quo in ceteras Indiae partes identidem supplementa mittuntur) Socij amplius centum: qui cum nulli rei dent operam, nisi Christianæ fidei propaganda, tantis occupationibus distinentur, ut sæpe non nisi tres quattuorue ex omni numero domesticos intra parietes, & ij quidem uale tudine aduersa retenti, remaneant.

neant. neque uero, si multo plures eo mittantur, cunctis negotiū desit. Theologiae scholas habent, artiumq; liberalium: nec humanioribus modo litteris, uerum etiam Indicae linguae usu exercentur, quo facilius, sine interpretis opera, Euangelij promulgatio sit. Eadem opera instituiuntur etiam pueri amplius sexcenti e. diuersis regionibus oriundi, Brachmanes, Persae, Arabes, Aethiopes, Cafres, Canarij, Guzarates, Dacani, Malauares, Bengala, Canara, Pegui, Patanes, Chingole, Iai, Malai, Manancabi, Macazari, Malucij, Sionij, Mauri, Sin. e. & alij, qui quod praecelara fere indole sunt, & eorum cōtubernio praesident certi homines e Societate, magna spes est, fore, ut in terras quisque suas dimissi, Euangelium longe lateq; disseminent. Nec sane laboris est cur paeniteat. nam ex quo tempore Socij in ea loca profecti sunt, uniuersam paene Insulam Goam, finitimasq; Diuarem & Coranum ad Ecclesiam Catholicā aggregarunt. Magnumq; etiam in hac uita fructum industria suae tum saepe alias cepere, tum anno post Christum natum 1557. cum illis humanissime Constantinus Prorex bellum eo tempore comparans, tria armatorum millia, quos ijdem in urbe Goa salutari aqua perfuderant, sub signis ostendit. Militum est autem ea consuetudo atque animi pietas, ut quo die in expeditionem ituri sunt, noxam per confessionē elutis, prima luce ad sacram aedem agmine ueniant; hastisq; & sclopis ad ianuam templi religiose depositis, ubi Eucharistiae Sacramentum ordine singuli acceperint, altera ianua egressi arma sumant, seq; inde firmiores, & alacriores ad signa recipiant.

Anno uero, qui fuit a Christo nato 1560. hominum millia plus uiginti conuersa, quorum, duodecim millia & septingentos in edibus suis ijdem qui Christianis praeceptis imbuerant Socij sacro fonte lustrarunt. Mocadani tres siue praefecti, pictorum, nautarum, aurificum,

ficum, una cum domesticis Christiana religione suscepta, ad eadem sacra uitaq; institutum magnam sui quisque ordinis multitudinem perduxere. Sunt praeterea in ijs qui conuertuntur, cum alij nobiles multi Mauri paganiq; & Brachmanes Indicarū superstitionū antistites, tū uero principes ac dynastae: quo in numero fuit filia Mealis regis natione ac moribus Mauri, qui, ut in Idalcanis regnum restitueretur, ex quo fuerat exactus, Goam ad Lusitanos opis implorandae causa confugerat. Haec pueros Catechismum decantantes per urbem Societatis instituto, dedita opera saepius magna sua delectatione atque animi uoluptate cum attendisset, afflata diuinitus, parentibus quamquam inuitis ac renitentibus, Christiana sacra suscepit anno post Christi natalem 1557. Strenuus etiam in primis eques ac nobilis, cui in baptismo Alphonsi nomen fuerat inditum, hoc anno mortuus est in eo bello, quod Antonius Prorex cum Mauris Paganisq; Malauaribus habuit. Rex Tricanamalis uiuit adhuc, honorificeq; a Lusitania Rege tractatur.

Rex uero Ceilani Ioannes, etiam Vlyssipone deinde uersatus, et Societatis hospitio ibidem est usus. Atque haec de principibus, ac potentibus uiris: qui sane in Catholica fide mirabiliter stabiles, fixiq; persistunt, exemploq; ipsi suo plurimos ab erroribus in semitam ueritatis adducunt.

De Brachmanibus autem duos praecipue in medium afferam: quorum alter in amplissimo dignitatis gradu locatus, eruditionis, & Astrologiae praesertim fama praecellens, tantum sibi nomen pepererat, ut a remotissimis etiam nationibus consuleretur, multiq; ab eo noxarum absolutiones suppliciter peterent. Is tantum sua conuersione profecit, ut cum eo nemo fere ethnicus ageret, quin uictus illius rationibus cederet, seq; ad Christum adiungeret, Alter item in primis

primis insignis & locuples, quippe qui e sacerdotio quod gerebat, barbariæ illius totius decimas, atque primitias caperet: omni pecunia commodisq; Christi caussa neglectis, ceteros quotquot poterat, ad Euangelij ueritatem omni conatu atque opera perducebat: quod idem studium in alijs quoque ferme neophytis æque summis atque infimis cernitur.

Institutum est etiam eiusdem Regis Lusitanie sumptibus contubernium frequens eorum, qui catechizantur, atque hospitalis domus, in quam utriusq; sexus ægroti, magno Christianæ rei incremento, sese recipiunt. In his porro collegij domicilijs quadringenta fere capita numerantur. Atque illa etiam Christianam rem nō mediocriter adiuuant, uel quod baptismi quammaxime solenni ritu ceremoniæq; peraguntur, Proregibus atque Præfectis magna animi delectatione lætitiæq; præsentibus: uel quod Proreges neophytis habent honorem, quacunque re possunt benignissime commodant, immunitates ac priuilegia tribuunt, inclinantq; ab illis onera in barbaros, idque tum sua ipsi sponte ac iudicio, tum Regis uere Christiani mandato, tum etiam Sociorum monitis ac suasu. Quod quoniam notum in uulgus est, sic fit ut Societatem neophyti magnopere diligant, ethnici ualde reuereantur, ac timeant.

In eadem insula oppidum est insigne phanō D. Ioanni Baptistæ dicato. eius oppidi principes (Gansaras uocant) tam secundo Christianæ rei progressu conturbati, ac uehementer attoniti, in consilium de Republica ueniunt. Tres dictæ sententiæ. Prima iubebat, quoniam tanto impetu insulam uniuersam religio Christiana peruaderet, fortunis animarum saluti posthabitis, in continentem migrare. Suadebat altera, tempestatis eius transitum expectandum: id fore, cum primum Prorex Constantinus ex insula decessisset. Tum uero  
surgens

*surgens e senioribus quidam præcipua existimatione uir, Non tam nobis (inquit) de Constantini discessu, quàm de Sociorum mansione cogitandum est: quæ quandoquidem erit perpetua, nec minori apud ceteros, qui succedent Proreges auctoritate futuri sunt, commodius multo nobis utique fuerit, relictis Idolis uni Dea nos dedere, & Christiana sacra suscipere. Salutare omnibus consilium uisum. itaque tanti per eos dies ad baptismum facti concursus, ut mortales plurimos, non sine magno quidem ipsorum mæore, in aliud tempus reijcere necesse fuerit. mira est enim candidatorum in Christi sacris capeffendis alacritas. In Bati uico primarius quidam Camotis nomine, sub uesteram admonitus, ut postridie (qui dies erat sancto Ludouico Regi Gallie sacer) bene mane ad baptismum una cum suis præsto esset, Proregem ipsum affore, proinde non esse tali tẽpore somno indulgendum, ecce tibi intempesta nocte ad sacerdotis hospitium uenit, & ianuam pulsat. Sequebantur eum cognati ac necessarij omnis ætatis circiter ducenti uiri uittis tempora more patrio redimiti plumis insertis, quorum erant sclopetarij ferme triginta, mulieres auro pretiosisq; lapillis ornatæ. Ipse autem Camotis torque aureo insignis & sclopo, purpureisq; femoralibus sericis, argenteo ense ex humeris dependente, militari ornatu, in primo agmine erectus nuntiat se, uti condictum fuerat, paratum adesse cum tota familia, quoniam quidem ea nocte dormiendum non esset. Collaudata hominis uigilantia studioq; domum redire, & in lucẽ quiescere iussus, ut primum Prorex cum Episcopo Malacensi aduenit; magna omnium gratulatione gaudioq; cum suis est baptizatus. Petrus Almeida e Societate est Goæ. Is Deorum signis demoliendis, diffringendisq; mirifice delectatur. Id quoniã neophyti intelligunt, certatim in ea re magistro gratificari conantur. Cum e Bardensibus quidam*



quidam contumelijs crucem affecissent, id ubi rescire Coranenses Christiani, iniuriâ ulcisci constituunt. Nocte Bardem ingressi lapidea simulacra aliquot furto surripiunt, statimq; ad Almeidam afferunt. Laudat hilari vultu diligentiam Almeida, nec patitur quemque, prius se in simulacra manus injicere, quæ ubi ipse commi-  
 nuit, Christianos deinde iubet inspuere, pedibusq; calcare. illi im-  
 perata faciunt alacres: quin etiam iniussu, iurgia & probra inge-  
 runt, maledictisq; proscindunt, quæ tanto nuper cultu ac supersti-  
 tione uenerabantur. Idem neophyti cum a quodam e Socijs ualde  
 petijssent, ut crucem Corani defigeret, cumq; ille rem differret diu-  
 tius, quàm desiderium ipsorum pietasq; ferre posset, delubrum an-  
 tea sibi ualde religiosum irruunt, detracta materia (Crucem ip-  
 simet fabricantur, eamq; a magistro consecratam magna animi  
 uoluptate gaudioq; in uico publice statuunt. & sane idola sua, ri-  
 tusq; barbaros mirum quanto odio prosequantur. Anno quidem  
 a Virginis partu 1567. in agro Salsettano (ubi præcipue florebat  
 Brachmanica prauitas) delubra plus trecenta deturbata, & solo  
 æquata per litteras nuntiantur, sacris Dei templis eorum uice rese-  
 ctis, quorum curam gerit Societas, idque partim Proregis imperio,  
 partim etiam Fratrum Franciscanorum, & Societatis instinctu,  
 quo factò uici plane octo & quinquaginta idolis nudati, purga-  
 tiq; sunt. Gansares uero, de quibus supra meminimus, af-  
 firmabant sibi Demonem aperte dixisse, Diuus hic  
 Ioannes, qui in meo colitur phano, maior atque  
 præstantior est me: quocirca ei cede-  
 re, uosq; deferere, & in conti-  
 nentem abire cogor ex  
 Insula.



## COCINVM.



Societatis IESV Collegium aliud est in urbe Cocino, passuum ab Goa trecentis millibus, quanquam minori Sociorum numero, iisdem tamen occupationibus atque laboribus. Ac tametsi in pacatis numeratur hoc oppidum, non tamen omnino uacat insidijs. Melchior quidem Carnerius e Societate Nicenus episcopus. (nam etsi ecclesiastica honorum insignia ac titulos, atque opulenta sacerdotia legibus suis omni conatu Societas refugit, huiusmodi tamen episcopatus ac munera, quæ certos habent labores atque pericula, redditus ac uectigalia nulla, mandante Pontifice maximo recipit) is igitur cum per eos dies uersaretur Cocini, eodemque se contulisset Armenius episcopus nescio quis, dum studiose prouideret Melchior, ne Armenius Catholice fidei integritatem ac puritatem schismaticæ prauitatis labe contaminet: diuinitus factum est, quo minus improborum scelere occumberet. Emissa quippe in caput eius sagitta, transfixum pileum capite illaeso decussit. E regione Cocini, ingens insularum numerus uisitur, quas Maldiuanas appellant. Harum Rex anno post Christum natum 1551. magna cum popularium multitudine Christiana sacra suscepit. Aliæ item Cocino uicinæ insule conuerti ad Dominum ceptæ. Recentissimis uero litteris cognitum est, quattuor e Societate Goam Cocino petentes, in pyratas Mauros incidisse. Dum igitur nauæ sese ad defensionem comparant, tormentario pulueri casu ignis iniectus, nauem quæ alioquin hostibus restitisset, intestino malo consumpsit. Vectores in mare desiliunt, multiq; ex ijs, ne mergerentur, ad ipsa hostium nauigia necessario confugere. quo in numero Franciscus Lopes e Socie-

tate

tate sacerdos ex capitis tonsura a Mauris agnitus, & sollicitatus etiā atque etiam ad Christiana sacra deferenda, cum constanter in fide persisteret, latera hastili transfixus, caputq; gladio uulneratus, exiguā hanc uitā cum illa perpetua cōmutauit. alius e Socijs captus, ac deinde redemptus est. reliquis duobus quid fuerit, incertum est: eundem exitum, quem Franciscus Lopes sortiti putantur.

## D A M A N V M.

**D**amanum est castrum, de Mauris a Constantino Prorege captum. id quoniam in ipsis Lutanici imperij est finibus, ualido presidio Proreges tuentur Lusitanorum interdum mille. ibidem etiam e Societate nonnulli magno cum rei Christiane adiumento uersantur. Sunt autem Lusitani milites tāta pietate ac religione, atq; ita bene de Societate sentiunt, ut nunquā fere in expeditionem exeant, (exeunt autem sepe) quin ex ijs aliquem secum adducant, qui confessiones ipsorum excipiat, Crucisq; uexillum ferens tempestiuus eos in ipso certamine cohortationibus animet. Quae sane officia Socij magnis corporis uexationibus, periculisq; mercantur: atque id ipsum alijs quoque in regionibus, cum se se offert occasio, quanquā in tanto capitis discrimine, non tamen sine celesti quadam animi uoluptate & gaudio, faciunt. Simul etiam in Damanensi agro Mauri aliqui ad cultum Christi domini perduntur: in ijs illustri loco nata mulier Mauro marito coniūcta, qui Damani quondā Praefectus fuerat, ingenti suorum admiratione a Mauricis erroribus ad Christi ueritatē trāsīit, neq; a suscepta uiteratione suorum artificijs, ac blandimentis deduci ulla ratione potuit. Barochēsis reguli ad eā legatus uenit. mariti rogatus; nec Lusitanus

C prefe-

praefectus, fretus constantia mulieris, aditum illi negauit. Maurus mulieris fidem oppugnare aggressus, cum una Lusitanus praefectus, & mariti cubicularius, & e Societate unus adessent; nonnulla primum de muliere percontari, deinde nobilitatē generis, mariti splendorem, diuitias, opes in memoriā reuocare. Illa uero non modo manus non dat, sed ne responso quidem dignatur legatum: namque a magistro iam ante prae-monita, quasi aliud agens, preces quas didicerat, interim recitare, seq̃ signo Crucis cepit munire. quod simul atq̃ Mauri uiderunt, Crucem auersati, ex templo se inde proripiunt, ardentescq̃ dolore discedunt. eadem animi uirtute, ac robore, matris quoque ab se repulit insidiosas preces: quae cum ad eam adisset, multisq̃ blanditijs ad Mauricās leges reducere conaretur: Satius (inquit filia) fuerit, si alteram sororem tecum adduxeris, & Christiana sacra ambae susceperitis. sin minus, neque ego te posthac matrem, nec uero tu me filiā dixeris. his uerbis auditis, anus abiit mœrens, nec unquam postea redijt. Et sane conuersio Maurorum eo plaris estimanda est, quo difficilius a suis ritibus, prauisq̃ opinionibus abducuntur.

## COLANVM.



Tem Colani, quod oppidum abest ab urbe Goa triginta ferme dierum nauigatione, Societatis domicilium est, ex quo cum in cetera loca finitima, tum praecipue in orā Tranancorensem excurrūt. qua in ora ante quattuor annos, quinque & uiginti numerabantur Christianorum uici, & in ijs nonnulli sane quā celebres: quibus, cū Societas adeo latē dispersis, propter paucitatem suam cunctis adesse non possit, ex incolarum numero (sunt autem Christiani ueteres & honesti uiri permulti, habentq̃ inter se

more

more Europeo Sodalitia rite instituta, quas uulgo *Confratrias* dicimus) ex incolis igitur Christianis probata uirrite deligunt, quos templis tuendis, tradendoq; plebi patria lingua quotidie Catechismo, præficient. quas tamen Domini uineas ipsi etiam Socij ex interuallu quàm sepiissime possunt, reuisunt. Et quoniam usu compertum est, tenera ingenia quanto facilius, quàm robusta ac iam confirmata, Christianis præceptis ac moribus informentur; Colani quoque ut Goa, & Malacca, pueris præsertim erudiendis inuigilant.

Allatum est nuper Trauancoris Regè, pace inter ipsum & Lusitanos Sociorum opera in perpetuum facta, eo beneficio ita deuinctum fuisse, non modo ut neophytos uexare desierit, sed etiam templum, quo ad sacra conueniant, suo ipse sumptu ex ædificandum curauerit: multis præterea principum discordijs toto regno tollendis tantam ab illis gratiam Socios inuisse, ut magna spes sit, totam eam regionem in pio demonum cultu deposito, in Christi fidem esse uenturam.

## ORA COMORINENSIS.

**D**E Comorini promontorio, deq; toto eo tractu iam diximus. quo Franciscus Xauerus cum ex urbe Goa se contulisset anno post uirginis partum 1542. ea sparsu fidei catholica semina, ut uberrimam deinde tulerint animarum frugem, nunquam enim ab eo colendo agro Societas postea destitit. idque tanto cum rei Christianæ incremento, ut cum summa Christianorum multiplicetur quotannis, certus eorum numerus hoc tempore tradi non possit. Anno quidem Christi nati 1554. censa dicuntur Christianorū capitum centum uiginti quattuor millia. anno autem 1555. centum triginta millia, porro, litteris anni 1565. C ij cognitum

cognitum est, Comorinenses Christianos, & Goenses, & ex montana regione Cocini plus trecentorum millium summam in uniuersum efficere: ex quo tempore ad eum numerum millia deinceps multa accesserunt. quorum pars maxima atque optima Comorinensium est, adeo spectatae uirtutis hominum, ut cum Europæis Christianis si minus antiquitate; constantia quidem certe, simplicitate fidei, ac religione certent. Punicalenses quidem Neophyti, cum ob suscepta Christiana sacra a tyrannis finitimis uexarentur assidue, e sedibus patrijs ad alia loca migrare, quàm Christum deferere maluerunt. ei migrationi cum Proregis Lusitani iussu præessent quidam e Societate, anno post Christum natum 1560. inmanis tyrannus Badagaa cum equitum peditumq; plus viginti millibus, & magno elephantorum numero subito superueniens, uix spatiū Christianis reliquit, se in naues cum uxoribus liberisq; recipiendi. Cum Lusitanis quanquam imparatis leuia quædam fuere certamina. Ioannes uero Mesquita e Socijs unus, septem octonue plagis affectus est magnis & grauib; inde omnibus uestimentis præter intimam tunicam & femoralia exutus, summa corporis uexatione captiuus auehitur. idemq; rursus in ipsa, qua asportabatur biremi, in capite uulneratus, & fuste percussus, semianimis in mare prolabitur, atque inde magno labore uiuus extractus, ubi peruenit ad Regem, in carcerem truditur, custodibus multis appositis. ingens quippe ex eo redemptionis pretium (quod iam e uulneribus conualuerat) animo & spe deuorauerat Rex. In ipso autem carcere pessime acceptus est. catena primum ferrea in collum iniecta, non plus laxa quàm palmum. quo factum est, ut sanguinis multum e naribus funderet. alia item catena femora ac tibia colligantur: crasse adduntur compedes. denique mortis & equulei insuper accedunt

accedunt minæ. Sed ex ijs incommodis omnibus absque ullo pretio paucos post dies diuina ope est ereptus. Comes autem ipsius, cum eius tumultus initio, manus hostium nando effugisset; alius deinde captus a barbaris, paulum absuit, quin occideretur. cuidam præterea Socio districtum gladium dynasta barbarus intentauit. Alius, quod impiam delubri ædificationem impediret, ethnicus eius ædificationis curator, illum occidere uoluit, haud tamen impune: paucos enim ipse post dies repentina morte sublatus est.

Alius etiam in ijsdem regionibus sustibus cæsus, rursusq; per amicitie simulationem aureis diuenditus mille & ducentis. Franciscus uero Henricus, & Balthasar Nunnes a barbaris capti ambo, ac pæne perempti, alter etiam in ferrea uincla coniectus est religatis ad pedes manibus, membrisq; adeo intumescantibus, ut ex eo morbo aliquot deinceps dies admodum laborauerit.

In eadem regione Ceilanum est insula, ubi res ad Dei gloriam contigit sane memorabilis. Reguli cuiusdam filius natu maximus, quod Christiana sacra suscipere statuisset, patris iussu necatus est. quem Lusitanus quidam Christiano more sepelijt, tali obita morte martyrem certum existimans. Lusitani iudiciũ DEVS illustri testimonio comprobauit. Si quidem eius nutu factum est, ut quæ principis corpus humatum erat, in Crucis figuram terra fatisceret; quæ bis barbarorum opera glebis oppleta, iterum atque iterum in eundem hiatum est resoluta. aiunt etiã per eos dies Crucẽ ignei coloris uisam in cælo. quibus miraculis commota magna hominũ uis ad CHRISTVM accessit, quorum multi Regis immanitate eandem martyrij coronam adepti sunt. In eo numero fuisset alius quoq; Regis filius, itemq; sororis filius, ad quem regni hereditas pertinebat (sororis enim, nõ Regis ipsius filios succedere in regnis Cei-



lani mors est) horum igitur uterque ad Christum propensus, Regis imperio mactatus esset; nisi eos presenti periculo Regis soror mature exemisset. ambos enim ad se uocatos recenti adhuc miraculo, interrogat; uelint ne fieri Christiani. cum se utique uelle dixissent, cum Lusitano transigit mulier eodem ipso, qui demortui principis funus curauerat, ut eos quam occultissime Goam usque perducatur. quo ut uenire, fidei preceptis imbuti baptizatiq, magnum pietatis ac religionis specimen praeuere. Hos imitatus regius quidam prefectus, & alij decem nobiles uiri, uxoribus, liberis, bonis denique omnibus sponte relictis, magno suo incommodo, corporisq, defatigatione passuum amplius sexcetera millia terrestri itinere emensi, Goam baptismi causa cum uenissent, Catechismo instituti, sacroq, fonte lustrati sunt. id accidit anno Christi nati 1545.

## SOCOTORA INSVLA.

**S**ocotora est insula in faucibus Mecani freti, duodecimo in septentrionem gradu. distat ab urbe Goa in occidentem leucas trecentas & sexaginta: porro quinquaginta colligit ambitus: infelix regio & sterilis, ac ualde montosa, incolis infrequens, iisque partim Mauris, partim etiam Christianis, qui a Diuo Thoma cognominantur, propterea quod Euangelium ipse in ea loca primus inuexit. Complures Iudaicos ritus, ac caeremonias retinent. gallinam aut quamlibet auem manu contingere, nedum gustare, est religio. statos habent ieiuniorum dies, quibus carne populus abstinet, sacerdotes uero etiam lacte & butyro, quo maxime cibi genere uescitur uulgus. palmarum succo duntaxat ac pomis eo tempore uictitant. Lingua cognitu difficillima, nec ullum



lum habet cum Arabica Aethiopicâue commercium. Litterarum usus apud eos nullus omnino. Maurum habent Xeguem, siue perfectum, qui ab incolis ualde timetur, tamen si neminē ui ad Maurica sacra compellit. Ita porro de se magnifice sentiunt, ut nullam aut terram, aut uitæ rationem, sua uel meliorem, uel beatiorē existiment. ad quos e Societate duo, rei Christianæ caussa profecti cum essent, sēna statim febris in summa egestate, ac solitudine uterque correptus, alter etiam extinctus est.

### BAZAINVM VRBS.



Ec Bazaini, Societatis Collegium deest, eiusdem Lusitanie Regis beneficentia constitutum. Ibi tum iuuentute humanioribus litteris excolenda, tum ceteris omnibus ad Christum uocandis præclare admodum opera ponitur. nam & adolescentes quam egregia sint indole atq; ingenio præditi, uel unus Brachmanis primarij filius declarauit, annos circiter septemdecim natus: qui cum iam litterarum Indicarum duo genera uel tria teneret, Arithmeticaeq; peritissimus esset suæ; litteras nostras & legere & scribere mensis unius spatio perdidicit; nunc autem Arithmeticæ nostræ uacabat: idem pietatis ac religionis laude ita præstās ut reliquos ipse ad uirtutem atque officium hortaretur.

### TANAA OPPIDVM.



Tanaa est oppidum a Bazaino passuum millia sexdecim, ubi etiam Socij aliquot ingentem Christianorum numerum partum ab se, tuentur, atque augent. Ad eos uenit e remota continentis regione senex, annum, ut uidebatur, agens prope octogesimum, ita deformatus & squallidus, adeo torrida cu-

te & strigosa, ut anachoretam referret pellibus camelinis indutum. Is ades Sociorum ingressus, ait uelle se fieri Christianum. edisserit illi ex ijs quidā pro captu hominis summam articulos fidei, deinde querit, optetne ex animo Christianus esse. Cui senex: Atqui nullā (inquit) aliam ob causam hucusque contendi. Crede igitur (inquit Socius) sistitq̃ eum ad sacratissimę uirginis, puerum IESVM inter ulnas habentis, imaginē pictam in tabula. quam senex ut uidit, summa animi iucunditate ilico amplecti, puerum IESVM uenerabundus exosculari, tum uehementer petere, ut nulla interposita mora baptizaretur: etatem suam ne unum quidem præterea diem recipere. postridie igitur baptizatus, prima luce insequenti migravit ad Dominum. Multi etiam pueri ac puellę de barbaris parentibus empti, quos ipsi parentes alioqui Mauris uenditare solent, ad Christi familiā aggregantur. quorū aliqui e uita discedunt, IESVM in extremo spiritu pronuntiantes. unus ex ijs, denarijs tribus & semis, alius sesquidenario stetit, ut hinc satis appareat, quā sint incōprehensibilia Dei iudicia.

In eadem Tanaati mansione, magna puerorum manus partim litteris instituitur, & Christianę doctrinę præceptis, partim etiā uarijs in usus hominum artibus atque opificijs: alij quippe calceariam, alij uestiariam sutrinam, alij textrinam, alij ferrariam fabricā exercent, nocteq̃ se in ades Collegij quietis & cibi causa cum receperunt, Catechismū ac Litanijs alternantibus choris religiose admodum concinunt. Sunt etiam qui agro colendo dent operam: ij gauspini induti per hyemem in opus exeūt ad Trinitatis uicū tria passuum millia ab urbe distantē, quo in agro batem (frugis nomē id est qua fere uictitant) ceparū in modum ferunt, capita singula manibus collocātes, ingenti sane labore: qua opera simul & ipsi agriculturam

ram addiscunt, & ceteros incolas Christianos artifices interim adiuuant, ut cum maturum deinde fuerit, ipsorum agricolarum filius in matrimonium ducant. Appellatur autem hic Trinitatis vicus, propterea quod in eo campo delubrum in primis celebre, quod operis magnificentia & elegātia, eius regionis delubra, quę multā ac perampla sunt, omnia superabat; a Socij's area coempta expiatum, & sanctissimę Trinitati dicatum est. Campus autem iuxta phanum ipsum a Christianis incolitur operarijs, quos ijdem Socij conuersos ad Dominū maxima ex parte pauperes in ea prædia deduxerunt, omnibus ad uictum cultumq; necessarijs rebus benignitate Lusitanie Regis instructos. nam & uestimenta ipsis, uxoribus, liberisq; & oryza in cibum cum opus est, & adserendum semina & boues cum aratris affatim præbentur ex amplo ædificio ad rem pecuariā instituto, pastoribus etiam adhibitis, qui armenta curent. Ex eo edificio educta mane bouum iuga quotquot ei sunt opus, Christianus qui libet (quinquaginta enim aluntur ibidem & eo amplius) perfectō opere in tectum idem reducit.

Empti sunt etiam fundi quidā e quibus annui capiuntur aurei nummi fere treceti, quę pecunię summa partim in uiduas erogatur, & orbos orbasq; quibus quotidianus labor in uictum haud sufficit, egrotosq; pauperes & Catechumenos interea dum erudiuntur, partim etiam ijs qui reddendo soluendoq; sunt, mutuo commodatur. Caprarum præterea greges earumq; custodes aluntur, casa exeatata unde patres familias suam quisque lactis portionem quotidie filioli petant, cuius toto anno copia suppetit: binos quippe ternosue quot annis hædos fere singulę pariunt. Iam uero fruges spatiosus ager large suppeditat, ut nihil omnino ad sustentandam uitam illis deesse uideatur. Sunt autem omnes & boni coloni, & boni uiri. itaq;

mores

mores eorum barbari ualde suspiciunt. Christianæ fidei mysteria præceptionesq; assidua magistrorum diligentia exercitati callent egregie. quotidie ad signum Angelicæ salutationis cuncti conueniunt, & sane pie Christianæ doctrinæ elementa uiri sæminaq; pronuntiant. quinetiam in syluis, pueri, & e summis palmarum arboribus uiri exaudiuntur præcepta Decalogi decantantes. Atque iccirco etiam minus grauate, quanquam in summis occupationibus, non plus quattuor aut quinque Socij totum illud rei familiaris negotium, ceteroqui ab eorum instituto ualde alienum, sustinent, quod per eam occasionem Ecclesia Domini in annos non mediocriter crescit. Iam uero ex ipsis unus Chirurgi quoque munere fungitur, curatq; DEO adiuuante ulcera & apostemata æque aspectu horribilia, ac genere ipso periculosa.

In medio Trinitatis uico horti sunt in communem usum, ualde spatiosi, & irrigui, perpetua saliente, multis uitibus, ficibus, medicis malis, & plantis alijs consiti.

Tanaates autem incolæ etiã ipsi multiplicantur in dies. ij quod maritimis copijs adiuuantur, ydemq; uel opificijs uel agriculturæ satis impigre dediti sunt, propterea nec lactis, nec publici pecoris tantus apud illos est usus. illud sedulo curatur, ut in uirtute ac pietate proficiant. Semel profestis diebus, festis uero bis etiam, Catechismus illis exponitur. habent etiam supplicationes ualde religiosas, candidatis pueris carmina sacra psallentibus: quo in genere ij pueri adeo excellunt, ut ad celebriores supplicationes Bazainum euocentur. ydem elata ad sepulturã fidelium cadauera cū psalmodia funebri prosequuntur Cruce prælati: nam feretrũ ipsum gestant Christiani quattuor, solenni Misericordiæ sodalitiij ornatu. quæ funeris ceremonia & Christianis & ipsis ethnicis uehementer probatur.

Denique

Denique circa Bazainum urbem ad passuum triginta circiter millia Socij castella regia inuisunt, magno & Lusitanorum bozo, quos in officio ac pietate corroborant; & barbarorum, quos ab erroribus atque superstitionibus ad cultum Christi perducunt.

## HORMUTIVM INSULA ET VRBS.

**H**ormutium est insula in sinu Persico, urbem eiusdem nominis continens. Ea quod uel propter inquilinorum coluuiem mistam e uarijs nationibus ethnicis, Mauris, Iudaeisq; Christianorum qui morantur ibidem, fidei sinceraeq; religioni ualde periculosa, uel propter nimium solis ardorem aestusq; grauissimos, humanis corporibus est uehementer infesta; iccirco ibi fere semper aliqui e Societate uersari soliti sunt per interualla sibi inuicem succedentes, ut cum rei Christianae, quoad fieri potest, sine intermissione prospicerent, tum etiam eadem siue incommoda, siue merita ad plures sui ordinis homines pertinerent. Iisdem Socij cum opus fuit, classiumque in expeditionem educerentur sese comites praeuere, ut naualis turbae ac propugnatorum animas curarent simul & corpora. quo in officio, uitam Alexius Dias posuit in eo bello, quod aduersus Turcas superioribus annis est gestum. Alius uero, quo tempore Hormutium obsidebatur a barbaris, cum neophytos ex eo periculo ad Mogastanem oppidum haud longe ab urbe positum ingenti labore traduceret, uarias agere personas coactus est, Ducis, parentis, magistri pro discipulis semper ad mortem parati; ea cum ab hostibus pericula, tum ab incendijs caeliq; ipsius intemperie & corruptione imminebant. Verum ut ad res Hormutianas reuertar, primus in eam urbem e Societate Gaspar uenit;

ortus in Belgis, moresq; hominum plane solutos ac perditos summa adhibita diligentia breui magna ex parte correxit. furta, fœnora, cōtractus nefarios sustulit ita multos, ut ex fraudata pecunia nummi aurei plus uicies mille in publicum redacti collocandis in matrimonio legitimo cōpluribus fœminis ad honestatem a flagitioso questu traductis, opportuno sane subsidio fuerint. Idem in tractandis hominum ingenijs tanta dexteritate fuit, ut neminem fere grauib; uitij laborantem curare sit aggressus, quin ad sanitatē DEO adiuuante perduxerit. Quendam, cum alia ratione non posset, mercede ac pretio a turpi uita consuetudine reuocauit, emendicatis ad eam rem aureis ferme uiginti: tanta enim summa cum illo transegerat. Alium uero cum ad sacram confessionem frustra sepe cohortatus fuisset, domum artificiose perductum, apud se tam diu continuit, quoad ille confessionem rite serioq; perageret; magno utiq; Dei beneficio: paratam quippe nauem habebat, quam, simul atque expiatus est, conscendit extemplo, paucosq; post dies cum hostibus nauali prælio dimicans cecidit.

Iam uero, æstate media, caloribus maximis, quo anni tempore Hormutij aqua collo tenus merse uulgo homines iacent, Gaspar singulis hebdomadis bis ter uē cōcionari, cum Iudeis, Mauris, ethnicisq; de religione concertare atque differere, quæstiones de officijs, quos casus conscientie appellant, publice explicare, Catechismum pueris Maurisq; uicatim ære campano coactis quotidie exponere, discordias atque inimicitias tollere, mulierculas e cœno flagitiorū extrahere, ualeudinaria inuisere, ægrotisq; sedulo ministrare, quieti non plus quam tres horas, ferme tribuere. Accedebat ad hasce tam uarias & assiduas occupationes ingens præterea peccata confitentium uis, ut ægroti cuiuspiam agentis animam lectulo interdum assidens,



ſi idens, ſimul & illum in extremo certamine confirmaret, & u-  
 entis alterius confeſſionem uno eodemq; tempore exciperet. Idem,  
 ſpatio pæne bimeſtri, dum contra hoſtes claſſis inſtruitur, mili-  
 tum confeſſionibus audiendis ita diſtentiſ eſt, ut ad ſomnum una  
 dumtaxat hora ſuper-eſſet, ipſumq; biduum nullo cibo traduceret.  
 res difficillimas eximio fidei Chriſtiane tuende ſtudio ardoreq; per-  
 rupit. Maurorum cantica, ſacrilegaſq; uociferationes non modo  
 compreſſit, ſed etiam ex Alcorano (ita enim incolæ Mahometis  
 phanum appellat) quod aiunt fuiſſe Hormutij celeberrimum om-  
 nium, eiecit ac ſuſtulit contra omnium ſpem, ui tumultuq; nullo,  
 Crucibus tantum ſex cum agmine pſallentium puerorum in Alco-  
 rano deſixis. quare Mauri uſque adeo perterriti fractiq; ſunt, ut  
 deſerto confeſſim phano diſfugerint. Barbari etiam multi a diaboli  
 ſeruitute in Chriſti libertatem aſſerti. in ijs Iogues ſeu heremita,  
 cuius erat ea ſanctitatis fama, ut qua pedes lauifſet, aquam Rex  
 ipſe Hormutij religionis cauſſa biberet. Et ſane præſtanti erat in-  
 genio uir, inſolitiq; uifis quibuſdam diuinitus ad Chriſtiana ſa-  
 cra pæne compulſus uidetur fuiſſe.

Baptizate ſunt etiam a Gaſpare ſæmina duæ, Maura, ma-  
 ter & filia, claro in primis genere, locoq; nata, e Zeidenſi familia  
 Mahometicæ ſtirpis. Idem ſacrificio miſſæ adoleſcentem quendam  
 pæne deſunctum à morte reuocauit. Alienata mente

mulierem & a dæmone obſeſſam, diui Ioan-  
 nis Euangelio rite corpori ipſius  
 impoſito, libera-  
 uit.



## ÆTHIOPIA.



**C**laudius Æthiopiæ Rex, professione Christianus ille quidem, sed a Catholico grege seiunctus atque schismaticus, cum ad Ioannem Lusitaniæ regem litteras dedisset, in quibus erat, uelle se omnino ad Catholicæ Ecclesiæ sacrosanctæ gremium redire, & in Romani Pontificis potestate esse; ab Rege se petere, ut cum eodem Romano Pontifice de reconciliatione ageret; rem Ioannes suscepit, & primum a Iulio Tertio; mox, eo per id tempus demortuo, a Paulo Quarto, qui in Pontificatû successerat, impetravit, ut Ioannis ipsius sumptu aliqui ex Europa in Æthiopiam cum mandatis atque auctoritate Apostolica mitterentur. Declaratus Æthiopiæ Patriarcha Ioannes Nunnes e Societate spectata uitæ sanctimonia uir, cum Socijs multis profectus e Lusitania anno Christi nati, circiter 1556. Goam incolentibus tenuit, ibique antequam captam iter perageret, excessit e uita, Suffectus in eius locum e Societate Andreas Oniedus episcopus, quem ille Goæ ad Claudium cum quattuor aut quinque comitibus iam ante premiserat. quibus tamen Rex ille ceteroqui non illiberalem se prebuit, promissa tamen fidemq; Regi Lusitaniæ datam minime præstitit: cuius perfidiæ pœnas ab eo uidetur exegisse Dominus: paucis enim post Andree aduentum diebus, ab hostibus uictus atque peremptus est. Rex inde creatus Adamas Claudij frater, desertor olim fidei Christianæ, uir immanis, ac ferus, & Apostolicæ sedis hostis acerrimus, Patriarcham in uincla coniectum, semestri spatio atque eo amplius male habuit: quippe quem uinctum secum in castra bellumq; raptauit, comites etiam Andree

*Andreas contumeliose tractauit, uiuosq; igne se concrematurum esse  
 minatus est. populares uero suos, qui ueritati Catholicae fauere uide-  
 bantur, uarijs pœnis affecit. A Turcis denique, quorum arma  
 Aethiopes ipsi rebelles in regnum ascuerant, ingenti accepta cla-  
 de fusus atque fugatus est. Socij cum Patriarcha ab hostibus ca-  
 pti, quod ipsum per ea bella quater iam ante contigerat, crudeli-  
 terq; direpti, semel etiam igne in hospitium iniecto, magnum adie-  
 re discrimen. Nec iam Andreas quicquam reliquum, ne uestis  
 quidem erat, qua personam pontificiam tueretur. nec uinum tan-  
 tum in sacrificia decrat (nam uites ibi fere non seruntur) sed et  
 charta ipsa ad scribendum. Declarant id litteræ ad Lusitaniæ Re-  
 gem ab ipso datæ schedula non plus digitali magnitudine, e uetusto  
 (ut uidetur) aliquo commentario excerpta. Tosto dumtaxat hor-  
 deo uesciebantur, tanta demum inopia premi rerum omnium cæpti  
 sunt, ut ad uitam tolerandam, ne ex ijs locis re prorsus infecta di-  
 scederent, bobus & aratro quasitis terram suis ipsi manibus cole-  
 rent. Nec tamen in tot tantisq; difficultatibus nihil omnino profe-  
 ctum est. Initio quidem certe, concertationes de fide ac religione  
 cum litteratis habite, multorum confessiones audite, complures  
 etiam celesti Eucharistiæ conuiuio excepti. Cognitum est præterea  
 ex Abbate quodam magnæ auctoritatis uiro, qui per eos dies Ca-  
 tholicam fidem receperat, plurimos idem esse facturos, si Lusita-  
 norum exercitus, qui præsidio illis esse possit, in ea loca mittatur.  
 Recentibus uero ex Aethiopia nuntijs spes etiam meliorum rerum  
 affertur, cui ne desit Andreas omnia experiri constituit. Labor  
 autem ipsius & perseverantia alijs quoque multis de Christo bene-  
 merendi materiam præbuit. Missi quippe ad statum ipsius explo-  
 randum ex India Lusitani sexdecim, a Turcis occisi: alij deinde  
 uulnerati*

uulnerati captiq̃, in ijs quidam e Societate Fulgentius Frerics ad fi-  
nes Arabia in fretomaris rubri a Turcis oppressus multis acceptis  
uulneribus catenatus Macuam in seruitutem abductus est, addi-  
ctusq̃, triremibus: quem Socij deinde, Regis Lusitaniæ benignita-  
te ab hostibus redemerunt, cum in seruitute Christianos fecisset  
sex, e quibus tres continuo e seculi ærumnis ad gaudia migraue-  
re cælestia.

## INHABANES, ET MANOMOTAPA.



Nno Christi nati ineunte 1560. Cōsaluus Silueria Lu-  
sitanus cum Socijs duobus, Goā discessit in regna quæ di-  
cuntur Inhambanis & Manomotapæ, Sofalam inter  
& Mosambicum, in extimis Africæ oris ad Bonæ spei promon-  
torium posita; ut nationibus illis Euangelium nunciaret, quod con-  
cionatorum inopia nunquam probe cognouerant. Regio utique au-  
ro abundat, sed care admodum emitur, ea locorum insalubritas  
ac pestilentia, ea rerum ad uictum ac ualitudinem pertinentium  
est difficultas. Faseoli quippe & oryza præcipuo sunt in honore  
mensarum. Itaq̃, ut primum Inhambanem attigere, in morbum  
incidere ita grauem, ut Consaluus omnium natura ualentissimus,  
oculorum acie uehementer hebetata fractisq̃ uiribus, propemodum  
extinctus sit. Vbi paulo melius habere cæperunt, ad urbem regiam  
Tongen iter intendunt; ibiq̃, Regem una cum uxore, sorore, liberis,  
cognatis, regniq̃ proceribus, populo denique pæne toto intra paucos  
dies magna omnium gratulatione atque letitia sacro fonte lustra-  
runt. Rex Constantini, Regina Catherinæ, soror Elisabethæ nomē  
assumpsit. Inde Consaluus Manomotapam ire pergit, Socijs apud  
Regem

Regem relictis, qui statim ad eam assumptioni *MARIAE* uirgini sacram ex aedificandam curarunt: quorum alter cum ex imbecillitate corporis, cœli intemperiem diutius ferre non posset, redire in Indiam est coactus: alter, *Andreas Ferdinandus* nomine, amplius biennium in iisdem locis, quanquam graui iam etate, uersatus est. Et quoniam non modo regio infelix, & maxime sterilis, sed etiam incolæ, quos uulgo *Casras* appellant, inhumani & meribus asperi, ac monitorum impatientes fere sunt; *Andreas* & morbo frequenter implicitus, & fame graui sæpe uexatus, in populis erudiendis colendisq; multas minas & contumelias pertulit, magnumq; cum alias adiit uitę discrimen, tum quibusdā præsertim diebus, cum *Casres* armati se ad ludos & sacra nefaria comparassent. cui spectaculo cum *Rex* ipse affuturus esset, cognita re *Andreas* eo se contulit, ardensq; amore Domini, ingens edidit facinus: apparatus omnem sacrorum suis ipse manibus ita disturbauit, atque dissoluit, ut pedibus etiam proculcaret. Dum hæc ab *Andrea* geruntur, interea *Consaluus Mosambico* insula superata, *Lusitanis* circiter sex comitantibus, oram biremi legens, ad *Mafuta* fluuij ostium, leucas nonaginta a *Mozambico* processerat, cum atrox adeo repente coorta tempestas, ut magnam aque uim acciperet nauis, omnesq; de se actum iam prorsus putarent, in genua procumbente *Consaluo*, manibusq; & oculis sublatis in cœlum suppliciter deprecante, sedatur atque comprimitur. Inde exscensione facta, die qui fuit *Diuo Hieronymo* sacer, plicatilis ara in ipso litore ad sacrificium exstruitur, ita uehementi *Solis* ardore, ut calceati *Lusitani*, ipsius quā pedibus calcabāt terrę calorē ferre uix possent; *Consaluo* autē inter sacrificandū ex toto capite pufule erumperent: quas cum ad curandas medicamenta suppetere,

## DE REBUS INDICIS

praclaro sui ipsius odio incensus cuncta repudiavit, scq; naturae dum  
 taxat sanandū permisit, ac tempori. Triduum ibi morati, pergunt  
 tranquillo mari ad Colimanē fluvium. ibiq; rursus aduerso uento re-  
 pente uexati, & in ipso flumio subeundo ualde periclitati, ad Min-  
 goxanem Giloe regem amicum Lusitanorum contendunt, ab  
 eoq; benigne ac liberaliter accepti, facta etiam promulgandi Euan-  
 gelij potestate, quod Rex tametsi Mauris, Mahometicos tamen ri-  
 tus superstitionesq; negligeret, & religionē Christianā toto suo regno  
 disseminari magnopere cuperet: diutius tamē ibi non substiterant,  
 quod ad Manomotapae Regem festinarent, quo ad Christū adiun-  
 cto, finitimos reges longe uiribus atque auctoritate inferiores facile  
 ad eadem sacra perducī posse confiderent. Ex eo loco ad amnem  
 ingentem Cuamam tendunt, leucas a Sofala triginta, ubi rursus  
 periculosa procella in Lindem proximum sinum compulsi, trede-  
 cim dies steterunt: quoddam uero aetuarium, quod a Mozam-  
 bico eos ceperat comitari, cum se ab ijs disiunxisset, postridie pe-  
 riit. A Linde cum ad Cuamam peruentum esset, in ipso introi-  
 tu fluminis re diuina peracta Consalius a Lusitanis comitibus pe-  
 tiit primum, ut quoniam fines Manomotapae ingredi incipe-  
 rent, totum legationis suae negotium Domino suppliciter commen-  
 dare ne grauariantur: deinde ut qui boniq; facerent, si reliqua to-  
 ta nauigatione se, ut precibus uacaret, ab eorum conspectu atque  
 consuetudine remouisset: in rebus praesertim grauioribus consulto  
 potissimum Deo exoratoq; opus esse. tum iubet in certa nauigij par-  
 te circa se praetendi cortinam, ibiq; octiduo ipso deliuit, cum se-  
 mel tantum quotidie tosti ciceris pugillo, & exiguae haustu frigidae  
 sese reficeret, & quicquid a precatione supererat temporis, in euol-  
 uendo libro consumeret, qui scriptas sanctorum continebat uitas.

Octauo igitur die, cum ad Senam ( qui terminus navigationis erat ) uenissent, uicum sane frequentem; ibi descensum est, nuntiusq; a Consaluo ad Regem de suo aduentu in intima regni missus. a quo dum responsum expectat, interim Christianos aliquos inquilinos a peccatis per confessionem absolutos, a turpi concubinarum consuetudine ad sacras nuptias legitimasq; traduxit, catechismum publice docuit, & e Lusitanorum seruitijs ibidem capita fere quingenta baptismo lustrauit. Regem etiam Inhamioris, Regis Manomotape stipendiarium, tribus passuum millibus a uico Sena, cum aliquoties adisset, cohortationibus suis ita permouerat, ut se una cum uxore & liberis quos habebat octo, libentissime Christianum fore profiteretur. Sed Consaluus, partim quod non habebat quem apud illum catechismi causa relinqueret, partim etiam ne Manomotape Regis animum offenderet, si prius stipendario ipsius quam ipsi Christiana sacra impertisset, Inhamioris regem ut potuit consolatus hortatusq;, ut ipse cum suis Dei bonitate fretus in suscepto consilio permaneret; totam rem in tempus aliud distulit. Iamq; alter mensis effluxerat, cum Antonius Caiadus Lusitanus, qui morabatur in urbe Regia Manomotapa, Legatus a Rege ad Consaluum aduenit Manomotapam perducendum. Consaluus sacrorum ornatu cum sacro lapide & calice in sarcinam colligato, sublatoq; in humeros, se in uiam dedit. Cum ad fluuios uentum erat, qui multi in ea regione sunt, si quidem uado superari possent, quamuis ad iugulum usque pertingerent, transibat, elata manibus seu capite sarcina: sin minus, uasi ligneo impositum peramplo Consaluum, natantes ipsi propellentesq; traieciabant Cafres. sub noctem natalem Domini ad Chetichin pagum haud longe a Manomotapa uentum est, factumq; cor sacrum



*summa Lusitanorum animi uoluptate. Inde Natalium feriarum octaua, cum urbem Manomotapam introissent, misit confestim Rex qui Consaluum cum muneribus uiseret, auri pondere ingenti, bobusq; permultis, & famulatu ad ministeria quotidiana: quippe qui de Lusitanis mercatoribus iam ante cognouerat, Consaluum non modo uitæ sanctitate uirtuteq; præstantem, sed etiam generis claritate ac nomine in primis esse conspicuum. Consaluus gratijs affectis, muneribusq; repudiatis, ex ipso legato Regem cogniturum esse respondit, quod genus auri, quas se diuitias quasiturus in ea loca uenisset. Obstupuit ea animi magnitudine Rex, uenientemq; ad se deinde Consaluum tanta gratulatione & significatione honoris excepit; quanta neminem unquam antea. Nam & in ipsa penetralia, quo nulli est aditus, introduxit; & assidente matre, considerare Consaluum etiam in tapete iussit, Antonioq; Caiado e conclauis ianua interprete adhibito, Rex quattuor continuo sciscitatur, quot faminas, quid auri, prædiorum, bouum denique uellet, quos incolæ non minoris quam aurum ipsum æstimare dicuntur. Cum nihil se præter ipsum Regem respondisset optare, conuersus ad interpretem inquit Rex, Profecto necesse est, qui nihil horum accipiat quæ a ceteris tantopere adamantur, longo interuallo a reliquis distare mortalibus: & nihilo minus ad extremum multa benigne pollicitus, amantissimis uerbis Consaluum domum remisit. Ubi dum ille manere rem facit diuinam, e principibus quidam prætereuntes cum e foribus aspexissent in ara propositam perelegantem **MARIAE** sacratissimæ Virginis imaginem, quam in tabula depictam ex India Consaluus aduexerat, specie decepti ad Regem deferunt, Consaluum egregia forma puellâ apud se habere hortantur ut ab illo deposcat. Haud surdis auribus dicta. Misit ille confestim, qui  
 Consaluo*



Consaluo renuntiaret, audisse se, illum uxorem secum adduxisse, uehementer cupere, ut eam sibi sisteret. Tum Consaluus tabulā pretiosa ueste inuolutam ad Regem affert. Cuius desiderium quo magis exacuat, antequam tabulam detegat, præfatur illam esse effigiem matris Dei, cuius in ditione ac potestate sint omnes Reges, & Imperatores orbis terræ totius, tum denique tabulam aperit, Regis quoque matre præsentē. Rex imaginem ueneratus, Consaluum etiam atque etiam obsecrat, ut eam sibi largiatur, domi habere se uelle. Libenter uero Consaluus annuit: quin etiam ipsemet in regio cubiculo collocat, ibidemq; quasi sacellum quoddam precandi caussa peristromatis pretiosis exornat. Narrant qui inde uenere Lusitani, notibus deinceps circiter quinque, Reginam calorū ea ipsa specie quam tabula ostenderet, diuina circumfusa luce, suauiq; splendore fulgentem augustissimo simul ac iucundissimo aspectu, dormitanti Regi astitisse. quod ille mane matri narrabat, rei nouitate uehementer attonitus, itemq; Lusitanis, qui rem statim Consaluo renuntiabant. Postremo Rex Consaluum ipsum accersit, ait se mirum in modum angi, quod sermonem Reginæ eius quæ secum singulis noctibus loqueretur, non intelligeret. Cui Consaluus cum eam esse linguam diuinam dixisset, quam nemo nosset, nisi qui sacrosanctis eius Reginæ filij legibus pareret, quippe qui *DEVS* esset, generisq; totius humani redemptor; Rex in præsentia quidem, si minus uerbis, uultu certe ac significatione se Christianum uelle fieri ostendit: bidui deinde spatio interiecto, per Antonium Caiadum Consaluo aperte denuntiat, certum esse sibi matrique Christiana sacra suscipere: proinde ad se baptizandum quamprimum ueniret: Consaluo tamen dies aliquot supersedere satius uisum, dum Rex Christianæ fidei præ-

ceptis ac rudimentis imbuitur. quibus, cum satis iam operam dedisse uideretur, quinto circiter & uigesimo post aduentum suum die Consalvus Regem simul & matrem non sine solenni pompa & gratulatione baptizat. Regi, Sebastiani: matri, Mariae nomen est inditum. Eo ipso die Rex Consaluo, quoniam aurum respueret, boues centum donauit: ille ad Antonium Caiadum misit mactandos, ut in frustra dissecti distribuerentur in pauperes. Quam eius liberalitatem ac beneficentiam populus ingenti admiratione probauit atque suspexit. Regem imitati trecenti ferme e regni proceribus, Christo sese pariter addixere. Nunquam a Consalui latere discedebant. adferebantur etiam dona Consaluo lac, oua, butyrum, hædi, aliaq; id genus, quæ ille nec aliud genus carnis omnino gustabat; cocto dumtaxat milio quodam exiguo, herbisq; & syluestribus fructibus uictitans. Iamq; spectata uitæ morumq; sanctimonia studioq; salutis humanæ, tantam sibi summorum infimorumq; beneuolentiam conciliauerat, tantosq; in omnium animis motus effecerat, ut in Christianam religionem uniuersa multitudo uideretur incumbere; cum a Mauris quattuor potentibus & callidis uiris, & apud Regem gratiosis, ipsdemq; ueneficis, demonis instinctu Consaluo parantur insidiæ. Auctor conspirationis fuit Mosambicanus Minguames Mauricæ superstitionis antistes, siue, ut ipsi appellant, Cacicius. ij Regi partim coram ipsi, partim per idoneum internuntium ualde sibi dolere demonstrant, quod tantum in capitis regniq; discrimen ultro se ipse demiserit. Consaluum, cui tantum fidei & honoris habeat, missu Proregis Indiæ, terræq; Sophalæ regulorum, ad explorandum Regis statum, sollicitandosq; ad defectionem popularium animos aduenisse, ut motibus excitatis ipsi deinde infesto exercitu subsequi,

quiti, Regem opprimant. Addunt insuper fabulosa portenta, Consaluum ueneficum esse teterrimum omnium & sagacissimum, uaria ueneficia ac medicamenta secum attulisse ad incolarum animos occupandos, Regemq; mactandum. quicumque caput suum aqua perfundi paterentur, conceptis praesertim uerbis Langariorum (sic enim Lusitanos uocant) a Consaluo pronunciatis, confestim uolentes nolentes in eius potestatem uenire: id ipsum alibi contigisse. proinde uideret etiam atque etiam Rex quo progresseretur, cui se suaq; crederet. Si Consaluum abire permittat incolumem, fore ut ciues mutuis inter se caedibus amentes atque lymphati miserandum in modum grassentur atque concurrant. His alijsq; id genus mendacijs onerato Regi, adolescenti praesertim, ac matri, facile persuasum est, ut Consaluum primo quoque tempore interficiendum curarent. Nec dum ea consilia eruperant, clandestinis agitata colloquijs; cum ad Antonium Caiadum Consaluus, Haud ignaro (inquit) mihi, nec imparato, mors instat ab Rege. Caiado autem ita incredibilis uisa res, ut subridens prorsus negaret. iamq; dies aduenerat necis, uel uitae potius, qui dies natalis erat idem D. Susannae Virginis martyrisq;: Consaluus ab Antonio magnopere petit, ut Lusitanos duos tresue ad se confestim accersat. Confessionem (inquit) illorum tuamq; simul excipere, & sacra Eucharistia hodierno die reficere uos omnino constitui: nec enim postea potero. Hos ille dum absentes euocat, Consaluus ad meridiem usque praestolatus, cum non adessent, consecratas consumpsit hostias duas, factisq; eodem die Christianis circiter quinquaginta, uestem ijs ad corporis cultum, rosaria ad precandum diuisit. Lusitanos uero sub uesperam redeuntes, confessionis Sacramento, quoniam Eucha-

ceptis ac rudimentis imbuatur. quibus, cum satis iam operam dedisse uideretur, quinto circiter & uigesimo post aduentum suum die Consalvus Regem simul & matrem non sine solenni pompa & gratulatione baptizat. Regi, Sebastiani: matri, Maria nomen est inditum. Eo ipso die Rex Consaluo, quoniam aurum respueret, boues centum donauit: ille ad Antonium Caiadum misit mactandos, ut in frustra dissecti distribuerentur in pauperes. Quam eius liberalitatem ac beneficentiam populus ingenti admiratione probauit atque suspexit. Regem imitati trecenti ferme e regni proceribus, Christo sese pariter addixere. Nunquam a Consalui latere discedebant. adferebantur etiam dona Consaluo lac, oua, butyrum, hædi, aliaq; id genus, quæ ille nec aliud genus carnis omnino gustabat; cocto dumtaxat milio quodam exiguo, herbisq;, & syluestribus fructibus uictitans. Iamq; spectata uitæ morumq; sanctimonia studioq; salutis humane, tantam sibi summorum infimorumq; beneuolentiam conciliauerat, tantosq; in omnium animis motus effecerat, ut in Christianam religionem uniuersa multitudo uideretur incumbere; cum a Mauris quattuor potentibus & callidis uiris, & apud Regem gratiosis, ipsdemq; ueneficis, demonis instinctu Consaluo parantur insidiæ. Auctor conspirationis fuit Mosambicanus Minguames Mauricæ superstitionis antistes, siue, ut ipsi appellant, Cacicius. ij Regi partim coram ipsi, partim per idoneum internuntium ualde sibi dolere demonstrant, quòd tantum in capitis regniq; discrimen ultro se ipse demiserit. Consaluum, cui tantum fidei & honoris habeat, missi Proregis Indiæ, terræq; Sophalæ regulorum, ad explorandum Regis statum, sollicitandosq; ad defectionem popularium animos aduenisse, ut motibus excitatis ipsi deinde infesto exercitu subsequi,

quiti, Regem opprimant. Addunt insuper fabulosa portenta, Consaluum ueneficum esse teterrimum omnium & sagacissimum, uaria ueneficia ac medicamenta secum attulisse ad incolarum animos occupandos, Regemq; mactandum. quicumque caput suum aqua perfundi paterentur, conceptis praesertim uerbis Langariorum (sic enim Lusitanos uocant) a Consaluo pronunciatis, confestim uolentes nolentes in eius potestatem uenire: id ipsum alibi contigisse. proinde uideret etiam atque etiam Rex quo progresseretur, cui se suaq; crederet. Si Consaluum abire permittat incolumem, fore ut ciues mutuis inter se caedibus amentes atque lymphati miserandum in modum grassentur atque concurrant. His alijsq; id genus mendacijs onerato Regi, adolescenti praesertim, ac matri, facile persuasum est, ut Consaluum primo quoque tempore interficiendum curarent. Nec dum ea consilia eruperant, clandestinis agitata colloquijs; cum ad Antonium Caiadum Consaluus, Haud ignaro (inquit) mihi, nec imparato, mors instat ab Rege. Caiado autem ita incredibilis uisa res, ut subridens prorsus negaret. iamq; dies aduenerat necis, uel uitae potius, qui dies natalis erat idem D. Susanna Virginis martyrisq;: Consaluus ab Antonio magnopere petit, ut Lusitanos duos tresue ad se confestim accersat. Confessionem (inquit) illorum tuamq; simul excipere, & sacra Eucharistia hodierno die reficere uos omnino constitui: nec enim postea potero. Hos ille dum absentes euocat, Consaluus ad meridiem usque praestolatus, cum non adessent, consecratas consumpsit hostias duas, factisq; eodem die Christianis circiter quinquaginta, uestem ijs ad corporis cultum, rosaria ad precandum diuisit. Lusitanos uero sub uesperam redeuntes, confessionis Sacramento, quoniam Eucha-

ristie non licebat, purgatos, mira uultus hilaritate animiq; tranquillitate animabat inscios quid Consalvus conditum haberet in animo. Iisdem sacrorum apparatus dat in aedes Antonij deferendum: ipse lintheatis cum effigie Crucifixi, domi remansit, reuertentiq; rursus Caiado, pectus hominis manu leniter apprehendens, Antoni Caiade (inquit) profecto paratior ad mortem obeundam ego sum, quam ipsimet inimici ad inferendam: Regi autem ac matri libenter ignosco: Maurorum quippe artificijs ac dolis inducti sunt. Hac ille serena facie atque hilaricum dixisset, Antonius ab eo digressus, tametsi uix fieri posse putabat, ut Rex tam nefario scelere sese obstringeret; tamen, quoniam ex recenti quodam sermone, eius animum exulceratum, contra quam existimasset, offenderat; famulos duos ad Consaluum custodiendum ea nocte misit, a quibus ea que sequuntur, accepta sunt: Consaluum, cum secus hospitium in area ad multam noctem, quasi corporis custodia exire gestiensi mora nimis longa uideretur, ita citatis gressibus ambulasset, oculis semper intentis in caelum, manibus modo sublatis ad sidera, modo Crucis in figuram extensis, ducens ex intimo corde suspiria; suum denique tugurium subiisse, habitaq; coram Christi simulacro oratione, quod unum solatium illi supererat, in arundineum stratum decubuisse, & in somnum incidisse iustorum: id enim ex insidijs conspicati satellites octo circiter, ilico irrumpunt: in ijs barbarus nobilis nomine Mocrumes, qui saepe cum Consaluo conuiuium inierat, iacentis pectus opprimit insidens: arreptum inde pedibus brachijsq; humo tollunt alij quattuor: sublato collo, reliqui duo funem iniiciunt, quo utrinque adducto, Consalvus expressam ex ore naribusq; magnam sanguinis copiam effudit, & spiritum simul



mul DEO Dominoreddidit. Tum uero CHRISTI simulacro sacrilegis manibus comminuto, defuncti corpus recte ligatum, attractumq; interfectores in præterfluentem Monsengessem deijciunt, ne uidelicet (quod Mauri confinxerant) cadauer ipsum tam malefici hominis sub dio relictum ueneni sui tabe cunctos inficeret. Hunc habuit exitum pia Consalui legatio: quo sublato, Rex eadem sauitia percitus Christianos pariter quinquaginta, quos ille extremo die suo pepererat Domino, magistri donis exutos iubet occidi. Id simul atque cognitum est, regni procures, quos Encoses uocant, rei atrocitate permoti consensu conueniunt Regem, & aiunt: Si hominibus hisce mors iccirco debetur, quod aquam infundi capitibus suis a Consaluo permiserint; eadem & omnium nostrum, & uero tua quoque causa Rex est, omnibus uno eodemq; letho occumbendum. Qua denuntiatione repressus Regis furor cum aliquantulum resedisset, eum biduo post Lusitani quoque adeunt, docent quàm graui scelere sese obligauerit: terrores insuper addunt, non Deum modo indignam innocentissimi uiri necem debitis pœnis, sed etiam homines ipsos nobilissimi, bello atque armis ulturos. Ad ea Rex diligenter excusare sese, culpam in suosores impulsoresq; reijcere, magnum perpetrati facinoris dolorem ostendere, denique ut factis uerba consentiant, e quattuor consiliarijs duos confestim interficit: nam reliqui duo, quorum alter fuit princeps nefarij consilij Minguames, rem odorati, mature diffugerant, qui tamen quod summa diligentia conquirebantur, nequaquàm euasuri potentissimi Regis manus existimabantur. Hisce rebus perlati in Indiã, Antonius Quadrius ei prouinciæ pro Societate ppositus, id ipsum uehementer optate Prorege, idoneã nauigadi tepestatẽ expectabat, ut Socios aliquot Manomotapã mitteret



teret ad cepta promouenda, quæ felicem omnino progressum habitu  
ra sperabant, eius Ecclesiæ fundamentis tam innocenti castoq; san-  
guine positis.

## MALACA.

**I**N urbe Malaca (quæ in Orientem distat ab Goa mensu  
ferme quattuor navigatione) inter Mauros ethnicosq; po-  
sita, (auream Chersonesum antiquis aiunt fuisse) Societa-  
tis item Collegium Regis Lusitaniæ sumptibus alitur, iisdē & iuuen-  
tutis instituendæ, & promulgandæ Euangelij muneribus occupatū.  
Baptizatus est præter ceteros nuper barbarus quidam insignis uir no-  
mine Bandara, tunc ethnicis dicendo præpositus. is multos e suis, ip-  
sumq; filium una secum ad baptismum adduxit, qui Christiana ru-  
dimenta sane breui ac feliciter didicit. Conuersus est etiam superio-  
ribus annis Iudeus quidam, qui ab ipsa urbe Roma eo usque conten-  
derat, in primis eruditus, multis concertationibus de religione cum  
Socijs habitis.

## MALUCI REGIO.

**I**N Malucensi regione complures insule numerantur:  
quarum quæ Ternates uocatur, habet ipsa quoque Colle-  
gium frequens, ex quo in omnes illas prouincias operarij  
dimittuntur: quorum industria quam plurimi ad Christum acces-  
sere. In ijs Bazani insulæ Regulus, Regis Maluci gener anno  
1558. Mauricis sacris desertis Christiana suscepit, ipse, fraterq;  
eius, sorores tres, & spuria una cum matre filia, affines præterea &  
cognati, & nobilitas uniuersa. Idem finitimas insulas cum uno e  
Socijs circumijt ipsemet omnium ordinum uiros, ac feminas, ipsaq;  
seruitia

seruitia in Domini rete compellens. quorum longe maior utique numerus fuisset, nisi periculoso morbo Socius oppressus, Ternatem inde uiginti leucarum itinere se necessario recepisset. Agebat Rex eo tēpore annum quintum circiter & uigesimum, & oris dignitate, & corporis agilitate conspicuus. nostratem, si paulo candidiori esset colore, dixisses. Baptismo magna ipsius ac suorum gratulatione peracto, Sacerdos noster paulo post rem diuinam fecit, cui tanta cum attentione cuncti affuerunt, ac tanta religione sacram Eucharistiā supplices adorarunt, ut nequaquam tyrones uiderētur in fide. Confestim etiam Mahometis phanum dirutū est. eae res in oppido Maluco audite Lusitanis & ceteris Christianis ingentem letitiam attulerunt; quae tum solenni supplicatione, tum bellicorum tormentorū dissplosione declarata est; Mauris contra tantum dolorem inussere, ut castrum Ternatis Christianorum oppugnare confestim aggressi fuerint. sed frustra. nam & Lusitani, qui in praesidio erant, egregie se defenderunt; & rex ipse Bazani, offensionem soceri minime ueritus, obsessis Lusitanis non semel subsidio uenit. Anno uero circiter 1561. Amboinensibus quoque Christianis contra Mauros opem tulit, Deo ualde propitio: classe quippe sex dumtaxat Caracorum profectus (genus nauigiorum id est) cum ad expugnandū quoddam hostium oppidum descendisset, pæne ex insidijs oppressus a Mauris, qui eodem Caracoris quadraginta deuenierant, paucos admodum e suis amisit. Comitē expeditionis unum e Societate habuerat, cuius brachium in eo praelio sclopi icūtu uulneratum est.

Varijs praeterea temporibus ad Christum adiuncti sunt e principibus, Elisabetha Regum Maluci Tidorisq, soror, fæmina prudens, atque una omnium quotquot in ijs erant insulis Maurorum, iuris Mahometici peritissima, quae Francisci Xauerij disputatione uicta,

uicta, simul & in Christiana religione ita confirmata est, ut exemplo suo ceteris ad uirtutem atque ad officium præluceret, filij quoque ipsius, itemq; Tidorensis regis cognati sex, e quibus unus dynasta magna, apud Regem auctoritate, in Tidorensi bello contra Lusitanos exercitum duxerat, is regem quoque ipsum ad ecclesiam propediem perducturus existimabatur. Accessit ad hos magna sua cum animi uoluptate atque letitia, Selebum quoque rex ipse, multiq; ex eius regni proceribus. Reges item Manadensium (quæ gens in primis bellicosa ac strenua totius eius regionis putatur) & Sianorum, item regis Bengaiensium filius, & uniuersa pæne Cauripana nobilitas. Nam cetera multitudo tanto undique studio certatim ad baptismum accurrit, ut Didaco Magalianio ex Societate eas insulas peragranti, ex oppidis sese obuiam mira alacritate descendenti ad litus effunderent, baptismum sibi liberisq; suppliciter postulantes. quorum optimis studijs cum propter paucitatem Sociorum responderi non potest, tum propter assiduos Maurorum finitimorum impetus & insidias, qui Christianæ religionis progressum omni ope impedire conantur. Iisdem in regionibus Alphonsus Castrius e Sociorum numero Lusitanus, cum annum iam undecimum eam prouinciã summo labore administraret, gloriosam utique pro Domino mortẽ Maurorum scelere oppetijt, anno post Christum natum 1558. Cum enim eo tempore Maluci Tyrannus Christianorum hostis acerrimus Ternatẽ obsideret, ubi captus a Lusitanis pater eius in custodia detinebatur, Alphonsus ex insulis Mauri Irim insulã Ternati proximam nauim petens, a nautis Mauris in Tyranni gratiam omnibus primum uestimentis exuitur: deinde pedes eius manusq; crasso fune colligantur. dies quinque ita uinctus in nauigio crudeliter habitus, atque inde ad collum eius graui admodũ arboris uiridi trunco

ad instar iugi deligato, nudus exiguo tantū uelo femoribus obductis sub dio constituitur, ibiq; interdiu noctuq; relinquatur natura imbecillus, celiq; iniurijs quanquam leuibus, uehementer obnoxius: tunc aut magna corporis uexatione & cruciatu multorū dierum spatio ibidē detentus prope nullo cibo, cū uiuus iam custodiri posse nō uideretur, ne suo periret letho, uiolentas manus illi inferre Mauri decernunt. Ille brachijs ad tergū reuinctis per asperas cautes aliquandiu ductus, appropinquante iam exitu uitæ, ad terrā sponte procumbit, lignoq; sibi subiecto, quod suspensum e collo gerebat, a Mauris ense conficitur. Corpus ab illis in mare proiectum, tertio post die repertum ibidē unde proiecerant, insolito quodam radians fulgore, uulneribusq; ita recentibus, ut si ea tunc accepisset. quæ res eo admirabilior uisa, quod æstus maris eo loco, fluminis instar est rapidissimus. Eius uiri mors ipsis quoque barbaris regibus dolori fuit. magna enim erat apud oēs nomen eius in admiratione. Regem quidem Geiloli Maurum, grauemq; Christianorum aduersarium, de Alphonsi exitu atq; animi fortitudine uerbis honorificis differentem ad eos qui aderant inter cetera ferunt dixisse: Quid simile nostri Cacitij? Nec uero Dominus tam iniustā necem, ne in hoc quidē seculo inultā reliquit. quippe ab Iris insula præfecto ac magistratibus pro certo cognitum est, paucis diebus omnes non modo parricidas illos, sed etiam parricidarum propinquos uario ac miserabili mortis genere periisse. namq; alij sædissimis toto corpore pustulis enascentibus paulatim excoriati horribiliter ululantes igne sacro consumpti sunt: alij tormentis in bello discerpti: denique is etiam, qui abreptum Alphonsi uendiderat calicem, membris mirandum in modum intumescentibus, uitam finijt. quos aiunt, sublati ad sydera manibus, tum denique diuinum auxilium supplices implorasse,

## REGIO MAURI.



*U*tra Ternatem leucas, 60. regio Mauri cernitur diuisa bifariam; altera pars in continenti est, & Morotia dicitur, octo Christianorum loca complectens: altera Morotai nominatur, constatq; duabus insulis, quarum in una minore uici Christianorum tres anno post Christum natum 1552. in altera maiore, octodecim uisebantur. Christianorum porro capitū numerus erat quinque & triginta millium: qui ex eo tempore maiorem in modum multiplicatus est. anno quippe 1563. Christianorum uici sex & triginta fuisse dicuntur, & in ijs aliqui familiarum ferme octingentarum, anno uero 66. ad septem circiter & quadraginta: qui nullos habent pastores magistrōsue, nisi e Societate, cuius in ea prouincia non sine magnis assiduīsq; laboribus, atque periculis in summa egestate uersatur industria.

## AMBOINI INSULAE.



*A*D Maluci prouinciā Amboini quoque terra sicut i Mauri pertinet, abestq; Ternate leucas 80. Malaca autem (ex quo loco nauigantibus Malucarum insularum prima Amboinus occurrit) trecentas & quinquaginta. Christianorum pagi erant in ea septem dumtaxat anno 1545. cum Frācisus Xauerus eo se contulit: Sociorum deinde opera factum est, ut anno 1562. plus triginta numerarentur. anno uero 63. Christianorum plus decem millia facta: quo ipso tempore Socij ad alia oppida duo baptismo lustranda profectionem parabant, incolarum circiter quadra-

quadraginta millium. Vni eorum Lucebata nomen est, cuius principes ad ceteros in proposito continendos iam baptizauerant. In eadem insula est insigne oppidum Recaniue Maurorum: ij a Mahometis cultu ad Christiana sacra conuersi, cum alijs uitijs, tum illo precipue purgati sunt: multas habebant singuli uxores, qui quidē per diuitias poterant. nam in Amboino uetus erat consuetudo puellas a parentibus in uxores dote persoluta coemere: id quoniam pauci poterant, duplex inde sequebatur incommodum; ut & diuites multis nuptijs per libidinem miscerentur, & pauperes uel calibem uitam agere, uel quas alij respuissent, in matrimonium ipsi ducere cogerentur. Hic mos quanquam infimis pro uirili adiuuantibus, resistentibus tamen uis summa potentioribus, magna Sociorum contentione sublatu est.

### SOLOR, MACAZAR &c.



Macazaris ampla regio leucas 300. abest Malaca, & spatij tantundē occupat ambitu. felix admodum terra, auriq; ferax & sandali, & aquilani cuiusdam ligni odorati, pigmentiq; eius quod lacre uulgo appellatur, cuius tum ad pingendū, tum ad obsignandū usus egregius: ita quippe materie subiecta adherescit, ut inde nulla rōne possit nec auelli, nec elui. Seruitijs multis, & omni copiarū genere abundat. Inde Malucū dierū octo, Amboinum uero ferme quatrīdus est cursus. Primus in ea sese publice ad Christum adiunxit una cum uxore ac liberis alijsq; compluribus Rex Supanorum, gener imperatoris cuiusdam opulentissimi, qui mediterranea plage illius incolit loca, urbemq; precipue Sedenrem maximam ac celeberrimam. hæc in plano sita, carnibus, piscibus



piscibus, fructibusq; est referta. lacus est proximus multis nauigationibus frequens, copiosis urbibus undique cinctus, cuius longitudo leucas uiginti, latitudo quinque circiter colligit, plenus uarij generis piscium. ex eo effluens amnis, per mediterranea triginta dierum iter emensus in mare sese effundit ad urbem oriētis Maluum, cuius ora aiunt regem in primis potentem dominari, qui Lusitanorum amicitiam uehementer expetat. Alia est regio eodem Macazaris nomine, sed inferior. regem habebat cum alijs multis Christianum: cui demortuo successit ethnicus frater, quem tamen aiunt cum suis omnibus uelle fieri Christianum. Huic finitimus est rex alius itē Christianus, eius propinquus, qui doctores Euangelij apud se habere percipit: atq; id ipsum ij populi fere uniuersi, cum alijs rationibus, tum uero miraculi cuiusdam nouitate permoti. cum enim Franciscus Nunnes Lusitanus nauarchus in ea loca uenisset, membris ita debilitatis, ut non nisi furculis innixus ingredi posset; ope diuina repente conualuit, Crucemq; religionis caussa defixit, ex qua eius rei monumentum furculas suspendit.

Solor autem, gradus octo cum tribus quadrantibus in meridiem obtinens, leucas a Malaca distat trecentas. ualde salubris est regio. multa circa sunt oppida. Christianos uero habet complures, quos ibidem Lusitani ipsi negotiatores aduenæ faciunt.

Anno quidem circiter 1559. Lusitanus quidam merciononij causa cum eo uenisset, Regem cum uxore ac regni proceribus baptizauit, ac deinde mortuus est. Rex autem cum Socios per litteras inuitatos propter eorum penuriam ad se uenire nō posse cognouisset, fratris ipse filium regem designatum Malacam ad ipsorum Collegij rectorem cum mandatis misit, ut quoniam magistros ad se populumq; docendum legare non posset; heredem saltem hunc suum in  
adibus

adibus Collegij Christianæ fidei præceptis ac doctrinæ institutum, ad se deinde remitteret, qui doctoris apud eos populos munere fungeretur. Huic Laurētij nomen inditum est, & ut præstanti erat ingenio, precandi formulas, & catechismum breui tempore didicit. Insinuat uero se in eam insulam Mahometica etiam prauitas. anno quippe Christi nati 1559. tres quattuorue Cacitij ex oppidis Calécuc & Bengala profecti, Meschitam Maurico more habere iam ceperant, barbarosq; multos eiusdem superstitionis infecerant labe, dum Christiani desunt, qui errantibus rectum salutis ac ueritatis iter ostendant. Magno tamen labore Malacenses Socij effecere, ut Cacitiorum princeps ex ijs locis pelleretur in Indiam.

E regione Soloris ad tria millia passuum, permagna cernitur insula habitatoribus frequentissima, aliasq; habet uicinas. nullus ibi deorum cultus, delubra erant nulla. itaque illata Christiana sacra ita auide arrepta, ut rex cum omnibus optimatibus, alijsq; præterea ducentis in urbe regia Labonama baptismum susceperit, & concionatores pastoresq; uehementer efflagitet ad ceteram multitudinē instituendam, ac baptizandam.

Ne Timorenses quidem insulani ab Solore leucis minus quadraginta disiuncti, religionem aut superstitionem habent ullam: gens totius eius tractus maxime rudis. Solorem Timoremq; Malacca petentibus terræ Iae regnum occurrit nomine Panaruca, quod ethnicorum est uniuersum. ij multis Maurorum bellis uexati, ut impia Mahometis sacra susciperent, obfirmato semper animo resistunt. iidem Lusitanis admodum sese amicos demonstrant, profitenturque palam, se nullam nisi Christianam religionem, legemq; Euangelicam accepturos. & sane uix dici potest, gentes ille pæne omnes, Mauris ferme exceptis, Christianam fidem quan-

topere sitiant. Cambaianum regnum amplum ac celebre, compluribus ibi a Dominicano quodam fratre, qui aliquandiu apud eos fuit, baptismo lustratis, Evangelicos ministros postulare non desinunt. eodem studio ac desiderio tenentur Macazarenfes, Amboinenfes, Morotiani, Morotaienses, Bazanenses, Papuani, Bengaiani, Selebes, Siani, Cauripani, Bolanenses, Manady, Tidorenses, & uniuerſi pæne Malucenses, Manomotapani, Inhamiorenſes, Giloani, Aethiopes, Ceilanij, Trauancorenſes, alieq; plurimę nondum bene cognite, uel exploratę nationes atque prouincię.

Insulam quidem aiunt eſſe leucarum circiter ducentarum, e regione Amboini, quo cum Luſitani aquationis cauſſa deſcendiſſent; ab incolis ui prope retenti, & tum quidem capitum quattuor millia, deinde rursus amplius duo millia baptizare coacti ſunt: atque inde abiere, quod miſerandum in primis eſt, una tantum elata Cruce, magiſtro ibi nullo relicto. Nec ſane, cum in Chriſtiana fide amplectenda ij fere quos diximus, populi faciles alacresq; tum uero in exercenda uel in retinenda ſegnes infirmęue magna ex parte cernuntur. Multi aduerſa uale tudine, ac præſertim febri uexati, ad templum confugiunt ſtatim, & aqua piaculari ſeu benedicta, quę datur a Socijs opera ut nunquam deſit, epota, eadẽ ipſa hora ſanantur. Idem uirtutis expertę remedium Diuarenſibus eſt contra uenenatos ſerpentium ictus. Bazanius neophytus quidam, cum filij eius duo baptiſmo luſtrati conſeſtim in febrim grauiſſimam inciſiſſent, una cum uxore ad ſacerdotem e Societate expoſtulatũ acceſſit. Sacerdos malitia dæmonis cognita, quę it ex ijs, putarent ne filios ob Chriſtiana ſacra ſuſcepta periclitari. Annuentes iuſſit piacularis aquę paululum bibendum laborantibus dare: ſanos ſtatim futuros.

futuros. Neque fefellere promissa. hausta quippe aqua, eodem temporis uestigio discussa febris ac fugata, magna & parentem gratulatione & sacerdotis letitia sanus uterque surrexit. atque in ijs regionibus eiusmodi multa sæpe contingunt. Atiuensem uero populum recens ab impietate reuocatum, illa etiam res ualde roborauit in fide, quod cum antea infantes lethalibus uesiculis erumpentibus uulgo perirent, postquam eo Christiana sacra illata sunt, dirā luem illam magna sua cum admiratione sedatam uiderunt. In Amboino autem insula, cum diuturna siccitate ualde laboraretur, ex neophytis quædam mulieres ad uetustiore Christianam accedunt, rogantes quæ ratione placare Dominum precibus, & pluuiam salutarem exposcere debeant. Crux erat a Francisco Xauerio, in litore posita. ad eam mulierculas illa perducit. Cruce ramis uirētib; exornata, solo scopis diligēter purgato, nixæ omnes genibus, Tu (inquiūt) Domine, qui quibus indigeant rebus homines, quos tua ipse morte & cruciatibus redemisti, scis optime, da nobis aquam; Christianæ sumus. Mirum dictū. Sereno tunc cælo, coactæ momento nubes, tantam repente uim imbrium profudere, ut mulieres in Christiana religione magnopere confirmatæ potentiā Dei prædicare non desinerent, factaq; manu, deturbatum e phano simulacrum, a quo nuper tanquam Deo pluuiam supplices petere consueuerant, multis probris ac iurgiis laceratum atque conscissum raptantes, in profluentem denique consensu proiecerint.

In pago quodam Socij templum exstruxerant. id Mauri cum audissent, incolis renuntiari iubent, sibi certum esse, uel rerum suarum periculo exstructum apud ipsos templum incendere: continuoq; bellici apparatus rumorem de industria dissipant. ijs terroribus ad Christianos perlatis, sacram eadem lateribus suis

E ij oppositis

oppositis defendere omnino constituunt. idque tanto omnium ardore, ut ipsi pueri puellæq; cōmuni consilio uim saxorū iaculādī caussa separatim uterque sexus in loca opportuna congereret.

Sed eo periculo, cum Mauri consilium mutassent, diuina ope liberati sunt. Vlate est eiusdem regionis uicus, qui quod in conspectu Maurorum est positus, habetq; trecentos incolas qui armis uti possint, assiduis pæne bellis implicitus est. Vnus e Socijs trimestri spatio apud eos uersatus, narrat, eo tempore toto, quotidianis prælijs cum hoste certatum, ijsque Dei beneficio & Vlatensium pietate, fere secundis. ut enim uiri in pugnam exierant; pueri signum Crucis ibi collocatum religiose petentes, positis genibus, percutientes pectora, manusq; tollentes in calum, diuinam misericordiam, idque sæpe iniussu, supplices implorabant. quo in numero erant, qui uix adhuc eloqui possent. Fæminæ quoque detractos sibi lapillos & margaritas ad Crucem Deo offerentes, aiebant, Hæc omnia tua sunt Domine: tu nobis ea dedisti: noli hoc oppidum perire pati, Maurosq; tuos inimicos, rerum nostrarum potiri. Quid mirum, huiusmodi fultos præsidij Vlatenses, superiores fuisse? ijdē inīta aliquando pugna, cū e recenti pluuiā tormentarij puluis igni resistēs repente sclopos inutiles reddidisset; consternati animo, atq; ope humana diffisi, cum ab hostibus admodum urgerentur, multi gladijs & scutis humi depositis manus tollentes in calum, nixiq; genibus, Respice nos (inquiunt) Domine Christianos, & pro tuo nomine præliantes: fer opem: ne nos tua clementia deserat. Haud incassum missæ preces. nulla accepta illatæ clade, contra omnium opinionem exercitus uterque diuersi in patriam reuerrere. Et ea sane gens esse dicitur miti admodum ingenio, & minime contumax, ac natura ad omne officium ac uirtutem propensa. itaque

sa. itaque magistros etiam eximio quodā amore prosequitur.

*Alij eiusdem tractus pagani, e quibus nonnulli baptizati iam fuerant, cum infesta sibi Maurorum arma ob id ipsum imminere sensissent, e Socijs euocarunt, qui populum uniuersum baptismo lustraret, quod Christiani potius uitam sponte profundere, quā Mahometani libertatem retinere decreuissent. itaque duorum mensiu spatio plus octingenti catechismo instituti, & sacro fonte abluti sunt. Alij multi eiusdem orae Christiani, a Mauris, in quorū ditione habitabant, ad Mahometica sacrilegia sollicitati, patrijs fundis, edibusq; relictis, cum uniuersa familia in Christianorū loca migrarunt.*

*Quilanenses autem, cum in montis iugo, unius religionis caussa obfessi a Mauris tenerentur, nullis unquam periculis aut minis ad deditionem potuere perducī.*

*Nec minor fuit Homanorum in fide constantia, qui cum oppugnati ab Regis Maluci copijs aliquādiu fortiter restitissent, cum iam hostium impetum ac multitudinem sustinere non possent, trecentis pactolis, qui mille circiter aurei nummi sunt, transegere, ut Christianam religionem retinere sibi liceret. Quin etiam praefecti Homanorum filia ab hostium duce ad matrimonium inuitata (quod per eam putaret se facilius oppido potiturum) respondit fieri quidem posse, ut ad ipsum accederet, sed uiua nequaquam. Iam Recaniuenses, in quibus bellatores mille numerantur, cum naues aliquot Maurorum ad eos uenissent, minantes, nisi ad cultum Mahometis redirent (quem non plus anno ante reliquerant) ualidam Iaani regis classem ad eorū excidiū esse uenturā; illi nequaquam ea denuntiatione deterriti, responderunt, se nec mortis, nec rei familiaris, nec patrię periculo, a uera IESV CHRISTI religione ullo unquam tēpore discessuros; malle se in hac uita labores & ue-*



xationes,quàm in altera,sempiterna subire supplicia. Interim Iaa-  
na classis nauium ferme uiginti infesta superuenit. Tum Recani-  
uenfes,quòd in humanis uiribus haud satis praesidiũ cernerent,primo  
sane perculsi,deinde uero Sociorum praecipue cohortationibus ani-  
mati confirmatiq̃,certum sibi Dei subsidium polliciti sunt. Nec eos  
sane fefellit spes.naues enim hostium,cum oram Recaniuensium le-  
gerent,atrox tempestas coorta fudit, atque disiecit. statimq̃, Lusita-  
norum classis Recaniuem magna omnium gratulatione peruenit.  
Inde cum assidue sese propter Christum uexari Amboinenses neo-  
phyti cernerent,communi fidelium omnium indicto concilio, decre-  
tum est,ut contra Maurorum impetus inuicem sibi cuncti succur-  
rerent;publiceq̃ polliciti sunt se omnino Christianos esse morituros.  
In ora autem Comorinensi,cum neophytus quidam regem barbarũ,  
cui ea natio uectigalis est,uita functum lugere ethnico ritu,bar-  
bamq̃ simul,& capillum recusaret abradere,direptis bonis est a bar-  
baris interemptus.

Anno uero Christi nati 1566.Christianorum Comorinensium  
nauis Cocinum petens,a Mauris praedonibus capitur,statimq̃,sex  
e Christianorum numero primarijs uiris iniecta uincula cum mor-  
tis minis,nisi a Christianis ad Maurica sacra deficiant. Illi uero se  
quidlibet perpeffuros respondent potius,quàm tantum sceleris ad-  
missuros.Mauri ubi se nihil proficere intelligunt,uinctos atrociter  
uexant primum,deinde,Agite,Cruces,inquiunt (nam e collo su-  
spensas gerebant) ocyus auferte: ceruices praecidendae sunt uobis.  
Tum Christiani,Ecce, capita praesto sunt: Cruces,si uultis, uos ip-  
si detrahite: nos enim citius utique moriemur. atque ita flexis ge-  
nibus quinque ex ijs obtruncatur, egregiam ipsorum constantiam  
Lusitanis compluribus, ceterisq̃ qui aderant, ualde admiranti-  
bus.

bus. Sexto pepercere Mauri, qui Socijs Cocini deinde narrabat, se in eo discrimine intimum quoddam robur, atque uirtutem contra terrores illos diuinitus sibi suppeditari sensisse. Circa Persicum sinum anno a Deipara uirgine 1554. Turcæ nauē cepere, qua præter Lusitanos neophyti uehebātur, Malauares adulescentuli sex circiter, & triginta, ab nono ætatis anno ad septimum usq; decimū. Hos Mauri a Christo ad Mahometē traducere summa ope alternis blandiendo minandoq; frustra conati, ad uerbera denique & uarios cruciatus descendunt. Adduntur ad ceteram immanitatem atq; seuitiam stille adipis igne liquati, quæ cum tormenta, multasq; prætereæ iniurias, puerorum egregia uirtus fidesq; contemneret; ui denique arreptum unum ex ijs circumcidunt inuitum ac renitentem, quem deinde cum Mahometanum esse iam Turcæ dicerent, cauillantes atque tentantes; ille utique pernegare, corpus tantum uiolatum esse, non animum affirmare: promde se non minus Christianum esse quam antea.

Iam in ijs insulis, quas Mauri appellari iam diximus, ingens neophytorum numerus, quod susceptam religionem deserere nollet, patrimonijs spoliati, partim contumeliæ caussa ipsimet sub hasta diuenti, partim etiam perempti crudeliter sunt.

Illud uero quod in Amboino annis superioribus contigit, cum ueterum utique martyrum illorum fide, ac fortitudine comparandum uidetur, non modo quod multi neophytorum uici pro ueritate Euangelica seuē direpti, omnes etiam incolæ alicubi ad unum crudeliter cæsi, uerum etiam quod plurimi a barbaris genere feritatis inaudito consumpti sunt. præcisos quippe uiuentibus brachiorum toros, ac tibiæ articulos inspectantibus ipsis igne torrebant barbari, uorabantq; paulatim cetera quoque corporis membra lanian-

tes, quoad neophyti lento cruciatu confecti animam Domino redderent, quorum aliquot ad extremum usque spiritum, salutare illas voces *IESVS, MARIA*, exaudiebantur iterantes identidem. ut interim illos comittam, qui in acerbam seruitutem alio atque alio abducti sunt. atque hæc propterea maxime, quod a Mauris obfessi, Crucis signum (quod in singulis Christianorum uicis publice collocari consuevit) refixum, atque ad meroris indicium atra ueste inuolutum, ne in Maurorum contumeliosas manus ueniret, humi defoderant.

Neque uero eiusmodi euentus, atque pericula neophytorum dumtaxat propria, sed cum ipsis quoque eorum doctoribus (ne uidelicet sit discipulus supra magistrum) communia sunt.

E Socijs quidam, dum in Amboino rem Christianam fideliter administrat, Maurorum insidijs subinde appetitus, semel etiam domi flamma ab iisdem iniecta uiuus pæne combustus, ueneno denique fertur esse sublati, uir in excolendis tuendisq; neophytis, etiam contra barbarorum impetus ita fortis & impiger, ut ipsimet hostes eius animi magnitudinem admirarentur. idem in pauperes, ita benignus, ut cum ipsam quoque subuculam in eleemosinam erogasset, in extrema ualetudine, quod nulla sibi uestimenta suppeterent, stragulo tectus ad Christianos de more uisendos uisatim circumire non intermitteret.

Alius dum sibi commissam egregie tuetur ecclesiam, a Mauris aliquoties contumeliose tractatus, & fustibus cæsus, cum ad oppidum quoddam baptismi causa euocatus mari contenderet, una cum ipso nauigio demersus est. Comes uero ipsius (ut hoc etiam obiter addam) agro. ac periculose natans ad saxum allisus a fluctibus, in litus euasit, corpore lacerato, ut quadrupedis instar hu-

mi reptare cogeretur. in hunc ille modum cum uastas solitudines nullo prorsus obuio triduum peragrasset, in syluestrem denique incidit hominem, ex ijs quos Allifuros nominant, a quo sublatuſ in humeros, & ad pagum usque Christianorum delatus est. Verum adeo humane fertur ab illis exceptus, ut ad eum uisendum concurrerent undique spectaculi miseratione collacrymantes, certatimq; cibum, ac uestes, & alia quacunque poterant, ad eum leuandum reficiendumq; conferrent.

Tres alij Socij Hispani anno post Christi natalem 1555. cū ex Europa in Indiam nauigarent, cumq; oneraria quingentas circiter ab urbe Goa leucas, in Syrtes incidisset uectores plurimi, scaphis e naufragio raptim exstructis, litus incolumes tenuere. ipsi uero quam liberaliter inuitati, tamen ne in extremo illo periculo ceteram turbam desererent, quam capere scaphæ nequiuerant, ibidem certa sibi pæne morte proposita remansere cum reliquis, & fame consumpti sunt. Antonius uero Criminalis in Cisalpina Gallia Parmæ natus, cum anno 1544 ad Franciscum Xauerium in opere subleuandum cum Socijs aliquot in Indiam missus esset, uir spectata uitæ innocentia, acriq; studio Catholicæ religionis augendæ; a Xauerio in alias regiones Euangelij caussa decedente, Comorinensi Ecclesiæ uniuersæ prepositus est. quod ille munus in summa rerum difficultate, assiduusq; bellitumultibus amplius triennium alacriter obiit, cum semel saltem singulis mensibus passuum millia amplius ducenta percurreret, idque pedibus fere semper nudis, noctem sæpe humi transigens, in quotidiano cibo potuq; parcissimus. Is igitur dum ad Remanancoris uada quæ appellantur, catechismo dat operam, subito affertur infestas adesse Bisnagensium copias. Erant in portu uicino parata nauigia, in quæ ille si uellet, tuto  
confugere

confugere posset, multis praesertim id ipsum hortantibus. Sed pastor, capitis sui cura praesentium salutem neglecta, puerorum ac mulierum turbam, quod ea maxime opportuna iniuriae uideretur, ne in barbarorum manus magno cum religionis fideique periculo ueniat, quanta maxima potest diligentia, insistit in naues imponere. quo in officio dum suimet oblitus magno animi ardore uersatur, hostes interea superueniunt. Ille extremo periculo animaduerso, spe immortalitatis plenus, genibus nititur, manibusque sublati, cōfestim se in preces effundit. Atque unus quidem atque alter barbarorum manipulus illesum Antonium praeterit mori cupientem, ne direptum ac dilaniatum Christi gregem aspiceret. Badagarum uero (sic enim e Bisnagensibus aliqui appellantur) altera succedente caterua, uittatus quidam ex ijs in laeum Antonij latus iuxta lienem hastam adigit. Accurrit alius statim ad spolia detrahenda, attritam uidelicet tunicam. Antonius uero exuentem ultro adiuuat, quin etiam, ut secum uidelicet e mundo nihil prorsus auferat, interiore quoque subuculam raptim suis ipsemet manibus discerpit, ac proijcit. Inde iterum supplex prouolutus in genua, consuetudinis suae non immemor (id enim illi cum iaculatoria precatione uicies triciesue solenne quotidie fuerat) uulnera deinceps in pectore duo, quartum denique in humero cum accepisset; in latus concidit moribundus. Caput abscissum, & una manantem subuculam sanguine barbari ex alto suspendunt: truncus ibidem nudus, inhumatusque relinquitur. Atque hanc quidem laborum suorum uigiliarumque mercedem ac praemium summo Dei beneficio tulit Antonius. Aloysius uero Mendes cum in eadem ora iisdem fere muneribus uacaret, ab iniquis atque impijs iugulatus est.

Atque his tot tantisque terroribus periculisque propositis, magno animorum studio certatim eiusmodi prouincias expetunt Socij, propterea

pterea credo, quòd cū officiū sequuntur, tum inter eas difficultates & incommoda quotidiana, ab omni fere seculari uel humana deletionē seiuncti, summa Dei benignitate liquidissimis uoluptatibus, quas caro sanguisq; non percipit, gaudijsq; celestibus, ad quæ nunquam adspirat animalis homo, sæpenumero perfruuntur. Illud uero eos uehementer angit, quòd propter ipsoꝝ paucitatē atq; penuriā, agri quā plurimi, qui adhibita cura felices ac nitidi optimā uirtutū omniū frugē ferre potuissent, uel steriles atque horridi miserabiliter iaceant; uel etiā aliquandiu subacti, cum propter ingentē occupationum molē suis tēporibus ab se recoli nequeant, paulatim deserti, aliquādo syluescant: uni quippe interdū operario & ei quidē nondum sacerdoti, multa hominū millia Dei uerbo pascēda, regēdaq; uarijs locis incumbunt, multisq; amplissimis in regionibus, ministri Euāgelici nisi e Societate nulli uersantur. ipsi autem iccirco adesse ubique non possunt, quòd eorū numerus cū in uniuersum exiguus est ipse per se, tum per Europā uniuersam ultimosq; Occidētis, & Orientis fines ita longe lateq; dispersus, ut mirū sit, terras ita multas, tantoq; interiacentis Oceani spatio inter sese disiunctas, nō dico Euangelio collustrari, sed cursibus peragrari tam breui tēpore potuisse, a religionis præsertim uiris ex assidua corporis & animi patientia, ac uoluntaria paupertate, fere semper incōmoda uoletudine utentibus. Quo magis iustum & pium desiderii ipsoꝝ habendū est, cum in tanto tamq; salutarī opere quam plurimos adiutores exoptant, ne scilicet uberrima animarum seges, quam e sacrilegis ereptam diaboli manibus iam pridem oportebat, una messorum inopia, uidentibus atque inspectantibus ipsis intereat.



D E R E B V S  
I N D I C I S

E P I S T O L A R V M

L I B E R .



# DE REBVS INDICIS

## EPISTOLARVM

### LIBER

#### ORGANTINVS BRIXIENSIS

fratribus Romani Collegij Societatis

IESV, gratiam & pacem

Christi Domini, &c.



**N**ON eram nescius (fratres mihi carissimi)  
 quàm grata uestris auribus accidere soleant  
 ea, quæ de nostrorum hominum laboribus  
 atq; periculis ex India perferuntur ad uos.  
 Quocirca prætermittere nolui quin ex ijs  
 quæ hoc anno præcipue contigerunt, non-  
 nulla perscriberem, præsertim uero felicem Francisci Lopis obitum,  
 qui una cum fratribus nostris duobus, ante unum mensem, pro con-  
 stanti Catholicæ fidei confessione a Mauris interfectus est: ut si-  
 mul intelligatis & quantopere diuino subsidio uestriq; deprecation-  
 nibus egeamus, & quæ maxime requirantur in eo, qui Indicam  
 hanc

banc expeditionem atque prouinciam expetat.

Illud igitur primum: Patres duos, Ramirem & Alcaram euita migrasse (quos ignota quapiam in regione uiuere putabamus) hoc anno denique pro certo cognouimus. Is, ante biennium Iaponis insulam petitori, onerariam quandam in urbe Cocino conscenderant, sane inuiti, uel quod nauicularius uir potens, nimia lucricupiditate, mercatores in suam unius nauem merces imponere per uim & iniuriam cogeret: uel quod ob idipsum nauis iniusto pondere pragrauata pressaq, interitum haud obscure denuntiaret. Verum, ut eque clemens ac iustus est Dominus, sacerdotes hosce duos permisit in eodem uersari discrimine, quorum officium ac pia sedulitas tot mortalibus per confessionem sacram expiandis confirmandisq, in extremo spiritu non deesset. Secunda nauigatione Malacā usque delati, atque inde cursu in Sinas directo, cum iam in Sionis peruenissent sinum; atrox repente procella cooritur, eo uento excitata quem Typhonem appellant. Is, ex Occidentali ferme plaga uiolentus erumpens, & rapida uertigine circa orizontem rotatus, assiduus incrementis horarum circiter uiginti spatio circulum conficit: impetu horribili seuisq, turbinibus uasta illa aequora uehementissime commouens; decumanis undique fluctibus insurgentibus, qui inter sese uelut arietantes atque collisi, omnem salutis spem nauigantibus adimunt. Ad hanc igitur tempestatem adeo periculosam, cum ingens etiam oneris iniqui pondus accederet, solutis carinae compagibus totam nauem aestus absorpsit, sic, ut nulle plane reliquiae superfuerint. Erat in eodem cursu iuncus (onerarię Sinen-sis est genus) qui singulari Dei beneficio portum tenuit, ex eo deinde cognitum est, nauem, cum imminenti exitij signum aneo tormento frustra dedisset Sinis, proprio metu laborantibus atque sollicitis,

citis, paulo post haustam fluctibus apparere desiisse.

Perculit casus is uehementer Indię populos: nam & aureorum quadringentorum millium, & permultorum hominum damnum est factum, complures etiam uiduę atque inopes relictę mulieres. Neque uero, humana ratione rem aestimantibus, eius incommodi pars minima peruenisse uidetur ad nos: ducibus & Societate nostra uiris amissis, quorum opera magno rei Christianę usui in hisce regionibus esse procul dubio potuit. quamquam speramus illos eo migrasse, ubi uel maiori esse nobis auxilio suis apud Deum suffragationibus possint: neque enim parui ducendum est, in eiusmodi causa pro Christo laborantes, & uita excesisse.

Periculo simili perfuncti sunt etiam Andreas Ferdinandus, & Ioannes Cabralius: alter Sinas, alter e Sinis Iaponem petens: quorum uterque asseuerat pro miraculo haberi, si quis Typhonis uiolentiam effugiat, præsertim uero, si totam noctem scuire perseuerauerit. itaque in tali re, nautas, desperata salute corporis, ad uota potius quàm ad armamenta: ad expianda peccata, quam ad humana remedia solere conuerti: quippe non modo uela uis uenti dilacerat, diffringit malos, & quicquid exstat ex aqua dissoluit: sed etiam ipsa nauigia (præsertim si minus onusta sint) arrepta, & in terras usque longo tractu contorta affligere dicitur. Occupat autem uentus hic marium quicquid est Malacam inter & Iaponem insulam, frequens a mense Maio usque ad Septembrem, quo maxime anni tempore hæc maria nauigantur. Vos itaque, fratres carissimi, qui Sinensem hanc & Iaponicam expeditionem Christianę fidei propagandę gratia optatis, comparate uos ad mortem in itinere obeundam, sicuti obiere duo illi priores: & cō

tra, putate uos iter incolumes posse conficere, quemadmodum posteriores hi duo, quos diximus, confecerunt. qui in hisce uersatur orbis terre partibus, huic nihil minus quàm de tuendo corpore laborandum est: ea quotidie uita pericula occurrunt. Et sane ita constitutum & affectum animo quemq; esse oportet; mortem ut omnino contemnat: nimius quippe metus, & cura corporis, spiritalem & nostrum & aliterum profectum haud mediocriter impedit: quod in se quisque re ipsa experiri & cognoscere facile poterit.

Annoproximo, Franciscus Viera Goam e Maluco ueniens, cum paululum processisset, nauis in Syrtes & scopulos incidit, factoque naufragio, mari sese commisit imperitus homo natandi: & bis ad ima demersus, ab urinatoribus denique seminiuus ad litus extrahitur: quo cum ceteri quoque comites fere omnes, aliqua etiã parte commeatus tormentorumq; recepta, se contulissent; nouum eos periculum confestim excepit. cum enim incolæ Mauri a Lusitanis hostiliter dissiderent, magna eorum manus ad eos trucidandos accurrit: sed nostri in locum natura munitum sese receperant, cuius opportunitate, itemq; tormentorum usu, ab hostium incursumus tam diu se defenderunt, quoad nauis alia Malucensis ereptos eo periculo Malacam abduxit. Multa Franciscus capitis pericula narrat, quæ nostræ Societatis homines in Malucis insulis fere quotidie subeunt: mira etiam de neophytis prædicat, qui eo præcipue anno Christianæ fidei caussa crudeliter oppugnati, magna etiã ex parte uarijs cruciatibus interfecti sunt: cum quidem mulieres ipse filiolos partim sinu complexæ, partim manu trahentes, opulentis instructisq; domibus consulto relictis, per syluas errarent, ne susceptam recens Christianam religionem abiurare aut deserere cogerentur: aliæ uero una cum liberis, in Iesu Christi confessione fide-

ter persistentes, gladijs impiorum occumberent: multi præterea adolescentuli, eiusdem fidei retinendæ causâ, ingentia maris spatia traicerent, ex insula tranantes in insulam. Atque etiam illud, idem Franciscus addebat: quo tempore Maurorû metu, post naufragium sese munito illo quem diximus, continebant loco, eodem cõsendisse pueros, non plus decimum aut duodecimum agentes annû, qui noctu natantes, ueriti ne per imprudentiam iaculis peterentur, clamarent: Ne librate, ne librate: Christiani sumus: quorum constantia nostri ad lacrimas usque permoti, & ceterorû quibus opem ferre non poterant calamitatem miserati, eos in comitatû suum gratulantes acciperent. Quin petitis, fratres, ut uitam uobis in hisce regionibus ponere liceat, quoniam quidem ipsæ mulierculæ pueriq; ad mortem pro Christo obeundam exemplo suo nos prouocant?

Qui e nostris in ora Comorinensi rem Christianam procurant, ijs grauissima impendent pericula tum a Mauris, tum ab alijs ethnicis, quos Badageas uocant, regionum uectigalium exactoribus. Est etiam in primis importunum & contumax genus hominû militarium, quî Naires uulgo dicuntur. Ex ijs quidam iuri dicundo præpositus, cum in templo nostro forum ageret; Andreas Ferdinandus (qui in Romano isto collegio quondam uersatus est) indignitatem rei non ferens, Maurum inde amouere omnino constituit: ad eumq; conuersus: an tu facile patiaris (ait) eiusmodi munera in uestris phanis exercere Christianos? respõdit ille: nequaquã. Rursus Andreas: ita ne uero? delubra uestra dæmoni dedicata, nulli functioni quæ uobis minus decora uideatur, patere permittitis: nos nostra templa uero Deo ac Domino consecrata per summum scelus profanari ac pollui negligemus? tum acriori etiã spiritu: Apage, inquit, apage te. Atque hac increpatione permotus barbarus in

F      præsentia



presentia excessit ille quidem, sed paulo post, ut erat animo elato  
 ac superbo, doloris huius impatiens, armatorum plus centum co-  
 acta manu rediit ut Andream occideret: quasi uero non unus in id  
 facinus foret satis. Andreas autem, cognitare, neophytum co-  
 mitem suum, ne quid primo illo impetu caperet detrimenti, ma-  
 gna festinatione in templo conclusit: ipse pro foribus, innixus arun-  
 dine constitit, mortem expectans. & Mauri quidem arcubus  
 & sclopiis instructi cum adessent, hortati se inuicem ad manus An-  
 dreæ inferendas, ibidemq; satis diu morati (ex quo diuinam pro-  
 uidentiam in Andrea tuendo facile intelligas) denique re infe-  
 cta, nullo plane resistente, discedunt, hominem prorsus intactum,  
 atque illesum relinquunt: ille uero, eiusmodi euentu erectus &  
 in ea sententia confirmatus est, placere Deo, ut ethnicorum illa im-  
 proba iuris dicundi cōsuetudo e sacris adibus tolleretur. itaque rem  
 magno conatu aggressus, quod uoluit ea tota regione perfecit. Idē  
 cum neophytum, qui a baptismo sese Mauricis ritibus cōtaminare  
 non dubitauerat, in custodiū tradi iussisset: pagani ij apud quos  
 neophytus piaculum illud admiserat, publicis nuntijs ab Andrea  
 petunt ut hominem eximat e custodia, liberumque dimittat. equū  
 esse negat Andreas. Illi iterum ac tertio repetunt, mortem insu-  
 per minitantes. cum nihilo magis flecteretur, facta manu in homi-  
 nem ire constituunt. certior sit ea de re Andreas a quibusdam Chri-  
 stianis momentibus ut nescio quo se recipiat: uerum ipse recusat, u-  
 trumque locum inquires hostibus æque esse obnoxium. Tum e Chri-  
 stianis quidam: Vis ne, ait, pro tua defensione populus ad arma  
 concurrat? Nequaquam, respondit. nauigium uos mihi dumtaxat  
 in fugam, si opus erit, instruite. Hæc uerba dum fiunt, ecce tibi re-  
 pente magna hostium multitudo superuenit: qui cum Andream  
 aliquan-

aliquandiu circumstetissent ( mirum dictu ) eo ne asperioribus quidem uerbis compellato, nedum occiso digressi sunt.

Pagus est alius Maurorum, qui, cum acre incensumq; Andreae studium Christianae fidei propagandae ferre non possent, communi consilio cum primum illac ei transire contingeret, ipsum e medio tollere decreuerant. uerum simul atq; eo peruenit, tanto eos terrore Dominus perculit, ut quasi cum ingenti exercitu in oppidum irrupisset Andreas, ita sese omnes abderent, nec apparere quisquam auderet in publico.

Hæc, ut dixi, atque alia huiusmodi pericula in eo tractu sunt pæne assidua: ut nostri imminentibus hostibus, loca sæpe mutare, sæpe etiam lintres conscendere, atque in mari pernoctare cogantur. Maurorum est natio, quos Malauares nominant. ij ferme piraticam exercent, Christianis maxime infesti, quod multi iam e Societate nostra senserunt. Petrus Vaes una cum Socio missus Damonem ( qui locus ab urbe Goa distat pass. trecenta millia ) pæne iam absoluta nauigatione, quinque Malauarium biremes obuias cum uidissent, quam celerrime ad litus appulso nauigio, cum reliqua nauali turba uectoribusq; descendit: nec tamen ita maturare licitum est, quin Malauares extremum agmen assequuti, uiros aliquot feminasq; perimerent. Nostri duo non tam pernecitate corporis, aut robore ( triduana præsertim inedia & ualitudine prope confecti ) quam singulari quodam Dei beneficio presentique ope, ex hostium elapsi manibus, imminente iam nocte ignotis inuijsque se itineribus ac saltibus commisere.

Augebant metum hinc indagantes piratæ, inde incolæ Christianis infensi. cumque totam fere noctem errassent, denique labore ac defatigatione uictus Alfonsus in itinere substitit, sociumque com-

pellans : Mihi quidem , inquit , harum gentium feritatem ( quoniā sic placet Deo ) diutius euitare nō licet . Tu tibi , frater , ipse cōsulito . Interea se dies aperit , armatorū aduentantium manipulū aspiciunt : haud dubiā rati sibi cadē imminere , ad preces , ut in re tali , confugiūt , ambo sese uictimas offerunt Deo . Sed res cōtra quā putauerāt , cecidit . nam Brachmanes quidā eius regionis in primis opulētus , de scensione piratarū audita , ad nostros cōquirēdos periculoq̃ eximēdos , eam armatorū manum ultro dimiserat . ij sublatū in humeros Alfonso , pone sequēte socio , ad Brachmanē perduxerunt , qui eos liberalissimē exceptos , cibo somnoq̃ refectos , datis etiā præsidiij causa comitibus , liberos Damonē abire permisit . Eximiā huiusce Brachmanis ( in tāta p̃sertim barbaria ) humanitatē ac beneficentiā Dominus pro sua benignitate cōpenset . Idē Alfonso Damone Goā reuertēs , ī piratas denuo incidit , uerū euētū meliore , quippe a Christianis praelio cōmisso biremi una , celocibus duabus prædones exuti sunt .

Petrus quoque Martines hoc anno Bazainū ex obediētia nauigans , in hosce Malauares incidit : a quibus procul dubio captus esset , nisi egregie instructū , quo uehebatur actuariū , medios hostes felici conatu atq; impetu perrupisset : quæ tamē res , haud oīno cessit impune : etenim Nauarchus noster ī ipso trāsitu grauiter a p̃donib. ictus ē .

P. uero Dionysius hoc itē anno tendēs Cocinū , cū ex itinere Mangalorē attigisset , ubi tum castris positus Lusitani urbē obsidebāt Regine cuiusdā Christiani nominis inimicę ( quā urbē deinde captā euerterūt ) rogatus ut descēderet ad militis cōfessionē audiendā periculoso uulnere laborātis , cū iā esset ī litore , barbari nec opinātes Lusitanos magna uī repēte adorti , nōnullos etiā qui erāt cū Dionysio occidūt : ipse ut se ad actuariū reciperet , nō minori periculo ī mare se projcit , natādi peritia nulla , mortiq̃ p̃senti quorundam ope subtractus est .

In eodem

*In eodem exercitu uersabatur cum uno Socio Ioannes Franciscus Stephanonius. is præter quam quod militum confessionibus audiendis, cum res exigeret, operam dabat, sæpe etiam hostium telis caput obijciebat suum: quippe qui, quotiescunque certandum esset, in primis ordinibus imaginem præferens Crucifixi, militibus cohortandis insisteret: circa quæ pugnantes cum caderent plures, incolumem semper eum diuina prouidentia præstitit.*

*Nauæ Christianorum duæ cum Ormutio (quæ urbs in Arabico est sinu) soluissent, in Malauares inciderunt, quarum altera capta est: altera Dei beneficio effugit, quam Petrus Touarius cum Socio uno conscenderat.*

*Iam uero tres alij e nostris, in ijs Melchior Nunnes, Goa Cocinũ uersus profecti, circa mediam nauigationẽ Malauaribus hisce piratis occurrunt, qui celocibus aliquot, & hippagine equis onusta, quam de Christianis antea ceperant, onerariam nostram aggredi non dubitarunt, in primis totius Indię grandem ac ualidam. Sed nõ paruo ipsis ea stetit audacia: uicti quippe fusiq; sunt, multis ipsorũ in prælio cæsis: hippagine etiam a nostris recepta. Nimis longum faciam, si cunctas eorum insidias persequar, quas nemo nostrorum hoc anno expertus non est, cui quidem hæc maria nauigare contigerit.*

*Salsetanæ insule in proximo sunt, in quibus ethnicorum duceta, Christianorũ duo circiter millia numerantur, in ecclesias quinque descripta, quibus in singulis bini e Societate rē Christianã administrant. Has porro insulas euripus bene longus a cõtinenti disiungit. in euripoli ttore statio quedã est, ubi a prætereuntibus etiã uiatoribus Salsetani barbari uectigal per summã iniuriã exigunt. eo cū peruenisset unus ex decem ijs, quos in ea diœcesi uersari diximus, paucis neophytis custodiæ causã comitantibus, ut e Socijs quendam inuideret,*

*Maurorum* actuariolis permultis, breui temporis spatio circumuentus est. Ac primo quidem sat molli brachio de nostris conqueri incipiunt, quod in transitu ad portorium soluendum appellere negligant: deinde, cum sacerdos mercatorem se negaret esse, nec huiusmodi oneribus obnoxium; irati nauigiola sensim applicant, neophytorum arma nonnulla surripiunt, sacerdotem ipsum iniectis manibus ui conantur abducere: quod ubi minus e sententia cessit, uniuersam denique feritatem ac malitiam expromunt: contis, iaculis, lapidibus hominem petunt, ingenti arrepta parma se protegentem, neophytus etiam egregie propugnantibus. quorum unus, cum iam eius loci praefectus grauem ictum in caput sacerdotis libraret, aliam nullam cernens defendendi rationem; ex arcu quem habebat adductum, emissâ repente sagitta Maurum traiecit: is continuo moribundus in mare delabitur, tum ceteri se recipiunt, sacerdote ex altera parte semiuiuo relicto, parma (cuius munimento seruatus est) locis compluribus perforata. Eo casu cognito uicini Brachmanes in subsidium frequentes accurrunt, & quadam quasi lectica e lignis ac linteis raptim exstructa, exceptum hospitio sacerdotem admirabili & insolita quadam humanitate, quibus possunt medicamentis curant, deinde uehiculo satis commodo impositum, ad ipsius adem, ut inde Goam transueheretur, deportant: Goam demum delatus ex uulneribus aeger, dies amplius quadraginta decubuit. Atque iam antea ille ipse praefectus alios tres e nostris ibidem interceptos domumque suam abreptos, multis probris, contumeliisque uexauerat.

Nondum uigessimus agitur dies, cum ibidem Balthasar Gagus est captus. atque is ad urbem Pondam in regni interiora perductus, a Mauris Praefecto regio sistitur. Expostulanti quod uectigal sibi

gal sibi non solueret, & quādā alia quærenti, Balthasar satisfacit egregie. Tum ad Christianos quosdā iussus diuertere, incolumis ad nostros postero die remissus est: nimirum propterea quod Prorex India cognita re statim omnes huius insule exitus custodijs occupauerat, edicto proposito nequis omnino Maurus abire permetteretur: multo etiā uehementius acturus atque seuerius, ni Gagus tam propere dimissus fuisset.

In eadē Salsetana regione Gagus in latrones cum incidisset, summo Dei beneficio manus earū effugit: quod sclopus iam in ipsum intentatus, flammā e fomite nō arripuit. Hoc uero tēpore ea loca Mauris ethnicisq; alijs grassatoribus admodū infesta nuntiabātur, magno utique nostrorū periculo: quos tamen (ut speramus) Dominus pro sua clementia proteget. Prorex etiam, quo die hæc scripsi, militum cohortem ad eos fines tuendos miserat.

Iam uero de Francisco Lope nostro quid dicam fratres? de cuius obitu, e magistri Melchioris epistola, regionibus illis pro Societate Præpositi, sic accepimus. Idoneā nactus nauē, & cum ceteris rebus, tum uero epibatis nautisq; plus centū instructam, una cū fratribus, eiusdē Melchioris iussu cōscenderat. iter unius diei prouecti, postridie in Malauariū celoces quindecim incidunt. pugna cōmittitur, quam nostra nauis, ut erat egregie ornata, ad uesperam usque fortiter sustinet. ad extremū, intentis in prælium Christianis, tormētario pulueri casu quodā ignis admotus adeo uehemens excitauit incendium, ut primo impetu, superiore nauis parte diffracta, homines aliquot in mare proiecerit. quo uiso Mauri nauigia propius admovent, partim ut natantes excipiant: partim etiam ut aliquid, si possint, ex onerum reliquijs rapiant. sauebat ignis interea, multiq; iam partibus comprehensis, oneraria instar fornacis ardebat.



*Veſtores ac naute, pro ut ad quemque ignis acceſſerat, ita ſe quiſque e naui præcipites dare: cum uita ſeruitutē paciſci. noſtri quaſtuor, etiamnum in angulo, quo nondum flamma peruaſerat, cōtinere ſeſe, & preces ad Dominū fundere, incerti quod potiſſimum optarent exitij genus: quippe, ſi eodem loco perſisterent, iam iā deſlagrandū: ſin mari ſe crederent, uel aquarum ui moriendum ſibi eſſe cernebāt, uel hoſtiū certe iaculis, ni uellent in ipſorū poteſtatem uenire, quos a Societate noſtra præſertim, capitali odio diſſidere non ignorabant. cum diutius deliberaſſent, rem totam denique Dei bonitati committere, ac ceteros imitari conſtituunt. dum igitur in alto iacētantur, Franciſcum e tonſura capitis pro ſacerdote cognitū ilico Mauri in celoces accipiunt, certi hominem aut uita priuare, aut a Chriſto diſiungere. quæerunt ex eo proinde, uelitne, Chriſto deſerto, Mahometem ſectari: ego uero nequaquam, ait egregius Chriſti miles. inſtare illi acrius, cædemque, ni pareat, ſtriſtis intentare mucronibus. at ipſe fortioribus etiam oculis, eadem illa reſpondit. qua uiri conſtantia ad rabiem concitati ac furentes barbari crudeliter hominē contrucidant. ille præclaro nobis ueræ uirtutis documento relicto, demonis uiſtor migrauit ad Dominū. Huiusmodi triumpho ad ſacroſanctæ fidei amplificationem utinam Dei benignitate quam plurimis nobis obtingant.*

*De reliquis, duo, uel eundem exitum ſortiti, uel inter natandū lanceis conſoſi putantur. id autem ex eo conijcitur, quòd omnium captiuorum indicem; ſeu catalogum accepiſimus, in quibus unus dū taxat numeratur e noſtris: quocirca duos, ut dixi, mortuos arbitramur. M. Melchior ab eodem loco abeſt propius. is totum euentum clariuſ fortasſe cognouerit, Romamq; perſcripſerit.*

*Reſtat quartus, Antonius Dionyſius nomine. hunc ad terram*

*enatan-*

eratantem prædones cur diutius persequerentur, non fuit: ..., quippe iam in litore ad prædam parati constiterant: a quibus Antonius, quæ gentis est impudentia & immanitas, omnibus etiam interioribus uestimentis exutus, in oppidum quoddam abreptus est. Hunc Mauri adhuc ignari quisnam sit, in uincula cætenasq; coniectum ita benigne tractare dicuntur, ut nudus humi cubet stragulo culcitraue nulla, non plus scutellam oryzae quotidie in cibum accipiat. sed eum Goæ propediem affore sperabamus, quandoquidem in redemptionem est iam curata pecunia.

Nunc quoniam tum ex hisce difficultatibus & incōmodis, tum ex alijs, quæ ad uos e Iapone fortasse perscripta sunt, satis ut arbitror intelligitis, in hasce Indiæ regiones uenire, aliud esse nihil, nisi doloribus mortiq; Christi Domini causa ultro offerre sese; modum epistola faciam, & alia pericula silentio prætermittā, quæ maiore etiā animi uirtutē roburque desiderant. Illud uos tantū rogo, & per commune oībus nobis beneficiū huiusmodi nostræ uocationis obtestor: ut pia quadā abdicatione rerū omniū (non omīssis interim aut neglectis ijs, quæ uestre fidei curæque commissa sunt) expetatis ardentem, Deumq; assidue deprecemini, ut liceat uobis ad animas uestras & corpora eidē immolanda, in hæc loca contēdere, utique ad id ipsum in primis accommodata. Quod ut impetrent pauci, nō parum tamē omnes ea petitione profecerint. etenim si Dei thronū atque præsentiam frequentare, caput uitamq; uestrā pro salute animarū ei deuouere nō desieritis; profecto uestra ille studia non modo pro sua bonitate approbabit, sed etiam pro merito cuiusq; remunerabitur. Præterea, fieri non potest ad mortē ut se quispiam comparet, quin idem ab hac uita misera sese diuellat ac separet. Dicam planius: quisquis pro Christi Domini gloria mortem uere & ex animo exoptat, idem null;

nullo negotio prauas animi cupiditates coercet, quæ res ad Deum  
 & sancte colendum & facile, ualet plurimum. Itaque sic habetote  
 fratres mihi carissimi: eos impetus animi eaq; desideria, quæ funda-  
 mentis huiusmodi nõ nituntur, assidua precandi exercitatione con-  
 iuncta, nequaquã esse huic Indici legationi atque oneri paria: quip-  
 pe, quo minus fundata sunt, eo facilius uarijs & quotidianis incom-  
 modis labefactata subsidunt paulatim & concidunt. contra, si ma-  
 tura stabiliq; uirtute subnixæ fulciantur; ingruentibus laboribus  
 atque periculis non modo non quatiuntur, aut corruunt, sed etiam  
 magis magisque confirmantur & corroborantur in dies. Quocirca  
 obseruet etiam atque etiam unusquisque se, uideatq; quemadmodum  
 ambulet: omnibus autem nobis ad sanctam ipsius uoluntatem ac  
 placita rite exequenda, spiritum Deus ipse, uiresq; suppeditet. Amē.  
 Goa 5. Cal. Ianuarij. 1568.

EXCERPTA QVÆDAM E CHRI-  
 stophori Acoltæ litteris ad Præpositum Genera-  
 lein datis 4. Non. Ian. 1569. Malaca, quæ  
 fuit olim aurea Chersonesus.



In hoc domicilio Malacensi, præter confessiones, cateche-  
 ses, & alia ex instituto nostro munera, pluribus etiam lo-  
 cis conciones habentur: præsertim uero Dominicis diebus  
 ad ethnicos sectæ cuiusdam, (Quintinos appellant) quorum praua  
 dogmata & opiniones ut publice confutarentur, Concilium prouin-  
 ciale decreuerat, eamq; prouinciam nostris Episcopus demandandam  
 existimauit. Erit, ut speramus, operæ pretium. Quæstiones etiam eę,  
 quas uulgo casus conscientie nominant, clericis explicatæ sane op-  
 portu-

portune, magnaꝫ auditorum tum approbatione, tum etiam profectu, qui uel e quotidianis eorum interrogationibus sub explicatione perspicere peterat.

Sacra ædes nostra ad tectum hoc anno perducta est, non modo capax, sed etiam ualde formosa, uel structuræ genere ipso, uel loco: sita est enim in urbis mediæ summo cliuo, unde ingentia maris terrarumq; spatia cernuntur. In eam ædificationem, & simul ad nos quoque alendos eleemosinæ a pijs hominibus erogantur. Et quoniam hæc domus hospitium est nostrorum omnium, qui ex India, Malucum, Iaponem, & Sinas petunt; exponam ea, quæ ad nos uarijs e regionibus nuper a nostris allata sunt: quandoquidem incertum est, ipsorum litteræ sintne hoc anno ad uos peruenturæ. Ac de Malucis insulis primum: e quibus cognitum est, Amboinenses neophytos (quos Franciscus Xauerus & alij deinde, Christianis præceptis imbuerant) superioribus annis crudeliter admodum oppressos ac uexatos fuisse a natione Maurorum quos uocant Iaos; in primis fera & immani, & Amboinensibus præsertim uehementer infesta, Christianis permultis occisis, quibusdam etiam a Christo ui metuq; alienatis, toto denique eo tractu (sunt autem insula quamplurimæ) per uim occupato. Verum Lusitani ex India illuc ualida classe profecti Iaos inde expulerunt, principes scelerum & auctores affecere supplicio, omnes eas insulas ereptas e misera seruitute, sublatis discordijs bellicisq; ciuilibus quibus inter sese ad internecionem usque certabant, ad Lusitaniæ Regis imperium adiungere: optimo loco & ad excurrendum in primis opportuno, arx cum propugnaculis excitata, impositumq; præsidium. Quæ res nostros etiam hortata est, ut amplificandæ Christianæ religionis causa ibidem sibi domicilium collocandum putarent. itaque ob eam rem illic nonnulli e Societate nostra uersantur.

uerfantur. Post hæc, uarijs e Maurorum ethnicorumq, provincijs legati Lusitanum Præfectum adiere, qui ad patrios ritus & ceremonias deferendas, Christiana suscipienda sacra, denique ad imperata faciendâ sese paratos offerrent, præclare secum agi, ni repudiarentur, existimantes. Scribunt nostri præterea tantam esse multitudinem eorum, qui ad Christum conuersi iam sunt, ut ad eos erudiendos ac baptizandos, uel si alij triginta in ea loca mittantur, exiguus operariorum numerus sit futurus: ut alias gentes interim taceam, quæ item baptismum efflagitant, in continenti habitantes. Papuas nomine, quæ regio in meridiem adeo extēditur, ut præternauigantes Castellani nunquam ad finem eius oræ peruenire potuerint. Papui finitimi sunt alij populi, atque inter eos neophyti aliquot, nostrorum paucitate quadriennium circiter magistro ac pastore plane destituti. Secundus uero hic rerum euentus, recensq, uictoria, magnam nobis spem afferebat fore ut in ijs agris fides Christiana disseminetur magna cum ubertate relictuq, animarum: easq, nationes nec animi ardore, nec pietate, Iaponijs inferiores futuras. Regio est inter æstum frigusq, temperata, nemoribus ac fontibus frequens, & si more nostro colatur, omnis frugum generis copiam pollicetur.

Ex ora Sinarum naues nondum appulse, anno quidem superiore cognitum est Christianam rem eodem esse loci, quo antea. nostri in Amaconis portu & emporio sibi sedem locarunt, diuinum ad interiora prouinciæ penetranda expectantes auxilium. Interea Lusitanis negotiationibus in spiritu adiuuandis insistent. Melchior uero Carnarius Episcopus, pastoralis munere egregie fungitur: clericos tractat humanissime: eosdem excipit sæpe conuiuio, ut per eam occasione spiritali quoque reficiat cibo. Itaque magna est apud omnes

nes in gratia, nec modo clericos, sed etiam laicos, quos ille amantiſſimis uerbis, & exemplis Christianæ humilitatis, instituit. Pecuniarias multas, nec sepe imponit, & domum suam exactas deferri non patitur. ualeudinarium est curandis leprosis (quorum magna est in ijs sinibus multitudo) ipsius opera & consilio constitutum, nō paruo utique cum corporum, tum etiam animorum bono (multi quippē eā ratione conuertuntur ad Dominum) huic ergo ualeudinario Melchior eiusmodi pecuniam attribuit statim.

Ex Iapone hoc anno litteras nondum accepimus: si fuerint allatae, mittentur ad uos.

Hec mihi in praesentia, quae scriberem occurrebant. Reliquum est ut Malacensem hanc domum atque familiā, sacrosanctis tuis, Pater optime, sacrificijs precibusq; eo diligentius adiuues, quo maius illi periculum impendat. rumor est enim, Acenorū Regem (ij populi sunt insulae magnae Taprobanae, quam hodie Sumatrā uocant) ad obsidionem huius urbis comparare sese, certe pernicioſa Malacensibus agitare consilia. Malaca 4. Non. Decembris 1569.

## EX ALOYSII GOVEANI LITTERIS

datiſ Colani, e collegio Saluatoris

18. Calend. Feb. 1569.



Rbs haec, in qua cōmoramur laborantes in uinea Domini, & in Comorinensem quoque tractū subinde excurrentes, iacet ad montis cuiusdā radices, passuum a mari nouem circiter millia. Salubre caelum, aquae optime, annona plurima, gens uero ad pacis aequae ac bellimunia solers: Christiana sacramenta multi suscipiunt: qui iam suscepere, tum frequenti sacramentorum usu,



banc expeditionem atque prouinciam expetat.

Illud igitur primum: Patres duos, Ramirem & Alcaram euita migrasse (quos ignota quapiam in regione uiuere putabamus) hoc anno denique pro certo cognouimus. Is, ante biennium Iaponis insulam petaturi, onerariam quandam in urbe Cocino conscenderant, sane inuiti, uel quòd nauicularius uir potens, nimia lucricupiditate, mercatores in suam unius nauem merces imponere per uim & iniuriam cogeret: uel quod ob id ipsum nauis iniusto pondere pragrauata pressaq, interitum haud obscure denuntiaret. Verum, ut eque clemens ac iustus est Dominus, sacerdotes hosce duos permisit in eodem uersari discrimine, quorum officium ac pia sedulitas tot mortalibus per confessionem sacram expiandis confirmandisq, in extremo spiritu non deesset. Secunda nauigatione Malacā usque delati, atque inde cursu in Sinas directo, cum iam in Sionis peruenissent sinum; atrox repente procella cooritur, eo uento excitata quem Typhonem appellant. Is, ex Occidentali ferme plaga uiolentus erumpens, & rapida uertigine circa orizontem rotatus, assiduus incrementis horarum circiter uiginti spatium circulum conficit: impetu horribili seuisq, turbinibus uasta illa æquora uehementissime commouens: decumanis undique fluctibus insurgentibus, qui inter sese uelut arietantes atque collisi, omnem salutis spem nauigantibus adimunt. Ad hanc igitur tempestatem adeo periculosam, cum ingens etiam oneris iniqui pondus accederet, solutis carinae compagibus totam nauem æstus absorpsit, sic, ut nulle plane reliquie superfuerint. Erat in eodem cursu iuncus (onerariæ Sinen-sis est genus) qui singulari Dei beneficio portum tenuit. ex eo deinde cognitum est, nauem, cum imminenti exitij signum a neo tormento frustra dedisset Sinis, proprio metu laborantibus atque sollicitis,

citis, paulo post haustam fluctibus apparere desiisse.

Perculit casus is uehementer Indię populos: nam & aureorum quadringentorum millium, & permultorum hominum damnum est factum, complures etiam uiduæ atque inopes relictæ mulieres. Neque uero, humana ratione rem æstimantibus, eius incommodi pars minima peruenisse uidetur ad nos: ducibus & Societate nostra uiris amissis, quorum opera magno rei Christiane usui in hisce regionibus esse procul dubio potuit. quamquam speramus illos eo migrasse, ubi uel maiori esse nobis auxilio suis apud Deum suffragationibus possint: neque enim parui ducendum est, in eiusmodi causa pro Christo laborantes, & uita excessisse.

Periculo simili perfuncti sunt etiam Andreas Ferdinandus, & Ioannes Cabralius: alter Sinas, alter e Sinis Iaponem petens: quorum uterque asseuerat pro miraculo haberi, si quis Typhonis uiolentiam effugiat, præsertim uero, si totam noctem seuire perseuerauerit. itaque in tali re, nautas, desperata salute corporis, ad uota potius quàm ad armamenta: ad expianda peccata, quam ad humana remedia solere conuerti: quippe non modo uela uis uenti dilacerat, diffringit malos, & quicquid exstat ex aqua dissoluit: sed etiam ipsa nauigia (præsertim si minus onusta sint) arrepta, & in terras usque longo tractu contorta affligere dicitur. Occupat autem uentus hic marium quicquid est Malacam inter & Iaponem insulam, frequens a mense Maio usque ad Septembrem, quo maxime anni tempore hæc maria nauigantur. Vos itaque, fratres carissimi, qui Sinensem hanc & Iaponicam expeditionem Christianæ fidei propagandæ gratia optatis, comparate uos ad mortem in itinere obeundam, sicuti obiere duo illi priores: & cō

tꝛa,

tra, putate uos iter incolumes posse conficere, quemadmodum posteriores hi duo, quos diximus, confecerunt. qui in hisce uersatur orbis terre partibus, huic nihil minus quàm de tuendo corpore laborandum est: ea quotidie uita pericula occurrunt. Et sane ita constitutum & affectum animo quemq; esse oportet; mortem ut omnino contemnat: nimius quippe metus, & cura corporis, spiritalem & nostrum & alierum profectum haud mediocriter impedit: quod in se quisque re ipsa experiri & cognoscere facile poterit.

Anno proximo, Franciscus Viera Goam e Maluco ueniens, cum paululum processisset, nauis in Syrtes & scopulos incidit, factoque naufragio, mari sese commisit imperitus homo natandi: & bis ad ima demersus, ab urinatoribus denique seminiuus ad litus extrahitur: quo cum ceteri quoque comites fere omnes, aliqua etiã parte commeatus tormentorumq; recepta, se contulissent; nouum eos periculum confestim excepit. cum enim incolæ Mauri a Lusitanis hostiliter dissiderent, magna eorum manus ad eos trucidandos occurrit: sed nostri in locum natura munitum sese receperant, cuius opportunitate, itemq; tormentorum usu, ab hostium incursumbus tam diu se defenderunt, quoad nauis alia Malucensis ereptos eo periculo Malacam abduxit. Multa Franciscus capitis pericula narrat, quæ nostræ Societatis homines in Malucis insulis fere quotidie subeunt: mira etiam de neophytis prædicat, qui eo præcipue anno Christianæ fidei causa crudeliter oppugnati, magna etiã ex parte uarijs cruciatibus interfecti sunt: cum quidem mulieres ipse filiolos partim sinu complexæ, partim manu trahentes, opulentis instructisq; domibus consulto relictis, per syluas errarent, ne susceptam recens Christianam religionem abiurare aut deserere cogerentur: alia uero una cum liberis, in Iesu Christi confessione fide-  
ter

ter persistentes, gladijs impiorum occumberent: multi præterea adolescentuli, eiusdem fidei retinenda causa, ingentia maris spatia traicerent, ex insula tranantes in insulam. Atque etiam illud, idem Franciscus addebat: quo tempore Maurorū metu, post naufragium sese munito illo quem diximus, continebant loco, eodem cōtendisse pueros, non plus decimum aut duodecimum agentes annū, qui noctu natantes, ueriti ne per imprudentiam iaculis peterentur, clamarent: Ne librate, ne librate: Christiani sumus: quorum constantia nostri ad lacrimas usque permoti, & ceterorū quibus opem ferre non poterant calamitatem miserati, eos in comitatū suum gratulantes acciperent. Quin petitis, fratres, ut uitam uobis in hisce regionibus ponere liceat, quoniam quidem ipsa muliercula pueriq; ad mortem pro Christo obeundam exemplo suo nos prouocant?

Qui e nostris in ora Comorinensi rem Christianam procurant, ijs grauissima impendent pericula tum a Mauris, tum ab alijs ethnicis, quos Badageas uocant, regionum uectigalium exactoribus. Est etiam in primis importunum & contumax genus hominū militarium, qui Naires uulgo dicuntur. Ex ijs quidam iuri dicundo præpositus, cum in templo nostro forum ageret; Andreas Ferdinandus ( qui in Romano isto collegio quondam uersatus est ) indignitatem rei non ferens, Maurum inde amouere omnino constituit: ad eumq; conuersus: an tu facile patiaris ( ait ) eiusmodi munera in uestris phanis exercere Christianos? respondit ille: nequaquā. Rursus Andreas: ita ne uero? delubra uestra dæmoni dedicata, nulli functioni quæ uobis minus decora uideatur, patere permittitis: nos nostra templa uero Deo ac Domino consecrata per summum scelus profanari ac pollui negligemus? tum acriori etiā spiritu: Apage, inquit, apage te. Atque hac increpatione permotus barbarus in

F      præsentia

presentia excessit ille quidem, sed paulo post, ut erat animo elato  
 ac superbo, doloris huius impatiens, armatorum plus centum co-  
 acta manu redijt ut Andream occideret: quasi uero non unus in id  
 facinus foret satis. Andreas autem, cognitare, neophytum co-  
 mitem suum, ne quid primo illo impetu caperet detrimenti, ma-  
 gna festinatione in templo conclusit: ipse pro foribus, innixus arun-  
 dine constitit, mortem expectans. & Mauri quidem arcubus  
 & sclopiis instructi cum adessent, hortati se inuicem ad manus An-  
 dreæ inferendas, ibidemq; satis diu morati (ex quo diuinam pro-  
 uidentiam in Andrea tuendo facile intelligas) denique re inse-  
 cta, nullo plane resistente, discedunt, hominem prorsus intactum,  
 atque illesum relinquunt: ille uero, eiusmodi euentu erectus &  
 in ea sententia confirmatus est, placere Deo, ut ethnicorum illa im-  
 proba iuris dicundi cōsuetudo e sacris adibus tolleretur. itaque rem  
 magno conatu aggressus, quod uoluit ea tota regione perfecit. Idē  
 cum neophytum, qui a baptismo sese Mauricis ritibus cōtaminare  
 non dubitauerat, in custodiū tradi iussisset: pagani ij apud quos  
 neophytus piaculum illud admiserat, publicis nuntijs ab Andrea  
 petunt ut hominem eximat e custodia, liberumque dimittat. equū  
 esse negat Andreas. Illi iterum ac tertio repetunt, mortem insu-  
 per minitantes. cum nihilo magis flecteretur, facta manu in homi-  
 nem ire constituunt: certior sit ea de re Andreas a quibusdam Chri-  
 stianis momentibus ut nescio quo se recipiat: uerum ipse recusat, u-  
 trumque locum inquires hostibus æque esse obnoxium. Tum e Chri-  
 stianis quidam: Vis ne, ait, pro tua defensione populus ad arma  
 concurrat? Nequaquam, respondit. nauigium uos mihi dumtaxat  
 in fugam, si opus erit, instruite. Hæc uerba dum fiunt, ecce tibi re-  
 pente magna hostium multitudo superuenit: qui cum Andream  
 aliquan-

aliquandiu circumstetissent ( mirum dictu ) eo ne asperioribus quidem uerbis compellato, nedum occiso digressi sunt.

Pagus est alius Maurorum, qui, cum acre incensumq; Andree studium Christiane fidei propagandae ferre non possent, communi consilio cum primum illac ei transire contingeret, ipsum e medio tollere decreuerant. uerum simul atq; eo peruenit, tanto eos terrore Dominus perculit, ut quasi cum ingenti exercitu in oppidum irrupisset Andreas, ita sese omnes abderent, nec apparere quisquam auderet in publico.

Hæc, ut dixi, atque alia huiusmodi pericula in eo tractu sunt pæne assidua: ut nostri imminentibus hostibus, loca sæpe mutare, sæpe etiam lintres conscendere, atque in mari pernoctare cogantur. Maurorum est natio, quos Malauares nominant. ij ferme piraticam exercent, Christianis maxime infesti, quod multi iam e Societate nostra senserunt. Petrus Vaes una cum Socio missus Dæmonem ( qui locus ab urbe Goa distat pass. trecenta millia ) pæne iam absoluta nauigatione, quinque Malauarium biremes obuias cum uidissent, quam celerrime ad litus appulso nauigio, cum reliqua nauali turba uectoribusq; descendit: nec tamen ita maturare licitum est, quin Malauares extremum agmen assequuti, uiros aliquot fœminasq; perimerent. Nostri duo non tam pernecitate corporis, aut robore ( triduana præsertim inedia & ualitudine prope confecti ) quam singulari quodam Dei beneficio præsentique ope, ex hostium elapsi manibus, imminente iam nocte ignotis inuijsque se itineribus ac saltibus commiserunt.

Augebant metum hinc indagâtes piratæ, inde incolæ Christianis infensi. cumque totam fere noctem errassent, denique labore ac defatigatione uictus Alfonsus in itinere substitit, sociumque com-



pellans: *Mihi quidem, inquit, harum gentium feritatem ( quoniā sic placet Deo) diutius euitare nō licet. Tu tibi, frater, ipse cōsulito. Interea se dies aperit, armatorū aduentantium manipulū aspiciunt: haud dubiā rati sibi cadē imminere, ad preces, ut in re tali, confugiūt, ambo sese uictimas offerunt Deo. Sed res cōtra quā putauerāt, cecidit. nam Brachmanes quidā eius regionis in primis opulētus, de scensione piratarū audita, ad nostros cōquirēdos periculoq; eximēdos, eam armatorū manum ultro dimiserat. ij sublatū in humeros Alfonso, pone sequēte socio, ad Brachmanē perduxerunt, qui eos liberalissime exceptos, cibo somnoq; refectos, datis etiā praesidij causa comitibus, liberos Damonē abire permisit. Eximiā huiusce Brachmanis (in tāta p̄sertim barbaria) humanitatē ac beneficentiā Dominus pro sua benignitate cōpenset. Idē Alfonso Damonē Goā reuertēs, i piratas denuo incidit, uerū euētū meliore, quippe a Christianis praelio cōmisso biremi una, celocibus duabus praedones exuti sunt.*

*Petrus quoque Martines hoc anno Bazainū ex obediētia nauigans, in hosce Malauares incidit: a quibus procul dubio captus esset, nisi egregie instructū, quo uehebatur actuariū, medios hostes felici conatu atq; impetu perrupisset: quae tamē res, haud oīno cessit impune: etenim Nauarchus noster i ipso trāsitu grauiter a p̄donib. iētus ē.*

*P. uero Dionysius hoc itē anno tendēs Cocinū, cū ex itinere Mangalorē attigisset, ubi tum castris positis Lusitani urbē obsidebāt Regī ne cuiusdā Christiani nominis inimicē (quā urbē deinde captā euerterēt) rogatus ut descēderet ad militis cōfessionē audiēdā periculoso uulnere laborātis, cū iā esset i litore, barbari nec opinātes Lusitanos magna ui repēte adorti, nōnullos etiā qui erāt cū Dionysio occidūt: ipse ut se ad actuariū reciperet, nō minori periculo i mare se projcit, uatādī peritia nulla, mortiq; p̄senti quorundam ope subtractus est.*

*In eodem*

*In eodem exercitu uersabatur cum uno Socio Ioannes Franciscus Stephanonius. is præter quam quod militum confessionibus audiendis, cum res exigeret, operam dabat, sæpe etiam hostium telis caput obijciebat suum: quippe qui, quotiescunque certandum esset, in primis ordinibus imaginem præferens Crucifixi, militibus cohortandis insisteret: circa quæ pugnantes cum caderent plures, incolumem semper eum diuina prouidentia præstitit.*

*Naues Christianorum duæ cum Ormutio (quæ urbs in Arabico est sinu) soluissent, in Malauares inciderunt, quarum altera capta est: altera Dei beneficio effugit, quam Petrus Touarius cum Socio uno conscenderat.*

*Iam uero tres alij e nostris, in ijs Melchior Nunnes, Goa Cocinũ uersus profecti, circa mediam nauigationẽ Malauaribus hisce piratis occurrunt, qui celocibus aliquot, & hippagine equis onusta, quam de Christianis antea ceperant, onerariam nostram aggredi non dubitarunt, in primis totius Indiæ grandem ac ualidam. Sed nõ paruo ipsis ea stetit audacia: uicti quippe fusiq; sunt, multis ipsorũ in prælio casis: hippagine etiam a nostris recepta. Nimis longum faciam, si cunctas eorum insidias persequar, quas nemo nostrorum hoc anno expertus non est, cui quidem hæc maria nauigare contigerit.*

*Salsætane insulæ in proximo sunt, in quibus ethnicorum ducetæ Christianorũ duo circiter millia numerantur, in ecclesias quinque descripta, quibus in singulis bini e Societate rē Christianā administrāt. Has porro insulas euripus bene longus a cõtinenti disiungit. in euripuli ttore statio quædã est, ubi a prætereuntibus etiã uiatoribus Salsætani barbari uetigal per summā iniuriã exigunt. eo cū peruenisset unus ex decem ijs, quos in ea diœcesi uersari diximus, paucis neophytis custodiæ caussa comitantibus, ut e Socijs quendam inuiseret,*

*Maurorum* actuariolis permultis, breui temporis spatia circumuentus est. Ac primo quidem sat molli brachio de nostris conqueri incipiunt, quod in transitu ad portorium soluendum appellere negligant: deinde, cum sacerdos mercatorem se negaret esse, nec huiusmodi oneribus obnoxium; irati nauigiola sensim applicant, neophytorum arma nonnulla surripiunt, sacerdotem ipsum iniectis manibus ui conantur abducere: quod ubi minus e sententia cessit, uniuersam denique feritatem ac malitiam expromunt: contis, iaculis, lapidibus hominem petunt, ingenti arrepta parma se protegentem, neophytis etiam egregie propugnantibus. quorum unus, cum iam eius loci praefectus grauem ictum in caput sacerdotis libraret, aliam nullam cernens defendendi rationem; ex arcu quem habebat adductum, emissa repente sagitta *Maurum* traiecit: is continuo moribundus in mare delabitur, tum ceteri se recipiunt, sacerdote ex altera parte seminiuo relicto, parma (cuius munimento seruatus est) locis compluribus perforata. Eo casu cognito uicini *Brachmanes* in subsidium frequentes accurrunt, & quadam quasi lectica e lignis ac linteis raptim exstructa, exceptum hospitio sacerdotem admirabili & insolita quadam humanitate, quibus possunt medicamentis curant, deinde uehiculo satis commodo impositum, ad ipsius adem, ut inde *Goam* transfueheretur, deportant: *Goam* demum delatus ex uulneribus ager, dies amplius quadraginta decubuit. Atque iam antea ille ipse praefectus alios tres e nostris ibidem interceptos domumque suam abreptos, multis probris, contumeliisque uexauerat.

Nondum uigesimus agitur dies, cum ibidem *Balthasar Gagus* est captus. atque is ad urbem *Pondam* in regni interiora perductus, a *Mauris* Praefectore regio sistitur. Expostulanti quod uectigal sibi

gal sibi non solueret, & quādā alia querenti, Balthasar satisfacit e-  
gregio. Tum ad Christianos quosdā iussus diuertere, incolumis ad no-  
stros postero die remissus est: nimirum propterea quod Prorex In-  
diæ cognita re statim omnes huius insule exitus custodijs occupaue-  
rat, edicto proposito nequis omnino Maurus abire permetteretur:  
multo etiā uehementius acturus atque seuerius, ni Gagus tam pro-  
pere dimissus fuisset.

In eadē Salsetana regione Gagus in latrones cum incidisset, sum-  
mo Dei beneficio manus earū effugit: quod sclopus iam in ipsum in-  
tentatus, flammā e fomite nō arripuit. Hoc uero tēpore ea loca Mau-  
ris ethnicisq; alijs grassatoribus admodū infesta nuntiabātur, magno  
utique nostrorū periculo: quos tamen (ut speramus) Dominus pro sua  
clementia proteget. Prorex etiam, quo die hæc scripsi, militum co-  
hortem ad eos fines tuendos miserat.

Iam uero de Francisco Lope nostro quid dicam fratres? de cu-  
ius obitu, e magistri Melchioris epistola, regionibus illis pro Socie-  
tate præpositi, sic accepimus. Idoneā nactus nauē, & cum ceteris re-  
bus, tum uero epibatis nautisq; plus centū instructam, una cū fratri-  
bus, eiusdē Melchioris iussu cōscenderat. iter unius diei prouecti,  
postridie in Malauariū celoces quindecim incidunt. pugna cōmit-  
titur, quam nostra nauis, ut erat egregie ornata, ad uesperam usque  
fortiter sustinet. ad extremū, intentis in prælium Christianis, tormē-  
tario pulueri casu quodā ignis admotus adeo uehemens excitauit in-  
cendium, ut primo impetu, superiore nauis parte diffracta, homi-  
nes aliquot in mare proiecerit. quo uiso Mauri nauigia propius ad-  
mouent, partim ut natantes excipiant: partim etiam ut aliquid, si  
possint, ex onerum reliquijs rapiant. sauebat ignis interea, mul-  
tisq; iam partibus comprehensis, oneraria instar fornacis ardebat.

## DE REBUS INDICIS

*Vectores ac nautæ, pro ut ad quemque ignis accesserat, ita se quisque e naui præcipites dare: cum uita seruitutē pacisci. nostri quattuor, etiamnum in angulo, quo nondum flamma peruaserat, cōtinere sese, & preces ad Dominū fundere, incerti quod potissimum optarent exitij genus: quippe, si eodem loco persisterent, iam iā deflagrandū: sin mari se crederent, uel aquarum ui moriendum sibi esse cernebāt, uel hostiū certe iaculis, ni uellent in ipsorū potestatem uenire, quos a Societate nostra præsertim, capitali odio dissidere non ignorabant. cum diutius deliberassent, rem totam denique Dei bonitati committere, ac ceteros imitari constituunt. dum igitur in alto iactantur, Franciscum e tonsura capitis pro sacerdote cognitū ilico Mauri in celoces accipiunt, certi hominem aut uita priuare, aut a Christo diiungere. querunt ex eo proinde, uelitne, Christo deserto, Mahometem sectari: ego uero nequaquam, ait egregius Christi miles. instare illi acrius, eademque, ni pareat, strictis intentare mucronibus. at ipse fortioribus etiam oculis, eadem illa respondit. qua uiri constantia ad rabiem concitati ac furentes barbari crudeliter hominē contrucidant. ille præclaro nobis ueræ uirtutis documento relicto, demonis uictor migravit ad Dominū. Huiusmodi triumphī ad sacrosanctæ fidei amplificationem utinam Dei benignitate quam plurimis nobis obtingant.*

*De reliquis, duo, uel eundem exitum sortiti, uel inter natandū lanceis confossi putantur. id autem ex eo conijcitur, quod omnium captiuorum indicem; seu catalogum accepimus, in quibus unus dū taxat numeratur e nostris: quocirca duos, ut dixi, mortuos arbitramur. M. Melchior ab eodem loco abest propius. is totum euentum clarius fortasse cognouerit, Romamq; perscripserit.*

*Restat quartus, Antonius Dionysius nomine. hunc ad terram*  
*enatan-*

eratantem prædones cur diutius persequerentur, non fuit: ..., quippe iam in litore ad prædam parati constiterant: a quibus Antonius, quæ gentis est impudentia & immanitas, omnibus etiam interioribus uestimentis exutus, in oppidum quoddam abreptus est. Hunc Mauri adhuc ignari quisnam sit, in uincula cætēnasq; coniectum ita benigne tractare dicuntur, ut nudus humi cubet stragulo culcitraue nulla, non plus scutellam oryzæ quotidie in cibum accipiat. sed eum Goe propediem affore sperabamus, quandoquidem in redemptionem est iam curata pecunia.

Nunc quoniam tum ex hisce difficultatibus & incōmodis, tum ex alijs, quæ ad uos e Iapone fortasse perscripta sunt, satis ut arbitror intelligitis, in hæc Indiæ regiones uenire, aliud esse nihil, nisi doloribus mortiq; Christi Domini causâ ultro offerre sese; modum epistole faciam, & alia pericula silentio prætermittā, quæ maiore etiam animi uirtutē roburque desiderant. Illud uos tantū rogo, & per commune oibus nobis beneficiū huiusmodi nostræ uocationis obtestor: ut pia quadā abdicatione rerū omniū (non omīssis interim aut neglectis ijs, quæ uestre fidei curæque commissa sunt) expetatis ardentè, Deumq; assidue deprecemini, ut liceat uobis ad animas uestras & corpora eidē immolanda, in hæc loca contēdere, utique ad id ipsum in primis accommodata. Quod ut impetrent pauci, nō parum tamē omnes ea petitione profecerint. etenim si Dei thronū atque præsentiam frequentare, caput uitamq; uestrā pro salute animarū ei deuouere nō desieritis; profecto uestra ille studia non modo pro sua bonitate approbabit, sed etiam pro merito cuiusq; remunerabitur. Præterea fieri non potest ad mortē ut se quispiam comparet, quin idem ab hac uita misera sese diuellat ac separet. Dicam planius: quisquis pro Christi Domini gloria mortem uere & ex animo exoptat, idem null;



nullo negotio prauas animi cupiditates coercet, quæ res ad Deum  
 & sancte colendum & facile, ualet plurimum. Itaque sic habetote  
 fratres mihi carissimi: eos impetus animi eaq̃, desideria, quæ funda-  
 mentis huiusmodi nō nituntur, assidua precandi exercitatione con-  
 iuncta, nequaquā esse huic Indicę legationi atque oneri paria: quip-  
 pe, quo minus fundata sunt, eo facilius uarijs & quotidianis incom-  
 modis labefactata subsidunt paulatim & concidunt. contra, si ma-  
 tura stabiliq̃, uirtute subnixæ fulciantur; ingruentibus laboribus  
 atque periculis non modo non quatiuntur, aut corruunt, sed etiam  
 magis magisq̃, confirmantur & corroborantur in dies. Quocirca  
 obseruet etiam atque etiam unusquisque se, uideatq̃, quemadmodū  
 ambulet: omnibus autem nobis ad sanctam ipsius uoluntatem ac  
 placita rite exequenda, spiritū Deus ipse, uiresq̃, suppetitet. Amē.  
 Goa 5. Cal. Ianuarij. 1568.

EXCERPTA QVÆDAM E CHRI-  
 stophori Acoltæ litteris ad Præpositum Genera-  
 lein datis 4. Non. Ian. 1569. Malaca, quæ  
 fuit olim aurea Chersonesus.

**I**N hoc domicilio Malacensi, præter confessiones, cateche-  
 ses, & alia ex instituto nostro munera, pluribus etiam lo-  
 cis conciones habentur: præsertim uero Dominicis diebus  
 ad ethnicos sectæ cuiusdam, (Quintinos appellant) quorum praua  
 dogmata & opiniones ut publice confutarentur, Concilium prouin-  
 ciale decreuerat, eamq̃, prouinciā nostris Episcopus demandandā  
 existimauit. Erit, ut speramus, operæ pretium Quæstiones etiam eę,  
 quas uulgo casus conscientie nominant, clericis explicatæ sane op-  
 portu-

portune, magnaꝫ auditorum tum approbatione, tum etiam profectu, qui uel e quotidianis eorum interrogationibus sub explicatione perspicere peterat.

Sacra ædes nostra ad tectum hoc anno perducta est, non modo capax, sed etiam ualde formosa, uel structuræ genere ipso, uel loco: sita est enim in urbis mediæ summo cliuo, unde ingentia maris terrarumq; spatia cernuntur. In eam ædificationem, & simul ad nos quoque alendos elemosinæ a pijs hominibus erogantur. Et quoniam hæc domus hospitium est nostrorum omnium, qui ex India, Malucum, Iaponem, & Sinas petunt; exponam ea, quæ ad nos uarijs e regionibus nuper a nostris allata sunt: quandoquidem incertum est, ipsorum litteræ sintne hoc anno ad uos peruenturæ. Ac de Malucis insulis primum: e quibus cognitum est, Amboinenses neophytos (quos Franciscus Xauerus & alij deinde, Christianis præceptis imbuerant) superioribus annis crudeliter admodum oppressos ac uexatos fuisse a natione Maurorum quos uocant Iaos, in primis fera & immani, & Amboinensibus præsertim uehementer infesta, Christianis permultis occisis, quibusdam etiam a Christo ui metuq; alienatis, toto denique eo tractu (sunt autem insulæ quamplurimæ) per uim occupato. Verum Lusitani ex India illuc ualida classe profecti Iaos inde expulerunt, principes scelerum & auctores affecere supplicio, omnes eas insulas ereptas e misera seruitute, sublatis discordijs bellicisq; ciuilibus quibus inter sese ad internecionem usque certabant, ad Lusitaniæ Regis imperium adiunxere: optimo loco & ad excurrendum in primis opportuno, arx cum propugnaculis excitata, impositumq; presidium. Quæ res nostros etiam hortata est, ut amplificandæ Christianæ religionis causa ibidem sibi domicilium collocandum putarent. itaque ob eam rem illic nonnulli e Societate nostra uersantur.

nes in gratia, nec modo clericos, sed etiam laicos, quos ille amantiſſimis uerbis, & exemplis Christianæ humilitatis, instituit. Pecuniarias multas, nec sepe imponit, & domum suam exactas deferri non patitur. ualeudinarium est curandis leprosis (quorum magna est in ijs sinibus multitudo) ipsius opera & consilio constitutum, nō paruo utique cum corporum, tum etiam animorum bono (multi quippe eā ratione conuertuntur ad Dominum) huic ergo ualeudinario Melchior eiusmodi pecuniam attribuit statim.

Ex Iapone hoc anno litteras nondum accepimus: si fuerint allatae, mittentur ad uos.

Hæc mihi in præsentia, quæ scriberem occurrebant. Reliquum est ut Malacensem hanc domum atque familiā, sacrosanctis tuis, Pater optime, sacrificijs precibusq; eo diligentius adiuues, quo maius illi periculum impendet. rumor est enim, Acenorū Regem (ij populi sunt insule magnæ Taprobane, quam hodie Sxmatrā uocant) ad obsidionem huius urbis comparare sese, certe pernicioſa Malacensibus agitare consilia. Malaca 4. Non. Decembris 1569.

## EX ALOYSII GOVEANI LITTERIS

datiſ Colani, e collegio Saluatoris

18. Calend. Feb. 1569.



Rbs hæc, in qua cōmoramur laborantes in uinea Domini, & in Comorinensem quoque tractū subinde excurrentes, iacet ad montis cuiusdā radices, passuum a mari nouem circiter millia. Salubre cælum, aquæ optimæ, annona plurima, gens uero ad pacis æque ac bellimunia solers: Christiana sacra multi suscipiunt: qui iam suscepere, tum frequenti sacramentorum usu,

usu, tum etiam animi candore atque munditia, & in ceteros benignitate & officijs, egregium probitatis ac ueræ fidei specimen præbent.

Mauris ethnicisq; oram hanc non exigua interdum classe instantibus, armati resistunt. sane fortiter præstantq; magnam in catholica fide constantiam.

In neophytis est egregia pietate mulier. ad eam cum ethnici quidam adissent petentes nescio quid patrio delubro offerendum, id postulatū usque eo mulier tulit indigne, ut scopis arreptis (quod genus iniuriæ apud eos in primis contumeliosum est, atque idcirco a magistratibus etiam seuerè admodum uindicatur) ita tenaciter, ut extorqueri non possent, uultu uerbisq; male acceptos abs se reiecerit, quin etiam postridie, qui dies erat sabbati, præcipua fæminarum pietate cultuq; in honorem Mariæ Virginis sacratissimæ concelebrari solitus, cum plebs iam frequens conuenisset in templum; elata uoce mulier eadem, ut cætus omnis exaudiret: Ego, inquit, in simulacri cultum rogata nescio quid, negaui scilicet. quod si quem posthac in eo genere peccare cognouero, me omnino eius nomen ad Patrem (sic enim sacerdotem nostrum appellant) cum primum affuerit, delaturam esse profiteor: qua denuntiatione compunctæ nonnullæ aliquo eiusmodi obstructæ piaculo, ad officium sponte rediere.

In extrema ora castellum est insigni quodam ethnicorum delubro clarum in primis ac celebre, Christiani etiam aliquot ibi uersantur. & quoniam ea natio piscatu maxime uitam tolerat, cum duobus iam mensibus inopia piscium grauitè laborarent, duos e nostris, qui tum aderant, rogauere Christiani ut supplicationibus publicis Deum propitiare ne grauarentur. supplicationes habitæ cum apparatu ac cæremonijs: a templo nostro ad crucem usque non longe positam,

sitam, agmen Christianorum processit, magna cum religione, quæ-  
rundam uero etiam lacrymis. Deinde nostri ad alium pagum rei  
Christiane caussa profecti, nuntium accipere, paulo post supplica-  
tiones peractas ingentem repente uim piscium magna cum neophy-  
torum gratulatione exstitisse.

In hac ora maritima tres & uiginti sunt pagi, sane frequentes:  
& quidem exceptis quattuor, omnes Christianis templis ornati.  
Suis autem cuique templo aditus præest, quem patria lingua Ca-  
naquapolem uocant, propter nostrorum hominum penuriam, ex  
ipso neophytorum numero lectus a probitate & Christiane di-  
scipline peritia. Horum est, præter templi custodiam, Christianis  
etiam præceptis plebem imbuere, discordias tollere, in templum neo-  
phytos conuocare, obseruare quis desit, qui uel se male gesserit, omnia  
demum ad Patrem deferre, cum uenerit, ut ipse deinde pro delicti  
modo remedium adhibeat. Obseruantia uero neophytorum in no-  
stros homines mira, mirum obsequium.

Graues etiam inimicitie nostrorum opera suasuq; multe deposi-  
tæ, & constituta pax non solum inter priuatos & consanguineos et  
ipsos quoque populos, uerum etiam Regem inter ac Regni procures  
aliquot, atque hac ratione imminentia sepe seditionis tumultusq;  
sublata pericula, tanta cum Christianorum, tum uero ethnicorum  
approbatione, ut multi principes uiri sese iam nunc defensores at-  
que adiutores Euangelij præbeant, qui nuper acerrimi Christiane re-  
ligionis aduersarij fuerant. Regis uero ipsius quamquã adhuc ethni-  
ci, eximia erga nos humanitas ac beneuolentia cernitur: audit nos  
perlibenter, templum Christianis edificauit egregium, quin etiam in  
eam incuberat uoluntatem, ut Maurorum phanum, quamquam  
inuitis ac renitentibus ipsis, euerteret. Sed ne qua turba ac rixa ori-  
retur,

## DE REBUS INDICIS

retur, uel ipso nostrorum suasu res in aliud tempus dilata.

Dum hæc pararem scribere, ecce tibi ab Rege Trauancoris nuntius: etiam atque etiam rogans ut Regem ipsum e nostris aliquis adeat: esse quæ ille nobiscum agere uehementer uelit. Delubrum est leucis ab hoc oppido quattuor, quo Rex Trauancoris tum ad gratulationes quasdam ac solennia sese contulerat. eo igitur e nostris nonnulli profecti, benignissime ab eodem excepti sunt: actum de templis Christiano ritu ac religione toto ipsius regno exstruendis: eamque potestatem Rex patentibus litteris seu diplomate fecit amplissimam: deinde omnibus ijs qui ad Christum accederent, immunitates ac priuilegia multa proposuit: se suaque nostris liberaliter detulit: eosdem orauit, ut sibi Lusitanorum qui uersantur in India conciliarent amicitiam: tam diu permansuram, quam diu sol exstabit ac luna; professus hostem se hostium nostrorum fore perpetuum. ad ea nostri cum ita respondissent ut Regi gratias agerent, & opportune etiam alia quedam adderent, domum rediere. Quocirca breui, ut speramus, magna cum diuini nominis gloria totum illud regnum

ad Ecclesiam catholicam aggregabitur, eritque necesse,  
ut Indica omnia nostræ Societatis collegia cul-

tores atque operas in uineam hanc magnam ac spatiosam pro sua quæque parte contribuant.

Laudetur etiam

atque etiam

Dominus: idemque nobis multum de  
suo sancto spiritu largiatur. Amen.



EX EMANVELIS TESSERIÆ LIT-  
teris ad Præpositum Generalem, datis  
Goa 4. nonas Ianuarij 1569.



*Estate superiore cum e Sinis redirem, Cocini primum, deinde Goæ sum factus certior, auere te, Pater optime, de illarum gentium moribus ac natura cognoscere, deque spe eiusdem per Euangelium adiuuandæ prouinciæ. Quocirca uersatus ibi annos aliquot, deesse nolui quo minus tibi per litteras quid haberem in eo genere compertum quidue sentirem, exponerem. Sinarum regio & patet latissime, & omnium, quæ quidem in hac plaga exploratæ sunt, oppidis & habitatoribus est celeberrima. Incolæ sunt ingenio ualde bono & acuto, præstantiores animi, quàm corporis uiribus, in reipublicæ administratione & ciuili prudentia admodum excellunt: hæc apud eos cura studiumque præcipuum; superstitionibus & idolis minime dediti sunt. unum habent regem: huic uero supra quam credi possit omnes obediunt: præmiorum ac pænarum distributio plane admirabilis: atque ut natura sunt perspicaces, animaduerti nonnullis ipsorum sacrosancta fidei nostræ decreta uehementer probari. in urbe Cantone fui aliquoties: aperte profitebantur, si per regem regio sue ministros liceret, se Christiana sacra suscepturos libenter. Atque (ut ego quidem existimo) si quando Christi præconibus aditus in ea loca patuerit, plus apud Sinas breui, quam apud alias nationes uel diuturno labore profecerint: primum ob gentis ipsius naturam atque indolem egregiam; deinde quòd secuta toto regno pax est atque tranquillitas. Quinimmo & in amore & in honore nostros*  
*G habere,*

habere, quidam etiam ad meliorem frugem reduci iam ceperant : ijdemq; aiebant, si quibus unquam aduenis in eius regionis interiora penetrare licuerit, eos utique aduenas e Societate nostra futuros. Itaque licet perpetuus ille animarum inimicus opponat omni conatu sese, & re uera negotium hoc difficultate non uacet; tamen ita despendendum non est, ut nonnulli re nondum omnino tentata atque explorata putarunt.

Etenim Franciscus Peres & ego, quo tempore in Sinas cum Regis Lusitaniæ Legato profecti eramus, in mandatis habebamus, ut ne prouinciam ingrederemur, ante regiam legationem absolutā, sed enim tota res acta sic est, ut minime mirum uideri debeat nos deinde introductos non esse. quod si duo Socij aliquam eius linguæ & consuetudinis naeti peritiam, forti magnoq; animo rem aggrediantur ipsi per se (quemadmodum in Meaci urbis ingressu apud Iaponios factū est) Deo adiuuante fore confido (idq; nobis affirmabant Sine) nō modo ut non arceantur, sed etiā ut studiose intromittantur ab incolis. Vbi Lusitani morantur, domus iam excitæ complures. Christianorum incolarum est numerus sex circiter millium, partim Lusitanorum qui mercaturā exercent, partim etiam Sinarum qui sese paulatim ad Christum adiungunt. ibidē duo iam tēpla uisuntur: Lusitanorum alterum sacerdotibus instructum secularibus; alterum Societatis nostræ: huic ædes coniunctæ sunt Patris Prouincialis iussu ad nostrorum habitationē exstructæ, ut simul et rei Christianæ in eo portu dent operam, & integritate uitæ exemploq; illius regni quasi fores pulsarē pergant. Eedem ædes opportunum quoque præbent nostris hospitium qui Iaponem petentes ex itinere illuc diuertunt: quorum nonnulli nouem decemue interdū menses ibi subsistunt; dum uel cursum expectant, uel aliqua in  
usus

usus Iaponicos necessaria comparant. Varys præterea ex ethnicorū regionibus confluunt eodem Christiani, quibus in spiritu laborantibus tempestiue succurritur. Et quoniam alia nulla est in eo emporio religiosa familia, nostri tantis tamq̃ salutaribus occupationibus distinentur, ut non uideam quibus in locis possit eorum esse commoratio fructuosior. quas ob causas, ac præsertim introitus obtinendi gratia, sic equidem statuo (nisi si tibi uideatur secus) e re Christiana futurum ut mandes atque præcipias, non modo ut nostri (quoad eius fieri poterit.) nequaquam ab incepto desistant, sed etiam omni conatu insistant sacrosanctum Euangelium penitus in eam prouinciam inferre: siquidem a magno Deo magna speranda sunt. Ipse pro sua clementia, in anima spirituq̃ tuo semper inhabitet. Ego me precibus tuis ac sacrificijs ualde commendo. Goa 4. Nonas Ianuarias 1569.

## E NICOLAI NVNNIS EPISTOLA,

e castro Ternate data 4. Idus

Febr. 1569.

**D**E regionibus hisce Maluci, & Amboini, anno superiore plura cognouisse uos arbitror: quibus in regionibus Dei beneficio Christiana res cursum deinceps ita prosperum tenuit, omnes ut hi populi & insule sacrum Euangelium efflagitent. & sane hæc Domini uinea, omnium, quæ Societati nostræ commissæ sunt, in primis uidetur colenda: fructum enim operæ pollicetur uberrimum. Quare in spem uenimus fore propediem, ut impiam Mahometis sectam in hisce partibus diuina bonitas prorsus extinguat ac deleat. quocirca obsecrate fratres carissimi Domi-

G ij num,

num, ut numerum operariorum augere dignetur.

Commemoratio nostra adhuc est maxime in oppidis finibusque Ternatis, Baetionis, Mauri, & Selebum: nec sane frustra, siquidem hæ nationes (adiuvante conatus nostros & industriam Domino) tum ad sacra salutis æternæ mysteria, omnemque probitatem ualde propensa, tum etiam in Patres, quibus ad earum conuersionem Deminus utitur instrumentis, bene animatæ cernuntur.

Mauricam diocesim tuentur hoc tempore Patres duo, frater unus. Tolanam uero Didacus Magalianes obit magnâ cum utilitate, exemploque uirtutis atque constantiæ, quippe qui ualetudine conflictatus aduersa, nunquam tamen idcirco intermittit Christianam rem baptismis, cõfessionibus, catechesibus, missarum sacrificijs, alijsque id genus ministerijs adiuuare.

Ex altera parte Nicolaus insulam tenet Morotai, degitque præcipue in oppido celebri Sequita, quem ille ceterosque circa populos iidem ex instituto nostræ Societatis officijs atque laboribus ad Christianam uitam informare non desinit.

Iam uero in hisce insulis uersatur seorsum Antonius quoque Cõsaluus. is erat hoc tempore in oppido Rau, Christianæ religioni bonisque moribus eo toto agro propagandis intentus, magno utique patientiæ ac uirtutis exemplo, uel ob difficilem eius regionis naturam, uel etiam ob dolorem capitis, quo laborat assidue, nec tamen idcirco desistit suo munere perquam studiose & alacriter fungi. hanc Mauri terrâ magni calores atque æstus mire insalubrem efficiunt: atque his alijsque de causis, quas iam cognouisse uos arbitror, itinera in primis sunt laboriosa & ualetudini uehementer infesta. Verum enim uero in ijs ipsis incommodis atque difficul-

difficultatibus mirifice consolatur leuatq; nos Dominus, cum re ipsa euentuq; demonstrat, sudores nostros operamq; non frustra consumi. quippe gens hæc nuper adeo rudis ac barbara, ad sacratissimū Eucharistiæ mysterium (quæ ipsius Dei uirtus ac potestas est) idonea redditur, & mirabili quodam studio ac pietate ultro Sacramentum confessionis exposcit. in singulis ferme oppidis templa extruxere, & dominicis festisq; diebus ad catechismum cuncti conueniunt, quæ res missæ implet uicem sacerdotum inopia.

Iisdem docendi, concionandi, ceterisq; muneribus non sine magno quidem profectu dat operam in Bæctionis regno Ferdinandus Aluares, profanos ac superstitiosos ethnicorum ritus cum Christiana religione ac disciplina commutans. agrotauit hoc anno grauiter, & solus est. quocirca maximos in ea prouincia subit labores.

Bæctionica gens Mauricam superat ingenij bonitate & acumine: quare facilius etiam capit sacrosancta fidei Christianæ mysteria: non obscura uero argumenta dant omnes, prorsus deserte, abiecteque Mahometanæ prauitatis: ac Rex præsertim, qui una cum popularibus suis acrisse incensum studio demonstrat Christianæ fidei propagandæ.

Selebū terra est admodū ampla, multas magnasq; cōtinet insulas, Reges habet cōplures Christianæ religionis ita cupidos, ut nihil ad eorū cōuersionē, præter catechesim baptismumq; deesse uideatur. Solū apprime ferax: incolæ corporis totius forma & proceritate conspicui, colore nō tam atro quam rubido: minus quieti ac pacati nunc quidē præ multitudine dominorū: sed ubi Christianæ disciplina, ac uero Domino sese addixerint, cōspirabunt oēs atq; consentiēt. Reges Christiani facti iam tres: quorū est omniū cura pænes Petrū Mascareniam, ex quo facile existimare possitis, quā uehemēter nobis

subsidio opus sit. Atque ut clarius etiam id ipsum intelligatis, nonnullas perstringam nationes, quæ a nobis Euangelium expetunt. In ijs numerantur Tapuæ non absimiles Cafris seu Aethiopibus, in multa regna diuisi: distat hinc ampla eorum regio, leucas circiter sexaginta, ad leucas fere totidem cognita & explorata. Atque ego cum essem apud Regem Baëtionis, uidi nonnullos ex ijs Regibus, qui ad eum inuisendum pro amicitia uenerant, iidemque baptismum petebant: sed non impetrauere, quod nemo suppeteret ad eos Christianis præceptis erudiendos, & deinceps retinendos in fide.

Eadem sunt postulata Regis quoque Bengaij, quæ terra in meridiem spectat. Rex uero Gorentalijs, cui regno ex altera parte sunt oppositi Selebes, sextum iam annum instat idem exposcere, atque etiam nuperrime certos homines idcirco ad Lusitanum Præfectum legauit. sed frustra, quod ualde pauci sumus et longe lateq; dispersi: misit quidem Præfectus amicitie causa, qui cum muneribus illum inuiseret, simulq; animauit hominem, & hortatus est ut Petro Mascarenia uteretur, qui tum in ora contraria uersaretur. Regnum uero Gorentalijs frequentissimum est: nec dubium quin si Rex Christiana susceperit sacra, ceteri quoque sint suscepturi. Huic finitimus est Rex qui dicitur Botum. is latius etiam imperat.

Alia multa regna gentesq; consulto prætereo, ne augeam dolorem uestrum, commemorando tot animarum interitu: quas ego uel pro uniustantum salute (si res exigat) uitam libenter posituros esse non dubito.



E PETRI MASCARENIAE LIT-  
teris, Ternate datis, pridie Non.

Martij 1569.



*Quando apud Selebes hoc anno uersatus sum, non ab re fore existimaui, si ad uos, quæ sint ibi gesta perscriberem ut cum tantam messis copiam in tanta operariorum inopia cognoueritis, cuncti Domino supplicetis uti quamplurimos dignetur huc mittere.*

*Sionis Rex, quod iam audisse uos reor, conuersus ad Christum est, & sacro baptismo initiatus in ora Manadi, quo tempore Didacus Magalianes ibi fuit. ea de causa intra sexdecim menses totum regnum ab eo defecit, uno dumtaxat oppido excepto, quo ille cum parente fratribusq; confugit, atque inde ad hoc Ternatis Castrum se contulit, opem a Lusitanis implorans. Interea diuina adspirante clementia populares eius ad sanitatem reuersi, Regem in patriam reuocant imperata facturi; celox ad eum deportandum a Lusitanis instruitur; una discessimus ipso natali die Sancti Bartholomæi: proximo die dominico in ora Manadi sacra missæ peregrimus. ibi cognitum est dimidiam tantum regni partem ab Rege stare, ceteros in defectione persistere. Inde ad Sionem urbem apulsi, iactis anchoris, oppidanos de regis aduentu fecimus certiores. ij simul atq; audierunt Lusitanorum nauî delatum Regem, quâquâ teneret arcem aduersa factio, nihilo minus Principes ad nauem usque accedere sese dedentes, ac Regis pedes multis cum lacrimis osculantes.*

*Substiteramus ibi iam triduum, nec hostes ad pacationem addu-*

G iiij      cipote-

## DE REBUS INDICIS

ci poterant. Quocirca Nauarchus, itemq; Consalius Vriades cum sua cohorte descendunt: ad hos armati adiunguntur trecenti ex ijs qui Regi sauebant. Quare perterriti hostes arce deserta in montes recepere sese. September mensis tunc agebatur, iamque aderat dies praefinita Nauarcho, ut se cum reliqua Lusitanorum classe coniungeret. Quocirca solutis anchoris, natali die Mariae Virginis, ex eo loco peruenimus ad pagum familiarum circiter trecentarum, quibus consobrinus quidam regius imperat. ibi remansimus, celoce abeunte, ego & Rex cum Lusitanis duobus: nec mora: templum excitatum est. in eo Regis patrem, qui ibidem erat, sacro baptismate abluimus, uenerandum senem, ad Christianam fidem ualde propensum, & ingenio in primis mitem ac docilem.

Septembri exeunte, cum neophytos Manadenses inuifere decreuisssem, Rex ipse cum multis e suorum numero me prosequi statuit. dum ornantur nauigia, e Sanguim insula honestissimi quique uiri ad me uenerunt rogantes ut irem ad Regem suum Christianis initiandum sacris: cuius rei magnam ipsi quoque uoluntatem ostendunt, cum signis alijs, tum uero coma extemplo tondenda, quā alunt mulierum more ualde promissam. quorum ego studijs optimis obsequendum ratus, praesertim quod ea ratione ad insula Sanguim totius (quae sane magna est) cōuersionem aditus patefieret, admodum letos dimisi pollicitus me ad eos esse uenturum. ij simul ac patriam attigere, nouas aedes nobis excipiendis exstruere aggressi sunt. inde paucis interiectis diebus Regis cognatus, cuiusdam uiri principis filio comite, praclare instructo nauigio uenit ad me deducendum. parata iam erant Regis quoque Sionis octo nauigia. itaque is etiam mihi cum sua cohorte se comitem praebuit.

Festo die sancti Francisci mane profecti, uespere ad Sanguim  
accessimus:

accessimus: postridie Rex insule cum optimatibus ingenti omnium gaudio nobis obuiam prodire.

Vrbs regia & insula totius nobilissima, Calanga appellatur: eo sumus deducti, ac triduo post promulgauimus Euangelium: quo perattente audito Rex & Regina primoresque respondent, meam sibi orationem uehementer probari: proinde magnopere uelle se fieri Christianos. Moratus igitur ibi sum quoad fuit necesse ad precipuam sexus utriusque nobilitatem sacro baptismo expiandam. quo illi suscepto redemptionis humane mysterio, dici uix potest quantum uoluptatis & gaudij non solum animo ceperint, sed etiam publice ostenderint. Neque tamen inter hasce gratulationes, uel Reges ipsi uel ceteri de salute animarum serio mecum agere & querere destiterunt: plane ut nostra domus in primis laxa, dies noctesque auditoribus esset referta.

Decretum est etiam communi consilio, ut ueneranda Crucis trophæa statuerentur: eamque crucem sua ipsi manu uiri nobiles e ligno pulcherrimo fabricati sunt. o spectaculum uestris oculis perquam iucundum fratres mihi carissimi, si uidiſſetis Regum illud par Sionis et Sanguin, Christi Domini Crucem primum sublatam in humeros, deinde proceribus certatim adiuuantibus defixam & erectam nixos genibus cum uniuerſa multitudine suppliciter adorantes.

Interea tempus aduenerat Cauripanos neophytos inuifendi: ea res magno sane mœrore Sanguinianos affecit, quos ego ut potui leuauis, pollicitus me reuifurum ipsos in reditu. rogatus ab iisdem ut ante discessum, arcem exstruendo templo describerem, pecuniam in id corrogatam præſto futuram in tempore, æquatam & amœnam agri planitiem illis ad mare assignauis, densis consitam arboribus, quæ arbores intra sex horas uniuerſe & quidem Principum manibus

prorsus

prorsus excisa: tantus eos ardor animi, tantum noui templi desiderium ceperat. Quin etiam Rex deuexa iam etate, cum propter infirmitatem corporis exercere sese ipse cadenda sylua non posset, instabat tamen ac praeerat sedulus operi, ceterosq; hortabatur. Regina uero iussit nuntiari, se quoque cum faeminis purgando solo herbisq; uellendis in eius laboris ac meriti partem esse uenturam. Ad extremum cum non liceret mihi apud eos esse diutius, ab Rege ipso & a nobilissimis quibusq; honoris causa ad nauem deducti conscendimus. Lusitanis duobus, qui mecum erant singula donata mancipia. Regis praeterea iussu propinquus ipsius & alius item summo loco natus adolescens actuario nos prosequuti sunt.

Erat adhuc nobiscum Sionis Rex, cuius in regnum simul atq; peruenimus, nauigia comparari imperauit, ut nos in Cauripam comitaretur ipse cum magno Principum numero: itaque regno bellicis copijs praesidijsq; firmato, nauibus quinque profecti Kalen. Nouembris, altero die Manadum attigimus: ibi uersati sumus ad dies decem: interea Batachini (sic enim appellantur hi populi) da me detulerunt hominum esse plus centum millia, qui iam pridem auide baptismum expeterent, simulq; Regem Sionis rogarunt, ut ea de re mecum ageret: sed ego cum cernerem eius orae neophytos esse permultos, nos autem ita paucos, ut non nisi raro ad eos adire possemus; excusauim me ut potui, prebuiq; spem fore, ut a patribus, qui ad Selebes erant commorandi causa uenturi, baptizarentur: me uero non alia ob causam eo accessisse, nisi ut factos iam Christianos inuiserem.

Inde cursum in Cauripam intendimus, & ex itinere ad oppidum quoddam Regis Bolonis maxime nobile naues appulimus, ut relietum ibi a Didaco Magaliane adolescentem acciperem, mecumq; perducerem. Rex Bolonis Manadi Regis est filius, Mahometanus ille

nus ille quidem, sed ad Christiana sacra propensus. is aberat eo tempore passum ferme ducenta millia. Mater autem ipsius ubi cognouit me portum introisse, misit, qui me & cibarijs & humanissimis uerbis exciperet, sed mihi nequaquam eo loco morandum existimaui. Itaque adolescente, quem dicebam, in nauem accepto. Cauripam denique attigimus; magna tum neophytorum tum etiã ethnicorum letitia, cuius non obscura dedere signa quamdiu ibi mäs simus. neque uero parum nos occupatos habuit gentis eius religio ac pietas: ita ut nostrum hospitium celebraretur assidue uel a neophytis, quos in fide confirmabamus, uel ab ethnicis, qui salutaribus rudimentis ac preceptis imbuebantur; quos ego tamen baptizare nolui, quamquãd ipsi efflagitantes, ob eas ipsas causas, quæ mihi apud Batachinos occurrerant: dixi aliquem e patribus ad eos habitandi causa uenturum: atque hac spe iniecta digressi inde Sionem ineunte Ianuario mense tenuimus.

Consalius Pereria Lusitanica classis Præfectus, Regi Sionis receperat se illi aduersum rebelles subsidio esse uenturum. iamq; Ianuarius erat in exitu, nec dum ille aderat: in ea expectatione comparuere duo nauigia, quibus Rex comite me prodijt obuiam ratus esse de classe Præfecti, sed a Lusitano Mendornela, qui ijs nauigijs uehebatur, cognitum est Lusitanicam classem uel tempestatis in Malucum abreptam. Sane molestus nobis fuit is nuntius. cognita mæoris causa Mendornelas ipse Regi se suosq; milites liberaliter detulit. ac diuino fauente numine ita se præclare gessit, ut paucis diebus duo ceperit oppida uel ipso loco, uel propugnatoribus & armorum apparatu in primis munita. ea uictoria sedati & cōpressi tumultus: uniuerſa insula in sui Regis potestatem redacta: Seles Lusitanorum uirtute perterriti.

Regis huiusce fides ac bonitas præter æternæ quæ ( ut speramus ) manent illum in cælis præmia , felicem etiam hunc rerum exitum uidetur in terris esse promerita : usque adeo nos officiose & amanter est prosequutus , quacunque nobis apud Selebes contigit iter facere , nusquam a latere nostro discedens . Itaque in eius gratiam magnus etiam nobis est honos habitus . nec solum in deducendis nobis officio fungebatur , sed etiam fidei Christianæ præconem se præbebat , exponens quam illam sibi frugiferam ac salutarem expertus esset . nobis uero apud eos populos pro sua probitate pioq; animo gratias agebat ingentes : et cum alia , tum illa præcipue prædicabat , se in exsiliij sui calamitate benigne a nobis exceptum ac sustentatum ; denique in regnum nostrum beneficio restitutum esse ; quibus ille rebus animos hominum non mediocriter permouebat , nec apud neophytos modo sed etiam apud Lusitanos ipsos magna nostrorum nomen ponebat in gratia .

Pacato igitur ( ut dixi ) regno , Rege salutato , Ternatem reddij : mecumq; regis filium duxi natu maximum , indolis egregiæ , nonum circiter agentem annum : quem ipse mihi tradidit parens educandum apud nos .

EX LITTERIS SEBASTIANI FER-  
dinandi ad Præpositum Generalem Socie-  
tatis IESV, datis Goa, mense No-  
uemb. 1569.



Dibus Septembris, cum naues huc e Lusitania peruenis-  
sent, litteræ tuæ nobis redditæ sunt, e quibus magna cum  
animi uoluptate accepimus quæ per nostros homines in  
Europa



Europa gerantur a Domino. & quoniam non ignorabam uos item res Indicas libenter solere cognoscere; faciendum mihi existimaui ut huius anni potissimum ad uos aëta perscriberem.

Atque ut a nostro Collegio exordiar, sumus hoc tempore octoginta & octo, præter eos qui in alijs neophytorum Ecclesijs tum in hac insula Goa, tum in Ciorano Salfetisq; uersantur. Gymnasia nostra grammatices, plures in classes diuisa, discipulos sexcentos circiter continent. ij, diligenter curatur ut cum lucubrationibus & exercitationibus litterarijs, studium uirtutis pietatisq; coniungant. itaque singulis mensibus ex præscripto semel omnes: multi etiã sepius ultro peccata sacerdotibus confitentur, & corpus Domini sumunt qui ad mysterium illud censentur idonei. Statis præterea diebus magna alacritate conueniunt ad Christianæ fidei ac disciplinæ rudimenta publice decantanda. denique in ceteros etiam instituendos & conuertendos ad Dominum, seruitia præsertim & agricolas. (quantum eorum tenera fert ætas) incumbunt.

Orphanorum Collegio, quorum est numerus 100 circiter & 20, fratres e nostris duo præpositi sunt: eosq; ad omnem uirtutem ac probitatem informare non desinunt. Aliquot in ijs uisuntur Brachmanum filij, quorum opera & comitatus in prouincijs obeundis, & in conuersione ethnicorum, nostris iam nunc est admodum utilis. Catechumenis, qui quidem sexus uirilis sunt, præest frater unus. feminae separatim, ac longius habitant, quarum est cura penes mulierem ex Aethiopia, eius rei ualde peritam: itaque suo munere tam scienter ac sedulo fungitur, ut in ipsius diligentia prudentiaq; nostri magnopere conquiescant. porro datur opera etiam atque etiam, ut omnes ij cecitatem & errores in quibus uersabantur antea, quam optime recognoscant: idolaritushq; pa-

trios prorsus obliuiscantur. ubi Christianis præceptis instituti, baptizatiq; sunt, quo sibi deinceps uictum honestis artibus parent, uarijs opificijs uitæq; generibus destinantur. utique dum laborat inopia, nemo deseritur. cum Mauris, Iudæis, Ioguibus (ij quasi religiosi quidam sunt doctoresq; ethnicorum) diuturniore Catechismo opus est, quippe quorum in animis, mendacia & opiniones prauæ, radices egerunt altiores: quarum ipsas etiam fibras, quoad eius fieri potest, nostri conantur euellere: atque id ipsum industrie ac studij in Christianos etiam conferunt sacri Inquisitoris rogatu, siqui forte a Catholice fidei norma recesserint.

Concionum fructus idem qui solet. testatur id populi concursus, ac pietas: acerbissima uero nece Domini prædicanda, magni etiam animorum motus, & lacrimæ. iam Confessionis, & Communionis quantus uulgo sit usus, celebrioribus præsertim festis anni diebus, uel ex eo perspicui poterit, quod Iubileo ex Europa nuper allato, præter alia urbis templa, in hoc tantum nostro, ad sacram Eucharistie mensam numerati plus mille sexcenti conuiuæ sunt.

In audiendis Confessionibus ægrotorum, iisdemq; in extremo uitæ certamine confirmandis, sane quã præclare ponitur opera. namq; ob id ipsum urbe fere tota nostri a summis, medijs, infimis adhibentur: ac si quos reperiunt rei familiaris inopia, uel domestica solitudine uehementius laborantes; horum non solum animas curant quantum in ipsis est, uerum etiam corpora. Itaque & stipem illis a populo corrogant, & eorum cubicula ac domus ipsimet uerrunt, purgantq; & alia id genus obeunt ministeria. quorû exëplo ad eadem pietatis officia laici quoque non mediocriter incitantur. Itaque appulsis huc nuper e Lusitania nauibus, cum nostri ad litus cum cibarijs prodijissent excipiendis ægrotis (quorum erat numerus amplius

plius trecentorum) ijsq; ad ualetudinarium deferendis, & sordibus quas in itinere contraxerant, eluendis; e populo multi eo commoti spectaculo, depositis ilico pallijs, idem facere aggressi sunt. ipsa uero ualetudinaria sepius adire, & solita humanitatis ac benignitatis officia prestare mos est.

In ijs quæ ad conscientie, animiq; candorem pertinent, in rebus præsertim contrahendis, exercendisq; commercijs, nostros consulunt multi. ac nuper quidam minime obscurus uir apud certum hominē non modo septem aureorum millia, de quibus erat controuersia, sed reliquam pecuniam suam deposuit uniuersam, professus palam, si male parta censerentur ea bona, se cuiusque nostri adiudicassent oninia redditurum. præterea non leues tolluntur sepe discordiæ: humanitatis & officij causa carcer inuisitur, & ex ijs qui damnantur capite, complures ethnici conuertuntur ad Dominum, quorum ille tenebras ut boni quondam latronis, lucis diuinæ radijs eo tempore dissipat. quamobrem nostri huius lingue periti damnatos ad locum usque patibuli prosequuntur magno utique ipsorum bono, quod superioribus diebus ethnici tres liquido comprobarunt, qui cum alia multa deliquerant, tum Christianum quendam uirum honoratum occiderant. horum duo in ipsis adhuc uinculis Christiana sacra susceperunt: tertius obfirmato animo Euangelium respuebat, quippe cuius conuersionem in exitum uite Dominus reseruaret. Itaque cum in Salsetanum agrum ad supplicium cum reliquis duobus duendus esset, ut ibi pœnas homicidij penderent, ubi homicidium perpetrauerant; accersitur unus e patribus, qui adhibito secum interprete fratre quodam, cum multis rationibus ethnico suaderet, ut quoniam periret corpus, ne animam seruare negligeret; respondebat ille sibi non esse tanti. nec tamen idcirco pater ab incepto desistere, quousque

quousque peruentum ad litus est, ubi damnatis conscendendum erat in nauem, ut in Salsetas insulas inde traicerent. Hic ethnicus diuino afflatus numine conuertitur denique, & baptizatur magna cum antea & uitae detestatione, ac dolore. his rebus peractis nostri, quod longius progredi per superiorum mandata non licebat, domum rediere miseris illis ualde mercentibus. Quod ubi Goe rescriptum est, alios e nostris duos P. Visitator confestim submitit eius lingue gnaros: quorum obediendi studium & alacritatem, Dominus multis incommodis ac difficultatibus compensauit. Siquidem longum iter emensi, caloribus maximis, ad mare perueniunt frustra: nautae quippe iam soluerant, nec ulla nauis in ea statione supererat. Inde igitur, quamuis defatigati ad quendam piscatorum uicum pergunt sane longinquum. ibi celeriter comparato, & praecclare instructo nauigio, turbamque praecesserat, uix tandem assequuntur. Tum uero noxij praegaudio lacrimas fundere, isq; gratias agere uerbis exquisitissimis. atque ita sub uesperam ad castrum Raciolum descensum est. Eius diei molestissimum aestum, Solisq; uehementiam postridie matutinus imber excepit, isq; densissimus, quo prorsus madidi ad locum supplicij leucas a Raciole tres perueniunt. Hic, fontes, criminibus per sacram confessionem expiatis, ab uxore, liberisq; eius, quem occiderant, & a reliqua circumfusa multitudine ueniam nixi genibus petunt: deinde imaginem crucifixi, quam attulerant nostri, plena pietatis oratione complexi, huius miserae uitae curriculum absoluerunt, IESUM inuocantes identidem. unus etiam in extremo spiritu conuersus ad populum dixit se id lethi genus multis sceleribus esse promeritum, petere tum ab ipsis, tum ab aliorum pagorum hominibus, qui abessent, ut sibi clementer ignoscerent: se quidem animo aequissimo esse, quoniam ad suum tenderet Deum.

ret Deum. His audiendis non tenuit lacrimas populus: obitum etiam illorum litanis, ac precibus prosecutus est, magna salutis eorum concepta spe, quod non dubia in eis contritionis & pœnitentiæ signa perspexerant. Eadem ferme caritatis officia præstant nostri etiã ijs, qui deprauatæ religionis causa damnantur a sacris Inquisitoribus, nec eos a denunciata illis capitali sententia usque ad perfolutum supplicium deferunt.

Ad hæc, dominicis diebus uespere decem e nostris ad catechismum exercendum in quinque paræciarum huius urbis templa se conferunt, quorum in singula conueniunt præter ceteram turbam pueri ducenti, trecenti, ac prope quadringenti, adeo studiosi & alacriter, ut libenti animo discendi causa lusus pueriles relinquunt. excitantur autem præmijs quibusdam, ut crucibus, imaginibus, & huiusmodi, rogantq; nostros ut reuertantur eo sæpius, nam se nō solum affuturos in tempore, sed etiam curaturos ut alij accedant. Cum res ita belle procederet, uisum est aliquando has quasi copias communis letitiæ causa recensere, & in eadem nostrā cogere. itaq; dimissi aliquot e nostris per urbē, conuocatos agmine composito pueros perduxere canentes, & uirentibus ramis ornatos, ut nullus esset urbis uicus qui non Christiani catechismi uocibus personaret: idq; tanta populi approbatione, ut multi patresfamilias, alijq; honesti uiri enixe peterent, liceret sibi illud innocentium agmen & comitari, & adiuuare, idq; a compluribus factitatum. Conuenere autem in templum nostrum pueri interdum ad tria millia: quorum aliqui uixdum e patria lingua quantū e Christiana doctrina didicerant: quæ res eo pluris facienda est, quod eorum profectus & eruditio ad plurimorum aliorum cuiusuis generis hominum utilitatem ac salutem redundat.

Hoc eodem instituendi munere funguntur nostri etiam in plebis & compitis: & simul turpis aleæ lusus & improba temere iurandi consuetudo e plebe infima tollitur. Circumeunt etiam agri Goani uicos atque paræcias non paruo fere cum animarum lucro. sed magno labore & corporis uexatione, quòd longo interuallo ea loca inter se disiuncta sunt. In quodam ex ijs pagis fuit Brachmanes adeo pertinax, atque ita in demonis potestate, ut cum & nostri sepe, & alij salutis eius cupidi ab opinionum prauitate ad ueritatem multis rationibus hominem traducere conarentur; ipse contumaciter omnes eluderet, iamq; uulgo pro desperato haberetur. Verum diuini factum est, ut cum die dominico par Christianorum in fabrili cuiusdam parietis opere contineret, captis interueniret unus e nostris. atque is primum Christianos obiurgare, quòd tali die operam darent præsertim ethnico: deinde, experiendi caussa, culpam eius rei totam in Brachmanem uertere, crimen augere uerbis, nec sane frustra: siquidem terrore quodam repentino percussus ille respondit, se suosq; omnino Christianos fore. nec fidem fefellit. cum alijs septemdecim Christianus est factus, mutatus in alterum uirum: nostrosq; iussit sine cura esse. conatus omnes adhibiturum se, ut e popularibus suis nemo non Christiana sacra susciperet. Speramus promissa facturum diuino adspirante numine, quod huiusmodi actionibus deesse non solet.

In ade Sancti Ioannis Baptiste, passibus ab urbe Goa mille & quingentis, sacro baptismate initiati hoc anno ferme septuaginta, Brachmanes pleriq; quorum operam ad aliorum conuersionem speramus magnopere profuturam. alios eiusdem paræcie uicos tribus circiter passuum millibus a templo distantes, fratres duo circumeunt. horum alteri catechismum die quodam dominico de more exercenti,



exercenti, casu ethnicus quidam interuenit, quem scilicet Dominus ad sacrosanctę matris Ecclesię gremium perducebat. hunc ut uidit frater, ad eum sermone conuerso cepit agere de rebus ad salutem ipsius animę pertinentibus: quos ille sermones quum respueret, nec diutius audire uelle se ostenderet, paruulus quidam ex ijs qui ad rudimenta Christiana conuenerant, annum agens circiter novum aut decimum, offert ultro sese, & mirabili quodam spiritus animiq; ardore succensus, suadere insistit homini, ut Christiana sacra suscipiat, multis rationibus ethnica superstitionis mendacia conarguere, denique sublatis in cælum manibus orare & obtestari, ut aeternę salutis prospiciat: ac frater quidem, ut cum ethnico ageret ipse, correptum brachio puerum bis terue semouit: sed cum pueri pietas nequaquam ferret disiungi se ab eo colloquio, obtrudere ille subinde sese, argumentis pro sua parte pugnare: nec ita multo post Dominus, nimirum paruuli fide innocentiaq; placatus, ethnicum suę gratiæ stimulis ita excitare dignatus est, ut commutata uoluntate diceret uelle se fieri Christianum. Itaque confestim a fratre detonsus est: comamq; pueri qui aderant furca suspensam ingenti gaudio lapidibus petere ac sputis, in simulacra sua Deosq; patrios sexcenta probra iactare. In eius uici neophytis magna quedam ad res diuinas propensio cernitur: petunt ut sibi liceat suo sumptu templum exstruere, quo nostri ad sacra misse peragenda se conferant: negari non poterit, quod & iustum est postulatum, & a communi paręcię templo absunt longius: ex ea plebe sexaginta ferme hoc anno baptizati, alijq; sunt etiam Catechumeni. Castrum est in hac insula mille & quingentis ab urbe passibus: in eo templum uisitur Sancto Iacobo sacrum, uicis alijs compluribus huic paręcię contributis. & quia loco est opportuno & celebri, Mauri complures Domino

H ij      lucrifunt:

lucrifiunt : atque ad eam rem non mediocri est adiumento Præfectus ipse præsidij, qui rei Christianæ quam sit studiosus, uel superioribus diebus ostendit actione plane digna litteris. Erat ibi Brachmanes insignis, cuius ita mentis oculos occæauerat demon, nullum ut salutaris lucis radium posset admittere. hunc nostri sæpius aggressi, denique peruicerunt, ut Christianum fieri uelle se diceret, ita tamen, ut bimestre spatium sumeret ad se præparandum. Interea oppugnat eum uehementius demon, eiusq; animum ita refrigerat, ut cum dies adesset, mutato iam pæne consilio rem differre ac tergiuersari inciperet. id ubi uident fratres, fidem promissi exigunt ipsi primum, tum etiam ad Præfectum, cui id ipsum promiserat, Brachmanem adducunt : quum pergeret nihilominus petere ut dies prorogaretur; obsecrat eum Præfectus, ut tandem ex ijs tenebris animum inducat emergere, celeritate opus esse præsertim in tali negotio. cum ille obstinatus in sententia perstaret, eo denique perducta res est, ut Præfectus permotus misericordia, se ad hominis pedes abijceret supplex, eumq; ut sibi consuleret lacrimans precaretur. idem factum etiam a fratribus. quare ethnicus non dubio pudore concepto, manus denique dare coactus est, seq; continuo quod uellent dixit esse facturum. tum uero Præfectus gratulabundus ruit in eius amplexum, eumq; mox pretioso pallio purpureo, & serico pileo exornat, hoc suæ in eum benignitatis initio facto, quo non modo liberalis animi, sed etiam piij ac religiosi egregium specimen præbuit : deinde hominem una cum fratribus ceterisq; qui aderant, domum usque deduxit. nouitate spectaculi obortæ uxori ac domesticis lacrimæ, sed eos ipse Brachmanes oburgauit, nimirum alio quàm antea spiritu, omnesque reddidit Catechumenos.

In eodem tractu alia res accidit memorabilis. Dum ea loca nostri circumeunt, offendunt pro foribus ethnici cuiusdam filiulam baptismi percupidam, eamque Christianis præceptis imbuere incipiunt. Sentit hoc mater, statimque furens ad ianuam prouolat, uni e nostris diabolico instinctu alapam primū impingit acriter, deinde pugnu faucibus incutit. ubi hæc flocci non facere præpuella salute nostros uidet, tum uero uehementius exerdescens fustem arripit, egregie rabies eius, multitudinis concursu reprimatur. Veruntamen ea fuit fratris in ea iniuria patienter ferenda tranquillitas atque submissio, ut mulier postea placata, cum uniuersa familia se ipsa quoque ad Christum adiunxerit.

Puer quidam tredecim ferme natus annos, fratres eosdem adiit baptismi causa: interrogatus cuius esset, respondit Maurum, ex pago quodam leucas circiter quinque distante, seq̃ a parentibus ob id unum clam profugisse, ut ad Christiana sacra contenderet.

Huic Sancti Iacobi castro aliud est & natura loci, & uiatorū frequentia non absimile. ædes est ibi Sancto Blasio dicata, puerique numerantur ducenti fere, tanta gratulatione aduentantes nostros excipere soliti, ut paucis hisce diebus, cum eos iter ad se habere cognouissent, ijs cuncti uirentibus ramis insignes, & Christianæ doctrinæ rudimenta canentes obuiam longe processerint. baptizati hoc anno sunt a nostris in eo castro ferme triginta.

Ad retinendos autem in fide neophytos, præter catechesim, quæ sedulo exercetur, curatur etiam, ut statis diebus missæ adsint, omnesque suo tempore peccata rite Confessario detegat. præterea ab ethnicorum consuetudine, celebritatibus, atque spectaculis ex decreto prouincialis Concilij prohibentur.

In Ciorano insula Sancti Barptolemæi paræcia est constituta,

H iiij cuius

cuius Apostoli festo die natali baptizati sunt hoc anno octo circiter, & quadraginta adueniunt finitimis Maurorum regionibus, nam ipsa insula tota iam Christum Dominum profitetur. Festus autem ille quem dixi dies, anniuersaria celebritate ludicrisq; peragitur, quo facilius & uera pietas neophytorum animis imprimatur, & patrij ritus ex eorum memoria deleantur. Itaque cum sacras omnes & reliquias & imagines eximio quodam studio ac ueneratione prosequuntur, tum uero Confessioni tantum tribuunt, ut cum primum in morbum incidere, quanquam eminus & incommoda tempestate, ex templo patrem confitendi causa accersant: affirmantq; pro certo, se hoc Sacramentum corporibus suis longe quam alia humana remedia salutaris experiri. aiunt etiam omnes, idq; constanter, ante Christiana sacra suscepta terrificis demonum monstris, alijsq; spectris ualde torqueri se solitos: sed ex quo religionem ueram induerint, ipso nomine IESU, (quod nomen illi magnopere uenerantur) & signo Crucis, quod in omnibus actionibus adhibent, quiduis triste ab se facessere dicuntq; nonnulli, eius nominis fiducia nullam rem se non aggressuros quamuis arduam atque difficilem. iam quanto studio teneantur ethnicos ad Christum Dominum perducendi, declarat eorum assidua atque importuna efflagitatio, ut liceat sibi ea de causa cum ethnicis agere: sed quod uolunt non semper a nostris impetrant, scilicet ne studio elati in eo genere quandoque peccent. etenim paucis ante diebus neophyti aliquot cum alium reperissent in Maurorum finibus habitantem non sine periculo susceptae religionis per eam consuetudinem deferendae, caritatis ardore succensi, ultro ipsi captum uinctumq; ad eadem nostram magno suo discrimine pertraxerunt.

Brachmanes quidam neophyti sunt, huius insulae primarij, Gāzares.

zares. horum cognatus quoddam odio Christianae religionis sponte exsulatum in Mauros abierat, in eius bonorum possessionem Prorex hos quos dixi Ganzares miserat. Verum illi commodis suis omnibus atque pecunijs pro cognati salute neglectis, hominem hoc anno adierunt, nec ante destitere, quam ille Dei beneficio cum uxore, liberis, ceteraque familia in patriam ad Christiana sacra traductus est. Alij duo cum item ad Mauros eo consilio sese contulissent, ut affinem quendam suum ex ijs locis abducerent, atque ad Christi Ecclesiam aggregarent; a barbaris capti & male accepti sunt, quamquam ubi cognitum est eos esse Cigranios, deinde soluti dimissi sunt: atque spes est ipsum quoque affinem propediem adfore.

Iam uero a patrijs ritibus ac caeremonijs quam uehementer abhorreant, uel illa res indicat: aduenerat nuper ethnicus quidam, ut coccos aliquot emeret (frugis genus id est instar nucum) cuiusdam simulacris de more libandos: id ubi sensere nonnulli eius propinquis, ultro ipsimet hominem usque ad fluuium persecuti captum ad nostros ui pertraxere, sic statuentes apud animum suum, pro scelerris atrocitate lenius agi cum illo non posse; quam ut confestim laqueo suspensus e medio tolleretur. Nec solum eiusmodi, sed etiam cetera flagitia maiorem in modum auersantur. Testis est adolescens quidam claro genere natus, qui superioribus diebus parum pudica mulieris consuetudine implicatus cum esset, id ubi affinibus cognitum est; nulla nobilitatis eius habita ratione, & ipsum & faminam ex insule finibus exegere, negantes ferri ullo pacto posse, qui exemplo suo ceteros tantopere offenderent. Alia multa in hanc sententiam dicenda supererant: sed ex hisce de reliquis existimari facile poterit.

In Salfetano agrahuic insule propinquo templa quinque exci-  
H iij tata.

tata . quorum primum & antiquissimum est in castris Ractolo , de  
dicatum *Mariae Virgini* ad niues . In eo baptizati sunt hoc anno  
centum & quadraginta , prater eos quique *Goam* eiusdem rei gra-  
tia uenere , quique hoc tempore catechumeni sunt . porro in illa pa-  
ræcia Christiani in uniuersum numerantur amplius octingenti . Fe-  
sto ipso niuium die , *P. Prouincialis* eo profectus , mane sacra mis-  
sa ritu pompaq; solenni peregit , & concionatus est : sub uesperam  
baptismate loti sunt quadraginta , ingenti gratulatione , magnosq;  
sacrorum apparatu , sedulo incumbentibus in eam rem *Præfecto*  
ipso præsidij , æconomis , atq; consulis , quorum unum pro eximio  
Christianæ rei studio ethnici adeo male acerbeq; oderunt , ut eum ca-  
lumnijs fictisq; criminibus in capitis periculum uocare non dubita-  
uerint . itaque in custodiam est traditus aliquando , & uexatus a  
magistratibus : uerum in eiusmodi ærumnis tantam ille semper ala-  
critatem atque adeo letitiam præ se tulit , ut pro sacra fidei propa-  
gatione maiores etiam labores & incommoda sibi ab Deo precari  
& expetere uideretur . Rursus etiam ab iisdem *Brachmanibus* fer-  
ro & lapidibus appetitus , præclare secum actum existimauit ; uel  
ob id ipsum , quod benignitate Domini factum est , ut quotquot  
eum oppugnaverant , immutati deinceps ad Christum sese conuer-  
terint .

In medijs illis finibus oppidum est celebre *Margon* , & in eo tem-  
plum sancti Spiritus , quo plius mille Christiani conueniunt , qui  
*Brachmanes Ganzares* antea fuerant . gregem hunc quinque tuen-  
tur e nostris . qui hoc anno ibi Sacramento Baptismi initiati sunt , ij  
summam efficiunt 234 . hos alij sequuntur propediem . Ex eo loco  
dominicus omnibus festisq; diebus confert se unus e nostris ad sacra  
missæ faciendæ in eodem Sancti Michaelis , quæ *Margone* distat  
quinque



quinque circiter millia passuum, Christianosq̃ numerat octingen-  
 tos egregia omnes pietate atque constantia, licet fere omnes disun-  
 cti atque dispersi, quidam etiam bene longe a templo inter ethnicos  
 habitent. baptizati sunt ibidem hoc anno 107. augebiturq̃ neophy-  
 torum numerus, cum primum deferbuerit ira dolorq̃ uulgo conce-  
 ptus ex disturbance delubrorum suorum. Et quoniam tanta est  
 gentium immanitas, ut cum primum quis Christianus est factus  
 cum uel propinqui & affines deserant quamuis extrema laboran-  
 tem inopia; ualetudinarium ibi nostrorum cura constitutum est,  
 quo magna mortalium approbatione & excipiuntur, & curantur  
 ægroti, non modo Christiani uerum etiam ethnici, atque ea ratione  
 multi Christo Domino lucrifunt.

In eadem Ecclesia cōversiones quædam hoc anno exstitere no-  
 tabiles. Ex Maurica terra tres exacta iam ætate homines eo con-  
 tendere ob id unum ut Christo darēt nomina. ægroti nonnulli Chi-  
 stiana religione in ipso morbo suscepta, contritionem præ se feren-  
 tes, e uita migrarunt. Iuuenis annos natus circiter quinque & ui-  
 ginti, cuius pater, uir in primis honestus, cum uniuerfa familia se-  
 se Christo Domino addixerat, parentis consilium detestatus, ad I-  
 dalcanem Maurorum Regem se contulit, a quo amice exceptus &  
 in honore habitus est: uerumtamen acceptis deinde a patre litteris  
 ita permotus est, ut Christianæ religionis caussa omnia illa commo-  
 da sponte relinquere, & leucarum triginta iter emetiri non dubita-  
 uerit. liberaliter egit cum utroque Prorex, eorumq̃ commodis ad-  
 modum benigne consuluit.

In eodem tractu aliam Ecclesiam cui a sancta Cruce nomē est  
 inditum, Christianorum circiter sexcentorum, nostri procurant.  
 anniuersaria Crucis adorandæ sacra, quæ in diem quartum Non.

Ma*j*

Maij incidunt, cum cetera celebritate hoc anno peracta sunt, tum etiam baptismo capitum 60. qui numerus & pro temporis spatio, (siquidem nuper eo lumen Euangelij illatum est) & pro multitudine ac pertinacia Brachmanum, qui ibidem sunt, nequaquam exiguus est putandus. Baptismo peracto, neophyti omnes agmine ramos arborum praeferentes cum praecensione tubarum, & uaria symphonia prodire ad Crucem loco pulcherrimo defigendam, ubi nostrorum opera phanum ethnicorum totius eius regionis opulentissimum euersum antea fuerat: ut qui locus demoni colendo tam diu patuisset, idem adoranda Cruci, demonis uictrici consecraretur. Postridie eodem ordine ac ritu aliam statuerunt in uico finitimo, impositam pile, qua in summa prius consitum erat amaracum, quam Brachmanes herbam magna superstitione ac caeremonijs pro numine uenerantur: atque ea sane pila adeo commodam praebuit Cruci basim uel natura loci, uel ipsius structurae forma ac figura, ut eam uiam ad rem excitata fuisse uideretur.

Superioribus diebus baptizatus ibidem est puer, cuius conuersionem nostri diuturno labore quaesierant, spe matris etiam ea ratione ad Christum Dominum perducendae, nobilis feminae, & cum primario uiro coniunctae: sed illa nihilominus obstinata palam profitebatur se parum laborare de filio. quod ubi ille cognouit, quaquam aetate admodum tenera, petijt ut liceret sibi matrem adire, conatibus suis Deum forsitan affuturum. magnum in eo studium atque ardor animi cernebatur. itaque ei negari non potuit, nec sane puerum fefellit opinio. namque ita se in ea actione praclare gessit, ut mulier, marito relicto, filium secuta sit, iamq; animi uere Christiani indicia dederit.

Alia Brachmanis Gazaris uiri principis filia catechumena est facta:

facta: quam tanto parens amore prosequeretur, ut nemo dubitaret, quin eam omnino imitaturus esset: sed ceteri Brachmanes opposuere illi sese, eumque perpulere, ut cum Praefecto exposlularet & quereretur, filiam sibi per uim ablatam fuisse. deducunt igitur hominem centum fere Brachmanes ad Praefectum, certa fiducia fore ut puella uerbis suis calumniam comprobaret. Sed illa ubi eo peruenit, tota re ad arbitrium suum reiecta, & iussa quod sentiret libere expromere; palam respondit, uim sibi nullam prorsus adhibitam fuisse, dolere sibi quod non citius Christum Dominum cognouisset: quare Brachmanes turpiter uicti abiectiq; digressi sunt, ipsa baptismo expiata, & nouo nomine Lucia uocata est: speramus etiā suos aliosq; ipsorum opera permultos idem esse facturos.

Ad eundem pagum accesserat Iognes, hoc est, quasi monachus inter ethnicos, ex eorum genere qui cultu uictuq; horrido sanctimoniam profitentur. aetate uidebatur annorum quinque circiter & uiginti, egregia forma corporis; uultu modesto, minime loquax: in hunc neophyti cum incidissent, pæne captiuum ad nostros adducunt. Interrogatus a Patre, quoniam consilio uitam adeo asperam duceret, quemue tot laborum sibi fructum proponeret; respondit se antea actae uitae peccata expiare, salutiq; prospicere: tum Pater multis rationibus quanto in errore uersaretur ostendit, qui sine conditoris sui cognitione se id assequi posse consideret, suaq; disputatione ita permouit hominem, ut quasi noua quadam oborta luce, responderit, quoniam ita placeret Deo, uelle se fieri Christianum: simulq; uoluntatem suam facto sane admirabili declarauit. uestibus erat indutus laceris & attritis, pendente ex humeris sarcina coniectis in eam quibusdā quasi reliquijs, quas religionis caussa circumferebat: aenea scutella, poculo in cucurbitae formā ex canato utebatur: brachia,

chia & crura ferreis armillis, manuum digitos ac pedum ferreis itē annulis habebat ornatos: fistulam e ceruice suspensam, corniculum uenatorium manu gerebat, quibus aduentum suum in oppida præsignificare erat solitus: nec deerat illi mortis meditandæ materia, passer extinctus non detracta pluma. barba & capillis erat abrasis: exigui tātum circuli spatium comam in summo capitis uertice raram sed promissam & bene comptam consulto reliquerat. aures erant quattuor aut quinque locis perforatæ, lignis quibusdam insertis, tanquam suæ professionis insignibus. Sed ubi cum Patre congressus est, magna & Christianorum & gentilium turba sectante, nouo spiritu instinctus processit in forum, ibique rogo excitato & accenso, omnia illa instrumenta, quibus illum demon ornauerat, in fascem colligata coniecit in ignem: Brachmanibus magno suo dolore inspettantibus, & tanta ac tam repentina mutatione stupentibus. nec his contentus Iogues, ubi Christianis rudimentis institui est ceptus, ueniam petijt matris adeundæ, ut eam cum filijs tribus ad Christum ab impietate traduceret. conatui respondit euentus, namque profectus in patriam, quotquot quæsitum ierat, secum ad nostros adduxit. Sunt autem adhuc catechumeni, nam, ut ante diximus, Ioguium catechesis de industria solet esse prolixior, sed baptizabuntur propediem.

In eodem uico quidam erat ab Euāgelio ita alienus, ut latebras quæriraret assidue, ne Dei uerbo aures dare cogeretur: is cum grauissimum in morbum diuinitus incidisset, morte iam imminente interrogatus a nostris uelletne fieri Christianus, & desperato iam corpore animam ab interitu uindicare, uelle respondit, præclare enim, inquit, intelligo, Deum hoc morbo fugæ ac tergiuersationis meæ pænas a me repetere, atque ita culpam agnoscēs ut baptizaretur efflagitauit

gitauit ilico antequam efflaret animam : atque ubi lotus est , crebris cum Deo colloquijs habitus , peccatorum ueniam implorans , ea ipsa nocte migrauit e corpore . uerum de hac paræcia ( ne sim longior ) hætenus : quæ Christianis hoc anno aucta est . centum septuaginta tribus .

Sanctorum Philippi & Iacobi ecclesia Christianos cōtinet quinquaginta supra octingentos maxima ex parte Brachmanes : eam quoque uineam colunt nostri sane fructuosam , namque hi neophytis spectata probitate studioq; sunt amplificandæ religionis Christianæ , atque ob id ipsum angustias pauperum suis facultatibus leuare non desinunt . Sed ut ethnicis ijs qui bonam frugem pollicentur adiuuandis libenter insistent ; sic ab improborum ac pertinacium consuetudine longe refugiunt . Ad numerum fidelium adscripti hoc anno in eadem ecclesia sunt amplius centum et quinquaginta , præter triginta , & eo plures , qui se ad hoc Collegium ea de caussa contulerant . baptismus ibi inter ceteros habitus est capitum simul octo & septuaginta , in ijs cum alij insignes uiri fuere permulti , tum uero maxime Brachmanes Ganzares tres . Apparantur autem actus hi publici quam amplissime , quo facilius Indi ritus impios ac superstitiones dediscant , quibus certatim operantur hæ gentes externis cæremonijs & gratulationibus , utpote ueræ atque internæ pietatis prorsus expertes : totamq; religionem spectaculorum dumtaxat ac pomparum magnificentia ac specie metiuntur . Ad eum porro , quæ dixi , baptismum ingens concursus est factus partim incolarum , partim etiam Lusitanorum , qui ad eam eadem religionis caussa peregre aduenerant . In ea turba neophytus repertus est in tanta aliorum gratulatione solus effuse plorans . res non sine admiratione continuo defertur ad Patrem . is accedit ad hominem : querit cur in publica  
letitia

letitia unus ipse lugeat : tum ille : quid ni (inquit) fundā prae gaudio  
 lacrimas , cū uideam rite coli communē omnium Dominū eo ipso  
 in loco, ubi paucis ante diebus eundem per summam impietatem ne-  
 glectum & iniuria affectum aspexi toties, cum honores eius numi-  
 ni debiti, saxo cuidam hic posito tribuerētur, nomine Manganatio?  
 obstupuit eo responso Pater, praesertim quòd nihil tale ab illo exspe-  
 ctasset : qua ex re perspicitur immensa conditoris ac Domini no-  
 stri benignitas, qui charismata sua non ad hominum opinionem at-  
 que iudicium, sed alto quodam & arcano consilio diuidit. Erat in  
 eadem parœcia mulier Christiana, cuius filius ab idolorum cultu, et  
 Brachmanum consuetudine diuelli non poterat. itaque pro eius con-  
 uersione ut pro sancto quondam Augustino pia mater Monica la-  
 crimans precabatur assidue : cumq; totum iam quinquennium in  
 eius oppugnanda pertinacia frustra laborasset, graui denique morbo  
 mulier opprimitur. per eam occasionem ad euocandum matris no-  
 mine Confessarium filius aduenit. Dies erat niuium miraculo sa-  
 cer : eo ipso die, mane, sacrificio missae peracto, ambo profecti sunt :  
 cumq; tali die pater frugem aliquam Virgini matri libare percupe-  
 ret; cepit in itinere cum adolescente agere de uenturi seculi uerita-  
 te deq; huius uitae fallacijs, suadere & hortari ut saluti prospiceret  
 matris exemplo, quae id tam uehementer optaret. quibus ille sermo-  
 nibus, ut a Christi nomine maiorem in modum abhorrebat, initio mi-  
 nime flecti uisus est, uerum tamen urgente deinceps multis rationi-  
 bus patre, affuit ceptis eius omnipotentis Domini bonitas, quae adole-  
 scentis animo sancti Spiritus facies admouit sic, ut exutis impedimen-  
 tis omnibus, quibus implicatus a demone tenebatur, Christianum  
 fieri, matriq; obtemperare uelle se dixerit : ad quam ubi peruentum  
 est, tota re a Confessario exposita, mulier tantum letitiae percepit ex



ea tam repentina, tamq̃ felici immutatione filij, ut statim se morbo leuari senserit. præbuit consitenti aures Pater, deinde ceteros Christianos adiit, prosequente officij gratique animi declarandi causa ad adolescente catechumeno cum alijs cognatis, & eorum quidem ethnicis aliquot, qui ostendunt se quoque propediem id ipsum esse facturos. Dominus noster eos in salutari consilio suscepto retineat. Nunc alia ecclesia ac templum opportuno loco instituitur: namque re ipsa compertum est, ad ethnicorum conuersionem, & neophytorum profectum longe utilissimam esse adium sacrarum frequentiam, etenim hoc pacto & boni ab improbis commodius dignoscuntur, et uniuersi facilius adiuuantur.

In hac insula Goa nostri ecclesiam quoque Sancti Ioānis Euangelistæ administrant. ea Christianus constat octingentis: qui ut fere omnes admodum honesto loco sunt nati, & in principibus insule numerantur; Christianis actionibus tempus redimere student male positum in idololatria. itaq; egentibus benigne faciunt, præsertim cum annonæ laboratur inopia: quod cum hyeme proxima contigisset, conuentu habito primores oppidi cuiusdam rationem iniere subueniendi pauperibus, idq; fecerunt. ubi uero tempus messis aduenit, aliquot oryzae candidis (certæ mensuræ nomen id est) ex collatione in publicum redegerunt pauperibus diuidendos. quæ laus hominum eo maior est, quod iidem ante conuersionem aliud nihil nisi tyrannidem, rapinas, & alia huiusmodi scelera meditari solebant.

In rebus ijs, quæ ad sinceritatem fidei pertinent, nullus carni & sanguini relinquitur locus. Senis cuiusdam filius ad Mauros se contulerat, huic parens per litteras aperte denuntiavit, si quid ab se postularet, rediret in patriam Christumq; profiteretur: ita fore non solum ut animam exitio sempiterno subtraheret (quanquam id ma-

xime

xime spectari oporteret } sed etiam ut paternæ inter ipsos necessitudinis iura constarent : sin rem diutius distulisset , sibi certum esse exacta iam ætate, & ad exitum appropinquantem , illo exheredato patrimonium omne egentibus distribuere . qua ipsa denuntiatione alij quoque, nec sane frustra, cognatos ab impietate deterrent . hoc anno in eadem ecclesia sacro Baptismatis fonte renati sunt octo & triginta plerique nobiles : in ijs tres e Botorum familia, qui apud ethnicos concionatorum exercent munus , magnoq; in honore sunt . ante huius mensis exitum multos alios neophytorum affinium suorum opera sperabamus ad Christi gregem accessuros . Paucis ante diebus ad templum illud Baptismi caussa se contulit grandis iam natus, minimeq; contemnendus uir, tanta fide & notitia Dei, ut qui aderant mirarentur : etenim Catholicæ fidei capita exponenti Patri respondit ille, sane ut uidebatur ex animo, se cano iam esse capite, nec ignorare neminem præter unum Deum ac Dominum nostrum colendum atque adorandum esse : eundemq; sibi iam dudum hære-re in pectore, ac proinde sese deslere longi iacturam temporis in dæ-mone per summum scelus uenerando consumpti : & simul uim lacrimarum profudit contritionis ac pænitentiae testem, petens ut sacro baptismo lauaretur, quod postea factum est . Denique ut ad alia transcam, nostris hominibus illius ecclesiæ neophyti pietate in Deum & officio satisfaciunt, nec eo quempiam e Mauris accedere patiuntur, quin rem ad nostros continuo deferant, ut ad eius conuersionem aggrediantur . Anniuersaria eius templi solennia hoc anno cum ceteris cæremonijs, frequentia populi, & sacra concione celebrata sunt; tum etiam baptismo candidatorum uiginti, quos alij octodecim paulo post, subsecuti sunt, ut interim eos taceam, qui ad hoc Gzoanum Collegium missi sunt : atque etiamnum  
supereffe

superesse dicuntur ibidem catechumeni quinque & uiginti.

Præter hosce Baptismos in Goanis finibus habitos hoc anno etiã in ipsa urbe Goa in ædibus nostri Collegij Baptismi quattuor genera les peracti sunt non sine apparatu magnifico, symphonia, supplicatione publica, concionibusq; nostrorum, qui linguam Indicam cal- lent præclare, præsentē Prorege, propterea quòd in candidatis erant Brachmanes multi uiri primarij.

Primus concelebratus est Epiphaniæ die festo, quòd hoc libami- ne gratius nullum infanti IESU fore putauimus. baptizati sunt octoginta, in ijs Brachmanes medicus in primis huiusce urbis cla- rus: huius ultro se præbuit susceptorem ipsemet Prorex, uniuerſa Indica nobilitate honoris caussa prosequente.

Alter eadem fere pompa in Maium mensem incidit. ingenui abluti octo & quadraginta supra ducentos præter multa Lusitano rum mancipia. in eo numero fuere Brachmanes duodecim insignes uiri cum sua quisque familia.

Tertius in tertiam dominicã diem Iunij mensis dilatus est An- gelo custodi sacram. Ea celebritas ceteras tum gratulatione, tum neophytorum numero ac nobilitate superauit: cuius rei non mini- mam laudem fructumque tulit Lusitanus incola, qui cum in suis hortis ethnicos haberet complures uehementer in suis superstitioni- bus obstinatos; tantum aberat, ut eos ad Christum allicere conare- tur, ut etiam de nostris hominibus id agentibus quereretur: quod scilicet illis molestiam exhiberent: uerum is diuinitus deinde fa- ctum est, ut culpam suam agnoscens, mutata uoluntate nostros in opere adiuuare sedulo caperit, & ex ijs ad fidem tradu- xerit amplius quinquaginta, qui nostrorum opera Christia- nis deinde præceptionibus eruditi, ubi dies Baptismi adfuit, ab

ipso Lusitano per mediam urbem ædes nostras agmine composito ducti sunt, ramos manibus præferentes, præcinentibus tubis, ut specimen aliquot Proregi præberet nouarum frugum quas in pomario suo decerpserat. sub uesperam deinde sacro Baptismate initiati sunt in uniuersum ducenti & sexaginta: in ijs Brachmanes Salsétani & Goani honesti homines circiter quinquaginta.

Postremus fuit capitum centum & sexaginta, Octobri mense, post diem undecim milibus Virginum sacrum, idq; si nima cum significatione letitiæ. porro omnibus hisce celebritatibus intersuere Lusitani tres, qui in hac urbe sibi domicilium collocarunt, quorum unum æconomum esse Raciolensis ecclesiæ diximus antea. Atque ego sane uerbis exsequi nequeo, quā cupidi sint tres ij homines animarum salutis: siquidem pro ea tam uehementer laborant, ut ab Deo in terris uideantur esse propositi quasi quoddam exemplar & incitamentum multis in hoc genere negligentibus: cum enim ea de causa calumnijs falsisq; criminibus oppugnentur, interdum etiam tradantur in carcerem; ita libenter hæc uexationes omnes, & incommoda excipiunt, ut præclare appareat, quanto desiderio teneantur patiendi pro Domino. Hac hyeme falso accusati sunt, quod ethnici cum quendā ad Christiana sacra ui compulissent: cumq; generalis Auditor mendacijs oneratus, eos pro potestate coerceri imperasset, unus ex ijs fuga sibi consulere cum posset, prorsus neglexit: quin etiā suadenti Rectori nostro caueret, respondit ille, se pro conuersione ethnicorum non modo non formidare custodiam, sed etiam optare Christi Domini gratia flagris cædi publice, seq; inter ipsa uerba mirabilem fructum ex uerbis liëtoris, præconisue capturum, cum eius supplicij causam de more pronuntiaret. atque is eodem animi sensu subortis pæne lacrimis, reputans quam paruo studio tenean-

tur homines hominum seruandorum, affirmabat, si cognosceret in Maurorum finibus quamuis longissime positum quempiam ethnicum ad Christiana sacra propensum; neglecturum se non modo rei familiaris iacturam, sed etiam omnia capitis pericula, ut ad eum ab interitu reuocandum illuc usq; contenderet. præclaram sane laudem, præsertim quod multo plures hac tempestate reperias, qui tam sancta studia retardare; quam qui adiuuare conentur. Et quoniam de horum hominum uirtute iam antea scripsimus, illud unum adiungam. octauo quoque die Confessionis & Eucharistiæ sacramentis in æde nostra & se muniunt ipsi, & alios multos ad id ipsum incitant. nullus præterea Baptismus est, aut Christianorum celebritas, quin intersint: nec modo neophytis gratulantur, sed etiam in difficultatibus benigne subueniunt. optimam hanc eorum mentem tueatur Dominus.

Qui a nostris hoc anno ad mensem usque Nouembrem baptizati sunt, eorum est summa (Baptismis omnibus computatis) trium millium, & nouem supra ducentos, præter eos quique in priuatis ædibus ægotantes, quique in custodijs publicis ac triremibus, alibiq; eodem æternæ salutis impertiti mysterio, in codicem relati non sunt. exiguus numerus si superiores annos respicias, sin bellicos tumultus & incommoda reputes; quibus impeditur Euangelium; nequaquam exiguus: uberioris uero mæsis, hac tempestate sedata, spes est: præsertim acriter incumbente in eam ipsam rem pro uirili parte Prorege, qui neophytos officiose complecti ac tueri, & ad ethnicorum conuersionem hortari non desinit: quin etiam ter quaterue complures ipse uestiuit, aureorum mille & quingentorum impensa: cuius pium hoc studium, curamq; amplificandæ Christianæ religionis Dominus augeat.

## DE REBUS INDICIS

*Hac mihi in presentia, uenerande Pater, in mentem ueniebant, quæ de progressu Euangelij ad te scriberem. Reliquum est, ut precibus & sacrificijs tuis gratiam nobis uiresq; implores a Domino, quo non solum partas retinere animas, sed alias etiam deinceps lucrari possimus. Goa mense Nouembri 1569.*

### EX LITTERIS MARTINI SYLVÆ

ad Confaluum Aluarem datis 6. Calend.

Decemb. 1569. e Castro Onoris.



*N*Os, ut scis, ex isto portu discessimus ad 18. Cal. Decembris. eo die ad Goanas insulas noctu peruenimus: ibi diē pæne totum morati nauigia præstolātes, quæ Goæ remanserant, simul atq; affuere nonnulla, statim solutis anchoris uestpere tenuimus Amediuam. Amediuæ dies quinque posuimus: deinde sacro Missæ peractō cui Prorex cum uniuerso exercitu interfuit, ualida classe nauium 160. ad Onorem delati, castrum offendimus admirabili opere, artificioq; perfectum. Erant in eo præsidio Lasquarini circiter septingenti artis sclopettariæ peritissimi: ij nostrorum signa conspicati, sese ad defensionem toto pectore compararunt: insequenti luce in descensione prælium haud leue commissum est, ita tamen ut nostri superiores exstiterint. Primus e naui se se in litus eiecit Prorex: tum ceteri subsecuti: atque eodem impetu Lusitani audacius ad mænia usque prouecti sunt, sed egregie repulsi, duobus e suorum numero desideratis, iētis uero circiter 40. quorum aliquot e uulneribus postea mortui sunt: quod incommodum acceptum non esset, si quorum oportuit consilijs monitisque paruissent. id ne rursus accideret, Proregis iussu ductis rite

munitio—



munitionibus castrum oppugnari trifariam captum est sic, ut praefectus a certamine uersus ad preces, re desperata ad Proregem accesserit uitam sibi, ac militibus implorans. Facta deditione, armis, & impedimentis relictis, in decussim compositis manibus, cum singulis uestimentis omnes dimissi. Oppugnationem triduo sustinuerat: te. tio die, qui fuit festus Sanctae Catharinae, cessere. Nos castrum intrauimus: & in gratiarum actionem custos Franciscanus sacrificauit, ego Proregis iussu concionatus sum. Reficiuntur hoc tempore quae per oppugnationem diruta sunt. statuitq; Prorex manum militum hic in praesidio relinquere. Regat illum pro sua clementia Dominus. Tu uero curabis ut piorum suffragationibus adiuuetur: id enim ille uehementer exoptat, mihiq; mandauit, ut id suo nomine abs te per litteras peterem.

Fugerat me de euentis meis quibusdam te facere certiore. Bis pæne defunctus sum: semel ut primum exscensio facta est, dum aliquot militibus animos conor addere, & Crucifixi Domini signum ostento: namq; in eos emissa repente artificiosi ignis olla, huc illuc magno impetu uolitans; cum a periculo sese cuncti proriperent; inter eam trepidationem impulso prolapsoq; mihi obtigit soli, ita tamen, ut ollae cauda uestem dumtaxat discerpserit, corpus illa sum Domino miserante reliquerit. Iterum ac tertio periculum adij, ex tormentarijs globis, ita praeteruolantibus, ut mihi uerticem capitis prope abraderent. Quod ad reliqua attinet; ego, & Sebastianus Consalius & corpore ualemus, & munera Societatis obimus adhuc Dei beneficio sane feliciter; uersamur autem ferme in ualutinario cum aegrotis. Nobis ad uoluntatem suam omnino exsequendam Deus robur gratiamque sufficiat. Atque, ob id ipsum tu nos Pater precibus tuis & sacrificijs adiuuare ne

I iij desine

desine. Onore. 6. Calend. Decembris. Anno Domini 1569.

## EX LITTERIS HIERONYMI

Ruizij ad Præpositum Generalem datis

Cocini 18. Cal. Februarij 1570.



*Q*uoniam ex ijs litteris quas ex Europa in remotas regiones hæc pro uestra humanitate perferendas curatis, magnam animi uoluptatem, letitiamq; percipimus; ad rationem officij nostri pertinere sum arbitratus, ut uicissim istuc, quæ hoc anno in Cocinensi Collegio sint gesta perscriberem.

Habentur in hoc Collegio publicæ scholæ Grammatices duæ, ad quas uentitant discipuli ferme ducenti & sexaginta bene morati: ydemq; tum in studijs, tum in sacramentorum usu ualde proficiunt. Doctrinæ Christianæ præcepta (quamquam multi admodum tenera ætate sunt) cuncti perdidicere: complures uero etiam catechismum in dialogo missum istinc: eundemq; ipsi non sine fructu disseminant.

Confessio & Communio in æde nostrâ ita frequens est, ut celebrioribus festis, præsertim uero Mariæ Virginis, Corpus Domini sumant fere trecenti, uel quadringenti. Idem accidit etiam cum indulgentiæ promulgantur, quarum neophyti perquam acre desiderium præferunt: & sane multû ea ratione proficitur. Primo die dominico aduentus, publice propositum est Iubileû datû a summo Pontifice anno 1568. ad pacē & felicitatē Ecclesiæ Catholicæ exoptandam. Tanta fuit confitentium uis, ut sacerdotibus nostris octo a matutino tempore ad noctem usque nullum quiescendi spatium daretur. itaque in hoc uno templo per eos dies inire sacrum Eu-  
charistiæ

charistie conuiuium circiter mille maxima ex parte neophyti. præterea tantum fraudata pecunie restitutum, tot sublata discordia, ita multa pie facta sunt, ut hac una de caussa præclare positum a summo Pontifice hoc Iubilei beneficium esse uideatur: quid si cetera eiusmodi spectes, quæ in reliquo Christiano orbe plurima per eandem occasionem gesta fuisse credenda sunt? Ad conciones tantus est populi concursus, ut suggestum ex æde in plateam interdum proferre necesse sit: (ut interim eos taceam qui cetera urbis templa frequentant) idque non sine magno animorum motu lacrimisq, quod scriptum est alias.

Hyemauit hoc anno Cocini Didacus Meneses rei maritimæ pro Lusitaniæ Rege præpositus. classis erat uauium triginta. propugnatores mille numerabantur. ac nobis magnam ea res attulit uoluptatem, quòd in tanta hominum militariū turba nō modo quies, uerum et iam Christiana disciplina mirifice constitit: quippe horū militum qui uersantur in India, mos est Sacram Confeſſionem frequenter obire: & cum Ecclesiasticos & religiosos homines magnopere uenerantur, tum uero incipiunt præclarum sibi & honorificum ducere, acceptas ab hominibus iniurias Deo donare liberaliter. Itaque si quando rixæ inter eos uel seditiones existant, nullo negotio comprimuntur. Hyeme exacta, priusquam classis abiret, a concionatoribus nostris captum est agi cū classiarijs de salute animarū sic, ut ex uniuerso numero, octingenti in æde nostra sese Confeſſionis sacramēto expiauerint. quin etiam multi publicis per urbem ac uoluntarijs pœnis admissa luere piacula. Quid plura? pusillam Quadragesimā paucis illis diebus habuimus. idq, magna tum fidelium, tum infidelium approbatione, cernentium, hosce milites, si quid per hyemem grauius deliquissent, sponte deinde ac libenter supplicia subeuntes. Nec

I iij solum

solum præfecti militesq; (ut diximus) sed etiam turba naualis & ipsi quoque remiges peccata rite confessi sunt. Atque hac adhibita præparatione cuncti admodum leti in Domino conscendere: & ad huius oræ præsidium ex hoc portu profecti Deum habuere sane propitium, siquidem allatum est, Maurorum naues ab ijs captas amplius 40. eosdemq; facta aliquoties exscensione, ethnicorum hostiis cæsis circiter quinque millibus, non laudem solum, sed opima etiam spolia retulisse.

Redempti sunt hac hyeme aureis quingentis nostrorum opera corrogatis, Lusitani quinque, qui anno superiore, casu nescio quo, in manus Malauarium Maurorum inciderant. ij cum ad Collegium hoc deinde uenissent Deo Domino gratias acturi, letissimos nobis nuntios attulere, ceteros Christianos qui adhuc redimendi supere-rant, quanquam multis uexatos incommodis & cruciatibus, firmos nihilominus in Catholica fide persistere. Adolescentulum, qui nostra gymnasia frequentauerat, alligatum ad arborem pedibus manibusq;, conati erant Mauri intentis in eum arcubus & sagittis ad Christum deferendum impellere: quibus ille inter ipsos terrores animo forti, magnoq; responderat, se uita potius priuatum iri, quàm fide: quocirca desperata re Mauri ab incepto destiterant, ita tamen ut eum deinceps qualibet quamuis leui de causâ calcibus fustibusq; male multarent. Alium tenera admodum ætate puerum pollicitationibus ac minis in fraudem induxerant: id ubi reliqui sensere captiui, consensu omnes adeunt puerum, seq; ad eius pedes abijciunt flentes, ac præsertim uir quidam ex eo numero nobilis: quorum suasu ac monitis puer ita permotus est, ut obortis repente lacrimis, se utique deceptum fuisse responderit, sed moriturum potius quàm a religionè Catholica recessurum: atque hanc pietatem suam

comprobauit præclare: nam ultro ipsemet se hostibus obtulit, apertè denuntians sese Christianum esse: quare indignati Mauri uinēt ī ad arboris truncum sagittis petere primum, deinde etiam iugulare aggressi, denique desiere, illius obstupescēti constantia. Nec tamen eundem exitum alij Christiani sortiti sunt: quos eximia fortitudine perseuerantes in Christi Domini cōfessione crudeliter interemptos esse cognouimus. O prædicandam Domini bonitatem, qui miseris hisce temporibus, in media barbaria, dereliquit sibi septem milia, quorum genua non sunt curuata ante Baal.

Venio ad huius anni messē. Octaua Sancti Spiritus feria perfecti ē nostris aliquot ad Palurtenses neophytos qui passuum hinc tribus circiter millibus oram maritimā incolunt, obuios illos in itinere habuimus, amantissimeq; accepti sumus hospitio cuiusdam ethnici etate iam prouecta uiri primarij: ibiq; de suscepta religione retinenda sermo ad neophytos habitus primum, deinde prolatus regis Cocini diploma, & recitatae littere, quibus priuilegia continentur ab eodem rege proposita ijs qui sese ad Christum adiunxerint. quæ res multis noua, cunctis accidit iucundissima, hospiti nostro præsertim: idemq; antequā inde discessimus pollicitus est se Christianū fore cū suis: & quanquā inimicus homo rem deinde impedire conatus est, speramus tamen illū promissa facturū. Post hæc uarijs locis sane quā opportune Catechismus est habitus: accedebat illud etiam, ut a Catechismo nostri sese adhibitis interpretibus in ethnicorum cætus infererent Euangelium prædicantes, adiuantibus eos item in opere amicis atque discipulis, qui pro sua parte non desunt auditores ad uerbum Dei conuocare, atque ad Christianæ fidei ueritatem allicere. Itaque die qui fuit Visitationi Mariæ Virginis sacer, primus huius anni Baptismus ad hunc modū est peractus. Aliquot primum dieb. 3

diebus nostri Catechismo uacarunt: deinde ubi dies adfuit Baptismi, candidati omnes ad Christianum ueterem conuenere, uirum locupletem, & honoratum ( qui cum apud eos omnes parentis, tum uero apud nos socij atque adiutoris egregij locum obtinet ) Gasparē Aegidium nomine : atque ubi maturum fuit, sub signis omnes agmine prodire cum tibiarum, tubarumq; concentu, ramos palmarū tenentes indicium uictorię eius quam Dei beneficio de spiritualibus nequitijis deportauerant. Ad eadem sacram appropinquantibus processit obuiam clerus una cum urbis Præfecto, & Episcopo, & magna ciuitatis parte, actus eiusmodi eximia pietate ac studio celebrare solite. Episcopus e candidatis pauperrimum quemq; delegit quos partim rite susciperet, partim etiam manibus ipse suis ablueret. a Præfecto etiam nonnulli suscepti sunt, idemq; se in ceteros ualde humanum atque honorificum præbuit. id ipsum a ceteris principibus factitatum. Baptizati autem sunt eo die ( quæ Domini nostri clementia ac benignitas est ) uiginti supra ducentos.

Inde rursus nostri in opus exiere: cumq; festo die sanctorum omnium, præfectus ad ædes nostras baptizandum perduceret magistrum fabrum naualium regis Lusitanię; per eam occasionem conuenere etiam ij, qui recentissimi nostrorum hortatu ad Christum se se conuerterant. Itaque renati sacro Baptismate sunt eo die octoginta non sine solenni cerimonia, & cantibus.

Porro nos ex ea re fructum animi præcipuum capimus, quòd alia nulla nisi æternæ salutis ratio hosce homines ut Christum profiteantur, adducit. Itaque nec uestes in Baptismo nouas, nec aliud omnino a nobis præter spiritalia exspectant, aut flagitant, nisi forte granum aliquod benedictum e ceruice gestandum: nec uero deinde per inconstantiam ac leuitatē a Christo desciscunt: quinimmo

magnò



magnosibi decori esse nomen Christianum existimant, & ceteros ad ueritatem studiose conantur ab impiarum opinionum peruersitate traducere: quo in genere nonnulla perstringam.

Quidam ex hisce neophytis, licet a nonnullis ueteribus Christianis nō modo grauius offensus esset, uerum etiam oppressus atque uexatus; non tamen idcirco destitit quo minus Christianam rem procuraret egregie. Paucis igitur hisce diebus duos homines ad Deum uerum a demonis cultu conuersos ingenti gaudio perduxit ad nos. Puer Naires (hoc enim nomine appellatur certus ordo militarium hominum) ut baptizatus est ipse, ethnicos adiuuare statim aggressus est: triduoq; alium Nairem ad nos adduxit: itemque paulo post Indos alios duos, tresue, tanta cum animi letitia, ut eadem in nos redundaret.

Mauræ cuidam erat filiulus, quam illa siue quòd ad Christiana sacra propensum cerneret, siue alia nescio qua de caussa, ut erat immanis & fera mulier, captum defodit uiuum ad fauces usque, ingenti superimposito lapide, ut lentiori cruciatu paulatim extingueretur. Verum percommode factum est, ut hiatus existeret quidam, ex quo pretereuntes uiatores puer posset aspicere. Accidit igitur ut illac iter haberent Christiani aliquot: quos ille conspiciens, quanquam adhuc Lusitanicæ linguae imperitus, e saxo uociferari, & duo illa uerba, Christum exopto, satis aperte pronuntiare: accurrunt illi statim, & amoto lapide puerum extrahunt, atque unus ex ijs ad gubernatorem illum adducit, alius ad nos recta properat flagitans, ut eo mittatur aliquis, puerum uelle fieri Christianum. Itaque mater in custodiam tradita: puer in ades nostras acceptus, ac deinde baptizatus est.

Regius prefectus, quem in Christiana re adiuuanda nostri ualde stu-

## DE REBUS INDICIS

de studiosum experimur, una cum rectore nostro adiit ad Cociniregem, alio quodam in oppido commorantem, ut per eum liceret ibidem templum exstruere neophytis Palurtenfibus inquilinis. Annuente rege, continuo praefectus ipse misit qui materiam ceduam aedificandi causa conueherent: quin etiam domum, quam ibi possidebat, eius rei gratia diruit. In reditu uero ad uicinam insulam rectorem perduxit, ut cum eius insulae regulo de Christiana religione ageret, qui sane regulus ualde se facilem praeuit, dixitque sperare sibi Dei beneficio datum iri, ut non nisi Christianus ex hac uita discederet. Vos eum quaso istic Domino supplices commendate.

Antequam classis ex hac statione discederet, decursus militares, & uaria simulacra praeliorum exhibita, primum a classiarijs, tum octauo post die a Lusitanis inquilinis. postremo etiam a neophytis Cocinensibus, a quibus diligenter est cautum, ne quis ethnicus (quod opulenti quidam ostentationis causa tentauerant) se in ipsorum agmen infereret. Ei decursioni honoris causa operam dedere, tum ciuitatis Praefectus, tum etiam classis dux, & ceteri principes, ita ut in eo ludicro & aciem struerent, & ordines ipsimet ducerent. Neophyti autem duorum circiter millium numerum implebant, uario telorum genere, magna tamen ex parte sclopiis instructi, omnes uero egregio corporis ornatu, & quidem complures (ut sunt pecuniosi, & gloriae cupidi) ita sumptuoso, ut proxime ad Lusitanos accederent. Aestate incunte instructis aere suo biremibus quinque, in expeditionem sine ullo stipendio pro Lusitaniae rege profecti sunt: iamque praecleari de ipsorum uirtute nuntij afferebantur. Cocinirex adhuc in sua cecitate persistit. is cum per hyemem in morbum incidisset; non incommoda occasio uisa est urbis Episcopo, itemque Rectori nostro conueniendi hominis, eumque salutaribus monitis

monitis adiuuandi. Ad eum igitur ambo profecti, in ipso regia vestibulo superstitiones & nefaria sacra permulta reperiunt, quibus barbari pro ipsius incolumitate operabantur: regiam uero ariolis Brachmanibusq; refertam, quibus ille adeo deditus est ut quamuis præclare tum intelligeret, quamobrem illuc Episcopus rectorq; se contulissent, nihil tamen idcirco de sua obstinatione remisit. Itaque aliud nihil eo itineris labore ab Episcopo & rectore perfectum est, nisi ut officium uterq; præstaret, simul etiam ut cum dynastis quibusdam, qui ad regem socium ac patronum pro amicitia uenerant, agerent de rebus diuinis, & ab ipsidem impetrarent ut impune liceret in posterum, in ipsorum ditione Euangelium promulgare.

Reguli duo huic oræ finitimi, iungenda cum Lusitanis amicitie percupidi, Christianæ doctrinæ magistros, adeo emixe petierāt, ut e re communi rector noster esse omnino statueret, duos e nostris eo legari qui eadem opera neophytos etiam illius regionis inuiserēt, quos iam diu adierat nemo. Profecti igitur quemadmodum accepti sint, cognoscetis ex eorum litteris ad rectorem scriptis in hanc sententiam. Excepti sumus ab hisce neophytis magna ipsorum letitia, & gaudio: nec non ipsi ad quos tendebamus reguli, multis rebus declarauerunt quàm sibi gratus esset noster aduentus. Quorum alter inuentus a nobis est ad sua illa placanda numina circum lapidem molarem festiuo cum digitorum crepitu cursitans, cum se prius in stagno quodam religionis causa lauisset. Is ea cerimonia peracta, peramanter egit nobiscum, confirmauitq; promissa. Gaspar Aegidius amicus noster, & huiusce comes itineris, ualde hisce hominibus notus est. huic ferme trecenti polliciti sunt, qui primus in templo quod ibi exstruendum est, Baptismus habebitur, in eo Baptismo se nomina Christo daturos.

ros. Verum, ut Malanarica hæc gens fere perfidia laborat infamia, pro ipsis magnopere orandus est Dominus, ut quod recepere persoluant.

In ijs qui Cocini regem egrotum officij causa inuiserant, rex Porcadæ fuit, quæ regio distat hinc leucas ferme uiginti. Is deinde præfectum huiusce præsidij conuenit, præfectus uero confestim ad se rectorem nostrum accersuit. Actum est ab utroq; de re Christiana cum rege, qui pro eo quanti Lusitanorum amicitiam facit, prolixè concessit, ut Christianam religionem in ipsius regnum inferre palam ac libere liceat: quin etiam priuilegia neophytis eadem quæ Cocini rex tribuit patenti diplomate: Ut nemini in posterum suscepta Christiana religio fraudi sit, nec idcirco quicquam omnino uel de re familiari, uel de iure testandi, uel de honore ac dignitate deperdat: ut iurisdictio Ecclesiastica sit pænes Episcopum: ut templa nostra noxijs non modo Christianis, uerum etiam ethnicis pro asylo sint: denique ut nemo Christianæ fidei nomine in periculum uocetur: & alia eiusmodi.

Ethnicus erat quidam copiosus ac nobilis, quem fratres nostri & alij ipsius amici non semel a nefario demonis cultu abducere frustra contenderant. is ipso, ni fallor, S. Iacobi die natali, nostris ea loca obeuntibus, & ex itinere salutantibus hominem, gratulabundus obuiam prodijt, dixitq; sibi ea nocte quiescenti uisam pulcherri-  
ma specie mulierem, summaq; oris & corporis dignitate (quam ipsemet pro ea consuetudine, quæ illi cum Christianis est, beatam Virginem nominabat) eamq; ad se in hæc uerba locutam esse: Hac iter habebit cras mane e Sacerdotibus Christianis unus, tu quicquid ille iusserit facito; & quoniam uultis (inquit) me Christianum esse? en præsto sum cum uniuersa familia: itaque paulo post in hoc nostro col-

*stro collegio baptizatus est.*

Quòd nullum adhuc esset Cocini domicilium excipiendis alendisq; catechumenis, nonnulli idcirco a Christi professione retardabantur. quamobrem Aegidius noster ultro id sibi met oneris deposcit, catechumenos praesertim uirilis sexus gratis alendi apud se, dum ades ad eam rem publicae comparantur. Aegidij uirtutem imitata uidua quaedam honesta mulier, non modo alendis, uerum etiam instituendis faeminis operam, & impensam benigne pollicita est. Nonnullam etiam pecuniae summam ad ipsum pij quidam homines contulere.

Proxima Circuncisionis Christi Domini nostri solennia, & anniuersariam eius diei celebritatem auxit etiam Baptismus insignis capitum 160. quo in Baptismo tum Episcopus, tum urbis praefectus, qua solent pietate, officioq; uersati sunt, quo letiora essent anni 1570 ineuntis exordia, quibus exitum speramus fore persimilem. Qui per nostros hoc anno Cocini ab impietate reuocati, & salutari Baptismate loti sunt, si extremum hunc Baptismum annu meres, quingentorum circiter (quae Dei benignitas est) summam efficiunt. Quod reliquum est, te Pater optime, & reliquos omnes, qui in isto sunt orbe socios obsecramus, ut nos Domino commendare ne desinatis in Christiana causa laborantes, tam remotis in regionibus tamq; inter sese disiunctis. Cocini, ex Collegio Matris Dei.

18. Kalen. Feb.

1570.

F I N I S.

The first of these is the fact that the  
 number of the series is not a multiple of 10.  
 The second is that the number of the series  
 is not a multiple of 10.  
 The third is that the number of the series  
 is not a multiple of 10.  
 The fourth is that the number of the series  
 is not a multiple of 10.  
 The fifth is that the number of the series  
 is not a multiple of 10.

The sixth is that the number of the series  
 is not a multiple of 10.  
 The seventh is that the number of the series  
 is not a multiple of 10.  
 The eighth is that the number of the series  
 is not a multiple of 10.  
 The ninth is that the number of the series  
 is not a multiple of 10.  
 The tenth is that the number of the series  
 is not a multiple of 10.  
 The eleventh is that the number of the series  
 is not a multiple of 10.  
 The twelfth is that the number of the series  
 is not a multiple of 10.

The thirteenth is that the number of the series  
 is not a multiple of 10.

The fourteenth is that the number of the series  
 is not a multiple of 10.

The fifteenth is that the number of the series  
 is not a multiple of 10.

The sixteenth is that the number of the series  
 is not a multiple of 10.

The seventeenth is that the number of the series  
 is not a multiple of 10.



AD LECTOREM

DE IAPONICIS  
REBUS EPISTOLARVM,  
LIBRI QVINQVE.



## AD LECTOREM.

**I**Apon insula distat ab Lusitania, & quidem periculosa in primis navigatione, leucarum milia omnino sex. Itaque quod in tanto locorum interuallo frequentibusq; naufragijs est necesse, epistolæ sæpenumero intereunt. Intestinis præterea seditionibus bellisq; pæne assiduis ea regio flagrat. quocirca multæ rerum publicarum cōuersiones, crebriq; regnorum, atque imperiorum ortus atque occasus, in ijs locis existunt. Quod ego te lector, initio monitum uolui, quominus mirere, sic ubi uel interruptam historiæ seriem, uel aliquam forte in rerum personarumq; uocabulis uarietatem offenderis.

# DE IAPONICIS REBUS EPISTOLARVM,

LIBER PRIMVS.

PAVLVS IAPONIVS SOCIETATI IESV  
pacem & gratiam IESV CHRISTI.



*LACITVM* est ei qui me de matris  
utero eduxit mea, me perditum, & erran-  
tem a grege ueluti ouiculam querere, lon-  
gissime posuit non deserere, a tenebris ad  
lucem, ad uitam ab interitu reuocare. quæ  
ipsius erga me beneficia tot atq; tanta, quod

immensam eiusdem benignitatem clementiamq; testantur; ad pie-  
tatis ac religionis officium pertinere sum arbitratus, ut totam con-  
uersionis meæ rationem per epistolam uobis exponerem. Cum in Ia-  
pone (quod meum patrium solum est) cæca illa superstitionum ca-  
ligine mersus iacerem; ad boniorum cænobium, infestas mihi quo-  
rundam metuens manus, tanquam in asylum forte confugeram.  
Eodem, commercij causa, Lusitanorum appulsa erat nauis: in  
quibus Aluarus Vazius mihi iam antea notus, cognita re, primo  
si una secum uellem decedere, pro amicitia mihi sese liberaliter ob-  
tulit: deinde, cum id, ob eius nondum expedita negotia, longius

K ij esse


esse prospiceret, mihiq; foret in mora periculum; paranti profectio-  
nem amico, qui propinquo in portu stationem habebat, me per lit-  
teras commendauit. Eas ego confestim, intempeſta nocte cum  
pertuliſſem; ut in re trepida, non cui erant inſcriptæ Ferdinando,  
ſed Georgio Aluaro nauiculario, per imprudentiam reddidi. Is me  
benigniſſime exceptum abduxit, eo conſilio, ut me ad Franciſci Xa-  
uerij, quicum erat ei magna neceſſitudo, familiaritatem adiunge-  
ret: cum interea & conciliandæ uoluntatis meæ, & informandi ad  
religionem animi gratia, multa partim de uiri uita, rebusq; quas ge-  
neret, partim etiam de Chriſtianæ diſciplinæ inſtitutis quotidie mi-  
hi narraret. His ego ſermonibus, paulatim non ſolum cognoscendi  
hominis, uerum etiam Chriſtianæ ſtudio religionis exarſeram. ita-  
que cū Malacā perueniſſemus, ſacro fonte iam tum eſſem ablu-  
tus, ſi per Episcopī Vicarium licuiſſet, qui cognito rerum mearum  
ſtatu, ob eam maxime cauſſam me baptizari prohibuit, quod poſt  
ſacra ſuſcepta, ad uxorem ethnicam mihi redeundum negabat.  
Quocirca infecta re, cum nec Xauerium ibi, ut putaueram, offen-  
diſſem, & maturus iam reditus eſſet in patriam; ad Sinarum  
regionem nauigauī, quæ diſtat ab Iapone 200. circiter leucarum  
interuallo (quod iter eſt ſex uel ſeptem dierum) ut inde in Iaponem  
prima quaque nauigandi facultate traicerem. A Sinis, cum in con-  
ſpectum oræ Iaponiæ ueniſſemus, nec plus 20 leucis a terra abeſſe-  
mus; repente ſeuīſſima teterrimaq; totiūs quatridui tempeſtate in-  
eundem ex quo ſolueramus Sinarum portum reiecti, descendimus.  
Hic mihi & naufragij metu perterriti, & intimis religionum ſti-  
mulis agitato, quid agerem incerta ac ſolicita mente deliberanti, ec-  
ce Luſitanus Aluarius Vazius occurrit, is, cuius præcipue benefi-  
cio me ex Iapone euafiſſe narraui. Miratus cur diſceſiſſem Mala-  
ca, &

¶ simul audito maris periculo quo d. adieram, suadere institit  
 mihi, secum den. 40 Malacam reuerterer: ad cuius hortationē Lau-  
 rentij quoque Bottellij auctoritas accessit, hominis honorati, cum  
 diceret non dubitare sese, quin Xauerius Malaca propediem esset  
 futurus, qui me in Diui Pauli Collegium Goam perduceret, Chri-  
 stiana doctrina diligentius excolendum, & inde reuertenti in pa-  
 triam mihi aliquem e Societate comitem esset daturus. Placuit con-  
 silium. itaque rursus ueni Malacam. ibi in ipso descensu opportu-  
 ne mihi fit obuiam, qui me ex Iapone asportauerat, Georgius Al-  
 uarus. is me continuo ad Xauerium deduxit, tunc forte in templo  
 solennia nuptiarum sacra facientem. quis essem, cuius rei causa  
 uenirem, exposuit. quibus ille auditis, tantam uultu uerbisq; animi  
 letitiam ostendit, meq; nactum iam aliquam Lusitanicae linguae  
 consuetudinem, ita & tum accepit comiter, & deinceps benigne  
 amiceq; tractauit, & ego uicissim congressu hominis & aspectu us-  
 que adeo sum recreatus; ut satis appareret, totam eam itineris mei  
 rationem institutam fuisse diuinitus. Mox ad Collegium Diui  
 Pauli reuersurus, quod neophyti Christiani in promontorio Como-  
 rini erant ei ex itinere inuisendi, me una cum Georgio Aluaro uia  
 breuiore praemisit. Goam tenuimus initio mensis Martij, anno post  
 Virginis partum 1548. Eodem ipse quoque peruenit quarto uel  
 quinto post die: sane celeriter. cuius aduentu gauisus sum uehemē-  
 ter, quippe iam ipsius humanitate ac prudentia mirabiliter ca-  
 ptus. In Collegio deinde edocti quaecunque ad Baptismum erant  
 necessaria, ego & famulus, quem ex Iapone mecum adduxeram;  
 mense Maio insequenti, in templo maximo, per manus Episcopi,  
 festo ipso Spiritus sancti die, Baptismi sacra suscepimus. Opifice re-  
 rum omnium bene iuuante Deo & Domino IESU Christo redi-

mendae nostrae salutis caussa crucifixo, totum hoc ad nominis eius gloriam & Catholicae fidei propagationem felix faustumq; fore confidimus. Mihi quidem Christiana ueritas religionis, cum ex recentibus plurimis erga me Dei beneficijs, tum ex intima quadam sensuum meorum ac mentis tranquillitate, patet quotidie clarius. per paucis etiam diebus, commode & legere, & scribere didici. Diui Matthaei Euangelium mandauit memoria. id nunc Iaponicis litteris retinendi caussa describo. Xauerius Iaponicam prouinciam cogitat. me ducet secum. Vobis istic, quo res bene atque e sententia eueniat, pijs apud Deum precationibus pro utroque nostrum diligentius emittendum est: pro me quidem certe; ut sua tot tamq; praecleara in me beneficia ne male patiatur esse posita, mihiq; roboris tantum animiq; suppeditet, ut si centies oppetenda mors sit, uitam libens pro ueritate profundam. Ego sum spe optima: & non sine magno meorum popularium fructu, & amplificatione nominis Christiani, constitutum in Iapone Societatis collegium, antequam moriar, me uisurum esse confido. Goa 3. Kal. Decemb. 1548.

## COSMVS TURRIANVS

### Societati IESV.

 Vando multa mihi per hos dies ac magna de Christo ex domestica Sociorum, qui ex istis regnis huc ueniunt, praesertim uero Francisci Xauerij consuetudine discere datum est, ut communicem uobiscum hanc animi mei letitiam, Patres in Christo fratresq; breuibus enarrare constitui, quo pacto Dominus me suam in hanc Societatem uocarit. Antehac, tametsi pro penso in religionem fui semper animo, multa me tamen uarię cupiditates



piditates a proposito retardarunt. Anno redempti generis humani  
 1538. nescio quid ut quærerem, profectus ab Hispali, Cannarias  
 primum seu Fortunatas, tum Diui Dominici, quam appellant,  
 complures præterea alias insulas petij, de quibus, quod satis iam  
 notæ sunt, me nihil attinet scribere. Vidi etiam continentem,  
 quam nouam Hispaniam uocant, fertilitatis eximia: in qua,  
 Dominicanorum & Franciscanorum opera, magnus Christiano-  
 rum numerus cernitur. ibi quadriennio ferme per summam se-  
 cularium rerum omnium abundantiam ac satietatem exacto,  
 cum maius quiddam atque solidius, quasi diuinans animus meus  
 appeteret; Kalendis Ianuarijs, anni M. D. XLII. sex na-  
 uium classem nactus, Occidentem uersus pergere intendi. cum  
 quintum iam & quinquagesimum diem in alto, procul ab om-  
 ni terræ conspectu nauigassemus; ad insulas denique uenimus mul-  
 tas numero, magnitudine perexiguas, loco depressas; quarum in-  
 colæ, nudi, pisce tantum atque arborum folijs uictitabant. hic dies  
 octo substitimus. decimo inde die insulam conspeximus amænissi-  
 mam, frequentibus ac proceris admodum consitam palmis: sed nos  
 uehemens uenti uis descensu prohibuit. post decem alios, uel duo-  
 decim dies insulam tenuimus magnam, sed ab habitatoribus pæne  
 desertam, Vendenauum nomine, cuius ambitus est 200 leuca-  
 rum. in ea cum quadragesimum circiter diem morati, neminem  
 ex incolis uidissemus; ad extremum barbari nauigio ad nos acce-  
 debant, pacis petendæ gratia sanguinem e pectore brachijsq; suo mo-  
 re mittentes. sed nostrarum perterriti strepitu bombardarum, ita  
 repente in fugam uertere sese, nunquam ut postea comparuerint.  
 seminudi incedere, arboribus protectis uti dicuntur: proscalis au-  
 tem, arundinibus miræ proceritatis & crassitudinis. Inde cum ad

Septentrionem nauigaremus, uento aduersante cursum ad meridiem auertimus, paruamq; in insulam descendimus, carne & oryza abundātem. sesquiannum circiter ibi traduximus. incole sunt iaculandi peritissimi; uenenatis utuntur sagittis, quas ut inficiant, uirulentas quasdam bestiolas, uiridium instar lacertarum, enutriunt. Hinc, de nostris ad 400 amissis, pæne coacti discedere, contendimus ad Malucum; quo in loco mora ferme biennij facta, quod classi nostræ nouam in Hispaniam reditus non patebat; de sacerdotum aliquot, uirorumq; nobilium comitum nostrorum sententia, cum Præfecto Lusitanorum qui erat ibidem, transegimus ut nos in hæc Indiæ regiones adduceret. In eo itinere insulam attingimus, quæ dicitur Amboinus. ibi Xauerium reperi: cuius primo congressu in ipsius imitationem sum uehementer incensus, itaque repente eius uestigijs institissem, nisi Episcopum Goæ prius inuisere decreuissem. quocirca meum illi animum aperire in præsentia supersedi. Goam inde peruentum est. ibi me statim ad Episcopum contuli, a quo exceptus liberaliter, & Ecclesiæ cuiusdam administrationi præpositus, in eo munere quinque circiter mensium spatium ita sum uersatus, ut me graues interea fere semper curæ cogitationesque uexarent. quibus defatigato iam animo cum nullam plane requiem inuenirem, ad nostrum hoc Diui Pauli Collegium ueni, meque in P. Nicolai qui tum Collegio Rector præerat, familiaritatem dedi. ab eo cum genus uitæ disciplinamque Societatis domesticam cognouissem; ualde mihi, præsertim auctoritate Xauerij iam ante permoto, res tota placuit: cumq; me ex instituto Societatis iccirco tantisper a negotijs remouissem, ut, mente quoad possem a sensibus auocata, omnem cogitationem in Dei beneficij erga me perpendendis, & in exigenda præterita uitæ meæ

ratione

ratione defigerem; tertio die postquam rem sum aggressus, ita m<sup>o</sup> repente securum, & ab angoribus liberum uacuumque per sensi; ut egomet ipse rei nouitatem mirarer, mihiq<sup>ue</sup> posthac in Societate omnino uiuendum ac permanendum esse decernerem. Id contigit anno superiore 13. Calen. Aprilis. quo ipso tempore Xauerij quoque magnopere me confirmauit aduentus; cum salutis meae causa consulto missus in hanc urbem a Domino uideretur. unde ille paulo post discedens, ut promontorij Comorini Christianos inuiferet, curam mihi reliquit, pueris domi quos alimus, priuatim quotidie; plebi autem in templo singulis dominicis diebus Christianae rudimenta doctrinae, & Diui Matthaei Euangelium explanandi. Intulit etiam sermonem de terra Iaponia, (cuius naturam & incolarum genus e libello quem separatim mittimus cognoscetis) & simul significauit esse sibi in animo, cum e Comorino redierit, in eam insulam proficisci, & me secum ducere. quod ego singularis beneficii loco a Domino accipio; & paratus, quocunque ille uoluerit, sequi, id unum laboro, ne in patrem totius consolationis Deum pro immensa eius in me benignitate ingratus reperiari. itaque Patres & Fratres in Christo mei, in gratijs agendis, quaeso, mihi succurrite, tum quòd me in hanc Societatem asciuerit; tum etiam quòd mihi Iaponicam prouinciā destinauerit. Habemus in hoc Collegio adolescentem nomine Paulum cui a Sancta Fide cognomen est inditum, natione Iaponium, multis ornamentis ingenij, memoriaeque, sed praecipue DE I uera notitia praeditum. Sextus agitur mensis, ex quo Christianus est factus. bis dumtaxat explicatum a me sibi Diui Matthaei Euangelium summa felicitate a primo capite ad extremum usque memoriter hausit. Nostra in Iaponem profectio in proximum Aprilem mensē

menſem paratur. Eam conſidimus ualde utilem rei Chriſtiane futuram: eoꝛ magis, quòd uetus opinio quaſi quoddam oraculum percrebuiſſe apud Iaponios dicitur, nouam ſe legem, multo quàm qua hodie utuntur ſanctiorem ac meliorem aliquando accepturos. Sacrificijs ueſtris & precationibus nos admodum commendamus in Domino. Goa 8. Cal. Aprilis 1549.

FRANCISCVS XAVERIVS  
Societati IESV &c.



Vàm letos atque uberes animarum fructus Indica ferat uinea; & non in Regijs modo præſidijs, uerum etiam in reliquis oppidis barbarorũ, ſanctiſſima Chriſti fides quàm feliciter creſcat, fuſius ad uos ſcripſi menſe Ianuario ſuperiore. Ego ex India uerſus Iaponẽ Aprilis menſe proſectus ſum, duobus e Societate comitibus (altero ſacerdote cui Coſmo nomen eſt, altero laico) itemq; Iaponijs neophytis tribus: quos mihi ſane uidetur Dominus præcipua quadam benignitate clementiaq; fouiſſe. namque ut in Diui Pauli Collegio, Goæ, cæleſti lauacro expiati ſunt; tanta eos diuina bonitas uoluptate gaudioq; perfudit, tantamq; ad ſuæ in ipſos beneficentiæ cognitionem adduxit, ut præ letitia ſpiritualiſpiaq; dulcedine lacrimas non tenerent. in uirtutibus uero mirabile dictu eſt quantum profecerint: plane, ut eæ nobis iucundam atque utilem ſermonis materiam præbeant. Ad hæc, & legere, & ſcribere didicerunt, ac diſtributis in horas precationibus diligenter uacant. Interrogati a me quonam ſentirent ſe genere meditationis, orationiſue, potiſſimum affici; paſſione Domini recitanda cogitandaq; dixerunt: itaque huic uni maxime lectioni

commen-

commentationique dant operam. Articulos fidei, Incarnationis Domini, Redemptionisq̃ generis humani causas, ceteraq̃ Christiana mysteria per otium cognouerunt. Percontanti mihi se penumero quosnam religionis Christianæ ritus, quæue instituta sibi maxime crederent profutura; duo illa semper, scilicet Confessionem & Communionem sine controuersia responderunt. addentes insuper, sua quidem sententia neminem omnino fore participem rationis, quin auditis Christianæ disciplinæ decretis assentiatur ac pareat. Vnius uero ex ijs, cui Pauli nomen, à sancta Fide cognomen impositum est, illam quoque uocem audiui; cum ingemiscens in hæc uerba prorumpet: O miseri Iaponij; qui ea ipsa quæ Deus ad uestrum est fabricatus obsequium, adoratis ut numen. cui ego, quid ita? inquam. tum ille, quod Solem, ait, uenerantur ac Lunam; quæ res, ijs qui no uere Dominum IESVM Christum, famulantur ac seruiunt: quid enim agunt, inquit, aliud, nisi diei tenebras ac noctis illuminant, ut ea claritate mortales ad magni Dei, et filij eius IESV CHRISTI cultum & gloriam in terris utantur?

Verum ut ad institutam itineris nostri narrationem reuertar, Malacam uenimus pridie Cal. Iunias, anno 1549. ibi Lusitanorum accepimus ex Iapone litteras, in quibus erat scriptum, principem quendam eius terræ uirum uelle fieri Christianum: itaque legari ab eo ad Prætozem Indiæ, qui aliquot e Societate nostra Christianæ religionis interpretes postularet. afferebatur etiam, quodam Iaponis in oppido, mercatores Lusitanos in hospitium iussu reguli diuertisse demonum incurfibus uehementer infestum, atque ob id habitatoribus destitutum: cum ignaris quid esset Lusitanis uestes detraherentur, famulus etiam nocturno spectro perterritus exclamasset; excitatos eo strepitu, arripuisse arma: deinde famulum cru  
cibus

cibus undique circundedisse hospitium. incolas uero & regulum mercatoribus aperuisse, domum eam ab demone inhabitari: & simul quæsisse quonam ad eum fugandum remedio uterentur: respondisse Lusitanos, nullum aduersus demonas Cruce firmitus inueniri præsidium: itaque ex eo die Cruces domibus eius oppidi fere singulis collocatas. Nuntiabatur ad hæc, per amplum patere euangelizantibus in Iapone campum; quòd ea gens moribus mansueta sit, ingenio docilis, & acuta: quocirca magnam in spem ueni, si per nostra peccata non steterit quo minus captis faueat Deus, ingentè animarum uim ad Ecclesiæ gremium accessuram. His ego rebus cognitis, tametsi ea mihi admodum leta uidebantur, tamen aliquandiu substiti, mecum adhuc de profectione deliberans: sed cum certa constarent mihi iam diuinæ uoluntatis indicia, uideremq, me, si ab incepto desisterem, ipsismet Iaponijs ethnicis mult: detestabiliorum futurum, (quamquam perennis ille humani generis aduersarius meum hoc iter summa ope nititur impedire) fidenti animo pergere, & primo statim aduentu Regem ipsum Iaponis adire constitui, eiq, mandata quæ habemus a Domino, exponere. Et quamuis apud Regiam Academia dicatur esse percelebris; tamen haud dubiam nobis, si ad certam en uentum sit, Deo fauente, uictoriam pollicemur. nec nos litteratorum ueremur sophismata; nec barbarorū minas, uel demonum insidias pertimescimus. quid enim nobis aut ab eorum scientia qui IESVM nesciunt, potest esse periculi; aut ab eorum ui, quibus nihil in nos, nisi quantum Deus ipse permiserit, licet? præsertim cum nulla re alia, nisi diuinæ gloriæ studio & salutis animarum adducti negotium hoc susceperimus; & Iob a diabolo sacræ litteræ non nisi concedente Domino lædi potuisse testentur. Illa uero nos una assidue cura sollicitat, ne grauius ipsi pro hu-



mana fragilitate peccemus; neue Dei auxilio, quod laborantibus ille semper benigne suppeditat, abutamur. quod tamen ne accadat, cum sacrosanctæ matris Ecclesiæ (cuius imperij fines, animabus ad creatoris agnitionem trahendis propagare satagimus) tum nominatim Societatis IESV meritis impetratum iri speramus.

Sane quàm periculosum iter hoc Iaponicum est, partim ob frequentia latrocinia, partim etiam ob tempestates, quæ passim hoc mari ita seu excitantur, ut præclare agi cum ijs qui nauigant existimetur, si tribus e nauibus duæ cursum incolumes teneant. Quocirca uenit mihi sæpe in mentem uereri, ne, qui e nostra Societate doctrina sunt præstantiores, si cui eorum in hæc loca mitti contigerit, temerarium esse negotium, Deumq; tentari quodammodo, tam apertis adeundis periculis, putent: qua tamen eos suspitione postmodum libero, quod spero, Societatis nostræ litteris inhabitantem Domini spiritum præsidere. Illud quidem occurrit mihi sæpenumero, quod aliquando patrem nostrum Ignatium audiui dicentem: omnibus ijs, qui in Societate nostra uersantur, summo studio conatuq; elaborandum esse, ut inanes ab se timores, & cetera cuncta depellant, quæ homini, quo minus totam in uno Deo spem collocet, impedimento esse consueuere. Porro, quemadmodum interest inter eos, quorum ita spes est in Deo reposta, ut rebus tamen affluant necessarijs, & eos qui ob id ipsum ut Christi imitarentur, & soli Deo considerent, omnibus sese uitæ præsidij exuerunt; sic proculdubio multum refert, utrum quis, cum unicum habere se profiteatur in Dei bonitate perfugium, tum in tuto & quasi in umbra se exerceat: an, alia re sibi nulla nisi Dei honore gloriaq; proposita, sese caputq; suum uolens uidensq; in discrimen offerat pæne quotidie: cuiusmodi si quis exstiterit, ne illum ego propediem seculi tædio migrandiq; ad Dominum  
desiderio

desiderio affectum iri crediderim: quandoquidem hæc hominum uita quæ dicitur, mors perpetua potius, ac triste quoddam a celestibus regnis exsilium est.

Iaponij (sicuti a comitibus nostris accepimus) ualde superstitionibus dediti sunt: bonæque eorum pars, monachorum ferme ritu, in cænobijs uiuunt. ij, religionis causa, neque carnes gustare, neque pisces dicuntur. quocirca nos, eorundem comitum nostrorum monitu, ne barbari in nobis offendantur, assiduam ibi si res exiget, cogitamus dietam. Affirmant præterea qui inde ueniunt, summam hoc hominum genus apud populum auctoritatem obtinere: quod iccirco adscripsi, ut intelligatis quibuscum res nobis futura sit, & quantopere uestris & Societatis uniuersæ apud Deum suffragationibus egeamus.

Nos, festo ipso D. Ioannis Baptistæ die, Malaca soluemus. nauigationem gubernatores bimestrem circiter pollicentur. cum in Iaponem peruenero, tum ad uos de hominum institutis, moribus, opinionibus copiose perscribam. Interea spem mihi nescio quam afferebat quod de Paulo nostro cognouerã, cænobitas quos dixi Iaponios, huiusmodi quibusdam commentationibus exerceri: Qui cænobio præsidet (is autem eruditione ceteris antecellit) ad cætum domesticis conuocatis, aliquam in sententiã differit primum: deinde certos unicuique locos ad cogitandum proponit. uerbi gratia: Cum agit quis animam interclusa iam uoce, si tum diuinitus detur animæ facultas loquendi; quibusnam uerbis ad corpus utatur? uel, quidnam dicat, si quis existat ab inferis? Ad eam uero cogitationem, unius huius spatium præstituitur. quo expleto, Præfectus ueluti pensum a singulis exigit: quem excogitasse boni quippiam comperit, ornat laudibus; quem secus, obiurgat. ijdem ad populum quintodecimo quoque

quoque die uerba faciunt sane frequentem; & inter dicendum, gra-  
uissimas inferorum pœnas cruciatusq; depictos in tabula aspicien-  
dos auditoribus proferunt. cuius acerbitate spectaculi usque ad eiu-  
latus & lacrimas, fœmina præcipue, permouentur. querenti mihi  
de Paulo, numquid e concionibus eorum teneret memoria; cuius-  
dam respondit se meminisse, qui diceret improbum uirum siue mu-  
lierem, esse demone ipso nequiores; quòd scelera multa quæ ille  
per se perpetrare non possit, ut furari, falsum testimonium dicere,  
aliâq; id genus; huiusmodi hominibus adiutoribus atque admini-  
stris admittat. Disiunctionem nostram Dominus pro infinita  
sua misericordia coniungere dignetur in celis: nam in terris qui-  
dem ecquando posthac uisuri inter nos simus, incertum est. Malaca  
10. Calen. Iulias 1542.

FRANCISCVS XAVERIVS  
Societati IESV &c.

**A**ponem Deo adspirante attigimus Augusto mense, die  
Assumptioni Mariæ Virginis sacro, cum festo ipso Diui  
Ioannis Baptistæ die natali, Malaca sub uesteram sol-  
uissimus. Nauiculario usi sumus ethnico, mercatore Sina, qui  
suam in id operam præfecto Malacæ detulerat. ac primo sane fe-  
liciter nauigauimus: sed mox (ut sunt barbarorum ingenia ad leui-  
tatem atque ad inconstantiam prona) profectiois mutare consilium  
nauicularius cepit, & in occurrētib; passim insulis tempus frustra  
conterere. Nobis autem in eo itinere cum alia multa, tum illa duo  
præcipue molestissima contigerunt: alterum, quòd oblata diuini-  
tus tempestate nautæ per nequitiam abuterentur; qua elapsa, ad  
oram

oram Sinarum appellere, ibiq; totam hyemem, cursum expectan-  
 tes ponere cogebarur: alterum, quod in eadem naui simulacrum  
 uehebatur demonis; cui nautæ, quanquam inuitis nobis & inspe-  
 ctantibus, patrio ritu sacrificabant. ab eodem etiam per sortes de  
 ipsa nauigatione petebant responsa; quæ (ut aiebant credebantque  
 barbari) modo lata, modo tristia reddebantur. Centum a Malaca  
 leucas, Sinas uersus prouecti, quandam ad insulam stetimur: ibiq;  
 aduersus maris illius scuitiam naualibus instrumentis, aliaq; ma-  
 teria comparata, post multas ceremonias & sacrificia quesitum  
 est ab idolo, prosperam deinceps fortunam essemus habituri, necne.  
 cum ualde prosperam respondisset, proinde ne moraremur diutius,  
 sustulimus anchoras, uelaq; gratulabundi fecimus omnes: illi, simu-  
 lacro quod in puppi locatum candelarum luminibus, odoramentisq;  
 ex incensoligno quodam Aquilano uenerabantur: nos conditore  
 cali terræq; Deo, & eius filio domino IESU CHRISTO con-  
 fisci, cuius cultum religionemq; amplificandi studio in ea loca dese-  
 rebamur. Cum iam essemus in cursu, placuit nautis ab demone  
 percentari, utrum nauis qua uehebatur, Malacam esset ex Iapo-  
 ne reditura. cum in Iaponem quidem peruenturam omnino, sorti-  
 legi retulissent, uerum ex Iapone Malacam minime reuersuram;  
 tum uero institutæ nauigationis penitere barbaros cepit, satiusq; ijs  
 uideri apud Sinas hyemare, & Iaponicam profectionem in alterum  
 annum differre. Noster autem quis animus, quis tum esset dolor,  
 cogitare uobiscum potestis ipsi, cum de tota itineris nostri ratione con-  
 suleretur demon. Mox in oram terræ quam Cocincinam uocant,  
 delati; duo, uno eodemq; die (qui fuit Diuæ Mariæ Magdalene  
 sacer) uespere, sane quàm aduersa pertulimus. Etenim exaspera-  
 to uehementius mari, ingentesq; uolente iam fluctus, cum iactis  
 anchoris

anchoris agitaremur in salo, apertum in ostium sentinae unus e comi-  
 tibus nostris Emanuel Sina forte prateriens decidit. mortuum cre-  
 didimus: nam & alte ceciderat; & a capite pæne ad umbilicum  
 obrutus aliquantisper in aqua iacuerat. uerumtamen extractus  
 magno cum labore, exanimis licet, grauiusq; caput sauciatus, ad-  
 hibita curatione, paucis diebus, Deo fauente conualuit. Nondum  
 huius plane curatum erat uulnus: ecce tibi eodem ferme casu, ea-  
 demq; nauis iactatione, filia nauarchi in mare delabitur, & in om-  
 nium oculis frustra conantium opitulari, submergitur. Cuius inte-  
 ritum tanti sunt eiulatus ac lacrimæ consequutæ: tanto præterea,  
 quotquot in naui eramus, uitæ in discrimine uersabamur; ut admo-  
 dum digna miseratione res esset. Barbari ad propitiandum per sa-  
 crificia demonem uersi, nulla capta quiete, diem noctemq; totâ ma-  
 etandis idolo auibus ferculisq; apponendis operam dederunt, per  
 sortes etiam quasiere causam infortunij. responsum est: si is qui  
 prius in sentinam ceciderat Emanuel fato functus fuisset; puellâ  
 in mare non fuisse lapsuram. Cernitis ipsi profecto quantum nobis  
 eo responso demon ab suis ministris crearit periculû: & nobis quid  
 futurum fuerit, nisi furentis rabiem Dominus compressisset. sed  
 me tamen in primis graues illæ in Deum iniuriæ, & barbarorum  
 sacra illa sacrilega permouebant. itaque susus in preces, Deum ro-  
 gaus apius, ut priusquam fluctibus operiremur, homines ab se ad  
 ipsius imaginem ac similitudinem conditos, tam falsis opinionum  
 erroribus impijsq; superstitionibus liberaret; tetrum quippe specta-  
 culum, & indignum est facinus, Dei uice ab hominibus ad unius  
 DEI laude factis, adorari perpetuum ipsius humani generis ini-  
 micum. Cuius de minis atq; terroribus, quibus ille mortales, natûs  
 occasionem, aggreditur, quod multa mihi eo die nocteq; Dei bene-

ficio contigit experiri, quamquam ea sane cognitu utilia sunt, tamen breuitatis caussa cetera pratermittam; unum illud summam attingam: huiusmodi ipsius petitiones eludi nulla ratione facilius, quam animi magnitudine quadam ac securitate præstanda, non illa quidem, quæ proprijs uiribus, sed quæ unius Dei tutela præsidioq; nitatur. uenisse tempus ulciscendi doloris sui, crebro mihi ponebat ob oculos. sed magis tali in re ac tempore nobis timendum est, ne fixam in Deo fiduciam, quæ debet esse firmissima, remittamus, quam ne ab hoste (qui nihil ualet nisi Domino permittente) uincamur. Porro, quid nobis in extremo spiritu futurum est, fratres, cum debilitatis corporis animiq; uiribus grauiori quam unquam antea tentatione uexabimur; nisi per otium prius spem totam in Deo reponere, atque ad eum tempestiue confugere didicerimus?

Verum ut ad rem redeam, lenita paulum tempestate, uela uentis mærentes dedimus, paucisq; diebus in portum Sinarum quem Cantonium uocant, peruenimus. Ac nautis quidem non dubium fuit, quin hyemandum esset ibidem; quamuis nos partim rogando, partim etiam eam iniuriam cum Lusitanis & cum præfecto Malacæ expositulaturos minando, frustra eos reuocare a proposito niteremur. Sed nescio quomodo factum est, ut stationis mutandæ petendiq; portus Cincei (qui in eadem est insula) subito consilium caperent. Eo cum iam appropinquaremus: nauarchus a quibusdã præternauigantibus repente sit certior, Cinceum portum a piratis compluribus obsideri. Præsens omnino periculũ imminabat: eratq; uentus Cantonem reuertenti, aduersus: Iaponem petenti, secundus. quocirca subita re perculsi nautæ, uolentes, nolentes, cursum in Iaponem dirigere, & nos quo polliciti fuerant (& quidem reliquis portibus insule exclusi) recta Cangoximam, quæ Pauli nostri



noſtri patria eſt, inuito demone perducere ſunt coacti. ibi, cum a Pauli cognatis, tum a reliquis oppidanis amiſſime excepti ſumus.

Iaponia gens ( quantum perſpicere hucusque potuimus ) ceteras nationes, quæ nuper inuenta ſunt, uirtute ac probitate antecellit omnes. tractabili admodum eſt ingenio, atque, ut plurimum, a fraudibus abhorrenti: dignitatis uero mirum quam ſtudioſa: ſic prorſus, ut eam reliquis rebus omnibus anteponat. rei familiaris inopia patet illa quidem in hac gente latiſſime: ſed ea nulli eſt dedecori: ( quamquam eam alioquin ægerrime ferunt ) nec ſane minus iccirco qui nobiles ſunt, a plebe coluntur: neque uero eorum quiſquam, pauperrimus licet, connubio cum plebeijs ulla mercede iungatur: uſque adeo exiſtimationem diuitijs præferunt. Magnum ſibi inuicem habent honorem. armis plurimum tribuunt, iſſque præcipue delectantur: & ſimul ac quartum decimum ætatis annum attigerunt, enſe ac pugione præcincti plebei æque atque optimates incedunt. iniuriam nullam, nec uerbum paulo contumelioſius ferunt. In uictu ſane ſibi temperant: ſunt tamen in potu liberiores. uſum uitis ignorant: oryza exprimunt uinum. Aleam, luſuſq; omnino refugiunt, quòd nihil homine indignius putet, quàm rebus ijs uacare, quæ animum alieni appetentem ac rapacem efficiant. Si quando iurant ( quod perraro fit ) per Solem iurant. litteras norunt plerique, quo etiam facilius Chriſtianis ritibus imbuuntur. Unica ſinguli ſunt uxore contenti. ad omnem honeſtatem atque ad humanitatem ſunt ualde propenſi natura, diſcendiq; percupidi. ſermones qui de Deo habentur ( præſertim cum probe, quæ dicuntur, intelligunt ) audiunt libentiſſime. A furtis uero tam auerſum nec de Chriſtianis nec de barbaris populum quem-

quam uidere me memini. Veterum quorundam, instar philosophorum, maxima pars opiniones sequuntur. Solem multi: Lunam alij adorant. ut quidq̃ naturæ maxime consentaneum est, ita facillime assentiuntur; & acquiescunt, si peccati cuiuspiam, ratione probabili conuincuntur. Multo minus impuros, & rectæ rationi magis obtemperantes laicos, quàm sacerdotes, inuenio, qui ipsorum lingua Bonzj appellantur. ij cum reliquis flagitijs, tum præpostere libidini turpiter adeo dediti sunt, non modo ut id non celent, sed etiam profiteantur palam: & longo iam usu uiro- rum æque ac mulierum aures callum ad tam nefarij sceleris no- men obduxerint. quod tamen uitium nos uulgo cum reprehendi- mus, & quam sit graue Deoq̃ inuisum ostendimus; ceteri sane letantur, & approbant: Bonzj, ad quos potissimum reprehensio pertinet, tantum abest ut aut erubescant, aut doleant; ut etiam aperte derideant nos, & illudant. Per multos habent in cænobijs filios optimatum, instituendos litteris: horum ætatis flore abutun- tur. De Bonzijs quidam sunt cultu corporis nostris monachis non absimiles: uestibus utuntur cineritj coloris: tertio uel quarto quo- que die capillum ac barbam penitus uidentur abradere: horum la- xior etiam est disciplina: muliebres (quibus cum uiuunt) eius- dem ordinis habent cætus: quas, fama consentiens est, pregnan- tes, partum medicamentis abigere. itaque ob eam rem apud mul- titudinem admodum audiunt male: nec sane (quantum egomet, ipsorum aliqua ex parte iam cognitis moribus, iudicare possum) iniuria. Hos inter, & alios quos dixi sacrificulos (ij clericorū ser- me utuntur ornatu) minime cōuenit. Duo præcipue in hac terra mi- hi pæne stuporē incutiunt. alterum, quàm grauiā quāq̃ nefanda peccata, quàm nihili fiant. atq; id nimirū accidit maxime patrum culpa:

culpa: qui traditam sibi tum a natura, tum aliquam fortasse etiam a maioribus normam recte uiuendi, corruptam ipsi deinceps ac deprauatam posteris reliquerunt: ut ex hoc, obiter illud etiam appareat, quemadmodum in communi uita, naturales igniculi probitatis, pugnantibus cum natura uitij paulatim penitus extinguuntur: sic in uita perfecta, uirtutum habitus licet iam constitutos, nisi assidua ac diligens cura adhibita sit, remissioribus officiis labefactari sensim, ac destrui. Alterum est, cur hi sacerdotes, cum nec integritate, nec innocentia sint cum secularibus comparandi, tanto nihilo minus apud eos in honore atque existimatione sint. & quamquam in magna omnes prauitate summaq; opinionum peruersitate uersantur; tamen qui sapientia prestare uidentur ceteris, precipuum dignitatis obtinent locum. horum cum aliquibus congregari mihi saepenumero contigit: cum uno praesertim, cui tum ob eruditionis famam, & muneris quo fungitur amplitudinem, tum etiam ob aetatem, quae annorum est 80, cuncti plurimum tribuunt: eumque sua lingua, Ninxit, appellant, quod uocabulum, ueritatis cor, si interpretere, significat. Is inter Bonzios, est ueluti Episcopus. felix utique, si ipsius nomini facta consentiant. Eum ego in sermonibus quos habuit mecum, de immortalitate animorum ualde incertum offendi: quam ille, parum sane sibi constans, modo asserit, modo negat. quam uereor, ne reliqui sint huic similes litterati. ipse autem dici uix potest, quanta me beneuolentia prosequatur. neque uero ceteri omnes & Bonzij, & laici, non admodum nostra consuetudine delectari uidentur. atque illud mirantur in primis, diuinoq; prorsus affirmant factum esse consilio, ut eam unam ob rem quo de rebus diuinis uerba faceremus, tam remotas in regiones (omnino leucarum sex millium & eo amplius iter

L iij est)

est) ab ipsa usque Lusitania contenderimus. Mirantur etiam uehementer, cum audiunt, gentibus ijs quæ in IESUM CHRISTUM crediderint, eiusq; præceptis obtemperauerint, certissimum sempiternæ beatitudinis præmium esse propositum.

Ad summam scire uos uolo, quo magis gratulemini Deo Domino, magnam in hac insula paratam esse Christianæ rei bene gerendæ materiem. itaque nos Iaponice si nossemus, dubium mihi nō est, quin multi fierent Christiani. uerum tamen breui (Deo fauente) discemus. quadragesimus dies est, ex quo ad eam rem animum adiecimus: præcepta decalogi Iaponica lingua iā exponimus. Hæc ego fusius ad uos eo perscribo, ut uehementius gaudeatis in Domino, pares omnium uestrum industriæ studijsq; aperiri prouincias: & simul, ut diligentius interea cum reliquis uirtutes, tum præcipue patientiam meditemini: illud uero semper animis uestris memoriæq; fixum inhereat: gratiorem esse Domino uictimam, plenum Christianæ humilitatis animum, quo se uitamq; suam quis illi studiosè deuoueat, quam permulta licet præclara, sine humilitate, facinora. Nec multum aberit fortasse, quin e uobis complures huc intra biennium euocem. proinde esote parati: summisioni uacate: uobis ipsi, ubicunque opus est, resistite fortiter: omnem curam, cogitationem, laborem in uobis penitus cognoscendis insumite. hinc nimirum & fides in Deum, & caritas crescet in proximum: hinc perspicietis quotidie clarius, quam nullum uobis perfugium in uestris uiribus esse debeat constitutum. porro, inani sublata spe; quæ una uera ac solida est in Deo fiducia consequetur. hinc intima illa denique existet humilitas: quam uos, terrarum ubicunque fueritis, sed præcipue si in hæc loca mittemini, magis etiam quàm fortasse putatis, necessariam uobis intelligetis. Quocirca uos rogo, ut omni prorsus

ni prorsus humana spe, uel carnis prudentia, atque elatione deposita, omnibus uestris in actionibus uno Deo nitamini. hoc tam firmo presidio si muniti fueritis, tum nec quod ad corpus, nec quod ad spiritum attinet, res erit ulla tanta tamq̃ difficilis, quam uos meo iudicio non & suscipere, & sustinere possitis.

Cangoximæ (quam Pauli nostri patriam esse docuimus) tum a magistratibus, tum ab uniuerso populo accepti sumus comiter admodum ac benigne: nouos e Lusitania sacerdotes cunctis non sine quadam admiratione uisentibus. Pauli uero ipsius officium erga nos ac fides egregia constitit: qui quòd se ad Christi gregem adiunxit, nequaquam offenduntur in illo Iaponij. quinimmo suspiciunt hominem, quòd Indiam peragrauerit, quòd ipsis incognita multa didicerit. Regulus quidem ipse, cum ad eum Paulus, quinque procul ab oppido leucis commorantem, salutatum accessisset honoris causa, pictamq̃ in tabula (quam ex India adueximus) Christi Domini nostri, & sanctissimæ Virginis matris secum attulisset imaginem; magnopere ipsius aduentu congressuq̃ letatus est: multaq̃ de Lusitanorum moribus, deq̃ imperio quod obtinent in India percontatus, denique prolatam a Paulo, quam dixi, imaginem, nixus genibus adorauit supplex: atque id ipsum fieri ab omnibus qui aderant, imperauit. Eandem contemplata mox Reguli quoque mater, magnam cepit admirationem simul ac uoluptatem. itaque paucis post diebus quàm Paulus Cangoximam redijt, misit mulier qui desumendum eius exemplum aliquo modo curaret, uerum defuit artifex. petijt etiam a nobis, ut sibi Christianæ fidei capita litteris ederemus. in eam rem Paulus dies aliquot diligenter incubuit, & Iaponice multa conscripsit. idem cognatos amicosq̃ homo impiger dies ac noctes ad salutem hortari ac docere non  
L iij destitit:

destitit: breuiq; uxorem, & filiam, multos præterea utriusque se-  
 xus in ouile Domini compulsi. Nec sane ( ut initia sese dant ) con-  
 silium eorum improbatum in uulgus: & quia plerique legere &  
 scribere iam ante didicerant, perfacile Christianis precationibus as-  
 suescunt. Cum linguæ subsidium nobis ( ut speramus ) accesserit:  
 tum res multo melius ( Deo bene iuuante ) procedet. nam nunc qui  
 dem inter eos ueluti quædam simulacra uersamur. multa illi de no-  
 bis loquuntur, & conferunt inter se: nos uidelicet obmutescimus:  
 dumq; huius linguæ elementa percipimus, cogimur quasi repuera-  
 scere. cuius ætatis quemadmodum mores, imitamur, sic utinam can-  
 dorem ac simplicitatem recuperare possemus. quam tamen ad rem  
 multum nos loci opportunitas adiuuabit, Etenim remotis adeo in  
 regionibus, inter impios dæmonum cultores, ab amicorum conspe-  
 ctu longissime positi, omniq; pæne mortalium ope ac solatio desti-  
 tuti; nimirum nostrimet paulatim obliuiscimur: nosq; in Deum to-  
 tos necessario effundimus. quod secus, ubi Christiana uiget religio,  
 fieri consuevit. parentum quippe uel patriæ caritas, affinitates,  
 necessitudines, amicitie, ad omnes corporis animæq; usus parata  
 subsidia, Deum inter & homines interponunt fere sese: atque in-  
 de sensim ipsius Dei subrepat obliuio. quocirca eximiam in nos, hoc  
 etiam nomine, Dei benignitatem experimur: qui cum, hac susci-  
 pienda peregrinatione, aliquod præstare nos illi putaremus obse-  
 quium; ipsi nos potius singulari eiusdem beneficio affectos, mul-  
 tisq; uinculis solutos agnoscimus, quæ spem nostram ac fidem, quo-  
 minus cresceret, distinebant. quæ ipsius in nos tanta merita, ne ma-  
 le locata sint, neue nostra culpa ingratiq; animi uitio diuinæ er-  
 ga nos beneficentiæ exarescat flumen, uos etiam istic, quæso, no-  
 bis in agendis gratijs subuenite. Ad hæc illud quoque non leue



commodum accedit, quod delicijs ijs, quæ alibi carnis stimulos irritare, animiq; & corporis vires solent infringere; hic caremus omnino. Etenim Iaponij nullum aliud ma. Tantum uel comedunt: pisces uescuntur interdum, oryza & tritico non abundant. herbis, & arborum fructibus ut plurimum uictitant. Quidem ita prospera ualitudine ad multam usque senectutem utuntur, ut facile appareat: quam paucis sit, eadem quæ alioquin est insatiabilis, natura nostra contenta. Nos quoque corpore ualemus recte: utinam perinde animo ualeremus.

Eorum qui nefaria huius insule sacra procurant, magna est multitudo. ij carne, pisce, uinoq; suis legibus abstinent: semel tantum quotidie cibum, & eum quidem exiguum capiunt: complures etiam, clericorum ferme retinentes ornatum, capitalis metu supplicij a mulierum consuetudine prohibentur, quibus illi rebus, & antiquitatis peritia quadam & superstitionum suarum fabulis enarrandis, magnam sibi auctoritatem apud Iaponios compararunt. Horum decretis atque institutis quod uehementer adeo, Christiana quam profitemur doctrina aduersatur; ualde suspicamur fore, ut licet in presentia nobis fauere uideantur, tamen cum res paulatim progredi caperit, nostram in perniciem tum seuiant ipsi, tum uero populum concitent, alioqui per se minime nobis infestum. Fixum autem ac certum est nobis, sicuti ab omni prorsus contumelia & iurgijs abstinere, ita ab gentibus ad cognitionem cõditoris liberatorisq; nostri Domini IESU CHRISTI uocandis nulla ratione desistere. Quod si euenerit, ut in causa tam honesta, tamq; pio ac salutari negotio uitam ponamus; ne nos id in magni beneficij loco accipiemus a Domino, cuius preceptis, animarum salutem, corporis nostri iactura mercari iubemur.

Sed

Sed iam reddenda nobis est ratio, Cangoximæ cur tam diu sub-  
 stiterimus. Cum in animo nobis esset Meacum (quæ regia urbs est  
 insulæ totius opulentissimæ) sine mora contendere, aduerso uento  
 Cangoximæ sumus retenti. post quintum, non minus, mensem dabi-  
 tur cursus: tum denique Deo uolente proficiscemur. Abest Mea-  
 cus hinc iter leucarum 300. multa nobis de eius urbis magnitudi-  
 ne, mira narrantur. tectorum plus 90 millibus habitari, cum Aca-  
 demia percelebri, & Collegijs quinque præcipuis: & sacrificulorū  
 quos Bonzios uocant, & monachorum quos Leguixil, & eiusdem  
 ordinis faminarum quas Hamacata nominant, cænobijs plurimis.  
 Præter hanc Meacensem, quinque præterea sunt in Iapone admo-  
 dum insignes Academiæ: Coiana, Negruensis, Homiana, Freno-  
 iama, Banduensis. Priores quattuor, circa Meacum sunt, qua-  
 rum singulæ auditoribus ter mille & quingentis, & eo amplius ce-  
 lebrantur, postrema uero, longe omnium nobilissima & frequen-  
 tissima, distat longius. Est autem diœcesis Banduensis perampla.  
 Sex eam obtinēt reguli, e quibus uni, reliqui omnes parent: ipse uero  
 Iaponio Regi, qui magnus Rex Meacensis uocatur. Ad hæc, mul-  
 ta quoque minora gymnasia toto regno esse dicuntur. denique in hoc  
 genere tot sunt quæ audimus ac tanta, ut ea prius oculis ipsi cernere,  
 quàm alijs referre, uel affirmare cupiamus. Cum ita esse re ipsa no-  
 bis compertum fuerit, tum cuncta fusius perscribemus. quod si pro-  
 uincie statum eiusmodi cognouerimus, ut in conuertendis ad Do-  
 minum gentibus multum profici possit; ad omnes præcipuas Chri-  
 stianorum Academiæ, religionis & officij caussa forsitan litteras  
 dabimus, ut in eis quicunque ingenio uirtuteq; excellent, uel in hæc  
 loca ueniant ipsi, uel certe alios ad ueniendum propensos, impellant:  
 nostrum qui hic sumus obsequium atque assiduitatem ad omnia fo-  
 re sibi

re sibi paratam intelligant: maiora quàm istic fortasse percipiunt spiritalia gaudia solatiaq; sibi Dominum impertiturum esse confident. Si uero operæpretium esse uidebitur; ipsum quoque summum Pontificem tota de re certiore facere non dubitabimus: quandoquidem ad eum utpote Christi Vicarium in terris, & pastorem omnium qui ad Christianam fidem, & spiritalem Ecclesiæ ditionem accedunt, ea cura potissimum pertinet. Neque uero ceteros quoque aliorum ordinum religiosos fratres, qui salutem animarum & Christi gloriam sitiunt, non inuitabimus. qui ut frequentissimi ueniant, supererit tamen multorum præterea conatibus ac labori locus. nam præterquam quòd Iaponis regnum per se amplum est, aliud etiam multo maius, nempe Sinarum, abest hinc non plus decem duodecimue dierum traiectu: magna uero sumus in spe (si tam diu suppetet nobis uita) partim per eos qui istinc uenerint, partim per eos qui ex his populis ad Christi cultum fuerint traducti, nos intra decennium in his regionibus confecta multa præclare, uisuros. sed de omni conditione rerum Meacensium & Academiæ, quod ad Christianam rem pertinet, ante exitum anni 1551, uolente Deo, explorata ed uos omnia compertaq; perscribam. Hoc anno Bonziji duo, in Meacensi & Banduensi Academia uersati & cum ijs complures Iaponij, ad Christiana mysteria cognoscenda proficiscuntur in Indiam. Die qui fuit Diuo Michaeli sacer, cum Regulo Cangoximano collocuti sumus, qui nos admodum honorifice exceptos admonuit, ut Christianæ legis uolumina diligenter asseruaremus: quam si ueram sanamq; perspexerit; enimuero fore ut Diabolus disrumpatur. paucis deinde post diebus edixit, licere omnibus, qui sub eius imperio sunt, impune fieri Christianos. hæc ego lætiora in extrema epistola adscribo, quo magis gaudeatis, & gratulemini

mini Domino Deo nostro. Nobis (ut arbitror) hæc hyems in articulis fidei copiosius explicandis ponetur. quam explicationem Paulus carissimus frater noster cum Iaponice uerterit (uertet autem fideliter quidquid ad suorum salutem necessarium fuerit) typis tradere cogitamus, ut cum nos ubique coram adesse nequeamus, litterarum beneficio, quas norunt plerique, ueritas Christiana latius propagetur.

Nunc uos (quoniam tanta patefit uobis prouincia) omni studio industriam pietatemq; uestram in theatro celesti probare contendite. id assequemini, si in hoc seculo humilitatem, & sensibus intimis colueritis, & moribus expresseritis, ac pita: quod ad existimationem auctoritatemq; attinet, totum id Domino permittentes, qui uobis eam ipse per se conciliabit profecto. quod si facere omiserit: uestra causa uidelicet, ne, quæ Dei sunt uobismet arrogetis, omiserit. Illud uero uos ego etiam atque etiam obtestor, ut ueram inter uos pacem atque concordiam omni ratione retineatis: summâque ope nitamini, ut ne qua in uobis semina dissensionis existant: preclaros illos uestros conatus ac studia patiendi pro Christo, conferatis interim ad omnem discordiæ spiritum debellandum, me-

morem affirmasse Christum, eare suos cognitum iri.

si se diligerent inuicem. Gratiâ suâ Domi-

nus Deus noster ac uoluntatem animis

nostris insinuet, quo ex ea quàm ma-

xime cuncta faciamus.

Cangoxima. No-

uis Nouemb.

1549.

PAU-

## PAVLVS. IAPONIVS.

Societati IESV. Goam.



Quod mihi maxime fuit optatum, ut in Iaponem redire, matrem meam, & uxorem, ac filiam, cognatos præterea ac familiares meos ab impio demonum cultu ad Christi religionem traducere mihi liceret; id iam Dei Domini nostri clementia singulari sum consequutus. Nunc autem alia me coquit cura, ut ij, quemadmodum ad Christum conuersi sunt, sic in fide quam ei dederunt, firmi stabilesq; persistant. quod ego cum a Domino precor identidem; tum uos, per Christum, ut in precibus uestris ac sacrificijs mei meorumq; memores sitis, obtestor: quandoquidem ad salutem (nisi principijs consentiant exitus) capisse nil prodest. Iaponij me sane quam libenter audiunt de IESV Christo uerba facientem. itaque multos, fauente Deo, Christianos fore confido. Nos hic omnes corpore (utinam æquæ spiritu) bene ualemus. & quamquam a uobis locorum interuallo disiuncti sumus; & tamen & animis in præsentia coniuncti uidemur: & erimus aliquando corporibus. uidelicet cum ad extremum iudicium excitabimur, utinam cum Domino regnaturi. Can-  
goxima. Nonis  
Nouembris.

1542.

COSMVS

## COSMVS TVRRIANVS

Societati IESV Goam.



Quid uestro mihi subsidio uehementer est opus, uel ipsa  
 me cogit necessitas, Patres, Fratresq; mihi carissimi, ut  
 uos de statu rerū Iaponicarū faciam certiores. Ac de tota  
 quidem nostri itineris ratione, nec non de ipsius conditione prouin-  
 cia, quantum initio per huius lingue morumq; notitiam licuit, quo  
 anno ad hanc terram appulimus, Xauerius admodum fuisse perscrip-  
 sit. ex eo tempore Cangoxiae, quo primum e naui descendimus,  
 annum ferme cum aliquot eius loci neophytis commorati, ad urbē  
 Firandum (quoniam Meaci per bellicos tumultus Euangelium  
 predicare non licuit) inde contendimus. Hic regulum Xae-  
 rius adire constituit, qui tum erat Amangutij: quæ urbs in primis  
 huius regionis ampla, centum leucas ultra Firandum est posita. ad  
 eum habebamus a Goe Praefecto & Episcopo litteras: & a Praefe-  
 cto Malacæ, munera, manuchordium, & horologium: quibus in  
 nauem impositis, cū Ioanne Ferdinando duobusq; Iaponijs Aman-  
 gutium est profectus. eo munere delectatus admodū regulus, quod  
 huiusmodi res, tametsi exigui pretij, tamen ante id tempus nunquā  
 in ea prouincia uisæ, tum primum proferebantur; publica statim  
 per uicos edicta proposuit: placere sibi, non solum in ea ciuitate, ue-  
 rum etiam in omnibus suæ ditionis oppidis legem Dei declarari pa-  
 lam: camq; cuilibet liberum esse sectari: eius legis pracones atque  
 interpretes nulla ratione a quopiam ledi uel impediri. præterea gra-  
 tificandi causa, Xauerio eiusq; comitibus monasterium, quo diuer-  
 sarentur, attribuit. quo simul ac recepere sese, ingens ad eos repente  
 omnium



omnium ordinum concursus est factus: partim ueritatis, partim rerum nouarum, partim etiam detrahendi studio. quo in extrema genere Bonzj maxime sunt. qui tametsi principio letari nostro aduentu uidebantur; tamen uehementer a nobis abhorrere ceperunt, ex quo Christiana lege prohiberi nefaria flagitia, quibus sunt turpissime dediti, cognouerunt. Iaponiorum autem aptissima sunt ad capiendam ac retinendam IESU CHRISTI religionem ingenia. ualent iudicio: rationem ducem libenter sequuntur: de salute animarum, & Dei cultu, sunt ualde solliciti, & in communi consuetudine faciles. maxime uero se obseruant inuicem & honorant: sic prorsus, ut in aliqua regia instituti esse uideantur. Maledictis absentes minime carpunt. aleatores æque ac fures capitali supplicio persequuntur. oblectationis causa, uel armis (quibus admodum utuntur bene) uel pangendis carminibus exercentur. atque hæc optimatū studia sunt. Idololatriæ apud eos multa sunt genera. namque alij simulacrum adorant, nomine Xacam. de quo illa præcipue perhibentur: octies millies natum antequam a femina pareretur, atq; eo tempore priusquam conciperetur a matre, sanctimonie causa, ligna, aquam, & alia necessaria, hominibus ministrasse. alij simulacrum quod Amidam appellant: alij uero Solem uenerantur ac Lunam: atque omnino uersantur in multis ac magnis erroribus: ut litterarum præsidio instructos ad hæc mēdacia confutanda oporteat esse, qui e nostris in hanc prouinciam uenerint. Harum præcipue Bonzj superstitionū antistites, cum auctoritatis, tum pecunie sibi conciliandæ causa, errore animos multitudinis imbuunt. Chi-rographa quedam habent uenalia, quorum aliquod, e uita migrans, quicumque secum attulerit; huic nullum a demonibus fore periculum pollicentur. & quanquam huiusmodi chirographa care admo-  
dum

dum ueneunt; tamen a plerisque ante mortem emuntur. Monent  
etiam populum, ut ipsorum exemplo ab omni animalium esu (nisi  
quæ tarent sanguine) abstineant. Et sane Bonzj neque carne palā,  
neque pisce uescuntur: regis uidelicet metu, qui si id resciret, mul-  
tatos pelleret monasterio: sed tamen clanculum comedunt. Iapo-  
niorum elatiora sunt ingenia. armis maxime fidunt, etatis annum  
14<sup>um</sup> primum attigerunt; macherā prætinguntur: pugionem  
uero nunquam deponunt. arcu & sagittis peritissime utuntur: &  
reliquas nationes omnes, præ fortitudine sua, contemnunt: genus  
emne furti, capitali pœna pariter puniunt: atunt enim, qui se a par-  
uis non abstinerit, eundem in magnis, oblata occasione, neque faci-  
le peccatorum. Heris in famulos, quamlibet leui de causa uite ne-  
cisque ius est. itaque serui eis diligentissime ad nutum obediunt: ca-  
piteq; demisso, manibus humi positis, dicta dominorum excipiunt.  
Sunt autem Iaponij dociles adeo, facilesq; natura, adeoq; ratione du-  
cuntur; ut cum saepenumero ualde irati ad nos ueniant; simul ac  
demonstratum est ijs animorum certam esse principium, interitum  
uero nullum: nec salutem prorsus ab ullo nisi ab uno rerum opifice  
sperandam; repente idolorum obliti, quæ toto uite sue tempore co-  
luerunt, eadem hora uelle se dicant fieri Christianos. neque uero per  
inconstantiam, ab lege semel accepta desciscunt. quinimmo plerique  
( & magnus iam neophytorum est numerus ) ad omnia propter  
Deum quamuis aduersa ferenda parati mihi uidentur. Quanta sit  
huius terræ amplitudo, quam idonea ad Catholicam in ea fidē seren-  
dam, cernitis Fratres. Ipsi quidem Iaponij in percontando ita sunt  
curiosi; ut ex quo in hanc urbem uenimus (omnino quintus nunc,  
uel eo etiam amplius, agitur mensis) nulla dies effluerit, quin ab  
hora matutina ad multam usque noctem uel Bonzj, uel laici af-  
fuerint,

fuerint, uaria in omni genere sciscitantes : ut illa: qui status est Dei? qui locus? oculus cur non cernitur? Qui fieri potest ut animorum origo sit, mors nequaquam? Quibus ut satisfiat, magna prudentia ac dexteritate opus est: namque, prout res postulat, modo seuerè cū ijs agendum, modo humiliter ac demisse. in primis autem patientia necessaria est. etenim Iaponij, ut sunt ingenio peracuti, et a nulla prorsus natione uel sapientia, uel dignitate superari se putant; aduenas omnes, deprimendi causa, non cauillantes modo sed etiam uultu manibusq; gesticulantes, illudunt. Et sane bona a prauis haud male dijudicant: atque ob eam ipsam causam, Bonzios, etsi in speciem uenerantur; tamen ob dissolutos eorum mores, intimis sensibus auersantur. Nunc Regulus nobis campum exstruendo Collegio per amplum assignauit. Nobis ueram sui colendi amandiq; uiam ac rationem Spiritus sanctus ostendat, quo ad eam beatitudinem, ad quam sumus conditi, peruenire aliquando possimus. Ex Iapone ipso die festo Diui Michaelis 3. Cal. Octob. 1551.

IOANNES FERDINANDVS  
Francisco Xauerio.

**P**ost tuum ex hac urbe discessum, inflati animis domum ad nos conuenere Iaponij, ut uarijs nos interrogationibus fatigarent: uidelicet rati, qui ipsorum argumenta refelleret, absente te, fore neminem. Sed Cosmus Turrianus, Deo fauente, spiritus eorum repressit: etenim interprete me ad singulas quaestiones ita respondit, ut satisfaceret: quas ego Iaponice quoniam ipsius mandato litteris consignauī, deesse nolui quo minus ex ijs aliquas ad te perscriberem.

Quæsitum est, ex qua materia Deus animum condidisset: nã corpus quidem e quattuor constare elementis non ignorabant. Respondimus ad hoc; quemadmodum Deo, ut elementa, Solem, ac Lunam, & reliquum mundi fabricaretur ornatum, non opus fuit prior materia: sed ut existerent, ipso nutu uerboq; fecit; sic animos etiã ab eo creari sola ipsius uoluntate, materia nulla. Tum illi percontari: qui color animi, quæ nam esset species. Nullam respondimus, etenim hoc proprium esse elementorum & corporum. Cum inde concluderent, quoniam corpus non haberet, nihil esse animum; Cosmus ut eos uerbis ipsorum conuinceret, interrogauit num esset aer in mundo: cum annuissent, quæsiuit denuo, esset ne coloratus aer: negarunt. Tum ille: si aer, cum res corporea sit, nullo est colore; quanto minus (inquit) animus, cum careat corpore? Hoc audito, cessere.

Quæsiere alij, daemones quid nam essent. cum responderetur esse multitudinem Angelorũ duce Lucifero, qui elati superbia, quod Deo sese equiparare uoluerant, celesti gloria sunt diuinoq; aspectu priuati; cur, aiunt, homines tentat diabolus, estq; eis adeo uehementer infestus? quod eos, inquit Cosmus, ad beatitudinem illam, quam ipse amisit, conditos nouit: propterea eis inuidet, laboratq; ut in fraudem inducantur.

Interrogauere nonnulli, cur, si erant cuncta, quæ Deus fecerat bona, Luciferum spiritum malum & contumacem creasset? Ad ea, Luciferum, inquit, quique sunt eius sectã sequuti, condidit Deus & clara intelligentia præditos ad bonũ dignoscendum ac malũ, & libera uoluntate ad utrumlibet eligẽdum: ut eos, si bonũ exoptassent, gloria, sin malum, inferni cruciatus exciperent. qua facultate quod Lucifer ac reliqui daemones abusi, pro Deo adorari concupierunt;

iccirco pœnas dedere, & sua ipsorum culpa mali ac superbi euasere: quod secus bonis contigit Angelis, qui semet subdentes Deo, meruere gloriam sempiternam. Percontabantur alij, quid esset Deus, ubi esset, num aspici posset: alij; cur Deus cum sit adeo clemens, aditum gloriæ tantis difficultatibus circumsepserit. denique tantus erat a matutino tempore usque ad uesperam hæc & alia sciscitantium numerus, domus ut oppleretur. sed Cosmus (ut dixi) fecit omnibus satis. Bonzj nos, quod eorum scelera arguimus, maledictis insectari non desinunt. Confinxere quidam ex ijs, diabolum & simulacro pronuntiasse, nos ipsius esse discipulos: eundem nostra de cāssa e cælo, multis inspectantibus, regiam fulmine perculisse: quidam etiam humane carnis uoracitatem, nobis exprobrant. Ad hæc, illa quoque incommoda uel Dei potius beneficia accepimus. Commotum est in oppido bellum, quod regis obitu deinde sedatum est, adeo exitiosum ac graue; ut urbs octo dierum spatio conflagraret incendijs, & sanguine redundaret: quippe sublati legibus, impune uictrix ubique grassabatur improbitas: passim homicidia: passim rapinae: atque eo sane toto tempore nos ad cædem inquirebamur assidue, partim ab ijs, qui nos oderant, partim ab ijs, qui nostras qualescunque sarcinulas admauerant: itaque magno in discrimine uitæ saepe uersati sumus: uerum ex omnibus periculis eripuit nos clementissima Domini mater, quæ clientes adeo præcipua cura tuetur suos. Cum status rerum esset huiusmodi; Cosmus Antonium misit ad Naetondoni uxorem, ut ab ea consilium peteret: illa iussit nobis renuntiari, ut confestim ueniremus ad se. porro inter eundem complures in cateruas armatorum incidimus: ij inter se per eorum ordines transferentibus nobis, quin, aiunt, e medio tollimus hosce de Cengecu (sic enim Europæos appellant) quando-

M ij quidem

quidem ipsorum culpa, lignea uel lapidea simulacra neque alijs, neque sibi salutem dare posse negantium, Dy indignati, excitata discordia, tantam huic populo cladem intulere? hac autem dicebant illi, propterea quod eo bello cœnobia multa cum simulacris ignis absumpserat: imminuta magnopere idolorum, & prestigiatorum auctoritate, uel ob id ipsum, quod Regi in primis, ut nosti, superstitioso, nihil eam superstitionem profuisse constiterat. Ex eo discrimine elapsi, Nactondoni domum peruenimus, cuius uxor dato puero, qui prosequeretur, nos ad Bōnzidruū monasterium, quos ea suis alebat sumptibus, amandauit: illi uero grauiter nobis offensi, respuere: nos demones dicere, nec locum excipiendo tam improbo hominum generi sibi superesse. Cur nos Deus, qui habitat in celis, cuius legem exponeremus, ex ijs periculis non in celum eriperet? Tamen ad extremum siue Domine metu, siue famali precibus adducti, phani particulam nobis ad hospitium assignarunt: ibi toto biduo commoratos mulier nos domum suam rursus accersit, & in posticis ædium partibus ambulatiunculam quandam nobis ad diuersandum attribuit. hic nos quot periculis, quot laboribus perfunderi fuerimus, ne longior sim, in præsentia sileo. Sanctis sacrificijs, & precationibus tuis nos admodum commendamus, et patrum fratrumq; carissimorum: quos ego ad hanc gentem salutaribus erudiendam preceptis, & ueram in agnitionem Dei conditorisq; sui trahendam, propediem uenturos esse confido. Amangutio, 13.

Cal Nouembris.

1551.



EX EPISTOLA GASPARIS VILELÆ  
ad Societatem IESV.

**I**Aponica terra, quantum hucusque accepimus, pauper est & frigidior Lusitania. regio montosa & nivalis: gens polita nec a ratione abhorrens: hordeaceo uescitur pane. qui nobiles sunt, ijs magnus habetur honos, quorum multi si rei familiaris premuntur angustia, natos prefocant iniecto faucibus pede, mortemq; anteferunt egestati. Olei, butyri, casei, lactis, ouorum, saccari, mellis, aceti ualde laborat inopia: croco, cinnamomo, pipere prorsus caret. Iam uero hordeaceo fursure utuntur pro sale, denique nulla ibi salutaria corporibus medicamenta reperiuntur. En uobis, fratres carissimi, cuiusmodi regionem tredecim uel quatuordecim petamus, sane quam alacres DEI benignitate: & si magis laborandum sit, multo etiam alacriores futuri, ut opera nostra Iaponiorum animæ fratrum nostrorum, damnati illius lupi eripiantur e faucibus. Nunc fratres, quando hæc uobis occasio datur; optata perficite, nec uos ullus impediat timor, quo minus animabus ijs opitulemini, quas Christus IESVS minime sibi neglendas putauit. Concurrите fratres ad has gentes adeo remotas ab agnitione creatoris sui. Crucis in amplexum uenite: strenuis patet militibus campus: uestri conatus erumpant: uestra a mari ad mare transmittat industria. Ad hæc noua sidera contemplanda, ad hæc noua regna accedite, ut ex his ad regnum tollamur æternū cum IESV. CHRISTO. Cocino. 8. Kal. Maij. 1554.

PETRVS ALCACEVA SOCIETATI  
IESV in Lusitaniam.

Oam ueni, ubi commoror in presentia, ex Iapone missus. Et quoniam arbitrabar, cognito rerum Iaponensium statu, magnam uos letitiam esse capturos; de ijs aliquid constitui ad uos scribere: ut, cum in ea prouincia quanta sit rei bene gerendae materies, qui motus animorum, quam praestantia incolarum ingenia intellexeritis; fratres uestros, qui peregrinantur ibidem, quamquam loci intervallo disiunctos a uobis, spiritu nihilominus coniunctos, assiduis precationibus esse uobis adiuuandos putetis. Anno a puerpera Virgine 1552. 15. Calen. Maias proficiscentem ex India Franciscum Xauerium, ut in oram Sinarum traiceret (quo secum e patribus Balthasarem Gagum, itemque e fratribus unum ducebat) secuti ego et frater Duartes a Sylua, ut peteremus Iaponem, Malacam uenimus, quae abest leucas 700 ab India. Ibi Xauerius, ut ad Sinas postea pergeret, substitit. nobis Iaponem uersus 8. Id. Iunias proficiscentibus, itineris comes repente, Xauerij iussu, Balthasar Gagus accessit. Cum ad Sinas peruenissemus, peropportune paratam nauim inuenimus: quod eo iucundius nobis accidit, quod ea de re ualde solliciti in itinere fueraimus. Conscendimus igitur 4. Nonas Augusti, et duodecimo die ad Iaponem appulimus, in qua Cangoximam insulam, ubi Xauerius uersatus antea fuerat, primo aduentu descendimus. ibi dierum octo mora facta, ab Regulo ualde benigne tractati, 11. Cal. Octobris perreximus ad Bungi regnum, quod appellatur, et decimo septimo die ad urbem Bungum sane quam aduersa et periculosa navigatione peruenimus.

uenimus .ibi nobis ædes hospitio data sunt iussu regis , quẽ postridie inuisimus : eiꝫ ab Indiæ Prorege munera attulimus . quibus ille magnopere delectatus , præter hospitium nobis terrestria quoque , & maritima lautia quotidie iussit præberi . Rex est sane potēs , admodumq; imperat late . Cosmus Turrianus Amangutij erat eo tempore : qui simul ac Bungi nos esse cognouit ; continuo Ioannem Ferdinandum Iaponice doctum misit ad nos . quo , & in mandatis , quæ habebamus a Prorege , exponendis , interpretis munere fungeretur ; & aliquid eadem opera de Christiana religione differeret . is nobiscum in regiam cum uenisset , in utroque genere sane libenter est auditus ab rege . Summa eius orationis fuit : quòd Rex ipse Proregem Indiæ per litteras certiorein fecisset , amice in suo regno habitum iri ab se doctrinæ CHRISTI ANÆ magistros ; iccirco nos ad eā exponendam in ea loca uenisse : id quo melius & commodius fieret , esse nostris e presbyteris unum Amangutij , quicum nobis congregi & colloqui magnopere expediret , cum ut ab eo multa cognoscere-  
mus , tum etiam ut aliquam interea assequeremur Iaponicæ linguæ peritiā : certum ab Rege hominem eo ipso tempore mitti Amangutium inaudisse nos ; petere & rogare , ut una cum eo nos mitteret . Ad ea respondit rex , nec se ignorare , commorari Cosmum Turrianum Amangutij ; & sibi dolere , quòd non , ut in ea urbe , sic in suæ quoque ditionis oppidis essent neophyti Christiani : publice se Christianam in suo regno religionem , & nobis interpretandi , & sectandi cuiuslibet potestatem esse facturum : atque eius rei auctoritatē uerbis ijsdem quibus Amangutiana foret edita , conscripturum : quam in ædium nostrarum ianua palam propositam haberemus . Cum hoc responso dimissi , Octobri mense , anno 1552 . contendimus Amangutium . ubi & a Cosmo Turriano , & ab uniuerso cætu Christianorum

norum singulari letitia, excepti, diem natalem egimus Domini,  
 solenniq; sacrificio interfuimus, & si non optima symphonia, ma-  
 gno tamen cum gaudio Christianorum: duo deinde patres tria sin-  
 guli misse sacrificia peregerunt, totamq; rationem eius mysterij po-  
 pulo declararunt. Hic, cum in consilium uentum esset de rebus ad  
 eam ecclesiam necessarijs, placitum est patribus me Goam reuerti.  
 Abeuntem pridie Non. Feb. anni 1553, Balthasar Gagus, &  
 Ioannes Ferdinandus Bungum usque sunt prosecuti. Bungi rege sa-  
 lutato, monitoq; de meo in Indiam reditu, ad Proregem ut scribe-  
 ret, si quid uellet; ipse cum alia, tum illud præcipue scripsit: studium  
 suū patribus, qui apud se essent, non defuturum: interim se Baltha-  
 saris Gagi præsentia ualde letari: Lusitaniæ regis caussa omnia cu-  
 pere: mitti ad se præcones Euangelij ut de suis quàm plurimi fierent  
 Christiani, uehementer optare. Ego cum ijs litteris cōfestim discessi  
 Firandum, quod abest Bungo leucas circiter 60. totoq; eo itinere, Ia-  
 ponici sermonis ignarus, nutu ac significatione pro lingua sum uti  
 coactus.

Biduo post meum Bungo discessum, Balthasar Gagus, & Ioan-  
 nes Ferdinandus, qui remanserant, magnum adiere discrimen. ete-  
 nim luce quæ cinerum diem est consecuta, patefacta principum triū  
 aduersus regem coniuratione, uehementer commota ciuitas erat in  
 armis. Tum neophyti quidam ex oppidanis Balthasarem monere,  
 ut adibus consulere suis: urbi namque imminere direptionem &  
 incendium. Balthasar autem animaduerso regis ipsius periculo ac  
 metu, Ioannem misit in regiam, ut si quo modo regem alloqui pos-  
 set, eius animum confirmaret, Deumq; futurum ei propitium uel  
 ob id ipsum promitteret, quod ille suorum conuersionis adeo cupi-  
 dus esset. Ioannes, etsi regiam offendit nobilitate refertam; ta-

men Deo uolente, patuit ei ad regem aditus. qui ipsius uerbis admodū recreatus, ut Deo cōmendaretur a nobis ualde suppliciter petijt. nostri cū urbis cōpita cernerent armatorū cateruis horrentia, domesticis finibus cōtinere sese Deoq; cōmittere statuerunt: nec ita multo post e coniuatis tres titulis honorū illustres, una cum ipsorum liberis, uxoribus, propinquis, alijsq; compluribus occiduntur; & statim domibus eorum ignis inijcitur. qui late adeo peruagatus est; ut priuata partim uirorum nobiliū, partim mercatorum, ad 300 edificia cōprehenderit. qua ipsa in urbis regione cum esset nostrorum hospitium; de sarcinis, ornatuq; sacro plane iam desperauerat Gagus: uerum in medio incendio, ades, Dei benignitate illasie atq; incolumes permansere. eadem nocte misit rex, qui Balthasari nuntiaret, facile iudicare se quantus eo die ipsius labor fuisset, putare etiā sarcinas absumptas incendio. sed bono esset animo; restitutorū se omnia. etenim ualde prospere debellatum esse. gratias egit Balthasar, iussitq; regi renūtiari, nostra omnia integra superesse. tertio deinde, uel quarto post die regē inuisit ipse, habuitq; sermonē temporī congruentem. Huiusmodi omnia incommoda, fratres mihi carissimi, multasq; præterea Bonziorum iniurias (qui sacerdotes Iaponiorum sunt, homines miræ peruersitatis ac pertinaciæ) tolerare sane operepretium est. is animarum fructus, ea neophytorum constantia, id ingenium cernitur. exijs unus tanto studio rerum diuinarum exarsit; ut nulla in domo uicinitatis sue, non aliquem fecerit Christianum, & alios præterea complures uehementer commouerit.

Quidam, egrotanti filio implorabat a Balthasare medicinam: cui Balthasar, animæ se medicinam, si uellet, ait esse facturum. ille domū discessit: nec ea de re filiū appellauit. & filius, quamquā auditis fidei sacrosanctæ mysterijs iccirco nihilo magis immutatus, intertij.

interijt. Pater fusus in lacrimas uenit ad nostros. Tum Balthasari  
 & quidem est, inquit, cur plores, quoniam tua culpa negligentiaq;  
 damnatus filius tuus descendit ad inferos. quare tanto ille simul  
 pudore ac dolore permotus est; ut confestim, uxorem, & filiam  
 Christiane doctrinae iam rudimentis imbutas ad baptismum ad-  
 duxerit. Deinde cum filia eundem in morbum ex quo frater per-  
 ierat, incidisset; patri, si fidem haberet, exitum Balthasar promi-  
 sit felicem, & quidem ea postridie repente conualuit. Christianus  
 alius Balthasarem rogauit, ut domum suam, quae leucam unam  
 distabat ab oppido, sese conferret. quo cum uenisset, Christiani sunt  
 facti 30. Dominus autem noster in hac terra pro rei necessitate di-  
 uinam Baptismi uim miraculis multis illustrat. Non procul Bun-  
 go complures per Baptismum expiati cum essent; unus ex ijs cecus,  
 13 natus annos, simul ac baptizatus est, integrum oculorum lu-  
 men recepit. quae res neophytorum animos magnopere confirmauit.

Faber ferrarius quidam neophytus, tanto Domini flagrat amo-  
 re, ut in conuertendis ad eundem alijs laboret assidue. is ut quem-  
 que permouit, continuo domum nostram adducit. Cum Iaponij  
 magna gratulatione quadam solennia celebrarent; cum follibus  
 & carbone contulit eo sese: querentibus cur tali die opus faceret;  
 Vos quidem insanitis, inquit, ego uero me iam legi conditoris om-  
 nium rerum addixi: hanc autem operam do Patrum Lusitano-  
 rum edificio, eodem tempore alijs quoque, licet huiusmodi artium  
 ignari, honesti homines; ut Iaponicis superstitionibus aliqua ratio-  
 ne detraherent; uel nostris aedibus exstruendis, uel alijs occupatio-  
 nibus sese de industria exercebant.

Domus autem nostra edificari coepta est in area, quam rex ar-  
 tribuit nobis hoc anno pridie Idus Iun. loco ualde bono; ubi Gagus  
 omnibus



omnibus cum neophytis, & Lusitanis duobus, qui tum forte aderant, die festo *Diue Mariæ Magdalane*, sub uesperam *Crucis* admodum excelsa trophæa defixit linteatus, cum psalmodia; quod *Crucis* officium appellant: neophytis magnam pietatem præferentibus: quorum, in urbe, & in agro 600, uel 700 est numerus, & augetur in dies. magna uero eorum constantia est. magna animi firmitas. Tribus maxime captionibus animos Iaponiorum fallere diabolus consuevit: quas omnes iam superauere neophyti. quarum prima illa est: quid fiat in altero seculo, quis nouit? quis unquam ex eo reuersus est? altera: leges Iaponiorum cum tradite a sanctis uiris, tanto iam tempore manserint; ne nunc quidem esse antiquandas: tertia, Dei legem seram esse iam, quandoquidem ante annos ter mille perlata non est. Verum hi cauillorum nodi, miserante Domino dissoluuntur: & quando tanta in nos principum, & regis ipsius animi propensio ostenditur; ualde futurum speramus, ut optime res in hoc regno procedat.

Amangutij cum essem, qua in urbe Christiani permulti uisuntur; tantam eorum probitatem cognoui, quantam uerbis uix exsequi possum. Lusitanos omnes fratrum numerant loco: populares autem suos eatenus diligunt, ut ex erroribus in uiam rectam adducant: eaq; in re sane uehementer laborant. quod in hac terra eo mirabilius est, quod eadem interdum in domo, paterfamilias aliam, aliam mater, aliam filij superstitionis sectam sequuntur: nec tamen laborant, ut in suam se inuicem haresim pertrahant. qui uero facti sunt Christiani, quam bono seruiant Domino, uel pellicientis ad eiusdem cultum & obsequium alijs, studiose testantur.

Natalibus autem Domini ferijs, de quibus paulo ante memini, nocte, quidquid a sacrificijs otij superfuit, in sermonibus diuinis audiendis

diendis posuere: alternis Ioanne Ferdinando, & puero Christiano qui nostras didicit litteras, pia quedam scripta recitantibus. lectio si quando intermittebatur; ut de rebus diuinis disputaretur, continuo postulabant. A nocturnis sacrificijs domum reuersi, mane rursus ad diurna uenerunt. O predicandam Dei bonitatem: qui corda usque adeo rigida tam suauiter flectit. etenim Iaponij fere omnes, nisi qui Christiani iam sunt, superbiae uitio uehementer laborant. Rumorem Bonzj dissipauerant, iccirco Iaponios fieri Christianos, ne in idola eleemosinas erogarent. id ubi resciuere neophyti, nos conuenere, petentes ut, quoniam nos non acciperemus pecuniam, constitueretur scrinium stipi condendae, quae ab se in pauperum subsidia conferretur. Eorundem, aliquoties, cum ipsimet praeberent egentibus epulum inspectante me, caritas mihi miraculo fuit. Monumentum etiam locumq; sepeliendis Christianorum corporibus, perquam eleganti opere construxere. In funeribus autem, ad efferendum cadauer honestissimus quisque deligitur. huiusmodi quippe misericordiae muneribus obeundis magnopere delectantur. Nostri cum in aliam forte migrassent domum: & in priori querentibus eos permultis, uicini, Lusitanos reuersos in patriam mentirentur; cumq; ob eam rem (ut in ciuitate perampla) complures Euangelio fraudarentur; eorum uterque circa meridiem in foro medio repente comparuit. orationem, Gagi mandato, Ioannes habuit ad tempus paratam. Ex eo die nouus deinceps ad illos hominum concursus est factus. Christianus quidam paralyti duorum triumue mensium spatio laborauerat. is magicis artibus (de gentis more) dum a propinquis curatur; etiam mutus efficitur. cuius casum miseratus amicus item Christianus, caelestis aqua lanaeri, quam sumpserat domi nostra, conspersit hominem. ille surrexit sta-

xit statim, & locutus est, nostrosq; conuenit. Hisce atque alijs huiusmodi remedijs Christianam rem in hac terra Dominus pro sua bonitate sustentat. cui gratie agenda sunt eo magis, quo maior est cum Iaponiorum cecitas omnium, tum precipue Bonziorum. quorum aliqui in montem, ad phanum quoddam idolorum, ad piacula per inediam expianda sese recipiunt. Martyrum uero demonis iniuri summa uix potest. Simulacrum est excelsa admodum in arce positum. ex eo loco in honorem idoli semet Iaponij precipitantes intereunt: ij post mortem uulgo sancti existimantur. Alij, cum magnam uim coegere pecunie, conscendunt nauiculam, altoq; sese committunt. deinde nauis alueo de industria perforato, merguntur. atque hoc mortis genere, miseri, certam consequi se beatitudinem putant. Persuasit etiam huic genti diabolus, rem ualde honorificam esse, mortem sibi ultro consciscere. Quocirca damnati capitis optimates, si ministerio carnificis ipsimet anteuertunt, magnam sui nominis famam, magnam uero affinibus gloria, ac decus relinquunt. contra, si expectant dum sibi manus ab alijs inferantur. Qui regnum obtinet Meaci, quisquis ille sit, ferme pro sancto colitur, & nunquam pedibus calcat solum. Aquae uas attulit Meaco nescio quis, cum Xauerius in Iapone esset, qua regis ablutos pedes dicebat fuisse. ea aqua Iaponij religionis causa caput aspergebant: Xaueriumq; idem ut faceret hortabantur. Totam insulam ferunt in quattuor & sexaginta prouincias esse diuisam. in ijs delubrorum exstare millia tredecim. In Regia Meaci omnis generis idola uisuntur. quibus nocturne per uices mandantur excubie (anima simulacri illam agere uigiliam creditur) quod si forte rex ea nocte sese minus habuit commode, simulacrum e regia fustibus male multatum exterminant spatio centum

centum dierum . quibus demum exactis ab exsilio reuocant . Huius generis innumerabilia sunt in Iapone portenta . uerum hasce tenebras omnes Euangelij lux , Domino uolente , dispellet . Aman-  
 gutianorū ecclesia plus 1000 . & 500 . conficit Christianos . Bungense regnum 600 uel 700 . qua tota ditione , quoniam Euangelizare per diplomata regia , quorum exemplum ad uos mittimus , licet ; regnum uniuersum in Christi fidem cito uenturum esse confidimus . Firandi , quod oppidum octo dierum itinere distat ab urbe Bungo , neophyti numerantur 200 . qui pastorem uehementer desiderant . cum illac iter faceret , dies quindecim moratus Balthasar Gagus , multos ad Christi religionem , in ijs tres principes ciuitatis adduxit . Firandi regulus ualde amicus est Lusitanis , scripsitq; in Indiam ad Proregem , Christianos presbyteros in sua terra sese expetere . cum eum ego aliquoties conuenissem , affirmauit mihi , animose pæne Christianum esse . Cangoximæ , quæ prima urbs Xauerium excepit , quingentorum neophytorum est grex , & quidem , cum ea transirem , magistro carentium . itaq; per operariorum inopiam stat , quo minus nomen omne Iaponium Christiana sacra suscipiat . Vos , quando tam præclarum opus cernitis inchoatum , Dominum obsecrate , ut uos in hanc mittat prouinciam . etenim omnium quotquot in uniuersa barbaria uidi populorum , cum nullo prorsus , quàm cum Iaponio melius opera ponitur . Ego 15 . Kal. Nouemb. anni 1553 inde discessi . cum ad Sinarum litus appulissemus , & de Xauerio certi aliquid nosse magnopere cuperem ; 4 . Non . Decemb. anni 1552 , eum e uita migrasse cognoui . Reputabitis ipsi quàm grauiter ea res me perculerit . uerumtamen ipsius me commodò consolabar . O prædicanda quæ per hunc seruum Dominus gessit : sed ego illa silentio nimirum iccirco prætereo , quòd indignum me , qui narrem

Warrem existimo. Eadem in insula, in qua ipse diem suum obiit  
(ea confragosa est admodum, ac sterilis) ego diebus septem octoue,  
substiti: uidi etiam sepulcrum, ex quo cadauer eius extractum est.  
Illius industriam, patientiam, alacritatem in laboribus, Domi-  
nus noster omnibus nobis impertiat. Hæc ad uos de rebus Iaponicis  
co scripsi ut interea dum in partem laborum uenitis, operarios, qui  
in ea insula uersantur, uestra precatione adiuuetis: obtestor etiam  
uos, fratres mihi carissimi, ut uestris in sacrificijs, precibusq; mei  
memores sitis. Goa 1554.

MELCHIOR NVNNES SOCIETATI  
IESV in Lusitaniam.

**M**ense Maio anni post Christum natum 1554, cum in Ia-  
ponem Goa discederem: scripsi ad uos de obitu Francisci  
Xauerij: & simul hæc prouinciæ quantopere Societatis no-  
stræ subsidijs indigerent: & quibus adductus rationibus ego profe-  
ctionem Iaponicam suscepissem, exposui. Epistolam Cocini reli-  
qui Francisco Teri, ut is eam ad uos perferendam curaret. Nunc  
ea, quæ sunt deinceps consequuta narrabo: ut quoniam nos unus  
omnes amor unum efficit corpus in Christo; idem pariter omnes in  
eodem spiritu sentiamus: & ut ait Apostolus, si patitur unum  
membrum compatiantur & reliqua: si gaudet unum, reliqua me-  
bra congaudeant. A Cocino Malacam uersus profecti, uentis  
aduersis ac tempestatibus primum, deinde etiam aquæ & commea-  
tus inopia oppressi, crucē aliqua ex parte capimus experiri. quam-  
quam in tot difficultatibus nihil molestius, quàm moræ dispendia  
ferebamus, uerentes, ne exclusi temporibus, nequaquam hoc anno  
in Iaponem

in Iaponem nauigare possemus. Spes enim ( ut inquit sapiens ) quæ differtur, affligit animam: & desiderium, ni compleatur, excruciat. Inter nauigandum, occupationes Dei benignitate non defuerunt: concionando, confessionibus audiendis, litanij præterea concinendis, diuinæ rei citra consecrationem faciendæ operam dedimus. Exponebatur etiam Christiana doctrina quotidie, & ex Actis Apostolorum aliquid legebatur, ut ipsorum exemplis animaremur ad ea quæ impendere uidebantur ferenda. Malacam ut uentum est; dum nauis egre paratur, qua in Iaponem uehamur; idonea ad nauigandum tempestas effluxit. Quocirca exarmato nauigio, ibidem hyemare coacti, & si dolorem animo cepimus, in diuina providentia nihilominus acquieuiimus.

Multum in hac terra Ferdinandus Mendozius frater noster ( quem Prorox Indiæ ad quendam ex Iaponij Regibus in primis potentem cum armis pretiosis, alijsq; admodum magnificis muneribus mittit ) exemplo uitæ, ac uirtutis ædificat, incolis notus, nimirum apud quos olim, dum in seculo uersaretur, diues in primis, ac beatus est habitus. Nunc eum uident omnia, quo meliori pareat Domino, reliquisse: quiq; antea conuiuari apparate & opipare solitus fuerat, eum nunc leuidensa attrita, ac lacera indutum, ostiati in eleemosynas emendicantem aspiciunt: inq; Hospitali domo ministrantem egrotis, qui, ut eos uel inuiseret, quondam adduci nulla ratione potuisset. Hæc intuentes, mirantur uidelicet, & incipiunt credere maius aliquid post mortem superesse; atque etiam reperiri in hac uita, qui inopiam diuitijs, honoribus ignominias, austeritatem uitæ laboremq; delitijs anteponant; qui mundū una cum omnibus eius uanitatibus crucifigant, ut Christo nudo, eidemq; crucifixo deferuiant. Hac illi pictura, quippe quæ spirat uiuitq;, uehementius mul-



rius multo, quàm subtilibus, quas minime capiunt, Theologorum argumentationibus permouentur.

Nos, Deo uolente, Aprilis mēsis initio insequentis anni 1555. Malaca Iaponem uersus proficiscemur. nauigium nobis quo Bungum usque deferamur, Antonius Noronia regij præsidijs præfectus attribuit. Bungi Balthasar Gagus commoratur hoc tempore: ex ea urbe ad omnium illarum nationum conuersionē aditus patet. Rex ipse Bungi sane quam dicitur esse ad Christiana sacra propensus, sed optimatum in se conspirationem timet, itaque expectat, dum ex ijs aliqui baptizentur. Vos apud Dominum fratres, precibus entinini, ut gratiæ suæ ros huius cordi Regis instillet: quo Christi nomen palam non dubitet profiteri. Profecto enim ad religionem insula tota disseminandam, ea res momenti plurimum afferet. Nobis, ij qui in Iapone fuerunt, ad cetera multa pericula, insectationes, calumnias Bōnziorum, qui sacerdotes insule sunt: magnā præterea famem, ac sitim, frigusq; denuntiant. Verumtamen eterna Dei bonitas facit, ut famem eam sitimq;, & uexationes, inferni cruciatibus æquo animo præferamus, parati, oppositu corporis, tela quæ ab inimicis in animam contorquentur, excipere: quæ magis magisq;, corporis ipsius afflictionibus, & laboribus roboratur. quippe quæ, falsa testimonia, famem, sitimq;, & fatigationes, quæ in carne patitur, cum felle, & aceto, clauis, spinis, & ignominijs Christi conferens Redemptoris, gloriari discit in Cruce: in fame saturatur: inebriatur in siti: in contumelijs & iniurijs triumphat, intelligens animæ salutem, animæ iactura parandam. itaque in morte uitam, in laboribus requiem, in infamia decus, in Cruce gloriam, in probris bonæ conscientiæ testimonium, in mærore denique letitiam reperit.

*Christiana res Dei benignitate quàm feliciter administratur in India, Sociorū quiq; Goa, quiq; ceteris in praesidijs Maluci uersantur, litteris cognoscetis. Ex insulis Mauri, & Amboini acceperimus litteras: earum summam ad uos mitto, & simul formam Sinenſium rerum descriptam: quo intelligatis, quam miseranda res sit, ingenijs natura tam bonis, ea quæ supra naturam sunt, inædificata non esse: nec sanctissimam Christi fidem plantis insitam ijs, in quibus, ut uidetur, adeo cresceret. Granum frumenti ipso in aditu Sinarum mortuum est, & cecidit, fratres, noster nempe Xauerius: nimirum, si ad metendum accesserimus, spicas ex eo uberes, uolente Domino, colligemus. Malaca. Pridie Non. Decemb. 1554.*

**ARIAS BLANDONIVS SOCIETATI  
IESV gratiam & amorem Domini, &c.**

**D***E rebus ijs, quæ per homines nostræ Societatis in hac terra geruntur a Domino, binas deinceps ad uos litteras dedimus. quarum alteras longiores, nauis, cui Aegidius Ferdinandus Caruallius præerat, tempestate reiecta, ad nos retulit: alteras autem breuiores anno superiore conscriptas, quia fieri item potest, ut non acceperitis; nunc Melchior Nunnes, præcipua quædã ad gloriã Dei mihi mandauit ut scriberem ad uos: nam cetera cognoscetis e Sociorū litteris, qui in hisce regionibus peregrinatur.*

*Ac de Melchiore Morale primum: is cum a Ceilane insula, ubi rei Christianæ aliquãdiu pro uirili parte operã nauauerat, eger huc sese recepisset; paucis diebus, fratrum quos tantopere diligebat in Domino, cinctus corona, Iesu nomen semper habens in ore, letissimè*

mo animo excessit e uita. Inde post duos circiter menses Balthasar, & Alexius Die nauibus huc e Lusitania delati, ingenti nos gaudio perfuderunt. Sub idem tempus etiam Melchior aduenit Bazarino, cuius aspectu ualde recreati sumus in Domino, statimq; consueti Gasparis munia obire institit: ea erant, dominicis, festisq; diebus mane: Martis & Lune, uespere concionari in adibus confraternitatum, quas uocant IESV, & undecim milliū Virginū: diebus Mercurij in adibus misericordiae, nec non diebus Veneris uespere de Pœnitētia disputare. posthæc ad Socios aliquos inuisendos profectus est uarijs locis commorantes: Franciscum Perem in oppido Cocino, leucas ab hac urbe centum: Nicolaum Colani leucas 100 & 20. ubi cum esset, ex nautis, qui e Peguensi ora ueniebant, de obitu Francisci Xauerij, deq; ijs, quæ deinceps sunt consequuta, cognouit. de quibus omnibus est, fratres mihi carissimi, cur Domino gratias agamus, & in sancta uoluntate ipsius acquiescamus. Nunc ea quæ sunt mihi hac ipsa de re comperta, narrabo. Xauerius Goam cū ex Iapone uenisset, ad Sinas proficisci constituit. naetus itaq; opportunitatē legati, qui ad Sinarū Regē a Prorege Indiæ mittebatur, cui commendatus ab eodē Prorege diligenter fuerat; nauē una cū eo conscendit. Malacam ut uentū est, quæ leucas distat Goa 700; profectionis obstacula cepit offendere. nam legato, qui nauis erat magister idem, ac dominus, cui uni secundū Deum Xauerius maxime confidebat, quod per occasionem legationis eius, interiora prouinciæ, (quod unum cupiebat) penetrare sese facile putabat posse; Malacæ repente subsistere necesse fuit. Xauerius, tametsi præter nautas destitutus ab omnibus, uno tātum amore Iesu Christi ductus, cuius caussa multa perpeti incommoda uehementer optabat; nullo prorsus itineris uel comite, uel ministro, nihilo minus eadem nauī profectus,

insulam portui Sinarum, qui dicitur Cantonius, proximam tenuit :  
 Ubi dum moram necessario ducit ( aditus enim in id regnum non  
 est aduenis, quibus, & si quis eos e provincialibus introduxerit, gra-  
 ues pœnæ sunt legibus constitutæ ) interea cum barbaro mercatore,  
 ut se in Cantonis urbem intromittat, magna piperis ui, quod ibi ual-  
 de aestimatur care, paciscitur : mercator eius rei causa paulo post se  
 redditurum esse promittit. Verum Domino, qui uidelicet aliud con-  
 stituerat, eo ipso tempore placitum est, ut Xauerius in febrim, qua  
 paucis diebus est confectus, incideret. Forte negotiabantur per eos  
 dies ibidem aliquot e Lusitania mercatores : quorum nonnulli Xa-  
 uerium ob ipsius uitæ integritatem atque doctrinam magnopere di-  
 ligeant. ij mortuum, uestimentis ita ut erat, indutum, terræ cal-  
 ciq; uiuæ mandarunt eo consilio, ut cum primum cadauer con-  
 sumptum foret, ossa effoderent, in Indiamq; deueherent. Ita-  
 que simul ac maturum ijs uisum est, rem aggressi, & corpus pla-  
 no integrum, & ipsa uestimenta, nulla prorsus ex parte labe-  
 facta reperiunt. Obstupefacti rei miraculo, de re tota inter se-  
 se deliberant. incerti quid agerent, quod & profectionis iam ade-  
 rat dies : & corpus in barbara terra, tamq; remota deferere, indi-  
 gna res uidebatur ; decernunt, si male non oleat, una secum auehe-  
 re : sin minus, relinquere. unus tamen ex ijs, qui Xauerij consuetu-  
 dine plurimum adiutus, eum præcipuo quodam amore prosequen-  
 tur ; omnino auferre statuerat : deinde ad sepulcrum uniuersi cõue-  
 niunt, corpus inspiciunt, nec solū omnis tabis expers inueniunt, uerū  
 etiā suauiter admodum fragrans. Tum uero in eadē uiuæ calcis ar-  
 ca reconditū corpus in nauim imponitur. nec dubitant, quin calcis  
 acrimonia ac ui paulatim carne cõsumpta, nuda, quod ante putau-  
 rant, ossa remanent. Malacam delatum, prodeuntibus obuiā cum  
 solenni

solenni pompa oppidanis, apud quos magna Xauerij nomen erat in gratia, excipitur: ibiq; rursus humatum tam diu mansit, quoad unus Socijs quem Melchior ad ipsum Xauerium inuestigandum, & Socios inuisendos, qui sunt in Iapone dimiserat, superuenit. is humo extractum, perinde integrum, atque erat ab initio offendit, & in alia repositum arca, quam Didacus Pereria (legati nomen est eius, quicum profectum Goa Xauerium supra docuimus) faciendam, & Damasceno serico subsuendam, extrorsus autem aureo textili conuertiendam curauerat; secum in heremitorium, ubi diuersabatur, abstulit, habuitq; apud se, donec eodem Petrus Alacena deuenit, quem Cosmus Turrianus cum mandatis ex Iapone dimiserat. Horum uterque, simul ac nauigandi se dedit occasio, secum in nauim impositum asportarunt. Nos ad eam diem Goæ, quod naues Malaca nondum aduenerant, non plus, quam mortuū sciebamur: quæ primæ adfuere, ex ijs cognitum est, corpus Malaca deferri. Cocinum ut oneraria tenuit, qua uehebatur, statim ætuario Goam ad nos nauarchus præueniens, rem nuntiauit: & simul nauim e multis ereptam periculis illius ope fuisse narrauit. Cognita re, Melchior confestim ad Proregem accessit, ab eoq; petijt biremem, ut aduerso uento tardius nauiganti occurreret onerariæ, & corpus auferret. Enimuero id ægre pati nauarchus, & obsecrare, ne, quando iam prope ad finem itineris uentum esset, nauim nudaret adeo salutari, certoq; presidio. Sed tanta fuit cum Melchioris, tum Sociorum uidendi cupiditas, ut nihilo minus mari sese non dubitarit committere, Socijs tribus, pueris a catechesi quattuor secum assumptis, & Lusitano quodam, qui in Iapone dum negotiaretur antea, cum Xauerio familiariter uixerat. conscendit igitur, a Prorege monitus, ut cum primum rediens appropin-

quaret ad oppidum, nuntium ad se præmitteret. Cum pelago quatuor dies ac noctes errassent, nauim deniq; ad Baticalam, leucas ab Goa 20, reperiunt, & ingrediuntur omnes. Arca dum in bireme ex oneraria, eo ipso quem supra diximus ornata, deponitur; interea pueri feris redimitti, ramos tenentes manibus, concinunt. Gloria in excelsis Deo: nauta uero sublatis uexillis, bombardis explosis, cælum reboatibus complent. Corpus ipsum erat amictum alba, & optimo superpellitio, quod etsi diu latuit in calce demersum; tamen adeo recens uidetur, ut cum eo Melchior Iaponium Regem conuenire statuerit. Erat operta facies, manus Crucis in formam compositæ, & su niculo uinctæ æque nouæ, ac si tum ex officina prodiret: pedes crepidis calceati. Melchior ad heremitorium beatissimæ Virgini sacræ descendit, passibus circiter 1500 ab urbe positum, ibiq; ea nocte cum comitibus māsit. Forte res in ipsum quadragesimæ tempus incidere: & nostri nihilominus templū, arasq; ornata festiuo instruxerant. Complures etiam erant in ea sententia, ut campanis in ade maxima, ceterisq; sacris ædibus omnibus, letitiæ publicæ signū daretur pulsū quam frequentissimo: sed nostri duplici tantum funebri pulsū fuere contenti. Postridie mane confestim cum ipso Prorege Canoniorum sodalitas, quique misericordiæ rem procurat, & ingens præterea oppidanorū uis, deniq; quotquot hic eramus e Societate, corpori processimus obuiam. Turba uero ad spectaculum effusa, parietes, fenestras, uias adeo conferta compleuerat, transitus ut redeuntibus uix pateret. Nonaginta pueri candidati præibant cum accensis funalibus. Recta qua ueniebamus uia, multa passim erant odoramenta disposita. Feretri autem latera, fundentibus item odorem argenteis duobus thuribulis cingebantur. Hoc maxime modo corpus domum nostram allatum, & statim in sacello, tectum, ut erat.



erat, repositum est. ne detegeretur, nimia populi multitudo fuit in causa: quam ob ipsam rem ne Prorex quidem contra cupidius instituit. itaque spe uidendi amissa, paulatim omnibus fere digressis, paucitantummodo uiri, ac fœminæ remansere, ut ostenderetur sibi cum lacrimis obsecrantes, seque nisi impetrata re domum abituros negantes. quorum precibus, præsertim quòd iam turba, strepitusq; resederat, cessit denique Melchior: cancellos, ne sacellum ingrederentur, obiecit: exclusis introspiciendi corporis potestatem fecit. Sextus decimus tum a morte Xauerij mensis agebatur. eo Leti spectaculo cum rem diulgassent; tantus denuo concursus est hominũ factus ad nos, idem efflagitantium, ut neque negari diutius, neque toto ferme quatrinduo confluentium die nocteq; ad spectaculum turba summoueri potuerit, cum quidam non semel uidisse contenti, iterum iterumq; reuenterentur. Melchior deinde arcam, cum iam satis in aperto fuisse uideretur, prope altare loco certo reposuit, & claustro muniuit: nos cum e corporis presentia magnam letitiam cepimus; tum uero maiorem ex eo quòd animam pro nobis deprecantem assistere Domino credimus. Et sane multum ei debemus fratres mihi carissimi, propterea quòd laboribus, ignominijs, iniurijs perferendis (quibus ille rebus ingentem uim animarum ad semitam ueritatis adduxit) patientie documenta nobis reliquit egregia: & ab initio usque ad extremum tanto animi uigore, atque alacritate perseuerauit; ut ijs, quæ de illo subinde nuntiabantur, quasi ea uires humanas excederent, uix fides ab hisce hominibus haberetur. Id adeo uite ipsius exitus comprobauit. diem quippe clausit ultimum in regno, ut dicebam; Sinarum, in monte deserto, in tugurio epaleis, & arborum ramis raptim exstructo, commodis huius seculi æque inops ab omnibus, atque cœlestibus affluens. DE I. sola-

quaret ad oppidum, nuntium ad se praemitteret. Cum pelago quatuor dies ac noctes errassent, nauim deniq; ad Baticalam, leucas ab Goa 20, reperiunt, & ingrediuntur omnes. Arca dum in bireme ex oneraria, eo ipso quem supra diximus ornatu, deponitur; interea pueri feris redimitti, ramos tenentes manibus, concinunt; Gloria in excelsis Deo: nautae uero sublati uexillis, bombardis explosis, celum reboatibus complent. Corpus ipsum erat amictum alba, & optimo superpellitio, quod etsi diu latuit in calce demersum; tamen adeo recens uidetur, ut cum eo Melchior Iaponium Regem conuenire statuerit. Erat operta facies, manus Crucis in formam compositae, & funiculo uinctae aequae nouae, ac si tum ex officina prodiret: pedes crepidis calceati. Melchior ad heremitorium beatissimae Virginis sacrum descendit, passibus circiter 1500 ab urbe positum, ibiq; ea nocte cum comitibus mansit. Forte res in ipsum quadragesimae tempus inciderat: & nostri nihilominus templum, arasq; ornatu festiuo instruxerant. Complures etiam erant in ea sententia, ut campanis in ade maxima, ceterisq; sacris adibus omnibus, letitiae publicae signum daretur pulsus quam frequentissimo: sed nostri duplici tantum funebri pulsus fuere contenti. Postridie mane confestim cum ipso Prorege Canonorum sodalitas, quique misericordiae rem procurat, & ingens praeterea oppidanorum uis, deniq; quotquot hic eramus e Societate, corpori processimus obuiam. Turba uero ad spectaculum effusa, parietes, fenestras, uias adeo conferta compleuerat, transitus ut redeuntibus uix pateret. Nonaginta pueri candidati praebant cum accensis funalibus. Recta qua ueniebamus uia, multa passim erant odoramenta disposita. Feretri autem latera, fundentibus item odorem argenteis duobus thuribulis cingebantur. Hoc maxime modo corpus domum nostram allatum, & statim in sacello, tectum, ut erat,

erat, repositum est. ne detegeretur, nimia populi multitudo fuit in  
 causa: quam ob ipsam rem ne Prorex quidem contra cupidius in-  
 stitit. itaque spe uidendi amissa, paulatim omnibus fere digressis,  
 pauci tantummodo uiri, ac fœminæ remansere, ut ostenderetur sibi  
 cum lacrimis obsecrantes, seque nisi impetrata re domum abituros  
 negantes. quorum precibus, præsertim quòd iam turba, strepitusq;  
 resederat, cessit denique Melchior: cancellos, ne sacellum ingrede-  
 rentur, obiecit: exclusis intròspiciendi corporis potestatem fecit.  
 Sextus decimus tum a morte Xauerij mensis agebatur. eo Leti spe-  
 ctaculo cum rem diuulgassent; tantus denuo concursus est hominū  
 factus ad nos, idem efflagitantium, ut neque negari diutius, neque  
 toto ferme quatrìduo confluentium die nocteq; ad spectaculum tur-  
 ba summoneri potuerit, cum quidam non semel uidisse contenti,  
 iterum iterumq; reuerterentur. Melchior deinde arcam, cum iam  
 satis in aperto fuisse uideretur, prope altare loco certo reposuit, &  
 claustro muniuit: nos cum e corporis presentia magnam letitiam  
 cepimus; tum uero maiorem ex eo quòd animam pro nobis depre-  
 tantem assistere Domino credimus. Et sane multum ei debemus  
 fratres mihi carissimi, propterea quòd laboribus, ignominijs, iniu-  
 rijs perferendis (quibus ille rebus ingentem uim animarum ad semi-  
 tam ueritatis adduxit) patientiæ documenta nobis reliquit egregia:  
 & ab initio usque ad extremum tanto animi uigore, atque alacri-  
 tate perseuerauit; ut ijs, quæ de illo subinde nuntiabantur, quasi ea  
 uires humanas excederent, uix fides ab hisce hominibus haberetur.  
 Id adeo uite ipsius exitus comprobauit. diem quippe clausit ulti-  
 mum in regno, ut dicebam, Sinarum, in monte deserto, in tugurio e-  
 paleis, & arborum ramis raptim exstructo, commodis huius secu-  
 li aque inops ab omnibus, atque cœlestibus affluens. DE I. sola-

tijſ: cui, dum uiueret, tanta cum fide ſeruiſerat. Ac Luſitani, quos memorauī, qui ſecus mare diuerſabantur, cognita Xauerij ualitudine, cum ad eum in montem aſcendiſſent, defectum iam uiribus inuenerunt, & morienti aſſuerunt. Petrus Alcaceua, cum ex Iapone ueniret, locum eſt contemplatus, montem ait eſſe admodum editum, arboribus frequentem. obiit ille 4. Non. Decemb. anno Domini 1552. Venio nunc ad alia, quæ apud nos poſtea contingere. Luſitanus ille, quem olim in Iapone cum Xauerio uerſatum fuiſſe antea demonſtraui, negotia cum Indis, Iaponijs, Peguenſibus, Sinis contrahendo, ad amplam pecuniam, multis annis re bene geſta, peruenerat. Is, ex quo die aduehenti corpus onerariæ cū noſtris occurrit; noſtram omnium, ſed præcipue Melchioris amicitiam, & conſuetudinem ſtudioſius expetiuit. Templum eſt Virginis matris Goæ, trans fluuium: eo cum Melchior forte ſeſe conferret, hominem ſecum duxit. ibi dum una morantur, interea Melchior ab eo multa de rebus Iaponicis, de regione, de moribus ſciſcitari. Ille cum reſpondiſſet ad omnia, tum illud præſertim addidit de ſpe religionis Chriſtianæ in eam inſulam inducendæ (plane ut cerneſ afflatum eſſe diuinitus) eam ſe Iaponiorum indolem perſpexiſſe; ut in orbe terrarum uniuerſo nuſquam prorsus opera locari poſſet utiliſ. ſibi quidem maiorem uitæ partem in augenda re familiari eſſe conſumptam, ſeq̃ iam ad capiendos indiſtriæ ſuæ fructus Luſitaniam cogitare; uerum tamen quod intelligeret, quantū in Iapone profici poſſet; ſi Melchior eam prouinciā ſuſcipere in animum induceret; iam tum relictis omnibus una proſecturum, ut uitam in tam pio negotio poneret. ſumpturum ex omni ſua pecunia non plus tria uel quattuor aureorum millia, ad ædes exſtruendas in urbe Iaponis nobili, qua in urbe Coſmus Turrianus commorare-

tar, cui Rex eius ipsius rei causa edificium quoddam iam assignasset. Melchior cum uideret non sine diuino consilio fieri, ut uirum diuitijs affluentem tanto praesertim labore quiescit, tantus honoris Dei zelus teneret; constituit uicario sibi successore Iaponem petere: sed a Prorege ne impediretur timebat. ad eum igitur uenire causa, ut primum in urbem redijt, sese contulit; & quo suauis Domini dispositio clarius appareret, in ipso ianuae ingressu commodum offendit Proregem litteras Iaponij Regis legentem, in quibus erat scriptum, quam illi grata Sociorum nostrorum esset opera in Euangelio promulgando, quantum in suo regno profecissent, atque proficerent. Conspicatus Prorex Melchiorem aduenientem, continuo anteuertens: Quid agis? inquit: cur Iaponem omittis petere, terram usque adeo feracem? Atqui ob id ipsum, respondit Melchior, ad te uenio. quod tibi quoniam probatur; nulla mora interposita, me ad perfectionem parabo. itaque domum reuersus, breui explicatis rebus omnibus, salutato Prorege, & summa cum beneuolentiae significatione Socijs ualere iussis; profectus est, sacerdote uno, fratribus quinque, totidem pueris a doctrina, comitibus. In Iapone ergo uersantur hoc tempore e Societate nostra duodecim, & pueri catechistici quinque. quam bene in ea insula res procedat, meliusque sit sperandum in dies, qua prudentia incolae sint, qua constantia; dynastae uero, ac Reges ad Christiana sacra suscipienda quam propenso sint animo, (id quod ex quo tempore Xauerus insulam attigit, perspicui potuit)

e Cosmi Turriani epistola cognoscetis.

Goa. 9. Kalen. Ianuar.

1554.

FINIS PRIMI LIBRI.

# DE IAPONICIS REBUS EPISTOLARVM

LIBER SECVNDVS.



## DVARTES A SYLVA Societati IESV Goam.



MANGVTIANAS res primū, de-  
inde uero Bungenſes ad Diuina maiestatis  
gloriam hac epistola persequar. Postquam  
a nobis Petrus Alcaceua disceſſit in Indiā  
(disceſſit autem Octobri menſe, anno Do-  
mini 1553) Amangutium ueni cum Coſ-  
mo Turriano. ibi ex familia Regia multi inſignes ac nobiles, & cū  
eorum ſingulis 15 alij ferme, uel 20, Chriſtiani ſunt facti. ad eū  
numerum acceſſere Meacenſes Bonzij duo, quorum alter, earum  
legum in primis peritus, multa percontatus a Coſmo, totā illi ſuā  
uiciſſim de mundi opifice, deq; hominis anima ſententiā pateſe-  
cerat, cuius erat ſumma, nullum eſſe plane rerum omnium condi-  
torem. Verumtamen ipſemet conditor ſuam illi gratiam impertiri  
dignatus eſt, ut quanto uerſaretur in errore, et quā eſſent uera, que  
a Coſmo dicebantur, liquido cerneret. itaque Dominum Deum no-  
ſtrum ex animo colere ſtatim decreuit. id quo melius faceret, om-  
nibus



nibus rebus, quibus ad eam diem utebatur, abiectis, exiguum sibi  
 relictum, aliqua ex parte a nobis adiutus, cum Socio suo Barnaba  
 extruxit, ubi moratur uterque, & uictum sibi met suis manibus  
 operantes quarunt: nihil e domo nostra, nihil aliunde gratis acci-  
 piunt: unam acquirenda uirtutis rationem sciscitantur a nobis, in  
 qua, ceu nouelle plantæ, adeo feliciter crescunt, ut mei me sane ex  
 eorum comparatione peniteat. Eodem tempore Iaponius alius qui-  
 dam ad Deum conuersus est: magna humanitate uir, acutoq; iudi-  
 cio, annos natus plus 50. & quamuis, antequam constituit Christia-  
 na sacra suscipere, diaboli tentationibus adeo uexatus est, ut in mor-  
 bum incidere; postea tamen quam Deo sese commisit, manna ab-  
 sconditum affatim hausit, & nunc de pristina sua impietate deq;  
 excellentia diuine legis loqui non desinit. Is nouo nomine Paulus  
 appellatur: & quod magna prudentia, & ingenio præditus est, &  
 nihil anquam adorauit in uita (nam Iaponiorum superstitionem  
 inane semper nescio quid iudicauit) suo exemplo multos ad religio-  
 nem impulit Christi: cui ille haud sane fictæ dat operam, siue trans-  
 ferendis in patriam linguam scriptis quibusdam, (qua in re ualet  
 plurimum, & stylus eius ualde probatur) siue alijs mortalibus ad  
 ueritatis uiam trahendis: præsertim uero confirmandis, ac retinen-  
 dis in fide neophytis, quos antea tam uehementer instabat. Uxor  
 eius, & filij sunt iam Christiani, cum ipsius fratre non minus inge-  
 niosos, & ornatos, alijs præterea ipsius affinibus, & amicis.

Septuagesimum uel 80. alius circiter annum agens, uir nobilis,  
 ac dynasta, superstitionem suam cum Christiana religione commu-  
 tauit: idolorum ante id tempus cultor egregius, quippe cui, simula-  
 cris humi de more statuendis uenerandi causa, præ assiduitate labo-  
 ris occalluerant manus: nunc uero tanta ei lux ueritatis oborta est.

ut de

ut de laboribus ab se frustra susceptis, deque sua cæcitate uerba facere nunquam desinat. is idolorum loco templum edificare decreuit: quo Christiani ad sermones inter se de cultu diuino ferendos augenda pietatis causa conueniant: & uniuersis qui sub imperio suo sunt, omni conatu persuadere constituit, ut ad Baptismum accedant: quolustratus est eius quoque filius annos natus 30, qui domum nostram Christianæ doctrinæ, & sacrorum causa uentitat. Tria passuum millia distat ab urbe Amangutio uicus quidam: ibi ad quinquaginta, uel sexaginta neophytos rusticos operarios omnes, tantum rerum diuinarum studium ceperat, ut litterarum prorsus ignari, litteratos homines populares suos argumentando conuincerent. Quin etiam eius loci Bonzius ipse, cum illos sæpe sermone atque altercatione lacerasset, turpiter ab iisdem superatus ac uictus, existimationi suæ denique migrando consuluit: eius discessu neophyti ualde leuati sunt. Idem pariter uniuersi certum in locum sæpe se conferant, ubi de cultu diuino differitur, admonentq; inuicem sese, & ad fidem, ac religionem hortantur. Verum de statu rei Amangutianæ plura cognoscetis ex epistola Cosmi Turriani, quam misit Bungum; ex qua ego hæc quæ sequuntur excerpti. Ex hisce pauperibus multi facti iam sunt, fiuntq; semper aliqui Christiani. ydem preces tenet, easq; ad ianuam fere quotidie recitant: tum singulis caxa (quod monet æ genus est) in eleemosynam datur: quare illi admodum leti, & Domino gratias agentes domum sese recipiunt. ydem, Dominicis diebus, cum in ordinem discubuerint; qui Christiani ad sacrificiū ueniunt, aliquid ijs præbent eleemosynæ causa: Itaque & illi beneficio gaudent, & Christiani rei totius dispositione atque ordine delectantur, & omnes in uniuersum agunt Domino gratias; cuius sibi munere, antea & ipsorum uitæ fæditas patuit. Paulus & Barnabas

*ab as Meacenses Bonzj duo mirabiliter in fide proficiunt. Facit Dominus, ut ad finem usque perseverent. Die qui fuit DD. Cosmo & Damiano sacer, uespere mortuus est Ambrosius Euna-  
 dus Faisumius, Regis æconomus. eius funeri mecū interfuere plus  
 200, sexus utriusque neophyti, signum crucifixi unus e neophy-  
 tis præferebat; & quoniam demortui domus a nostra plurimum  
 aberat, pompa mediam per urbem necessario ducta est. Esse-  
 rebatur autem corpus admodum excelso feretro, tantaq; funeralium  
 multitudine, ut ipsam diei lucem representarent; terraq; quanto po-  
 tuimus apparatu ceremonijsq; mandauimus. Commouit ea res ali-  
 quantum ad impias sectas deserendas cognatos ipsius, & maiorem  
 ciuitatis partem: quas quidem sectas plane relinquerent, si diuine  
 legis interpretum hic foret copia. Uxor autem eius continuo paupe-  
 ribus fecit benigne: nam & ipso quatrinduo præbuit ipsis epulum, &  
 e domestica suppellectili multa distribuit. in ijs etiam uestem seri-  
 cam, ex qua conficietur pecunia ad edificandam illis domum in  
 area, quam idcirco nobis neophytus quidam attribuit. Hoc eius re-  
 Æte factum, ceteraq; neophytorum erga inopes beneficia, quibus bis  
 terue cibaria singulis mensibus largiuntur, compenset Dominus:  
 quem uos rogate fratres mihi carissimi, ut hæc ab illis fiant, nullam  
 ob aliam causam; nisi ut eidem placeant: & simul in officio me  
 sua benignitate confirmet.*

*Domus ea, cuius meminit Cosmus, perfecta iam est. Absolutū  
 est opus, s. Cal. Iulij, & diebus aliquot ibidem sacrificatum, ser-  
 monesq; de ipsius fundatione sunt habiti. Hactenus de rebus  
 Anangutianis. Nunc ad Bungenfes uenio. Anno 1553  
 nostri lapidationibus ibi male accepti sunt, confictis in eos cri-  
 minibus, quod carne uescerentur humana. sed Rex, causa co-  
 gnita,*

gnita, rem totam breui compressit, dispositu custodiae caussa circa domum nostram interdium noctuq; uigilijs. atque ea sane praeclara fuit neophytorum probatio: quippe qui, nos quo maioribus cinctos uidebant angustijs, eo maiorem ipsi firmitudinem animi constantiamq; praeseferebant. Eo tempore multa ad neophytos conciones, multa contra Bonzios disputationes habitae sunt, qui uicti, cum quid agerent non haberent, insigni mendacio populum onerarunt, nulla re scilicet Christianam a Iaponica religione differre. Res erat sane periculosa, itaque nostri diuinae gloriae zelo inflammati, nil aliud per eos dies docere populum institerunt, nisi haec duae religiones quātopere inter sese differrent: legem quippe Iaponicam fabulis atque mendacijs: Christianam uero plane certissimis niti principijs. Atque ob id ipsum Balthasar Gagus librum Iaponico sermone conscripsit, ac dedit Regi, quem Rex coram se, suisq; consiliarijs recitatu, ac uehementer probatum, suo signo obsignauit, atque ad Balthasarem remisit, iubens ei renuntiari, se libri eius exemplum descriptum habere apud se, proinde exemplar obsignatum ut erat, ostenderet magistratibus, ut eos perspecta Christiana ueritate & doctrina, beneuolos & amicos haberet. Ex eo tempore adhuc in pace fuimus. Bonziji in Dominum credidere complures. in ijs quidam legisperitus ex eorum ordine, qui commentationibus uacant, noster antea uehemens aduersarius. huic ita deinde clarum ueritatis lumen affulsit, ut in exquirendo Christiani hominis officio nunquam defatigaretur: tanta uero tranquillitate fruitur animi, atque ita Dei beneficia ipsius haerent infixae memoriae; ut pro ijs, a quibus Christiana mysteria didicit, & a quibus huc missus est, denique pro cunctis Euangelij praconibus preces ad Dominum assidue fundat. Anselmus est quidam Dominus uici non longe ab urbe positi. is, ut uxore

rem ad cultum Dei traduceret, anno superiore uenit ad nos, & Bal-  
thasarem domum suam adduxit; qui sœminam, & domesticos,  
omnes, aliosq; complures necessaria ad religionem rudimenta edo-  
cuit, & conuertit ad Dominum. Horum exemplo tantus in reli-  
quis eius uici incolis motus animorum est factus, ut omnes fere Chri-  
stiana iam sacra susceperint. Vicus est alius, decem leucas ab ur-  
be: illuc item anno superiore lucri caussa se contulit neophytus ope-  
rarius quidam, Antonius nomine: ibiq; reperit hominem, qui ab  
demonẽ septem iam diebus ita præsocabatur, ut nihil neque esculen-  
tum neque poculentum per fauces posset demittere. Hunc misera-  
tus Antonius, & simul recordatus latronis eius, cui culpam suppli-  
citer agnoscanti Dominus noster IESUS CHRISTVS igno-  
uerat, aquam in uas infundit, expiatq; manu sua per signum Cru-  
cis. deinde hortatur egrotum, ut peccatorum suorum agat peniten-  
tiam, & credat in eum, a quo & cõditus fuerit, & salutem possit  
accipere. Annuuit egrotus, & continuo porrectum sibi poculum  
aque totum penitus hausit, appositumq; oryza paulum, sine labore co-  
medit. Quæ res egrotum ita permouit, ut cum primum per corporis  
uires liceret, ad nos conferre sese Christianæ religionis suscipiendæ  
caussa decerneret, itaque fecit: omnem superstitionem abiecit, Chri-  
stianos ritus ac preces edidicit, paucisq; post diebus est mortuus.  
Alium etiam conuertit ibidem Antonius, claro admodum genere  
natum. Lucas nouo iam nomine dicitur. Is cum Baptismi caussa  
ad nos uenisset, postea quam ablatus est, Balthasarem domum suã  
cum Ioanne Ferdinando, Antonioq; perduxit. ibi dies aliquot in-  
stituendis baptizandisq; ita multis uicauerunt, ut ex una tantum Lu-  
cæ familia, 60 capita (in his uxorem Lucæ, duosq; filios uirili æta-  
te) celesti lauacro purgauerint. Quorum tanta constantia, tantum  
animi

animi robur apparuit; ut suo exemplo alijs ad fidem trahendis numerum deinde 300 impleuerint. Annus circiter agitur, cum quidam oculorum acie sane debili baptizatus est. is Dei benignitate factum est, ut una cum animi lumine oculorum quoque lumen reciperet: etenim continuo clare capit uidere cuius rei fama cum latius manasset; Iaponiorum ad nos concursus hinc inde statim est factus, partim cæcorum, partim uario morborum genere, ut lepra, febris, alijsq; huiusmodi laborantium, in quibus Dominus pro sua sapientia, celestis numinis uim saepe declarat. Quod ut facilius cognoscatis, nonnulla referam, quæ in hoc genere contigerunt. In popularibus neophyti illius, quem ex oculorum debilitate repente conuulsisse docuimus; iam inde ab ipso abauo quidam hereditario ueluti iure, & quasi per manus acceperat, ut a demone torqueretur. atque is impetranda salutis causa, in uictimas & impia sacrificia patrimonium pæne consumpserat. Verum demones idolis inhabitantes, quo maiores sibi honores haberi cernebant, eo uexabant hominem grauius; nec illius tantummodo cruciata contenti, arreptum ipsius quoque filium annos natum 30, adeo male acceperat, ut multos dies nihil omnino gustaret, nec iam patrem, uel affines agnosceret. Balithasar ubi id rescivit, contulit eo sese, cumq; filium in ipsis tormentis offendisset, iussit eum Diui Michaelis nomen pronuntiare. paruit ille, & in ipsa pronuntiationis clausula tam uehementer intremuit, tanta cum gesticulatione, motuq; membrorum, ut qui astabant, rei miraculo perhorrescerent. Verum diuinæ placitum est bonitati, ut simul atque Sacra illa uerba super eum Balithasar effatus est, scilicet: in nomine Patris & Filij & Spiritus sancti; a nequissimo spiritu liberatus, continuo & cibum, & usum mentis rationisq; reciperet. Deinde uero una cum patre Christiana rudimenta edo-

Etus,



Etus, & uterque sacro fonte lustratus est; ac filius quidem, Michaelis: pater autem, Pauli nomen assumpsit: Paucis post diebus, eiusdem Pauli filia, soror Michaelis, ad templum nostrum accessit, quæ item triginta iam annis male a demone habebatur. Ea cum uelle se Christianam esse dixisset, dum illi benedictionis formula traditur (hora meridiana erat circiter) uehementi pariter ipsa timore corripitur: Tum Balthasar ad exorcismos confugit, cepitq; mulieri suadere, ut nomen IESU, nec non D. Michaelis propuntiaret: illa uero discruciata grauissime, ore compresso, uoce ueluti in cantum soluta, respondit, si, Xaca & Annide, qui legem dedere Japonijs, idola repudiarentur, neminem adorandum esse præterea: neque uero se cuiuspiam ui, ab eorum cultu posse abduci. Postridie (qui dies fuit Beatissima VIRGINIÆ sacer.) templo Christianis referto, cum mulier quoque adesset; Balthasar sacro peracto, quaesuit ex ea quomodo sese haberet. bene cum respondisset: Dini Michaelis nomen profer, inquit ille: tum fœmina denou tremere, labiaq; constringere. demon autem ex illa iam, inquit, abeo: uerumtamen quoniam tribus iam ætatibus patris uidelicet, filij, nepotisq; domicilium mihi in his adibus collocatum obtinui, propterea nolo discedere. Instare Balthasar iterum, ut D. Michaelē appellet. tum energumena, enim uero id esse iam putidum, ac molestum: mox etiam contracto uultu, cum lacrimis, Quo migrem igitur? inquit. Cum in eo statu res esset; Christiani, qui aderant, in preces dedere sese, nec ita multo spiritus ille nequam erupit, mulier autem ualde leuata est, atque integra prorsus mente, potum petijt, porrectamque sibi aquam lustralem seu benedictam, bibit.

bit. Tum iussa dicere *IESUS, MARIA*, tam suaui-  
ter pronuntiauit, ut vox Angeli uideretur. Ex eo tempore nunquam  
deinceps a demone uexata est, iamq; Christiana sacra suscepit. Qui  
agroti huc deuenere, ex ijs ad 300, iam Christiani cernuntur.  
quorum sermones inter se de beneficijs a Domino post Baptismum  
acceptis, operis pretium est audire, dum hic patientiam in morbo  
ferendo, ille recuperatam prope ualeitudinem prædicat. solent au-  
tem huiusmodi agroti, decem alios, quindecimue singuli ad Chri-  
stianam religionem secum adducere, quorum corpora non alio me-  
dicamento curantur a nobis, nisi aqua benedicta, cuius uirtus  
in hoc regno multis experimentis, præsertim uero in oculorum cura-  
tione, quibus Iaponij uulgo laborant, est comprobata: ut eius peten-  
dæ causa a leuicis 10, uel 12, undique concurratur ad nos.

Hoc anno, qui post Christum natum est 1555, in hac ade sa-  
cra Bungenſi a Cinerilibus ad usque Paschæ solennia, conciones  
quotidie cum sacrificijs habitæ sunt, tanta neophytorum frequen-  
tia, ut eos domus nostra non caperet, tantoq; animi ardore, nonnul-  
li ut e pagis pridie domum nostram uenirent quæ postridie mane  
ad tempus concioni adessent; nonnulli autem ad templum duabus  
ante lucem horis accederent. quibus rebus homines ita uehementer  
inflammabantur, ut quotidie ferme deni, duodeni, uel etiam ui-  
ceni post catechismum fierent Christiani. Itaque baptizati sunt ea  
toto Quadragesimæ tempore, 400. A Paschalibus ferijs usque ad  
Pentecosten eodem seruire ac studio continuatæ sunt quotidie con-  
ciones, neophytorum rogatu, qui propitiandi Domini causa myste-  
rium Confessionis sane quàm diligenter frequentant; quorum uite  
morumq; immutationem post Baptismum, noti affinesq; eorum ual-  
de mirantur, quippe, ut quisque maxima pro Christi nomine igno-  
minia

minia afficitur, ita se beatissimum putat. Quidam etiam, cum initio conuersionis, nonnullo pudore territus latitaret; ita se nunc paulam penitus in causam Christianam tanta sua cum delectatione demisit, ut uerbo Dei potius quàm cibo sustentari aliq̃ uideatur. Cereemonia quoque nostra funebris magna cum admiratione probatur ab ethnicis: ut funus quod primum duximus, hominum plus tria millia spectandi causa celebrauerint. cum autem pauperibus aeque ac diuitibus honorem a nobis uident haberi; tum uero legi Domini Dei nostri simile nihil fatentur esse. atque lex ea sane late uagatur in hoc regno Bungeni: nam prater urbanum neophytorum gregem, Iacali 50 uel 60, Siquid totidem, Quinctani (pagorum haec nomina sunt) plus 200 uisuntur. Neophytus quidam est, quem ceteri ob eius uirtutem parentis loco uenerantur & cōlunt; qui saepe ad sacrificia & conciones huc uentitat. Is ea loca circumiens, ceteros ad officium cohortatur & animat. Superioribus diebus Balthasar Gagus cum Ioanne Ferdinando Firandum profectus est ad Lusitanorum qui ibi erant, Confessiones audiendas. Rex autem ante quàm discederet, uenit ad nos, iussitq̃ Balthasarem de comiteatu sine cura esse: daturum se qui eum prosequeretur, & omnia ad iter necessaria compararet, idemque, si Balthasar uellet, praestaret in reditu: praefectis etiam, quacunque transendum esset, iumenta & cetera quae opus forent, se imperaturū. Eum nunc in singulos dies expecto. mecum hic de neophytis remansere senex quidam, Antonius nomine, 50 uel 60 natus annos: & alij praeterea quattuor uel quinque homines impigri ad necessaria negotia obeunda.

Scriptis iam litteris, ex Ida pago non longe ab urbe posito mulier quaedam cum marito ad hoc templum Baptismi causa se contulit.

Sed uterque, quòd Balthasar aberat, domum suam re infecta, consilioq; pæne mutato reuertebantur. Id ubi cognouit Antonius is quem modo nominaui, me appellauit, ut preces ab omnibus, qui aderant, ad Dominum pro utroque eorum habendas curarem. itaque dum orationem Dominicam elata uoce multi recitamus, conspecta mulier est adeo uehementer intremere, ut illam ipsi tres homines regere & continere non possent: dentibus uero tam acriter infrendebat, ut uiderentur effringi. interea constrictis ipsius manuum digitis, mulierẽ signo Crucis, & aqua benedicta lustrabat Antonius: nobis ex altera parte in oratione Dominica & Angelica salutatione perseuerantibus. Post hæc mulier aliquantulum consopita, simul atq; expergescens, iussa dicere, IESUS, MARIA, primum ueluti indignabunda pronuntiauit: tum ei manus arctius iterum uinciuntur, precationi simul omnes insistimus: nec ita multo post sæmina dolere manibus, & lamentari, & rogare ut sese quàm citissime soluerent. Deinde, pia admodum uoce proferens, IESUS, MARIA, uerum Creatorem suum adorare se dixit, grauemq; sese peccatricem agnoscere. Eadem mihi postea affirmauit se toto septennio cordis ingentem sensisse grauedinem, sed iam ea leuatam, & exhilaratam esse. Post tridie mane cum marito discessit: redituri ad Baptisum cum prium Balthasar Firando reuerterit. Mihi sane magnam tota res attulit uoluptatem, & ex eo dic plane alia mulier atque antea, uisa est. multa præterea in hac regione geruntur a Domino: qui nos pro sua bonitate idoneos uineæ suæ cultores dignetur efficere. B.ugo 12. Kal. Octob. 1555.

## BALTHASAR GAGVS

Societati IESV.

**A**Nno Domini 1552. Iaponis insulam attigi, ac de rebus  
ijs quæ mihi in itinere, quæue deinceps contigerant, tum  
ex ipso portu Sinarum, tum etiam ex urbe Bungo (quod  
meum est domicilium) ad uos litteras dedi. Hanc autem epistolâ  
scribebam Firandi, quo me Duartes Gamma per litteras magnis  
precibus euo cauerat, uti suam suorumq; confessionem audirem, neo  
phytos consolarem, aliosq; permultos cupientes, aqua salutarî perfun-  
derem. Itaque Bungo confestim in hunc portum Cosmo Turriano  
auctore decessi: e quo scribam nonnulla ex ijs, quæ in hac regione ge-  
runtur Dei benignitate, sed breuiter, quia nautæ festinant.

Locis duobus huius terræ præcipuis, areas duas habemus am-  
plas, & singula utrobique ædificia, alteram scilicet Amangutij,  
quæ urbs permagna in medio totius insule ad Septentrionem est po-  
sita: Bungi uero alteram, quod oppidum Amangutio leucas 5 &  
40, in meridie distat. Amangutianam Cosmus cum Ioanne Fer-  
dinando duobusq; bene uersatis in religione Christiana Iaponijs in-  
colit, ego uero Bungensem. & Cosmus quidē cū esset antea obeso cor-  
pore, nunc partim senio, partim etiâ (quæ huius agri sterilitas est) ma-  
cie pæne consumptus uidetur, quippe oryza exigua, & oleribus,  
aut leguminibus uescitur: piscibus autem raro, quòd Amangu-  
tium abest a mari leucas 30. caro autem ibi fere non gustatur, ni-  
si si quando (quod perraro fit) syluestres feræ capiuntur a uena-  
toribus. nam cicures nec mactant, nec nutriunt edendi causa  
Iaponij: sed tamen longo iam usu, Cosmus paulatim huiusmodi  
cibarijs assueuit. Amangutianorum Ecclesia Christianorum duo

circiter millia conficit, qui diebus festis assidue sacris missarum intersunt, concionesq; audiunt, quibus habet Iaponice Ioannes Ferdinandus in ea re præcipuo quodam Dei beneficio excellens. Amangutiano regulo Cosmus admodum æquo, neophytis uero ualde beneuolus, dictoq; audientibus utitur. sunt enim Iaponij ad honestatem propensi, beneq; morati.

Bangi cum Rex arẽa nobis dedisset, domum in ea, templumq; cū excelsa Cruce construximus. Habentur in eo quotidie sacra missarum, & homilie. itaque neophytorum, qui in uniuersum 1500 numerum explent, tanta sedulitas est, ut eorum complures diem nullum, quin adsint, præterfluere patiantur: diebus uero dominicis ita multi conueniunt, ut domus eos non capiat: festis autem præcipuis multo plures, quippe in nostris ædibus ipsam etiam diei festi uigiliam peragunt. Sed omnium maxime proficiunt pauperes, quippe qui apud seculum, seculiq; fautores minimum obtinent gratiæ. Facit ad eos uerba Iaponice sodalis noster Duartes a Sylua, nec non neophytis ipsis interdum, si qui rerum diuinarum intelligentia præstant; Paulus quidam præsertim: quem Dominus præcipuis ad hoc munus ornamentis instruxit. is cum præclare popularium suorum errores, diaboliq; in eis decipiendis uersutias calleat; tam promptus est Christianæ pietatis defensor, ut Iaponios mira facilitate conuincat: superstitiosa ipsorum mendacia, & religionis nostræ ueritatem illis aperiat. Eum ego mecum una Firandum adduxi, ubi neophytis operam nauauit egregiam. Vestris eum uos precibus fratres mihi carissimi Domino commendate. profecto enim ad curationem animarum idoneus est. Porro neophyti spiritalibus exercitationibus ita excoluntur a nobis, ut sacrificio missæ quotidie intersint, diebus uero dominicis audiant

uerbum



uerbum Dei. Peraeto sacrificio, ter Dominicam orationem, ter salutationem angelicam pro bene meritis, pro ijs, qui nauigant, pro statu & amplificatione Catholicae in his partibus Ecclesiae, supplices recitant. Quadragesimae tempore cum apud eos esset hoc anno Ioannes Ferdinandus, orationem dominicam, & sanctissimum Eucharistiae mysterium declarauit, cuius quidem mysterij tanta illi ueneratione, desiderioq; tenentur, ut multi ex ijs, qui maxime sunt in rebus sacris assidui, caelestem illum sibi porrigi panem a me magna cum deuotione atque humilitate petierint, utpote magnopere necessarium ad corroborandam fidem. nam quod ad praeparationem attinet, sese quidquid mihi uisum fuerit, facturos esse recipiunt. Exsequiarum autem uniuersa ratio nostra haec est: primum, qui moriuntur, eos, antequam extremum spiritum ducant, de rebus ad salutem necessarijs commonefacimus, & animamus: mortuis deinde feretrum neophyti exornant: si mortui tanta forte inopia sit, ut in funus pecunia desit; collata uiritim stipe, quae necessaria sunt, aliqui comparant, feretrum serica opertum ueste quatuor uiri tollunt. Frater noster amictus superpellitio, signum Crucifixi gestat, quem comitatur puer cum aqua benedicta. Tum deinceps ego sequor non sine litanijs, mihiq; uoce praeeunti (neque enim hic nobis, ut in Europa clericorum est copia) neophyti ipsi respondent: multae undique laternae collucent. Antequam domo effertur cadauer, precationem unam ego recito, deinde orationem Dominicam uniuersi concinimus, idemq; fit ad sepulcrum. postridie neophyti ad templum redeunt cum candelis accensis, ego super tumulum e responsorijs, quae appellantur, unum elata modulator uoce. Itaque crucem inauratam cum artificiosa Christi pendentis effigie, basiq; desidero, quam in huiusmodi pompis erectam, excelsamq;

O iij gestemus:

gestemus: quibus hi barbari tantopere permouentur, ut cogantur fateri nihil esse IESU CHRISTI legibus comparandum. & conuertuntur sane ad Dominum aliqui, sed hi ferme egestate laborantes, uel morbo, uel a demonibus obseſſi, quorum Dominus animos primum, deinde etiam corpora curat, alio pharmaco nullo, nisi aqua, panēq; benedicto. Multa mihi in hoc genere scribendi materia suppetit, uerum temporis angustijs premor.

Superioribus diebus in energumenam incidi, quam Dominus neophytorum rogatu ac precibus liberauit. ex ea demon carmina fundebat interdum Iaponica, quæ Iaponijs sane magni faciunt, studentque per discere, tamen illa quidem statim auctorem per se ipsa demonstrant, nam ut eorum bona sint principia, media tamen, uel extrema uirus eruant. Solet autem demon cum uersus huiusmodi enuntiat, uel regis alicuius iam uita functi, uel etiam bruti cuiuspiam sibi nomen affingere, ut his cæci Iaponij inducti fallacijs, aut regem illum, aut brutum uenerentur ut Deum. Atque ea ratione in rebus creatis diabolus adoratur. Alio præterea fraudis genere demon Iaponios fallit. nam sæpenumero Bonziorum rogatu, cum scilicet ijs pecunie ob eam rem, aut uestimenta præbentur; uel febrim sedat, uel e corporibus migrat: ita fit ut quamuis de illo male Iaponij sentiant, nihilominus eum aliqua ex parte suspiciant, metuant quidem certe, eiq; graui licet impendio honores quàm maximos habeant. Iam uero in somnijs quoque demoni per facile credunt. qui sane per ministros suos uehementer laborat, ut insurgens in hac regione Christianæ Ecclesiæ destruat edificium, cumq; alia ratione non possit, calumnijs nos oppugnat, nititurq; persuadere Iaponijs, nos carne hominum uesci. Verum misericors Dominus, qui suorum nunquam obliuiscitur, ex omnibus periculis eripit nos, semperq;

perq̃ demon e certamine discedit inferior.

Radices in hac terra demonis cultus iecit altissimas, decem circiter e Sinarum regione importatis heresibus, quæ tamen ad duas præcipue rediguntur. altera est eorum, qui sempiterna post mortem & supplicia, & præmia dicunt esse; choros, & symphonias libris exercent; mortuorum manes conuiuio excipiunt, curant funera, habent cænobia cum campanis, & cellis; cinericijs quidam, atris alij utuntur uestibus; multa cum superstitione exsequiarum iusta persoluunt, quibus absolutis addunt ad extremum Fombexet, quæ Sinarum est uox, significatq̃, Nuge sunt hæc omnia. itaque ex ea uoce neçtitur quam dicebam, heresis altera illorum qui ueluti pecora iudicio & ratione carentia, nullum esse nec Deum, nec animum, nec demonem affirmant: & quoniam intima conscientie solitudine uexantur; ad huiusmodi morsus sedandos, sine pudore ullo metuue, in omni scelerum, & flagitiorum turpitudine uolutantur: quos cum Deus iusti supplicij caussa omni libidinum turpitudine sædari permisit; tum se (miseri) diuine ignari iustitiæ, legum uinclis solutos, tum sanctos existimant, tum ad optatam curriculi metam se peruenisse arbitrantur. Atque hæc sane mendacia, quippe quæ nullis fundamentis nituntur, cum ceteris rationibus, tum ipsa uite morumq̃ sæditate facile conuincuntur. Bonzj, qui sectam tuentur priorem, chirographis quibusdam quæ sane magno uendunt, cauere solent Iaponijs, nihil eos post mortem incommodi a demonibus accepturos. Qui me Bungi primus excepit hospitio, is unum apud se chirographum habebat eiusmodi: sed melius uidelicet cauit illi Dominus, cum eum familiamq̃ ipsius uniuersam a Bonziorum dolis ad Baptismum traduxit.

Anno superiore montani quidam honestus uir, Christianus est factus: cuius rogatu ad patriam ipsius accessimus leucas 9. ab urbe Bungo. ibi præter eius familiam quæ 100 capitum summam excedebat, alij præterea ad 300; crediderunt Euangelio. ij Christianum eum qui nos illuc deduxit, eximia uirtute hominem, uenerantur ut patrem. Erat ibidem præfectus regius quidam insignis, quicum de rebus diuinis admodum copiose disserui, tantusq; in eo animi motus est factus, ut in hæc uerba prorumperet: Equidem cupio fieri Christianus, idq; re ipsa statim perficerem: sed quid Dominus meus deinde? quid dicat? quamquam id, quod docetis, cum sit adeo certum atque perspicuum, profecto ne ipse quidem poterit Christiana sacra repudiare. Atque ut ea, quæ sentiebat, præferret palam, ad Baptismum nonnullos ipsemet e suis domesticis incitabat. Itaque affectu duo, quibus ille præcipuis in administratione consiliarijs utebatur, caelesti lauacro expiati sunt. Postremo a nobis petijt, ut eo rediremus quotannis: populum uniuersum paulatim in Christi fidem esse uenturum. itaque hoc ipso tempore nos expectat.


Firandi præclare in præsentia Christiana res geritur. sacrificanti mihi quotidie, concionanti uero Iaponice Ioanni Ferdinãdo, neophyti adsunt. quamquam Ioanne quidem carebunt prope diem, expectatur enim a Cosmo Turriano, ut neophytos Amangutianos erudiat. mecum remanebit Paulus Iaponius, de quo dixeram ab initio, egregius iuuenis, tantaq; dicendi facultate & copia præditus, ut dies totos in sacris disputationibus sine ulla auditorum satietate consumat. Mirabile uero dictu est, quanto in rebus diuinis animi æstu zeloq; ferueat, quantaq; dexteritate Iaponios quid sequi debeant, quid fugere, edoceat. Firandensium neophytorum numerus est iam ferme 500. Regulis autem, in quo magna ad Christianam religionem

religionem propensio cernitur, aream nobis ad cæmeterium Christianorum attribuit, in qua ipso exaltationis Crucis die solenni, summa & neophytorum & Lusitanorum qui aderant, gratulatione & alacritate, Crucis trophæa defiximus.

Aloisius Almeida præter pecuniam ad excipiendos infantes collatam, unguentum etiam centum aureorum pretio mittit Vlyssiponem ad Socios nostros, ut coacta ex eo pecunia, tabulam ad exemplar quod in charta delineatum est, quàm elegantissimo opere pingendam curent: summa quæ so adhibeatur diligentia, ut ea tabula perfecta ad hanc Bungensem Ecclesiam perferatur, in Beatissimæ Virginis sacello ualitudinarij quod a pietate nomen accepit, locanda, &c. Firando 9. Cal. Octob. 1555.

## MELCHIOR NVNNE S

Societati IESV in Europam.

 Nno superiore, susceptæ a me Iaponicæ profectionis huiusce consilium, aduentumq; meum Malacam per litteras uobis exposui. nunc iter nostrum Malaca ad hunc usque portum Sinarum describam breuiter: nautæ enim properant. Cum uarijs difficultatibus ab nauigando cohibiti, hyemem totam in pijs obeundis ex instituto nostro muneribus Malacæ posuissimus, ego uero etiam in morbum Domino uolente incidissem; nondum plane recuperata ualitudine, paratam, instructamq; magno labore Carauelam (nauigij genus id est) conscendimus, tanto cum gemitu, luctuq; Malacensium, ut equidem indignitatis meæ conscius erubescerem. cum leucas 12. a Malaca prouecti essemus; tempestas adeo sæua repente cooritur, ut uela disrumperet, sane

comiro-

cōmode: secus enim omnino uis uenti nauigium demersisset. Post-  
 hæc ad fretum Sincapuranū in syrtes scopulosas incidimus, & qui-  
 dem in hostium ora, qui Lusitanos complures uarijs grauissimisq;  
 cruciatibus paulo ante mactauerant. Hic nos cum incerti spem in-  
 ter metumq; fluctuaremus, reliqui uero de salute iam prope despe-  
 rassent; scapham, eorundem rogatu consilioq; conscendi ego cum  
 fratribus duobus, ut rostratam maioris formæ nauem, quæ paulo an-  
 te præcesserat, quærerem, eiusq; auxilium implorarem. Ac primis  
 tenebris Maurorum Pantanaatum infesta nobis 50 apparuere  
 nauigia: qui ita prope ad nos accessere, ut iam gratulantium prædā  
 inter se uoces, clamoresq; exaudirentur. Tum uero necesse fuit ad  
 arma spiritalia fidei & precationis, bellica quoque tormenta arripere,  
 ut hostibus terrorem inferremus: atque ut quattuor sclopettario-  
 rum species præberetur: igniti eminus fūniculi ostendebantur. Ve-  
 rum nobis Dominus, qui laborantibus præsto solet esse, subuenit.  
 Etenim cum in hostium potestatem pæne iam uenissemus, ita ad  
 rostratam appropinquauimus, ut eius metu perterriti Mauri cur-  
 sum reflecterent. Tertio periclitati sumus ad insulam Palotimam.  
 quippe, cum Lusitani aquatum descendissent: nisi murmur exau-  
 ditum esset opportune, latentium in insidijs Maurorum; uenenatis  
 utique illorum occubissent sagittis. In ea insula, nostrorum e nume-  
 ro quattuor Mauri ad nautica ministeria in primis necessarij, fuga  
 deseruere nauigium: quæ res gubernatoris, præfectiq; animum us-  
 que adeo perculit, ut ægre ab ijs impetrauerim quo minus reuerte-  
 rentur. Inde uentum est ad insulam Patauē, cuius incolæ iccir-  
 co Lusitanis erant infesti, quòd ab ea rostrata, quam dixi, captum  
 ipsius insule præfecti nauigium, & omnes quotquot eo uehebantur,  
 occisi fuerant. Hic nostris e fratribus duo, cum ad commeatus pe-  
 tendos



tendos in terram descendissent, magnum adiere discrimen. Verum hæc omnia incommoda mirum quanta animi alacritate, non modo fratres, sed ipsi quos nobiscum una ducebamus, pueri exciperent. ut satis appareret quantum ex una parte laboris ad nostram probandam patientiam permetteret Dominus, tantundem ex altera auxilij ad leuandas difficultates, ipsius benignitate præberi. Ineunte Maio mense, Pataue soluimus leti, quòd primus deinde portus nobis Bungus Iaponicae terræ uidebatur futurus: quo in loco & Socij nostri, & multi Christiani præterea uersarentur. sed uel nostris peccatis, uel demonis inuidi scelere, uel Diuino cōsilio nos in ipso Pulonandaris medio sinu cursuq, atrox adeo tempestas oppressit, ut nauis, dehiscente carina, ex ingenti fluctuatione, aquæ tantum acciperet, quantum assiduo diurno opere, nocturnoq, exhauriri non posset. Tum præfectus, & comites Lusitani me per Deum obtestari, ne Iaponiorum salutem ipsorum uitæ, salutiq, anteponerem: eam sibi perspectam marium Sinensium, ac tempestatum esse naturam, ut si ceptum cursum tenere pergeremus, nobis pereundum esset omnino: itaque eorum precibus coacti, ad Palotimam, quam initio nōminaui, reuertimur: quanto nostro cum dolore, uos ipsi existimabitis fratres, cum tantopere expetitā a nobis nauigationē quasi retexere, ac remetiri cogeremur. Ad hæc ille quoque metus animū angebat, ne inuisa Deo nostra essent studia. cum interea & nauigium aquā non cessaret accipere, & redeuntibus uentus nobis tam aduersus ob-sisteret, ut quadragesimo die, ni fallor, non plus quàm 40 uel 50 leucas remensi fuerimus. Verum immensa Dei clementia, eos qui ipsi confidunt, cum in extremum uenere discrimen, tum subleuare maxime solita; diutius nobis opem ferre non distulit. Nam triduo post quàm Palotimam ex reditu attigimus, eodem naues Lusita-

næ duæ aquandi caussa, cum ad Sinas tenderent, accessere. quarum  
 præfector rogauere nos, ut quoniam tam periculose nauigaremus, una  
 secum onerarias conscenderemus: transmissionem ab Sinis in Iapo-  
 nem, Deo uolente, non defuturam: quæ me res tametsi magnam in-  
 dubitationem adduxit, tamen ut aliquam Sinensis prouinciæ noti-  
 tiam, & usum acquirerem, & simul ut explorarem qua ratione  
 posset aditus in id regnum Euangelio patefieri; statui denique ma-  
 gis ere Christiana futurum, si me ad Sinas ex itinere contulissem.  
 Sed pridie quàm in onerariam Francisci Tuscani e carauela transce-  
 dimus; grauius multo, quàm unquam antea, uitæ discrimen adiu-  
 mus. Densis enim tenebris, intempesta nocte, procella onerariam  
 tanto impetu nostrum in nauigium intulit, ut parum absuerit, quin  
 id prorsus deprimeret. quocirca soluto statim retinaculo; quod nos  
 onerariæ coniungebat, anchora iacta, in alteram nauem nostra mul-  
 to humiliorem incurrimus, quam ne demergeremus, anchorarios fu-  
 nes coacti præcidere, fluctuantes in saxa detrudimur: ubi naufra-  
 gium faciendum, & moriendum sine dubio fuerat omnibus, nisi di-  
 uina bonitas (humani quippe præsidij nil supererat) præsentis peri-  
 culo nos liberasset: cum multi uiuentes adhuc mortem suam luge-  
 rent, ac mirarentur Dei caussa susceptum iter, tot obstaculis retar-  
 dari, non intelligentes uidelicet, Dominum, quos diligit, eosdem cor-  
 ripere, & quasi aurum in fornace probare quos eligit. Conscendimus  
 igitur onerariam, & medio circiter Iulio ad Santianum insulam a  
 Cantonio portu Sinarum celeberrimo, leucas 30 distātem, scopulo-  
 sa quædam loca non sine magno naufragij periculo præteruecti, de-  
 uenimus. in ea mihi insula Dei benignitate concessum est, ut super  
 tumulum, qui Francisci Xauerij quondam ossa contexerat, sacra  
 missæ facerem. Et quod Xauerius dum uiueret tanto labore frustra  
 quæ-

et fierat, id ego, ipsius apud Deum precibus scilicet adiuantibus, nullo negotio sum consequutus, ut in urbem Cantonem admitterer. Nunc de Sinarum rebus, quoniam id uobis gratum arbitror futurum, testis oculatus pauca prescribam.

Sinarum regio multas in prouincias, uel regna diuiditur: quorum est celeberrima sua cuiusque metropolis. Harum autem, Cantonem omnium minimam ferunt: cum tamen (Lusitanorum sententia quotquot eam urbem inuisimus) Vlyssiponem incolarum frequentia superet: edificia sane bona, ualida mœnia: uie inter sese, ne furibus, ac maleficis transitus pateat, portarum claustris interseptæ: iam uero passim exstructi cum inscriptionibus fornices ad mille urbe tota uisuntur: hæc enim fere administrationis sue monumenta magistratu abeuntes Regij præfecti relinquunt. quæ uie fornicibus carent, eæ quandam repræsentant amœnitatem hortorum, arboribus letis ad ianuas ædium in ordinem insurgentibus.

Eorum quæ ad uictum necessaria sunt, mira in omni genere copia. in singulis urbis uijs affatim uenalia proponuntur. Circa mœnia nauigatur, magna aquæ ui in fossam urbis, e flumine deriuata. Cantonem euntibus iter est per infinitam ferme planitiem, & eam quidem irriguam, & opimam. nouas ter in anno fert fruges, quæ in urbenauiibus conuehuntur. Fructibus, animalibus, plantis, & cultu ipso, regio est Europæ persimilis.

Fœminarum summa custodia in publicum prodeunt tecta undique lecticâ conclusæ, corporis ornatu sane pudico. in adulterio deprehensæ, capite puniantur. Errones ac uagi urbe prohibentur. certus ac suus cuique opificum ordinis uicus est. Cum externis incolæ uaria mercimonia, ut sericum, pretiosa fistilia, camphoram, cuprû, alumen, lignum Sinense commutant. Natio est uentri ac uoluptatibus

tibus dedita: sed gubernandi ratio plene admirabilis. Singulis  
 prouincijs noui tertio quoque anno magistratus a Rege praeficiuntur,  
 non tamen indigenae: quorum, ex ipso comitatu atque ordine appa-  
 ritorum & asseclarum, ueneranda omnino maiestas imperij. Qui  
 publice ius dicit, ac ueluti Praetor urbanus est, Hexasi patrio ser-  
 mone appellatur. Qui regiam pecuniam ac uestigalia curat & exi-  
 git, Ponchasi dicitur. Rei autem maritimae & peregrinorum ad-  
 ministratio, pœnes Aitanem est. Accedit Chaen: cuius insignia,  
 manus & oculus: munus uero, capitales Regis sententias, multasq;  
 a cohorte Regia confirmatas, curare exsequendas; Regios mini-  
 stros uel in officio continere, uel etiam (si male se gerant) magi-  
 stratu priuare. Porro his omnibus quasi pro Rege praest Tutan:  
 cuius tota prouincia potestas admodum est formidabilis: pileo sibi a  
 Rege donato conspicuus, & uestimentis leone (insigne Regis id est)  
 inaurato distinctis: hoc ille amictus ornatus, ipsa grauitate ac specie  
 nostris Europae Regibus antecellit: eum nobis atque etiam Lusita-  
 nis praefectis non nisi genu flexo, & eminus quidem alloqui licuit.  
 habitat sumptuose. qui ad eum negotiorum causa adeunt, ijs ut a  
 ianitore admittantur, quid sibi uelint, ad singulas fores elata uoce  
 pronuntiandum est. stipatores corporis habet permultos a Rege at-  
 tributos. Et sane hominum millia centum ad huius dumtaxat Can-  
 toniae prouinciae diæcesim, atque praesidium regijs impensis ali dicun-  
 tur. Arma licetorum, arundines igne tostae sunt, cubiti unius longi-  
 tudine, latae digitos quattuor: ijs nocentium pedes, leui interdum de-  
 causa, acriter adeo atq; inhumane diuerberant; ut quinquagesima  
 plaga, damnatum uel prorsus interimat, uel certe fractis ossibus om-  
 nino debilitatū relinquat. Verberibus decem quidam, inspectante  
 me, cæsus est: quæ mihi ferre pro Christo si obtingeret; magnum  
 scilicet

scilicet premium mihi paratum existimarem. Praefectos uero ipsos per urbem sella gestari mos est. equi frenati sequuntur; magna praeeunte satellitum manu, quorum alij, quas dicebamus arundines, alij ferunt clauam, alij pendente ex humeris tabella, sericis floccis ornata, magistratus imperium ac potestatem declarant. Hi omnes, in ordinem bini, turbam magnis clamoribus summouent, quae uel in domos e uia se proripit, uel etiam honoris causa fores euertit: in transitu uero mirum silentium.

Iam in his populis ad Dominum conuertendis, illa meo quidem iudicio, uel maxima difficultas occurrit; quod plebs nouae religioni se addicere, nisi magistratibus approbantibus; magistratus, iniussu Regis, eam potestatem facere uerebuntur. Verumtamen tota de re cogitanti duplex mihi ratio ueniebat in mentem: altera quodammodo naturalis; ut cum a Lusitania Rege legatus ad Regem Sinarum foederis atque amicitiae causa uenerit; Sacerdotes aliquot e Societate nostra secum in haec loca deducat; qui, interea dum legatus Cantone subsistit (subsistere autem menses complures erit necesse, dum a Rege responsum accipiat, regia quippe urbs, ad quam flumine tenditur, distat hinc leucas ferme quingentas) aliquam huiusce linguae, legumque naeti peritiam, deinde per occasionem legationis eius una cum legato in ipsam usque Regiam penetrent. ibi cum sese moresque suos genti probauerint, tum denique Regium diploma obtinere contendant, quo populi a Christiana religione non modo non deterreantur, sed etiam ad eam ubique sectandam a magistratibus animentur. Altera est ratio, quae non tam humano consilio, quam unius Dei praesidio nititur; ut duo aliqui e nostris in has oras delati, comitibus discedentibus ipsi remaneant; cum Euangelij promulgatione aliquot arundinum plagas a quo animo pacifcantur; in

compitis ac plateis Christum palam predicare non dubitent. nec metu, ne si in carcerem quidem truantur, ab incepto desistant. quamquam illud in ea re inesse uidetur incommodi, quod interpretes, quibus maxime est opus, nulli ferme reperiuntur, nisi provinciales quidam adolescentuli, quorum neque animi fortitudo, neque prudentia, nec uita denique eiusmodi est, ut cum ijs, muneris tanti pars ulla tuto communicari posse uideatur. Ac mihi quidem ualde fuit optatum, posse in hac regione consistere, aut certe e Socijs aliquem discende linguae caussa relinquere: sed meum hoc consilium impedit partim delegata mihi Iaponis provincia, partim etiam sollicitudo de nostrorum salute, quos in discrimen offerre non audeo, non facta a magistratibus potestate manendi: ad quos tamen ego, licet oppidani affirmarent me nihil tale impetraturum frustra ea de re non semel adire tentavi.

Sunt autem Sine, quantum eo temporis spatio perspicere potui, ingenio ac iudicio bono; utique meliore futuri, si Christum sequenti, nuntium remittant uoluptatibus atque libidini, qua mentis acies magna ex parte retunditur: sunt etiam ad mechanica, et mercaturam idonei, & quaecunque ad uictum & cultum corporis pertinent. Ani mi uero immortalitatem, Deum unum, aeterna premia ac poenas ignorant; quocirca spiritualium rerum cura apud eos postrema. Sacrorum antistites eatenus in honore sunt, ut capitis tegumento in mitra formam utantur, mento & capite abrafo, despicatissimum alioqui genus hominum. Nullum ex ijs, quamuis adhibita diligentia, reperire potui, qui me gentis caeremonias, & iura sacrorum doceret. Incolae omnes idola apud se habent, quae odoramentis dumtaxat ac suffitibus uenerari mos est. Ad rem quamlibet auspiciandam per sortes oracula exquirunt, & si tristes ducantur, idola uidelicet uapulant. Ex quo



quo ad Sinarum terram appulimus, Cantonem cōtuli me bis, qua in urbe menses duos circiter posui, ut agerē de redimendis captiuis Lusitanis tribus, qui cum alijs Christianis prouincialibus totidem, admodum arcta sēuaq; in custodia detinentur: cuiusmodi calamitate oppressi nonnulli præterea Lusitani uarijs prouinciæ locis dicuntur esse: cum enim infestis hucusque Sinarum populis usi fuerimus, si qua Lusitanorum nauis tempestate in hæc litora eiecta est; uectores & nautæ uel necati ab incolis, uel in uincla coniecti sunt: quod tamen fieri desitū est postea quàm legitima pro mercibus portoria soluere Lusitani ceperunt. Verum, ad captiuos ut redeam, cum quemdam ex ijs Matthēū nomine præfectus ad se e carcere euocari iussisset, misericordiā eius mihi mouit aspectus: pannosus erat ac squalidus, capite ac pedibus nudis, manicis ad brachia, ferrea cathena ad pedes iniecta; collo autem inserto in tabulam, quæ scriptā uinculorū causam demonstrabat: quo maxime modo haberi dicuntur ij, qui sententia capitali damnati, mortiq; addicti sunt. Ac primo quidem redemptionis pretium mecum attuli, succinum crudum, quod magnis propositis præmijs a Rege cōquiri perhibetur, eo quòd persuasum habeat, hoc gummi genus cum quodam alio conditura genere sumptum, spatium uitæ producere: secundo autem, aureos ad mille & quingentos, quos mihi tres amici ea lege commodauerant, ut Lusitani redempti es hoc alienum, stipe a classiarijs & mercatoribus Christianis emendicata, dissoluerent. ea pecunia in urbe deposita est, Chaëni præfecto numeranda, si nostros homines liberos dimiserit, quorum hoc anno saltem unum solutum iri confidimus.

Sed hætenus de Sinarum moribus ac regione: unde ego in Iaponem Maio mense discedere cogitabam; quo tempore nec transmissio, nec Lusitani comites deerunt. Nunc autem epistolā egregio

Aloisij Almeida Lusitani factò concludam. is cum anno superio-  
re in Iaponem uenisset (uir est autem in his regionibus admodum  
notus) & Bungi cum Balthasare Gago congressus, eam Iaponen-  
sium fœminarum consuetudinem cognouisset, ut modo natos in-  
fantes per summam immanitatem necarent, quos propter inopiam  
alere se posse diffiderent; cum eodẽ Gago condixit, ut cū Rege Bun-  
gi ageret, quo mos hic pessimus ratione aliqua tolleretur: ad eam rē  
sefe de suo, quantũ esset opus pecunia, collaturũ. Placuit Regi cōsiliũ,  
seq̃ nutrices ad pueros educandos attributurum recepit. Itaq; Alois-  
ius Bungi ea de caussa remansit, adesq; comparat magna populi  
approbatione, in quas non modo pueri deferantur alendi baptizan-  
diq; sed etiam Christiani pauperes qui sunt in urbe, confugiant. Idẽ  
Aloisius cum nos nimis diu morari uideret (namque biennium cir-  
citer est cum soluimus Gya, quod tempus nauigando maxima ex  
parte consumptum est) ueritus ne qua difficultas nos retineret Ma-  
lace; duo coronatorum millia ad amicum misit; quibus nostra sub-  
leuantur incommoda. sed hac eius benignitate spero me non usum.  
Accepi autem ad eo litteras, quibus nostrum aduentum auide  
ab se exspectari ostendit; ut mecum de instituendo quàm maxime  
salutari genere uitæ (natus est autem annos fere 30) deliberet &c.  
Valete. E Sinarum portu Cantonio 11. Cal. Decemb. 1555.

Scripta iã epistola, exemplũ litterarũ adiungere mihi uisum est,  
quas Rex Firandi e Iapone ad me scripsit: nã ipsum archetypũ me-  
cum ferebam, quo facilius a Rege, si opus esset, promissa exigere.

#### Exemplum litterarum Regis Firandi.

Pater Mag. Franciscus cum meum in hoc regnum uenisset,  
Christianos fecit magna animi mei uoluptate nōnullos, quos equidẽ  
commendatos habeo, & ab omni iniuria tueor. Bis deinde ad nos  
uenit

uenit etiam Pater ille qui Bungi uersatur, baptizauitq; cum ex  
 affinis meis aliquot; tum ex reliqua nobilitate permultos: quem  
 ego uirum aliquoties audiui, eiusq; doctrinam, quæ mihi penitus  
 hæret in medullis, ita probaui, ut **CHRISTUM** sequi pla-  
 ne decreuerim. Quocirca te in meo Regno uidere magnopere cu-  
 pio: semel quippe mentitus, non mentiar iterum. Tu si ad nos te  
 contuleris, et rem Deo gratissimam feceris, et a me quàm hono-  
 rificentissime liberalissimèq; tractaberis. Firando.

Taqua Nombo Firandi Rex.

**COSMVS TURRIANVS SOCIETATI  
 IESV in Lusitaniam.**

**E**X quo tempore a Francisco Xauerio, qui postea migra-  
 uit e uita, Amangutij sum relictus; res per humani ge-  
 neris aduersarium minime tranquille fuerunt, qui cum  
 intelligeret quantum Euangelij promulgatione proficeretur, omni  
 ratione eam impedire conatus est, bellum enim Regem inter ac po-  
 pulares eius ita perniciosum excitauit, ut uigesimo post meum ad-  
 uentum die, Rege ipso cum filijs interfecto, alium, qui Regis  
 Bungi erat frater, in magna tamen principum dissensione, suf-  
 fecerint. Nec tamen a nobis interea cessatum est, nam ad an-  
 num 1556 (quod spatium fuit annorum circiter sex) assiduis  
 concionibus, ceterisque ex instituto nostro ministerijs obeundis,  
 Christianorum duo millia fecimus: quo tempore nonnulli e pro-  
 ceribus, coniunctis uiribus contra nouum Regem, sectatoresq;  
 ipsius, urbi Amangutio, seuum adeo incendium intulerunt;

P iij ut cum

ut cum amplius decem millibus familiarum incoletetur, unius horae spatio uniuersam flamma peruaferit, eo impetu, ut diuinū magis supplicium, quàm humanum facinus uideretur. Nec sane domus nostra templumq̃, ab eo incendio fuit immune. Post hæc affertur nuntius, aduentare hostes; quo audito Christiani conueniunt, communiquē sententia statuunt, non esse mihi in ijs tumultibus commorandum: denique uigesimo post incendium die, cum iam hostium exercitus ab urbe non plus tribus millibus passuum abesset, uehementer a me efflagitant, orantq̃ ut inde discedam. quorum ego precibus eo animo cessi, ut post eas turbas, ac seditiones redirem. Consilio perfectionis meae cognito, reliqui Christiani ad me concurrunt, nullam ea nocte partem capiunt quietis, cum alij peccata confiterentur, meumq̃ discessum lugerent; alij mecum una decedere decreuissent. quos ego ut potui, uerbis solatus, discepsi, multis me nihilominus ad nouem millia passuum prosequentibus summo cum dolore, ac gemitu. mortuum parentem in conspectu eos habere dixisses. Nimirum presagire iam tum uidebantur calamitates, quæ postea contigere: quippe deinde, & urbs funditus euersa est, & summa annonæ inopia, aliaq̃ id genus multa incommoda consecuta. In itinere cum diuellerentur a me, ecce tibi denuo lacrimæ uirorum, mulierum, puerorum; quæ me sane magno mœrore, tristitiaq̃ affecerunt: atque ita illi ad suos regressi sunt, ego Bungum iter intendi, qua in urbe uersabatur Balthasar Gagus cum duobus fere millibus Christianorum, quos ibi fecerat, eratq̃ magna apud Regem in gratia in Lusitanos ualde propensum, ad quem Prorex Indię certum hominem Regis Lusitanie nomine cum pretiosis muneribus misit, egitq̃ gratias quòd nos adeo humane, liberaliterque tractaret. Quo ille officio permotus, ades nobis, optimas ex materia cedrina

est elargitus: e quibus templum exstruximus cū reliquis ad incolendum necessarijs edificijs, operam suam in id nauantibus admodum impigre Christianis. Decreuit etiam nobis aureorum quinquagenum aestigal. Inde cum aestus belli iam deferbuisse uideretur, multi barbari ad uerbum Dei confluebant, ac fere semper ad Dominum conuertebantur aliquot, decem interdum, interdū quindecim, plurāq; aut pauciores, prout mentes eorum Spiritus sancti claritas illustrabat. Amangutio etiam Rex, regnique proceres, missis per Christianos epistolis, nos ad se inuitarunt. qua de re cum Regem ipsum Bungi amicitiae causa consulaissem, respondit adhuc maturum non esse, simul ac foret, se moniturum. suspicati sumus occultam aliquam coniurationem ipso conscio aduersus Amangutiū Regem esse conflatam, ut re uera fuerat; nam ex principibus quidam potens, Amangutium iam ex incendio ferme instauratum aggressus, diruit, magna ciuium parte uel direpta, uel in seruitutem abducta, Regis etiam fratre cum omnibus ijs, qui partes eius sequebantur, occiso. Ea re cognita, Bungi Rex magnas copias ad Amangutium occupandam misit, quo euentu adhuc incertum est.

Anno 1555. octauo Idus Septemb. Rex apud nos sane quā iucunde cœ nauit: a cœna de Deo uerba fecimus. ipse per quendam ex amicis iussit nobis renutiari uelle se certos pecunia fructus assignare alendis ijs, qui in sua ditione Dei legem docerent. Respondimus, nobis hoc non esse ita necessarium, sed in pauperum subsidium, hospitalem domum a nobis edificatam esse, quæ huiusmodi ope admodum indigeret, orare nos Regem, ut beneficium illud in eam domum conferret; quod fecit, & simul iussit nobis attribui aream in urbe imperij sui admodum ampla ac celebri Facata nomine, ab urbe Bungo quinque dierū itinere, ubi iā Balthasar Gagus aliquot

fecerat Christianos. Eo nunc Balthasar idem est rediturus, ut ibi diutius commoretur, atque commodius Euangelium prædicet. Christus Dominus noster, eas vires nobis, easq; uirtutes impertiat, quæ ad assiduos huius provincie labores periculaq; sunt necessaria. Valete. 6. Idus Septembris 1557.

## G A S P A R V I L L A

Societati IESV.



Nno 1555, cum in hæc loca Melchior comitesq; peruenissemus, nihil ad uos scripsi, propterea quod redituro mox in Indiam Melchiore, satis fuse de moribus hisce, ac regionibus ex ipso uos cognituros putabam. Nunc ea persequar, quæ post eius discessum præsentem me contigerunt, quo in omnibus immensa Dei bonitas magis eluceat.

Ubi terram hanc attigi, iussus sum Bungi habitare cum Cosmo Turriano, partim ut ingrauescentem iam illius ætatem, in tantis ac tam multis laboribus aliquo auxilio subleuarem: partim etiam, ut ex eius consuetudine ediscerem, qua ratione horum Christianorum ingenia colenda, tractandaq; sint. Balthasar autem Gagus, qui ibi erat, Firandum est missus, ubi portus est in primis celebris. Christiani nonnulli: Regulis præterea urbis eius ualde nos diligit, fecitq; nobis potestatem areæ coemendæ, qua in area Virginis Matris eadē sacram excitauimus, ad pios Christianorum usus, cum Iaponiorum incolarum, tum Lusitanorum, qui eo commeant. Gagusa Regulo humane exceptus est cum alio fratre nostro, itemq; alio Iaponio Christiano in rebus diuinis admodū erudito, quos secū adduxerat; Hos deinde cognouimus in neophytis instituendis magna cum lau-



de uersari . post Gagi discessum , campū coemimus patentem , nam perexiguus erat is, quē antea habebamus , donauitq̃ Rex nobis per-  
 amanter quasdam aedes, quas possidebat : quod beneficium pro cari-  
 tate edificiorum in hac urbe non parui faciendum est: attribuit etiā  
 annuos aureos quinquagenos, qua eius benignitate adhuc iccirco nō  
 fruimur, quōd eam pecuniam procurator regius interuertit. Aedes,  
 quas diximus, regia statim nobis usui fuere. ex ijs quippe in area no-  
 stra templū exstruximus, addidimusq̃ teētā nonnulla nobis ad inco-  
 lendum necessaria. Opus ad culmen perductum est. die sanctis om-  
 nibus sacro, anno 1556. Melchior primum in eo sacrum fecit solen-  
 ne. Inter hac dies aduenit, quo die Melchiori in Indiam redeundū  
 erat, quem a nobis dimisimus, nulla spe in hac quidem uita nos reui-  
 sendi. Inde muneribus spiritualibus fungendis ex instituto uaca-  
 uimus : tametsi non sine aliqua difficultate propter occultas con-  
 spirationes aduersus Regem in urbe conflatas a reliquijs coniurato-  
 rum , quos mense ante nostrum aduentum Rex capitali supplicio  
 affecerat , ac deinde ad ceteros minori suo cum periculo puniendos  
 in insulam quandam, quæ arcis instar est, sese receperat. Hisce tu-  
 multibus & recentes Christiani uehementer, & nos etiam aliquan-  
 tum perturbabamur animis, quōd ex Regis interitu (si forte id con-  
 tigisset) aut mors nobis imminere sine dubio uideretur, aut certe mul-  
 ta ac grauiā incommoda, quæ magno nobis impedimento forent quo  
 minus rem Christianam ex animi sententia adiuuaremus: uerum-  
 tamen nonnullis a Rege concessis, pax inter eum & ciues composita  
 est, & qualecunque otium consecutum.

De perduellibus autem (qui quidem principes, ac dynastæ sunt)  
 hoc maxime modo supplicium sumitur. Quo die Rex noxiū senten-  
 tia capitali condemnat, eo ipso die ad illum, ubicunque sit, uel urbe

tota libere uagantem, mittit qui nuntiet esse illi certo die moriendum. Quærit ex uiatore noxius, liceatne per Regem ultro sibi ipsæ manus inferre: quod si a Rege permittitur, magnum id sibi decus existimat: optimis uestimentis ornatus, sica sibi inet spatij quod est a summo pectore ad inum uentrem in crucis figuram secatur, atque ita animam efflat. Hoc genus mortis infamia uacat, nec filij quidquam iccirco de suo iure deperdunt. Sin Rex pœnam carnifici reseruauerit; tum ille seruis, amicis, liberisque contractis, in ædes arma comportat, ad præliumque se comparat. Rex Præfecto iudiciorum capitalium expugnationis negotium dat: eminus primo sagittis, propius deinde contis, & gladijs, ad internecionem usque certatur: atque ita perduellis interemptus, una secum familia tota deleta, perpetua in omnem posteritatem notatur infamia. Huiusmodi supplicio paulo ante nostrum aduentum coniurati nonnulli Regis iussu mactati fuerant.

Instituti nostri in re Christiana administranda eiusmodi ratio est. Primum, quoniam miseris hisce hominibus tanta sunt tenebræ, ut animam simul cum corpore interire, nullumque Dei iudicium de rebus in uita bene, uel male gestis futurum existiment; duos menses quotannis, Nouembrem ac Decembrem, usque ad octauum diem ante Natalem Domini dicem, ponimus in quotidianis, de morte, iudicio, pœnis inferni, deque celesti beatitudine concionibus; ad quas uniuersi fere Christiani conueniunt. Die uero mortuorum omnium commemorationi dicato, in eandem rem maiori etiam studio, ac cæremonia incumbimus. Toto autem eo tempore, cenotaphium habemus atratum: super id, responsum unum uerbis conceptis quotidie pronuntiamus, & sacra rituum illorum mysteria populo exponimus. Quo quidem anni tempore tanta uis frigoris est, ut  
præter

pieter aspiduum gelu matutinum, ingens etiam uis niuis e celo decidat. Sed Dominus pro sua clementia, necessaria nobis remedia suppeditare non desinit.

In festa Natalia, dimissis per finitimas uillas nuntijs, Christianorum conuentum indiximus: quorum, a uiginti quattuor, ac triginta millibus passuum, tanta multitudo confluxit, ut eos templa duo coniuncta, aedesq; nostrae priuatae non caperent. Media nocte sacrum solenne rite peregimus cum hymnis quibusdam pijs, de laudibus Natalium Domini, & non nullas e sacris litteris historias exposuimus, quibus rebus Christiani admodum delectati, & in sacrosancta fide confirmati sunt. Post eorum dierum celebritatem cum equum esse non uideretur, ut intra domesticos parietes inclusi, animas IESU CHRISTI sanguine redemptas in desertis regionibus perire pateremur; missus sum cum Ioanne Ferdinando ad uicum, quem Cutamen appellant, ubi aliquot Christiani uiuunt, quo & Gentilibus uiam ueritatis ostenderem, & Christianis solatium aliquod, atque utilitatem afferrem. Et quoniam iter illud pedibus iniquo anni tempore sine ullo com meatu faciebamus; nec frigoris nec famis incommodum defuit. Peruenimus ad montem, ubi nos quidam ethnicus excepit hospitio, & paululum oryzae dedit in cibum: & quia lucebat adhuc, ab eo petijmus, ut uiam nobis ad uicum quendam finitimum monstrare ne grauaretur: quo cum peruenissemus, ad uetulam Christianam probi uiri uxorem item Christiani, diuertimus. cuius nobis in ministrando studiū, & alacritas, cum ueteris illius, ac nascentis Ecclesiae laudibus procul dubio comparanda, omnem praeteriti laboris molestiam, ac defatigationem absterfit. Cœnam pro ipsius angustijs parauimus ex herba iname quam appellant, atque nasturtijs, cum anus ad nos cale-

calefaciendos ignem paucis quas habebat paleis excitasset. Eadem monita a nobis, ut aliquos ad Euangelium conuocaret, quamquā nox erat, frigusq; permagnum, tamen tantam in ea re diligentiam adhibuit, ut multos barbaros adduceret, ad quos cum apud senem quendam de salutis ipsorum ratione uerba fecissemus, decem ex ijs permoti diuinitus Euangelio credere: quos simul atque opportunum est uisum, magna nostra letitia baptizauimus. Accessit ad hos etiam senex annos natus septuaginta, cuius domi sermo de Deo (quem diximus) habitus fuerat. Is cum annos circiter octo graui admodum uoletudine laboraret, ita ut membris pæne solutis, inter loquendum uehementissime tremere, multis in uita homicidijs perpetratis, demonis cultor, cuius speciem sese identidem offerentem adorabat ut Deum; biduo post Baptismum Dei beneficio sanus, ac liber ab omni tremore surrexit, & omnibus inspectantibus, diabolicas sygraphas aliaq; id genus igne combussit.

Ex eo loco profecti, ante quam Cutamen peruenimus, nos in itinere nox oppressit. in magnis tenebris, frigore, gelu, incerti qua iter esset, aut quem percontaremur, Deum precati nos in uiam dedimus, & in cuiusdam barbari hospitium incidimus, qui nos ad Christianum honoratum hominem habitantem in ea solitudine misit, quem antequam inuenimus, iterum errauimus, sed ea ipsa noctis hora nobis obtulit Dominus, qui nos ad optatas illius Christiani ædes aliquando perduceret. Is nos simul ac uidit, statim nobis prouolutus ad pedes, nunquam se tanto in honore fuisse dicebat, confestimq; ignem exstrui permagnum iubet (quo sane egebamus) & cœnam, idq; eo animi ardore, ac iucunditate, quæ caritatem a Spiritu Sancto sibi impertitam non obscure indicaret. ea nocte in conselandis animandisque Christianis eius domesticis ibi posita, post  
stridie

stridie mane profecti, Cutamē uenimus, acceptiq̃ hilariter sumus a  
 Christianis, qui cognito nostro aduentu obuiam nobis processerant.  
 Hic, dierum aliquot moram fecimus, quo & Christianos confir-  
 maremus, & paganos ad Christum adduceremus, quorum decem  
 conuersi, alij miserabili quodam errore liberati sunt: cum enim se-  
 se de more dominis sacramento fidelitatis obstringerent, idq̃ ante  
 idolum stantes, sanguinemq̃ mittentes e brachio, descriptis ex eo lit-  
 teris quibusdam, quæ legi non possent, & ad extremum syngrapha  
 concremata, hero se fidem seruaturos esse iureiurando promitterēt;  
 omni studio fecimus, & effecimus, ut si minus eam consuetudinē  
 antiquare uellent, saltem per Deum conditorem celi, terræq̃ iuraret,  
 quod nobis omnes se facturos esse polliciti sunt, potiusq̃ mortem oppe-  
 tituros, quàm ad pristinam iurisiurandi formulam redituros. Ea  
 res Dominis eorū pergrata fuit, ipsorumq̃ fidem, nunc multo quàm  
 antea pluris æstimant. Circumspectis huius prouinciæ miserijs &  
 inopia, Cosmo uisum est, e re Christiana futurum, si in urbe Bun-  
 go Valetudinarium institueretur. Itaq; consilio cum Rege commu-  
 nicato, per amplam domum exstruximus, bifariamq̃ diuisimus,  
 ut altera pars leprosos (quorum magnus in his locis est numerus) al-  
 tera leuioribus morbis ægrotantes exciperet. Confluxere ilico leprosi.  
 complures, quorum curationi præfecimus unum e fratribus nostris  
 chirurgiæ peritū, qui contemptis ut Christum pauperē, exercitumq̃  
 sequeretur, delicijs seculi diuitijsq̃, quas possidebat, in Societatem no-  
 stram adscriptus est. Et quoniā urbe tota montibusq̃ finitimis multi  
 præterea inopes, egrotiq̃ uersantur; cōstitutus est Iaponius Christia-  
 nus annos natus 24, spectatæ uirtutis adolescens, qui castitatis uoto  
 alijsq̃ nonnullis uotis Deo sese dicauit, ut is egētibus, uiduisq̃ diuide-  
 ret eleemosynas, quas Christiani conijciunt in arcā ob eā ipsam rem  
 publice

publice positam. Augetur autem quotidie huiusmodi pauperum, atque egrotantium multitudo, in hospitali quam diximus domo, magno cum rei Christianae adiumento, & barbarorum pudore, cum uideant populares suos egrotos omnes gratis a nobis curari, necessarijs medicamentis adhibitis.

Ineunte Quadragesima, instituti sunt sermones de sacra Confessione, quam Iaponij tanto cum labore, lacrimisq; peragebant, ut nostrum nobis teporem tacite exprobrare quodammodo uiderentur.

Per idem tempus multa ac magna capitis pericula adiunimus cum enim Rex arce se contineret, quæ abest ab urbe uigintiquinque millia passuum, cumque magna latronum uis, sublati iudicijs, urbe tota uolitaret, quorum animi in eadem nostram a Bonzijs sollicitabantur; hyeme tota, mortem in horas singulas expectantes, pauco uino in usum sacrificiorum, alijsq; rebus nonnullis ut potuimus absconditis, cum uel in cibo capiendo mors nobis ob oculos uersaretur, uigilijs inter nos distributis (quod nunc etiam facimus) uitam nostram, magno sane labore incommodoq; tutati sumus. Quo tempore iussit Rex nobis renuntiari, se nihil opis in tali re nobis afferre posse: proinde nostræ salutis consuleremus, molestum sibi fore si quid nobis incommodi accidisset. Ac reliqua sane urbe item uigilia agebantur, sed omnis nostra spes, atque fiducia ex unius Domini clementia ac bonitate pendebat. Inter hos metus hyeme exacta, nullo tamen Quadragesimæ die non habitus est sermo de rebus Diuinis, aliquot sese quotidie diuerberantibus, cum sexta quaque feria noctu de passione Domini uerba fierent, flagrisq; in corpus suum omnes domestici nostri una cum Iaponijs centum ferme, seuirent, qui ad audiendum Euangelium uentitabant. Semihora dicendo absumebatur; inde uexillum Christi Crucifixi proponebatur, sat magnam,



gnum, postremo extinctis luminibus ueniebatur ad uerbera, nec ante cadendi modus fiebat, quàm psalmus, *Miserere mei Deus*, ad finem usque recitaretur, idq̃ ea pietatis significatione, ut cuiusvis animus ad religionem, & lacrimas commoueri posset. Inter hæc rursus *Amangutium* inuitamur: sed quia Bungi constabat opera fructus; & simul ne Ioannis Ferdinandi auxilio priuaremur (nam ei proficiscendum fuerat) *Amangutianis* rescripsimus, *Paschalibus* festis nos eo uenturos. *Sacro sancta* hebdomada, quanta maxima petuit ceremonia religioneq̃ peracta est. Primum *Dominico die Palmarum*, solenni sacrificio factò, ramisq̃ de more distributis, prodymus supplicantes, *Crucemq̃* præferentes permagnâ, emensaq̃ area spatiosa e regione ianua, foribus in reditu occlusis, *Cosmus*, qui extra templum, cum signo *Crucis* populoq̃ remanserat, clamare cepit, *Attollite portas*, cui respondebant e templo musici, ut solet. cum tertio denique admissus esset, & ad aram maximam ordo comitantium, non sine summa omnium lætitia peruenisset; sacrum missæ continuo ceptum est. *Passione Domini* decantanda, ingens animorum motus, & eorum, qui recitabant, & eorum qui audiebant est factus, tantumq̃ dolorem delictorum atrocissima innocentissimi Domini mortis narratio omnibus attulit, simulq̃ intimum solatium ita magnum, ut satis appareret, omnia hæc a Spiritu Sancto proficisci: atque ita sacrum peractum, & ritus illi sanctissimi quid sibi uellent, populo expositum est. ad hæc templi parietes pullo peristromate conuestiti, & sepulcrum excitatum est a sacratissimum Christi corpus condendum, ac persoluenda iusta solennia, adiuuantibus quinque Lusitanis, qui in hac urbe hyema-uerant, seq̃ ad nos Confessionis generalis causa receperant. Quartæ feriæ tenebras quas appellant, alternantibus choris canticum *Za-*  
chariæ,

## DE IAPONICIS REBUS

charia, cum symphonia; deinde psalmus, *Miserere mei Deus* magno cum sensu, lacrimisq; Christianorum; gentilium uero admiratione, & approbatione conclusit. Postridie, Christi corpus communicatum est cum Lusitanis, & Iaponijs aliquot Christianis, qui quidem ad tantum mysterium idonei uisi sunt; & quia tum primum caeleste illud conuiuium inibant, summa animi dulcedine ac uoluptate perfusi sunt, nec ipsi solum, sed etiam ceteri, qui aderant Iaponij Christiani. His rite peractis, corpus Christi condidimus, templum circumeuntes accensis luminibus. In sepulcri praesidio Lusitani duo, cum totidem pueris, armati maculis ferreis, & galeis tecti, sunt collocati: quae res cum tempus illud referrent, quo Christus liberator noster in terris uersatus est; Christianos mirum in modum commouebat, magnoq; male actae uitae dolore afficiebat uniuersos. Sextae ferie exsequias maior populi frequentia celebrauit. decantata passione Domini, & corpore Christi recluso non sine sensu, ac lacrimis omnium, mirabilis erat sacris peractis dolor ac maestitia Christianorum domum redeuntium: ijdem Sabbato sancto sacris adfuerunt. Ara in medio templo exstructa, sacello etiam maximo auleis pictaq; tabella exornato, in qua Christi resurgentis effigies cernebatur, multis praeterea candelis ardentibus, pulla praeindebatur cortina. hac simul atque chorus, *Kyrie eleison*, nouies cecinit, subito demissa, aram ipsam, & Cosmum stantem aperuit, qui e choro clam se subduxerat, seque ornatu sacrificantis induerat. Ubi uero Angelicus hymnus intonuit, confestim era campana uisumma pulsantur. quae res tanta ac tam repentina letitia Christianos affecit, ut mente paene emoti uiderentur, siue id ex praeterito maerore, siue ex rei nunquam ante id tempus uisae nouitate contingeret. sane ij nobis dicebant se iam nunc in hac uita fructum caelestis beatitu-

beatitudinis pręgustare. Atque his rebus in Christiana fide non mediocriter confirmati sunt. Paschali die quę consequuta est, corpus Domini circumtulimus sub umbella, cereis & candelis accensis, Symphoniaci, ceteriq; ministri fertis amęnissimis redimiti iucunde psallebant. Nec tempestiuus tredęcim aut quattuordecim sclopeta riorum strepitus, nec magna populi uis celebritati defuit. itaque cō cursus multitudinis nullum eo die locum sacro sermoni reliquit.

Dum hæc geruntur, affertur Amangutio nuntius, dynastam quendam nomine Moridonum copijs adductis, Regeq; Amangutij & principibus interfectis, urbem totam flamma ferroq; uastasse, nec pauperi quidem templo pepercisse, quod ibi cum quibusdā libris habebamus. Ac nobis utique si eo uenissēmus, fuerat moriendum; sed uidelicet nos Dominus dignatus hoc honore non est; quem habet ijs tantummodo, quos præcipue diligit. urbis excidiū ingens fames excepit, quę cum e barbaris multos, tum e Christianis nōnullos absumpsit; uniuersum uero ciuitatis statum ac sobolē in multos annos omnino perturbauit, ac perdidit. Atq; hi sane bellorum tumultus, quod adhuc experti sumus, Christianę fidei propagationem magno pere distinent; sed nihilo minus eo ipso tempore in urbe Bungo ubi commorabamur, multi Christiani fieri cępti sunt, præsertim ex inopi plebe. nam diuites fere mundo seruiunt, & obtrektorum uoculas pertimescunt. Firando etiam a Balthasare Gago litteras accepimus, in parua quadam insula, triginta uel quadraginta homines Baptismū petere, & Christianos eius regionis in Iesu Christi cultu proficere, phanumq; exstruxisse, quāquā pro multitudine populi exiguum. Quod uero ad nos ipsos attinet, nunquā occasiones desunt, quibus probemur & exerceamur a Domino. Etenim Bōzij fictis criminibus falsiq; testibus nos apud populū in inuidiā conātur adducere,

Q      quod

quòd scilicet humana carne uestamur : atque ad faciendam mendacijs fidem uestes manantes sanguine in adium nostrarum fores occulte coniungunt . idq̃ non semel hoc anno fecerunt , qui est a Virginis partu 1557. quocirca toto pæne Iapone percrebuit , nos demonas esse , nec uerbis nostris habendam fidem . quod etiam scriptis in ianua nostra propositis palam edicunt . A pueris etiam interdum lapidibus petimur . Complures praterea nos fæde & contumeliose compellant , tametsi contra honesti uiri permulti reuerentur , & colunt .

Huiusmodi periculis (ut dicebam) tentamur a Domino, & praeclare docemur , quàm parum sine illius ope ualeamus ipsi . Idem tamen hæc Iaponiorum peccata dissimulans , clementie suae non obliuiscitur , ad alliciendos ad se animos nonnulla supra naturam interdum efficiens . Quendam multis iam annis pæne paralyticū Baptismo lustratum intra paucos dies sanitate donauit . Mulierē a siduo singultu etiam dum loqueretur, & cibum caperet , iam diu laborantem per Baptismum eo uitio liberauit . Aliā energumenam , ut primum Christiana facta est , demon reliquit . Emontanis quidā cum febris conflictaretur , ad templū nostrū descendit , certus inde non ante discedere , quàm sanitatē reciperet , postridieq̃ cōualuit . Iam in ipso Valetudinario , quod diximus , uulnera , ueteresq̃ , decem atq; etiam uiginti annorū abscessus quarto decimo interdū die sanantur . Atque hæc omnia necessaria sane sunt ad huius gentis tenebras dissipandas , detegendosq̃ diaboli dolos , atque præstigias . simulat quis ex composito se mortuum esse , hunc uenefici extractum e sepulcro se ad uitam reuocasse mentiuntur . Interdum etiam adiuuante demone ægrotos aliquos curant . Quidam cum multis iam dies nusquam appareret , ueneficorum opera repente comparuit . Defunctus , cum efferreretur

ferretur nescio quis, ubi ad feretrum detegendum sepeliendi causa uentum est, nullum cadaueris ne indicium quidem inueniunt. Hisce alijsq; id genus artibus miseros Iaponios diabolus decipit: quorū ad cetera scelera, quæ multa sunt, illa etiam accedit immanitas, ut filios infantes adhuc, crudeliter enecent, uel quod unum aut alterum sobolis causa satis esse, uel quod in rei familiaris angustijs eorū felicitati hoc pacto se consulere arbitretur. Persuasum habent etiā alicubi: quæ mulieres uetrem ferant, eæ feminā si pepererint, ad inferna damnari. quæ re permotæ factū in utero medicamentis interimunt. Iam uero uetantur Iaponij de uita exitu cogitare, ne uidelicet mortis metu a flagitijs deterreantur. Quocirca mortē repentinā exoptant, beatumq; putant cui ita obire contigerit. Sunt etiā qui dæmonem colant, eoq; familiariissime utantur, quos Iamambuxas hoc est milites conuallium appellant, ij ad famam sanctimonie colligendam, sese grauius puniunt, stant, uigilant; cibo parcissimo utuntur; altero denique uel tertio mense, ubi satis factū esse diabolus pronuntiauerit; nonnullis stultitiæ socijs una secum adhibitis, emendicata a popularibus stipe, mare petunt, nauiculamq; conscendunt, cuius sentinam ita perforant, ut accepta paulatim aqua mergatur. Ad hæc, diabolus magnopere satagit quo brutorum animantium specie uulgo adoretur. atque ut boues colant, hominem occupat; percontantibus nomen, respondet se regem esse boum: rogatus ut abeat, negat se ex homine discessurum, nisi templum sibi ex ædificaturos esse recipiant. Si pollicentur, abscedit. si promissa non fecerint, rursus reuertitur, oppressumq; hominem uarijs cruciatibus torquet, quo usque phanum ædificent, in quo diuersas belluarum figuras pro numine uenerantur, capitali etiam alicubi pœna proposita, si quis bouem occiderit. Interdum etiam uenatores, si quam feram intere-

L ij merint,

merint, suis ueneficijs in morbum inducit. itaque eius rei metu feras pro demone suppliciter colunt. Quae omnia facit ille nimirum ob eam causam, ut mortales uero Dei cultu deserto mutent gloriam incorruptibilis Dei in similitudinem imaginis corruptibilis, hominis, & uolucrum, & quadrupedum, & serpentium. Iaponiorum doctrina seu superstitio multiplex est. alij nescio quem iam mortuum colunt nomine Amidam, alij quendam, quem Xacam nominant. est etiam heresis eorum, qui lingua patria Fotoqui uocantur, in opinionum suarum prauitate usque adeo pertinaces, ut aures Euangelio prorsus occludant. negant enim fidem habendam nisi scriptis ijs, quae apud se habent: & pro miraculo est, si quis eorum Christiana sacra suscipiat. Denique Soli etiam, ac Lunae deorum honores habentur, nec non ipsi demoni, cui templa erigunt, atque in ipsis templis effigiem eius multo quam nos faciliorem ac deformiorem depingunt. Multi sunt etiam cætus cœnobarum utriusque sexus, albo uestium colore, rufo, nigroque distincti, uita moribusque turpissimi. Iaponiorum tres precipue ordines numerantur: Patritij, qui uectigalibus ciuitatis fruuntur: Bonzj sacrificuli, quorum item ampli sunt redditus: Operarij, qui aliorum ueluti seruitia sunt, semper ijs laborant, semper ijs obnoxij degunt. nam nec patritijs inopia quamuis extrema nobilitatem aufert; nec operarijs quantauis pecunia dignitatem affert ullam, nec unquam operarios inter ac nobiles matrimonia commiscuntur.

Societatis nostrae in his partibus tria domicilia sunt. Amangutj unum, ubi multi erant Christiani: uerum aedes eæ una cum urbe ipsa incense, & solum a barbaris templo Idolorum postea dicatum est: tamen si nunc audimus nonnullos qui super fuerunt Christianos, id ipsum iudicio repetijisse, eiusque possessionem nostro nomine recepisse.

Alterum



*Alterum est domicilium Firandi, licet exiguum. Tertium, idemq̃ omnium maximum est hoc Bungenſe, quod in primis ſtabile Deo propitio futurum uidetur, tum propter Regis (quamuis nondum Chriſtiani) eximiam erga nos beneuolentiam, & alijs rebus & in conſilio dando probatam nobis, & cognitam; tum etiam propter exiſtimationem a nobis apud præſectos regios magiſtratusq̃, collectam. Accedit quòd Rex, Euangelij promulgationem in ſuo regno ſibi gratam eſſe demonſtrat. Ad quem ſi Rex Luſitaniae Ioannes, patronus ac parens Societatis noſtræ legatum quempiam mitteret, multum ea res (ut arbitror) ad eius conuerſionem ualeret. Vos etiã atq; etiam Dominum obſecrate cariſſimi fratres, ut Regem hunc excitet: nam utiq; ex eius conuerſione huius regni totius inſularumq̃ conuerſio pendet; quippe cum ſit Iaponis regum hodie in primis potens.*

*Septembri menſe, Firandum, cum ibi Balthaſar Gagus eſſet, duæ Luſitanorum naues appulſe. Itaque a Coſmo ad eius ſubſidium in Confeſſionibus audiendis, alijsq̃ laboribus, quos noua prouincia ſecũ affert, eo ſummiſſus. Meo aduentu Gagus, & Luſitani, & ipſe regulus oppidi ualde gauiſi ſunt. Et quoniam Chriſtianorũ ueterum uita moresq̃ apud hos populos in utranque partẽ plurimũ ad exemplũ ualent, primũ omnium ſuadere Luſitanis inſtitimus, diligẽter cauerent, ne quẽ neophytorum exẽplo ſuo offenderet. Multos Confeſſione purgatos ſacra Euchariftia reſecimus. omnibus uero dominicis, feſtiſq̃ diebus, ad Luſitanos a nobis, ad prouinciales a Iaponio Chriſtiano comite noſtro magnæ uirtutis homine, et ſalutis ſuorũ cupidiffimo conciones habebantur: ſemel etiam cum ſymphonia ſacrificauimus, & ſolenni ſupplicatione. præibant ſclopetarij quadraginta cũ diſploſione feſtiua: hos tibiſq; ſequebantur: deinde Luſitani duo cũ*

funalibus, & crucifer unus dalmatica indutus: tum e fratribus due Litanias concinebant: postremum locum tenebat ornatu corporis pretioso Balthasar Gagus sacerdos. Ubi in conspectum nauium uentum est, in quibus erant uexilla sublata uarijs crucibus coloribusq; fulgentia; pratercuntes nos maioribus tormentis honoris causa consalutarunt. Frequens tum ibi forte mercatus erat, quo ex omnibus fere partibus negotiatores conuenerant. Itaque spectaculum magna Christianorum letitia, magno barbarorum conuentu atque approbatione celebratum est. Cum ad Crucem peruenissemus, quam nō longe ab aedibus nostris locauimus; habita de laudibus Crucis oratione, ad templum eodem ordine redymus. Faxit Dominus ut per hos sanctos ritus qui cernuntur, Creatorem suum agnoscant homines, qui corporis oculis cerni non potest. Interim nuntiatur letus rerum Bungensium progressus, simulq; Pauli obitus natione Iaponij, quem egrum Bungi reliqueram, uirum magnis uirtutibus praeditum. Hunc ferunt, agentem animam, intermortuis uocibus nihil tamen aeque clare pronuntiasse, ac IESVS, MARIA; cuius mortem homines pariter, uitamq; admirati sunt. Istrieniniū iam in uinea Domini laborauerat fidelis operarius comesq; noster magno animi ardore, spiritu, curaq; salutis humanae. Itaque multum eius morte damni fecimus. egre enim in tanta hominū nequitia similem Paulo reperias. Balthasar Gagus Cosmi iussu ex eo loco Facatam profectus est, ut possessionem adiret areae quam Rex nobis ad aedes edificandas attribuit. Inde Bungi regem inuiset, ut is totam rem auctoritate sua confirmet. speramus autem id ualde e re publica futurum. est enim ea urbs ceteris aliquanto pacatior, quod mercatores opulenti, qui ibi commorantur, diuitijs metuentes suis, imminenti belli pericula largis muneribus, & congia

rijs re-

rijs redimunt. Hic locus quantum iam quintumue annum abundat annona. exspectamus uicissim uaccas Pharaonis strigosas, quas utinam Deus arceat: effodit enim pectus, infantium multitudo a parentibus tali tempore pereuntium: quibus si nunc in ipsa uilitate non parcant, quid in caritate putandum est? Magna enim (mihi credite) fratres carissimi sterilitatis incommoda ac difficultates in his regionibus sunt, prorsus ut ipsi diuites herbis tolerent uitam. Idcirco nos Iosephi prudentiam imitati, in annum insequentem aliquid semper custodientes, Christianorum inopie, ac necessitati consulimus: tamen si inter Iosephi horrea nostraq; permultum interest, quippe apud nos non nisi nasturtiorum folia, lactucaq; sole tostæ adseruantur. Res frumentaria in his locis est perexigua: nam triticum ubi maturum est, imbrium ui tempestatumq; deperditur. Oryzam fere depetunt, eamq; non ita multam, ut uniuersæ urbi sufficiat: nec ea pauperes, nisi si quando gratulationis causa, uescuntur: quos tamen omnes Domini benignitas alit, ac sustinet.

Scriptis his litteris, cognatus quidam Reguli Firandensis armis Regi Bungensum illatis acie uictus est, quem quoniam Firandensis Reguli ope adiutum Rex Bungi cognouit, uastitatem eius regno inferre constituit. propterea Bungo scripsit ad me Cosmus rumore esse, Bungensem exercitum infestis signis in hac loca uenturum: proinde si opus esset, rebus nostris mature prospicerem. Ex hoc denique intellexi quid esset, cur antea me Rex Bungi ut Octobri mense hinc discederem, per litteras monuisset. Huius belli metu perterriti afflictiq; Christiani quidam ad me noctu uenerunt, professiq; sunt, si ego Firandi remanerem, se ad oppetendam mecum una mortem in templum nostrum esse uenturos: sin minus, intra priuatos parietes uitæ finem exspectaturos, quos ego salutaribus preceptis in-

structos, ijs uerbis quæ tempori ac rei conuenire uidebantur, bono esse animo iussi. Huius insula Firandi circuitus nouem passuum milia colligit, & aliquot habet uicos, quorum maximus est hic ubi sum in præsentia, familiarum omnino ducentarum. In reliquis sunt Christiani nonnulli, quos, nisi bellum impediat, singulis hebdomadis inuifere statui.

Hac habui, mihi carissimi fratres, quæ de hoc anno 1557 scriberem. Vos oro per IESUM CHRISTUM, ut precibus uestris mihi uera summisionis perfectæq; obedientiæ uirtutem ab ea impetretis, qui me a caussa ad ignominiosam usque Crucis mortem esse obediens uoluit. Ex insula Firando. quarto decimo Kalend. Nouemb. 1557.

## MELCHIOR NVNNES SOCIETATI IESV in Lusitaniam.



Nno post Christum natum 1555. ad uos dedi litteras ex ora Sinarum, ubi hyemare coactus fueram, cum Iaponem tenere non potuisssem. Multa in eo itinere & magna uitæ pericula adiuiimus, cum aut in uada incideremus, aut inter sese naues incurrerent. In eo autem portu Sinarum cum comitibus meis ad mensem Iunium usque substiteram, quod anni tempus Iaponicæ nauigationi uulgo putatur idoneum. Sed cum repente decretum esset insequentem quoque hyemem ibi traducere; continuo Lusitanos qui simul aderant circiter trecentos consuetis officijs spiritualibus adiuuare instituiimus. Casa itaque & templo e paleis raptim exstructo, quotidie Christiana doctrina tradebatur: omnibus uero dominicis festisq; diebus sacræ missæ & uerba de rebus di-

uinis non sine magno fructu siebant. Quo quidem tēpore dici non potest, fratres carissimi, quantū uoluptatis animo ceperim, cum uidere in Sinarū regione, inter tot seculorū idololatrias, diuina sacrificia peragi, & Euangelium promulgari: & præsertim hebdomadæ sacro sanctæ Paschatiscq; solennia multis eorum qui aderant lacrimis lætitiaque celebrari. Illud etiam percommode factum est, ut Lusitani aliquot redimerentur, ab incolis iam diu in uinculis habiti, mortiscq; licet iniuste damnati. Tenebantur autem adeo tetra inmaniq; custodia, ut nisi hisce oculis ego ipse uidissem, nunquam fieri posse putassem, ut quisquam eo uitæ genere spiritum duceret.

Quadragesima exacta, Cantonem Sinarum urbem (quæ Vlyssiponi magnitudine pæne par est) tristes nuntij perferuntur, quibus omnes ualde perterriti sumus, in prouincia Sancijs, e Sinarū prouincijs una, tantā repēte aquæ uim, scaturigine crebra, e terræ uisceribus erupisse, ut omnē circa regionē ad passuum centū octoginta millia inundauerit, urbes septem uillasq; complures obruerit, omnibus incolis uel ipsa inundatione demersis, uel si inundationem effugissent, demisso cœlitus igne consumptis. Quod ita pro certo est habitum, ut Chaurel, qui magistratum Cantone summa cum potestate gerebat, quod patrē atq; familiam ea calamitate amisisset, administratione deposita (id enim in patris luctu solenne est) ad obrutam Sancijs prouinciā magno cum squalore discesserit. Hæc autē de Sinis tantummodo cognita sunt: nam Lusitanis alijsue omnino aduenis mediterranea penetrare nō licet. Inde, anno proximo, qui fuit 1556, Ianio mense Iaponē uersus nauigare perreximus, & duas inter insulas certū naufragij uitæq; discrimē Dei beneficio euasimus. cuius clemētia, & in eiusmodi periculis cura salutis nostræ, nostrā in ipso fiducia nō mediocriter auget, magnāq; spē affert fore, ut Bungi Rex  
ad Chri-

ad Christum adiungatur, præsertim cum eius rei, Rex ipse, litteris ad Proregem Indiæ scriptis, significationes dederit non obscuras.

Cum ad Bungi portum appropinquaremus, ad oppidum quoddam appulimus, cuius oppidi principes, sumptis armis ab Rege Bungi defecerant. ibi ex incolis qui ad nauē accesserant, audimus Bungi urbem totam euersam esse, ausugisse Regem, putare se nostros etiam Socios, qui Bungi commorarentur, occisos. Ea res quamuis falso nuntiata, omnes quotquot eramus in naui, magnopere conturbauit, ac perculit. Sed Bungum nihilo minus uento aduerso contendimus, & Socios omnes incolumes DEI beneficio offendimus. Quos ego nobis ad litus obuiam prodeuntes quanto meo gaudio uiderim, uerbis exsequi fratres carissimi nequeo, prorsus ut a morte reuocati mihi uiderentur. Neque uero in eo congressu Cosmus ille Turrianus temperare lacrimis poterat, bonus utique senex, & uir plane egregius. Annos aliquot Amangutij uixerat, in ea urbe relictus a Francisco Xauerio: toto eo tempore nullum gustauerat carnis genus, nec pane piscibusue recentibus (quibus rebus id oppidum caret) sed oryza tantummodo Iaponio more decocta (quæ eiusmodi est, ut eam comedas non nisi fame ac necessitate coactus) salitōq; pisce, aut oleribus uescebatur: ijsque cibarijs ita assueuerat, ut carnes iam sine uoletudinis incommodo manducare non posset. Is Amangutij rem Christianam administrauit egregie, multis magnisq; laboribus ac difficultatibus fortiter superatis. Etenim uel intra priuatos ipsos parietes a Bonzijs lapidibus sputisq; appetitus, illusus, & contumeliose tractatus est, cum sine magno periculo domo pedem efferre non posset, idq; ob eam maxime causam, quod post Francisxi Xauerij ex eo regno discessum, Rege ipso Amangutij ex insidijs interfecto, assiduo pæne bello ac seditionibus, cum uni

uerse



uerſe fere nobilitatis ac magistratuum cæde regnum illud exarſerat: cuius rei culpam Bonziꝝ ( quorum eſt magna apud plebem auctoritas ) cum in Chriſtiana ſacra ſuſcepta, neglectaſq; Deorum religiones conferrent; tantam in inuidiam Coſmum adduxerant, ut & mundus illi crucifixus, & ille mundo uiciſſim, iure optimo dici poſſet. Sed eum in hiſce incommodis, & erumnis præclara nimirum conſcientia ſuſtentabat: quippe qui ad Chriſti Domini noſtri gloriam retuliſſet omnia, & Amangutianam Eccleſiam interim conſeruari atque augeri intelligeret. Denique mihi narrabat, nunquam ſe in uita, letitiæ ac uoluptatis tantum cepiſſe, quantum per id tempus Amangutiꝝ percepifſet. plane ut exiſtimem illum e lacrimarum mira ſuauitate & copia, magna ex parte oculorum acie perdidiffe. Ut Bungum ueni, dedi operam ut Regem ipſum inuiſerem, multiſq; eum rationibus ad CHRISTUM traducere ſum conatus: ſed fruſtra, partim quòd hoſtium metu in locum munitum ſeſe præſidij cauſſa recepiſſet, partim etiam quòd ſibi intelligeret Chriſtiana lege mores eſſe mutandos. Accedebat illa quæ ſuſpicio, fore ut populares ſui Chriſtianum regem ferre nollent, ac proinde interficerent. Sed illud maxime retardabat hominem, quòd dæmoni deditus eſt in hæreſi ea, quæ animum ait una cum corpore interire, ſpiritum eſſe nullum; & nihil omnino præter ea quæ ſenſu percipimus. Egimus diligenter cum eo, ut cum Bonziꝝ aliquot, quorum eſſet præcipua ſapientiæ exiſtimatio, coram ſe regniq; principibus diſputatio de religione inſtitueretur a nobis, peruerſitatem opiniorum ipſorum, & ueritatem Chriſtianæ fidei noſ aperte demonſtraturos. quod ille uerbo ſe facturum nobis promiſit: re ipſa quanquam eſſlagitantibus nobis non præſtitit. Sunt autem Bonziꝝ cum regni proceribus affinitate coniuncti, nobis uero, quòd

## DE IAPONICIS REBUS

quòd plebi eorum scelera fraudesq; detegimus, iniquissimi, tantisq; mendacijs populum onerant, nihil ut Euangelio in his terris maiori impedimento esse uideatur. Quod idem Francisco quoque Xaue-  
rio (quamuis id nos celaret) usu uenisse nunc demum cognoui. Quot ille in ijs locis incommoda superauit. cum pedibus iter assidue face-  
ret, cum per uias, adesq; Bonziorum, ac principum concionaretur, uulgaribusq; cibarijs, quæ insipidissima sunt, uictitaret. In magnis uero frigoribus, instar famuli a pedibus, Iaponios equites citato gres-  
su persequebatur, talari ueste nunquam deposita, & quidem sarcu-  
nula onustus, ut eo comitatu insidias latronum effugeret. Idem in castigandis Iaponiorum flagitijs & superstitionibus adeo fuit liber ac uehemens, ut trepidaret comes eius, qui mihi hæc deinde cuncta narrauit. Quoties ille puerorum insectantium uociferationes, iur-  
gia, lapidationes constanti semper, inuictosq; animo pertulit. Mor-  
te uero pro Christo usque adeo optabat, ut eam ultro pæne querere ui-  
deretur. Regis quidem Amangutij nefario flagitio libere atque acriter accusando, non obscurum adyt uite discrimen. Iaponijs pro-  
ceribus quibusdam eum parum honorifice compellantibus, tremen-  
tem interpretem, & mucronis ictum in singula momenta exspe-  
ctantem, iisdem compellationibus (tametsi citra contumeliam) re-  
spondere iubebat. idque non contumacia elatus, sed quòd illud sen-  
tiret ac diceret: nullam (ut tum res erant) suæ doctrinæ dictorumq;  
in ijs locis auctoritatem futuram, nisi maiore apud eos esset in hono-  
re, quàm ipsimet Bonzi, quos illi sane ualde reuerentur. Quam eius  
animi magnitudinem uitæq; contemptum Iaponij usque adeo mira-  
bantur, ut etiamnum magnum apud multos nomen sanctitatis ob-  
tineat. Ego in grauisimam febrim incidi magno sane uite periculo:  
ex qua tertio denique mense euasi: cumque res Iaponicæ turbulen-

re exiguam spem profectus ostenderent, infirmo etiamnum corpore ad meum prouinciale munus in Indiam mihi renauigandum existimaui. Quo licet seuissima (qualem nec uidere me in uita meminisse, nec uero existere unquam posse putauit) dierum quinque tempestate iactati, incolumes Deo miserante peruenimus: cuius bonitatem supplices exoramus, ut quos e tot periculis ereptos in hac loca perduxit, eosdem obedientia duce ad celestia regna sedesque peruenire patiatur. Cocino. 4. Idus Ianuarias 1558.

## GASPAR VILELA

Societati IESV Goam.

**A**Nno superiore, fratres mihi carissimi, ad uos fuisse perscripti res cum alijs huius prouinciæ locis, tum præsertim Firandi gestas, ubi annum sum commoratus. quo temporis spatio Christiani mille & trecenti facti, templaque tria Christo dedicata sunt, quæ Idolorum ædes antea fuerant. quam rerum conuersionem aduersarius ægre ferens, magnas in nos turbas per Bonzium quendam excitauit, qui ex incremento rei Christianæ acris odio in nos iam ante concepto, habita etiam nobiscum disputatione turpiter uictus, tanta cum indignatione discessit, ut suum dolorem alia ratione punire omnino decreuerit. Confestim praua Bonziorum dogmata atque mendacia uulgo predicare instituit, idque eo euentu, ut cuius nomen Firandi ante id tempus obscurum atque ignotum fuisset, plurimos iam sectatores haberet; nec plebs modo, sed ipsi Bonzij ex eius ore penderent. Is populum in nos uehementer suis concionibus incitabat, monebatque & hortabatur, ut nos, sicuti Franciscum Xauerium antea, finibus pelle-

rent,

rent, atque ita Deorum ab se iram ac minas auerterent. quibus rebus effectum est, non solum ut multi in nos falsum dicerent testimonium, sed etiam (quod Christianos uehementius pupugit) Crucem effrangerent in sacro cœmeterio positam: quam iniuriam & Regulus oppidi, & aliquot alij Christi gloriæ cupidi quanquam ulcisci parati, iustitiam tamen de causis patiēter tulerunt. Dominus uero Deus noster nihil ijs alijsq; multis eorum sceleribus motus, sed recordatus miserationum suarum antiquarum, pro flammis atque fulminibus signa misit e caelo ad eorum tenebras fugandas perquam clara et illustria: et quæ in media aeris regione species Crucis apparuerunt, aliaq; prodigia ualde conspicua. uerum enim uero usque adeo densa caligine mentes eorum obductæ sunt, ut insolitam lucem intueri nequiuērunt; sed potius in sua pertinacia obfirmatiores, neophytos à Christi cultu summa uir reuocare conati sint.

Meacum est urbs totius Iaponis caput, frequentissima academia, litteratorumq; conuentu percelebris, cui ciuitati quòd Euangelij lux nōdum affulsit, Cosmo Turriano Rectori nostro uisum est faciendum, ut aliquis nostrum ad explorandum ciuitatis statum, simulq; tentandum quis ibi locus Euangelio sit, mitteretur. Eius rei gratia crebris supplicationibus ac sacrificijs rite peractis, hæc mihi prouincia obtigit, quāuis ad tantū onus haud quaquam idoneo. Sed qui illud mihi per obedientiam imposuit Dominus, idem ferendo quoque suppediabit uires. Equidem, quod ad me attinet, mortem, iniurias, incommoda, & frigora quæ in ijs regionibus maxima sunt, mihi propono. Iaponice linguæ tametsi consuetudinem aliquam nativus sum, tamen quo facilius atque commodius cum Iaponijs agere possim, interpretem e Societate nostra Iaponium mecum duco, iamq; me ad iter accingo. Itaque ne longior sim temporis angustia, prohibent.

bent. Illud a uobis fratres carissimi enixe peto quæsoq̃, ut me in tali tantaq̃ re omnis opis egentem, Domino quàm diligentissime commendetis. Ex Iapone. Cal. Septemb. 1559.

## IOANNES FERDINANDVS

Melchiori Nunni.



Cetera proximi superioris biennij cognosces ex litteris ijs, quæ publice missæ sunt. Nunc accipe quæ mihi in presentia occurrunt. Bungenſium Christianorum in suscepta religione maior in dies firmitas atque constantia cernitur: quippe sese Penitentiae, & Eucharistiae sacramentis identidem muniunt: sacris concionibus adsunt, subinde se uerberibus puniunt, aliaq̃ pia munera diligenter obeunt: horarias preces quotidie recitant, cruciatibus Domini in horas singulas ita distributis, ut uniuersam eius historie seriem singulis diebus ea ratione percurrant. Neque uero Facatæ, quanquam templo a militibus direpto & disturbato, cessatum est. Nam præter fæminas puerosq̃, patres familiarum sex baptizati sunt, quorum opera illam Ecclesiam propediem restitutum iri confido. Atque ut intelligas, Iaponij Christiani quantum in uirtute profecerint; narrabo quid uni eorum nobili genere nato contigerit. Is cum esset Amangutij apud amicum opulentum, qui agros oryze feraces ei fruendos dederat, cumq̃ uideret se occupationibus distineri, quo minus Christo, quemadmodum optabat, totum se manciparet ac traderet; fundo uectigalibusq̃ relictis, Facatam una cum uxore, liberis, ac seruis uenit, ubi non modo se ipsum Deo uere atque ex animo dedit; sed filium quoque indolis egregiæ nobis tradidit tenera adhuc ætate, Societatis nostræ doctrina præceptisq̃ imbuen-

dum.

rent, atque ita Deorum ab se iram ac minas auerterent. quibus rebus effectum est, non solum ut multi in nos falsum dicerent testimonium, sed etiam (quod Christianos uehementius pupugit) Crucem effringerent in sacro cæmeterio positam: quam iniuriam & Regulus oppidi, & aliquot alij Christi gloriæ cupidi quanquam ulcisci parati, iustis tamen de causis patiēter tulerunt. Dominus uero Deus noster nihil ijs alijsq; multis eorum scelerebus motus, sed recordatus miserationum suarum antiquarum, pro flammis atque fulminibus signa misit e caelo ad eorum tenebras fugandas perquam clara et illustria: etenim in media aeris regione species Crucis apparuerunt, aliaq; prodigia ualde conspicua. uerum enim uero usque adeo densa caligine mentes eorum obductæ sunt, ut insolitam lucem intueri nequiuert; sed potius in sua pertinacia obfirmatiores, neophytos à Christi cultu summa uir reuocare conati sint.

Meacum est urbs totius Iaponis caput, frequentissima academia, litteratorumq; conuentu percelebris, cui ciuitati quòd Euangelij lux nòdum affulsit, Cosmo Turriano Rectori nostro uisum est faciendum, ut aliquis nostrum ad explorandum ciuitatis statum, simulq; tentandum quis ibi locus Euangelio sit, mitteretur. Eius rei gratia crebris supplicationibus ac sacrificijs rite peractis, hæc mihi prouincia obtrigit, quāuis ad tantū onus haud quaquam idoneo. Sed qui illud mihi per obedientiam imposuit Dominus, idem ferendo quoque suppedabit uires. Equidem, quod ad me attinet, mortem, iniurias, incommoda, & frigora quæ in ijs regionibus maxima sunt, mihi propono. Iaponice linguæ tametsi consuetudinem aliquam natus sum, tamen quo facilius atque commodius cum Iaponijs agere possim, interpretem e Societate nostra Iaponium mecum duco, iamq; me ad iter accingo. Itaque ne longior sim temporis angustie prohibent.



bent. Illud a uobis fratres carissimi enixe peto quæsoq̃, ut me in tali tantaq̃ re omnis opis egentem, Domino quàm diligentissime commendetis. Ex Iapone. Cal. Septemb. 1559.

## IOANNES FERDINANDVS

Melchiori Nunni.



Cita proximi superioris biennij cognosces ex litteris ijs, quæ publice missæ sunt. Nunc accipe quæ mihi in præsentia occurrunt. Bungenſium Christianorum in suscepta religione maior in dies firmitas atque constantia cernitur: quippe sese Penitentiae, & Eucharistiæ sacramentis identidem muniunt: sacris concionibus adsunt, subinde se uerberibus puniunt, aliaq̃ pia munera diligenter obeunt: horarias preces quotidie recitant, cruciatibus Domini in horas singulas ita distributis, ut uniuersam eius historię seriem singulis diebus ea ratione percurrant. Neque uero Facatæ, quanquam templo a militibus direpto & disturbato, cessatum est. Nam præter fæminas puerosq̃, patres familiarum sex baptizati sunt, quorum opera illam Ecclesiam propediem restitutum iri confido. Atque ut intelligas, Iaponij Christiani quantum in uirtute profecerint; narrabo quid uni eorum nobili genere nato contigerit. Is cum esset Amangutij apud amicum opulentum, qui agros oryze feraces ei fruendos dederat, cumq̃ uideret se occupationibus distineri, quo minus Christo, quemadmodũ optabat, totum se manciparet ac traderet; fundo uectigalibusq̃ relictis, Facatam una cum uxore, liberis, ac seruis uenit, ubi non modo se ipsum Deo uere atque ex animo dedit; sed filium quoque indolis egregiæ nobis tradidit tenera adhuc ætate, Societatis nostræ doctrina præceptisq̃ imbuen-

dum.

dum. Idem, ut uni Deo uacaret, depositis omnibus seculi negotijs, totum Quadragesimæ tēpus apud nos posuit, ubi quidquid a quotidianis missæ sacro & concione supererat temporis, precando, contēplandis sempiternis præmijs atq; supplicijs, morteq; & extremo iudicio, cōsumebat: quibus rebus in Domini nostri IESU CHRISTI cognitione, & amore crescebat in dies. Accedebat ad eius constantiā uirtutemq; corroborandam, rerum a martyribus pie fortiterq; gestarum assidua cogitatio: ex quibus, præcipue diui Stephani delectabatur præclaro facinore, pro lapidatoribus suis in extremo spiritu Dominum deprecantis. Ubi hebdomadæ sacræ dies uenerunt, uitæ maculis per Confessionem diligenter elutis, ipso Paschatis die cum alijs quattuor aut quinque celesti pane sese pauit ac munijt. Quinto autem sextoque post die, capta urbe Facata, ex principibus quidā (qui seditione commota in Regem Bungi arma ceperat; is apud quem noster Christianus (ut diximus) Amangutij antea uixerat) se ab illo desertum indignatus, eum a sicarijs ad necem conquiri iubet: quos ille ubi se adorientes aspexit, non modo arma non sumpsit, cum esset uir alioqui fortis ac strenuus; sed etiam quasi mansuetus agnus in genua procubuit, tam diu ad Dominum Deum oratione conuersa, quoad usque eidem animam reddidit. nec dubitamus quin preces pro interfectores fuderit. Etenim diui Stephani exemplum intimis eius medullis inhæserat. Filius apud nos, uxor autem & filia apud sanctam fæminam precationi ac penitentiae deditæ in uirtutibus ualde proficiunt.

Alexander est quidam alius Christianus. is cum esset in famulatu potentis uiri in agro Facatensi, haberetq; in eodem famulatu socrum & coniugem, quæ uxori domini seruebant; a Spiritu sancto permotus, ea familiaritate salarioq; relicto, Facatam, Baptismi peten-

petendi caussa concessit. quo impetrato, perceptis iam Christianæ fidei rudimentis, tota de re dominum fecit per litteras certiore, eumq̃ ita IESV fauente commouit, ut coniugem & socrum ad ipsum continuo dimiserit, quæ item ad Ecclesiam aggregatæ sunt. & coniux quidē, quindecim post diebus excessit e uita, IESVS, MARIA, pie pronuntians: quā multis rationibus in celum ascensisse confidimus: Alexander uero uxoris morte sanctissime obita adeo permotus est, ut omnem pecuniam abijcere, uitam celibem agere, & quoad spirauerit, Cosmo Turriano parere decreuerit. Pijs sacrificijs tuis, & reliquorum patrum fratrumq̃ mihi carissimorum me ualde commendo. Bungo. 3. Nonas Octob. 1559.

EX EPISTOLA GVLIELMI AD SOCIETATEM IESV in Lusitaniam.

**E**Go cum Gaspare Vilela Firandum in subsidium Christianorum Bungo contendere, annumq̃ ibi totum uterque partim in baptizādo, partim in Christianā doctrinā pueris tradenda consumpsimus: qui per uias, campani æris sonitu conuocati, eam paulatim edidicere, peritioribus quibusdam ex eorum numero constitutis, qui magistrorum uice apud ceteros fungerentur. Atque etiam per urbem publice quæ didicerant alacriter concinebant; nec barbarorum nos insectantium clamore, derisionibus, probris deterriti sunt, quo minus captis alacri studio insisterent. resq̃ eo iam loci processit, ut filij priuatim parentes ipsos edoceant, seq̃ inuicem inuitent ad eam noctu, modo apud hunc, modo apud illum decantandā, quo parentes etiā uocant suos. Hebdomadæ sacræ diebus, Gasparis hortatu certus in urbe locus ad mōtis Caluarij speciem

R est

est comparatus, quo Christiani ad audiendum uerbum Dei, seq̃  
 diuerberandos pie admodum uentitabant. In Iaponis proceribus  
 Christianus est quidam Antonius nomine, cuius in ditione sunt cir-  
 ca Firandum aliquot insule, ac uici. In ea loca Gaspar Christiano-  
 rum rogatu profectus, incolas p̃ene omnes tantò Antonij gaudio  
 uoluptateq̃ conuertit, ut Antonius ipsemet incendium ædibus ido-  
 lorum inferret: quarum custodes, quam demonibus dederant ope-  
 ram, eandem conditori suo, qui uere Deus est, deinceps dare cape-  
 runt. Firandi, in ædibus Antonij nouis, Gaspar habuit concionem,  
 ibiq̃ Antonius eo ipso die Christianis omnibus epulum præbuit: et,  
 quo nihil gratulationi deesset, diuinitus factum est, ut filius eius etiã  
 tum ethnicus cum quibusdam domesticis mulieribus conuerteretur  
 ad Dominum. Multa prætereo, quæ ex nostrorum litteris cogno-  
 scetis. Christus Dominus noster nos tum ad perspiciendam penitus  
 uoluntatem ipsius illuminet, tum ad eandem rite exsequendam pro  
 sua bonitate confirmet. Bungo. 4 Nonas Octob. 1559.

BALTHASAR GAGVS  
 Societati IESV Goam.



Uæ mihi in mentem uenerint de statu rerum Iaponica-  
 rum, complectar his litteris, tametsi in magna rerum  
 uarietate ac mutatione, quæ nobis bene dere Christiana  
 merendi laborandiq̃ maiorem etiam occasionem præbuit. Versa-  
 mur in hoc Bungenſi domicilio nouem omnino patres fratresq̃ cum  
 Iaponijs aliquot hospitalium domorum ministris. oppidani quoti-  
 die, sed dominicis præsertim diebus festisq̃ præcipuis ad templum  
 ita frequentes a millibus passuum amplius nouem conueniunt, ut  
 ades

ædes multitudinem uix capiant, interdum etiam bonam eorum partem excludant. Quotidie sacris peractis elata uoce recitatur Christiana doctrina. Complures Iaponij qui propius absunt, singulis sabbatis Confessione, celebrioribus uero diebus etiam Cōmunione sese confirmant. Et mirum, ipso statim generalis Cōfessionis initio, quæ sacrum præire solet, ac Iaponice recitatur, ex auditorum oculis emicant lacrimæ, ac multo etiam uberiores, cum sacerdos corpus Domini tenens manibus, Demine (inquit) non sum dignus: quæ uerba tunc ipsi quoque Iaponico sermone pronuntiant. Itaque mei sane ualde me pudet, cum hosce homines uideo uix ante biennium ad lumen a cecitate conuersos, tanto sensu ac dolore affici delictorum suorum. Iam uero sortiuntur etiam apud quem dominici diebus coeant ad sermones inter se de religione ferendos: eoq; nostris aliquem accersunt, qui matutinam concionem ipsis in memoriam reuocet, atque in ea quid quisque potissimum animaduertit, in medium asserunt. Hac pia sermonis communicatione absoluta, symbola pro cuiusque facultatibus in pauperum funera conferuntur. Atque hoc ipsum institutum & consuetudinem Amangutiani quoque, sibi a Cosmo Turriano iam ante quadriennium traditam, retinent. Bungi hospitales ædes habemus duas, alteram plagis ulceribusque curandis, alijs morborum generibus alteram, exstructam hoc ipso anno 1559, ex lignea materia, multo ampliorem, in qua media aram excitauimus. Absolutum est edificium die Visitationi beate Virginis sacro, ibique postridie primum sacrificatum est, habitaque oratio de rebus diuinis magna cum uoluptate, letitiaq; Christianorum: quos uniuersos eodem coactos unus ex ijs conuiuio excepit. Eius Nosocomij conclauia sexdecim sunt, quibus medici quoque hospitium est contiguum, uiri in

curandis egrotis diligentissimi. Ab æstate proxima ad hoc usque tempus amplius ducenti omni morborum genere liberati sunt, cum neminem Cosmus, quamuis desertum ac desperatū excluderet: cancriq; ac fistulæ ueteres amplius decem et septem annorum, ac uiginti, tanta felicitate curatæ sunt, ut Dei potius beneficium, quàm humana medicina fuisse uideatur. Quamquam in chirurgia sane excellit unus e nostris, qui alios etiã domesticos docuit, in quibus est qui propter egregiam Iaponicæ linguæ notitiam, simul & pharmacis corpora, & animos monitis ac salutari doctrina curare possit. Itaq; multi ex ijs paulatim conuertuntur ad Dominum. Iaponius erat quidam Meacēsis, domestica Bonziorum disciplina ac superstitionibus a puero institutus. Is, non solum audito Euangelio credidit, sed etiam cognita nostræ uitæ ratione ad nos Bungū una cum Cosmo concessit. Incitabat ipse se ad omnem uirtutem, secumq; præclare pugnabat: & quoniam rei medicæ uacauerat, composita quædã exposuit duobus libris, Sinarum lingua; deinde migravit ad Dominū. huic successit Michael, quo item sanctissime uita functo, Sine duo a Cosmo sunt substituti, qui eos libros ediscerent. Composita sane facilia, & efficacia sunt, prorsus, ut eorū quibusdam statim admotis morbi pellantur. Gulielmus quidē Pereria cū huc appulisset, egrotus ipse, et reliqua ipsius turba naualis; ijs medicamentis omnes ad sanitatē perducti sunt. atq; opus hoc, ære priuato hætenus Christiani prouincia les, & mercatores aliquot Lusitani sustentāt. Sed Rex præterea in eosdem sumptus uetigal attribuit, ex quo pacatis rebus annui capientur aurei trecenti. Fæmina est septuaginta annos nata, maiorem Iaponis partē emensa, cum stipi a Principibus cogendæ uacaret, exstruendis idolorum templis, quorū illa præcipuo quodam studio cultuq; tenebatur. Hæc ubi Firādum uenit, Dei uerbis

auditis



auditis Baptismum enixe petijt, quo impetrato, Bungum se contulit, factaq; ibidem habitandi potestate, prope eadem nostram perpetuum sibi domiciliū comparauit. huius uirtus Christianis ad exemplum praelucet, uictumq; sibi suis manibus ipsa cum quaerit, tum duas praeterea mulieres, Christianis maritis defunctis honoratis hominibus alit uiduas, & in officio atque opere continet: singulis sabbatis peccata confitentur, inopem ducunt uitam, carnemq; suam solitudine ac pœnis uoluntarijs edomant. Quidquid ex parta labore suo pecunia superest, id continuo in Valetudinarij subsidium conferunt: iamq; praeter lineas tunicas aliaq; similia, in usus pauperum aureos etiam nummos plus centum & quinquaginta erogarunt. sunt etiam ex Christianis qui ceteros, & per urbem, & per uicinos montes aliquo morbo laborantes inuisant, quorum inopie, cum opus est, aliquod per eosdem uiatores e Valetudinario subsidium mittitur. Christianus est Michael quidam, cuius hero uita functo homine pecunioso; qui magnam alebat familiam, ad funus conuenere Bonzj permulti, qui una cum familiaribus eius Iaponico ritu quotquot habent idola, suis quaeq; nominibus, elata uoce inuocare ceperunt: quos Michael, quamuis mortis metu proposito, non modo noluit imitari, sed etiam multis eos rationibus, sane constanter ab ea impietate reuocare conatus est. Alius erat in eadem familia Christianus, nomine Emanuel, qui Bonzijs aliqua ex parte in ea uociferatione consensit. is deinde a Michaelo obiurgatus, culpam agnouit, atque ultro ad pœnam delicti postulandam uenit in templum, & die quodam Dominico dum sacrificatur, sese flagris acriter non sine copiosa sanguinis profusione cecidit. qua satisfactione a reliquis Christianis accepta & probata, cum Ecclesia in gratiam redijt. Alius item

Christianus, cui nomen est Paulo, quod in solenni quadam barbarorum gratulatione uexillifer esse recusasset, Regis auctoritate ac beneficio uix obtinuit quo minus ab ijs male multaretur, eiusq; domus disturbaretur. Mos est Christianorum, in usus templi aliquid semper e suis fructibus conferre: ipsumq; templum magna admodum cura tuentur; in grauioribus uero difficultatibus, siue turbines ac procellae seuiant (quae in his locis ita sunt uehementes ut aedificia euerant, euellant arbores, si uero imbris mistae sint, emota etiam loco semina dissipent) nobis praesto sunt: siue belli uis ingruat, armati statim ad templi defensionem accurrunt. in eo quidem tumultu, qui hoc ipso anno excitatus est, cum Balthasar Gagus Facatae pene obsessus ab hostibus teneretur, Christiani permulti sese ad eum liberandum, uel capitis sui periculo comparauerant. Sed cum Dominus, una cum reliquis ea obsidione locoque, inscientibus inimicis exemit.

Superioribus diebus Gaspar Vilela Meacū est missus, quod etsi iam dudum erat in optatis, nunc tamen opportunius uisum est, cum simul omnes in hanc Bungi urbem conuenissemus. Interpres eum comitatur Laurentius frater, cum Iaponicae linguae, morumq; tum rerum Christianarum peritissimus, excellentiq; ingenio praeditus. secum ferunt librum, a Melchiore conscriptum, ab ipso autem Laurentio Iaponice uersum: commodum etiam accidit, ut eo ipso tempore hinc profisceretur Meacensis quidam, qui illis dux itineris optimus esse possit. quattuor in uniuersum hoc iter ingressi sunt, quibus Dominus utinam pro sua infinita bonitate aditum muniat, gentemq; illam ad suas tenebras agnoscendas, moresq; mutandos illuminet. se igitur in uiam dederunt sexto Idus Septemb. 1559, non sine magno omnium dolore ac lacrimis. Iamq; eos Meacum Dei beneficio

beneficio peruenisse cognouimus. Quid ibidem egerint, qui status sit rerum, ut ex hac parte, prout e re Christiana fuerit, absentibus consulatur, propediem cognoscemus.

Nunc uenio ad res Facatenses. ea est urbs ampla, & opulenta, negotiatoribus frequens, in planitie sita. Bungo distat pedestri quinque dierum itinere. Inde Firandum maritimus traiectus est passuum octoginta millium. Anno superiore, Paschalibus festis exactis, cum Rex nobis domum, ac templum Facatæ secus mare dono dedisset in suburbano, in quo agricole ferme septuaginta uersantur, commissus sum, cum Ioanne Ferdinando, qui Iaponicam linguam tenet optime, cuius ad conciones cum magnus concursus fieret, baptizari aliqui capti sunt, uerumtamen lente, nam ante Baptismum Christianis rudimentis diligenter instituuntur, & certas precandi formas mandant memoriæ, denique intelligunt in ea religionis mutatione quid suscipiant, quidue deponant. conuersi sunt ex eo numero sex patres familias, nec inepti homines, & locupletes. eodem conueniebant etiã indidem Christiani aliquot, qui iam antea Euangelio crediderant, itemq; Amangutiani nonnulli. Cum res ita procederent anno 1559, officijs hebdomadæ Sacrosanctæ persolutis, cū ceteris (locus enim erat idoneus) sacratissimæ Eucharistiæ mysterijs ac caeremonijs; altero Paschalium die armatorum duo millia possessionibus suis pelli se ab Rege, prefectoq; regio Bungensi, (qui forte ibi tum erat) acriter questi, Facatam aggrediuntur: atque eo quidem die exclusi ab incolis, nocte uero insequente prodentibus Bonzijs, urbe uicq; potiti sunt. Hic nos in densis tenebris, sublata in humeros Cruce, rebus nostris diligenter quisque pro sua parte consulere. Ac primum omnium quædam templi ornamenta cum Ioanne Ferdinando, puerisq; domesticis, in Firandensem nauem

imponimus: quæ continuo discēssit. Inde ego & Gulielmus, comitibus Christiano quodam incola Syluestro nomine, & Lusitano, qui in his locis eo tempore uersabatur, in nauem confugimus duobus passuum millibus stantem in salo. nauarchus, qui ex hostium factione esset, simul atque oppidum captum cognouit, statim cum suis de nostro interitu capit inire consilium. suadentibus cunctis, ut nos e medio tolleret, & periculosum fore dicentibus, si nos direptos, ac spoliatos abire permetteret; unus ipse, non tam misericordia adductus, quam lucri spe, quod multo plura nobis superesse arbitraretur, eam sententiam dissuasit. quo quidem tempore cum actum de nobis esse arbitraremur, ueniam delictorum apud se quisque suorum a Deo supplices precabamur. Sylvester autem ille Iaponius, non necessitate compulsus (omnia enim ea pericula effugere poterat) sed beneuolentia, & caritate, quamquam enixe recusante me, una conscenderat, cum diceret certum sibi esse nobiscum mori. eum ego noctu sæpe singultientem, effuseq; plorantem audiebam, quod agi de nece nostra a nauiculariis cognouisset. quinimmo facta sibi ab illis abeundi potestate nunquam est usus. idem ex ijs quæ secum attulerat, ita multa cum nostris amisit, ut unum ei superesset indusium: post aliquot dies nauiculæ tres armatis hominibus refertæ nauem inuadunt, ipsumq; nauarchum arreptum expilant, nos uero ipsis etiā uestibus, quæ nobis erant reliquæ, una tantum relicta intima tunica exuunt. cum ijs deinde in nauiculas descendimus. qui tria passuum millia cum processissent, antequam ad terram appellerent, inter se spolia diuiserunt. quod illi dum faciunt, uir quidam ex eo comitatu præcipuus qui me nouerat, mihi togam, comitibus uero meis aliquid singulis ad corpus tegendū reddidit. descensione in litus Facientium facta, noui nos labores, noua pericula excipiunt. nam ex hostibus

hostibus hi qui in terra remanserant, partem prædæ ab eis qui in mari nos diripuerant, efflagitare ceperunt, quæ cum ijs communicata discedunt. nos in litore sumus relictæ. magna autem erat eo loco uis populi, portæ uero oppidi clausæ, dispositaq; præsidia. hic nobis alius pugionem, alius hastam intentans, dari sibi aliquid minaciter postulant: alij uero nobis manus etiam inferunt, ut uinctos in suas uillas abducant. denique nos uestimentis plane omnibus nudant. in ea turba, ac tumultu conijcimur in aggeris quendam hiatum, quod apud eos futuræ necis indicium est. tum uero plebs in nos cateruatim irruere, nos clamoribus suis ad cædem exposcere: nos regnorum euerfores appellare, alijsq; huiusmodi probris contumeliose proscindere. quæ uoces dum ab incondita plebe iactantur, ecce tibi miles specu illo nos extrahit, strictoq; gladio, ubi sunt, inquit, pecuniæ? Cui nos: uides in quo statu simus, & petis ea, quæ nō habemus. mittit ille cōfestim in oppidum sciscitatum, nobis porro quid faceret. Dum in his uitæ periculis uersaremur, Syluester interea admissus in oppidum, Ioannem quendam Christianum, cui cum hostibus magna erat necessitudo, de nostro statu fecerat certiores. qui uestimentis quattuor sumptis, continuo ad litus excurrit, summotaq; magno impetu multitudine, ex eorum manibus, qui nos iam captos tenebant, eripuit. simul etiam adfuit ex oppido nuntius, qui nos occidi ueraret. Inde Ioannes domum suam perductos, cibo nos, igneq; refecit, uadimonium etiam pro nobis magistratibus promisit, eosque tum pollicitationibus, tum uero muneribus mitigauit. Et quoniam in ijs tumultibus casu disiunctus a nobis Gulielmus cum puero Christiano in manus militis cuiusdam inciderat, eo ipso die nulla interposita mora Ioannes militem adiit, pretioq; redemptionis transacto (id fuit aureorum uiginti) nostros domum reduxit: in qua decē dies

dies morati, quòd ea negotiatoribus ualde frequens esset, magistratum iussu ad alium Christianum diuertimus, ibiq; dies quinquaginta latuimus. Breuiarium ego per eos dies cum reliquis rebus amiseram: id quoque Ioannes & reperiit, & mihi suo ære coemptum reddidit. Tercio mense inter eos labores ac metus exacto, ueniam denique profectionis, sine ulla uel hospitum nostrorum uel Christianorum aliorum molestia aut detrimento, a magistratibus impetrauimus. mihi enim utique certum erat quiduis perpeti potius, quàm damni quidquam cuipiam eorum importare. Bungi autem ut nos euasisse cognitum est, ingens cum Regis ipsius, ac procerum aliquot, tum Christianorum gaudium fuit: quorum nonnulli nobis obuiam ad urbem accedentibus ad tertium lapidem non sine cibarijs prodire: ad secundum uero, atque ad primum, alios item offendimus uino fructibusq; ad nos recreandos aduectis, atque ipsis etiam umbellis ad solem arcendum. nec uero mulieres ei gratulationi defuere, quæ sublati in sinum infantibus, item longe nobis occurrerant: atque hæc omnia mira cum alacritate, letitiaq; fiebant: plorare alij gaudio, alij sublati in cælum oculis Deo gratias agere, quòd preces ipsorum exaudisset: omnes uero & mihi, & inter se gratulari; narrare, quanto nos beneficio Dominus, e quot quantisq; periculis exemptisset. Nam quid ego de patribus nostris, & fratribus dicam? qui ut nos iam a se desperatos incolumes redeuntes uiderunt, tanta uoluptate letitiaq; perfusi sunt, tantaq; nos uicissim, ut ærumne omnes præterita tanquam somnium euanesceret. Laudetur Dominus; qui in his partibus ita remotis, gentem hanc uix dum posito Christianæ militiæ tyrocinio, tanto diuinarum rerum studio inflammant. Magnum hæc, mihi credite fratres carissimi, solatium afferunt: nec regnum est ullum cum Christi obsequio conferendum. In illis calamita-



mitatibus etiam Firando Christiani ter quaterue non modo uestes atque cibaria, sed etiam pecuniæ tantam ad nos copiam submiserunt, ut ego ualde timerem, ne ea res ab aduersarijs cognita, dimissionis nostræ, ac liberationis negotium retardaret. Nec uero Facatensium quoque Christianorum eo tempore subsidia defuere: ut affirmare possim, Socios nostros nunquam ita omnibus copijs abundasse, ut nos in eo statu, Dei beneficio abundauimus: quam eorum in nos caritatem ac studium Dominus ipse compenset. Ab urbe Facata condita nihil unquam simile ijs tumultibus exstitisse ferebatur: quo facilius persuasum est barbaris, omnes eas calamitates nostræ causa contigisse: quare tanta in nos ira perciti sunt, ut ædes nostras, ac templum, & cetera omnia diruerint, denique puteum ipsum quo utebamur, glebis oppleuerint.

Ineunte Quadragesima, honestus uir Christianus, quo commodius rebus diuinis uacaret, possessionibus relictis, amicoq; potenti, apud quem familiariter uiuebat, ad nos se recepit: filioq; uno quem habebat, in Societatis nostræ disciplinam tradito, ipse toto eo Quadragesimæ tempore pedem finibus ædium nostrarum nusquam, ne ad suos quidem extulit: quinta autem sacræ hebdomadæ feria in cæna Domini cum ante aram in primo fidelium ordine constitisset, præsentem in Eucharistiæ Sacramento Dominum alloquens, omnes eius cruciatus, quos optime nouerat, memoriaq; tenebat, sigillatim ita recensuit, ut uniuersi generis humani redemptionem æque sibi uni, ac ceteris omnibus applicaret: idq; eo animi sensu, ac dispositione uerborum, ut omnes in sui admirationem conuerteret. ubi perorauit, flagris in sua terga capit seuire tanta cum perseuerantia, ut eum cohibere necesse fuerit. is deinde Paschali die Dominico cū alijs aliquot, corpore Domini sumpto, paucis post diebus ab interfe-

Et oribus

Et oribus circumuentus, quos iratus barbarus miserat, is quem diximus ab eo relictum fuisse, magno sane animo sublatis manibus, oculisq; in cælum defixis, occisus est. uxoris solitudinem, ac liberorum orbitatem, qui bonam uirtutis frugem pollicentur, nunc res familiaris nostra sustentat. Superioribus litteris alterius Christiani hominis item honesti multos iam annos nati mortem exposui, quam ipse quoque in ædibus nostris obiit: is allato ad se extremo corporis Christi uatico, cum iam præ imbecillitate loqui non posset, aspectu Domini recreatus, in eiusmodi uerba uocem soluit, quæ inhabitare in eius animo Dominum testarentur. In agro Firandensi, Gasparis Uilelæ Antonijq; uiri principis & Christiani maxime opera, Christiana res ita feliciter gesta est, idola tot igne consumpta, euersa phana, ipsis ædituis ad cultum Christi traductis; ut eius rei dolore accensi barbari, diabolicis instincti furijs Crucem insignem Firandi iam diu positam a nobis, præciderint: templumq; Gaspare exterminato, cum ipsa ara & imaginibus disturbarint. sed Dominus horum neophytorum educationi, qui laborantibus nobis adeo amanter affuerunt, consulat: id utique se admodum optare nobis per litteras ipsi demonstrant: cognouimus etiam unum ex ijs rei Christianæ peritum infantes baptizare. Dominum obsecrate etiam atque etiam carissimi fratres, ut afflictam Ecclesiam hanc pro sua clementia excitet. Bungo. Kalend. Nouemb. 1559.

LIBRI SECUNDI FINIS.

# DE IAPONICIS REBUS EPISTOLARVM

LIBER TERTIVS.



LAVRENTIVS IAPONIVS  
Societati IESV &c.



**A**CCEPI uestras litteras, quæ mihi perius  
cundæ fuerunt: & quoniam intelligo quan-  
to uicissim desiderio teneamini aliquid de  
statu nostro cognoscendi; exponam paucis,  
quæ nobis in hac Meacensi prouincia conti-  
gerunt. Primum igitur Didaci domum  
deuenimus in Sacomoto uico: qui uicus ia-  
cet ad môtis Frenoiamæ radices, in quo cum cænobia litteratiq; per-  
multi: tum uero insignis cuiusdam principis Bonziorum domiciliū  
cernitur. ad eum montem cū peruenissemus, misit me Gaspar cum  
litteris ad Bonzium nomine Daizembum, quibus ille perlectis, ad-  
uentusq; nostri caussa cognita: respondit magistrum suum ex prin-  
cipibus eius ordinis unum, qui Bungo nos euocauerat, anno superio-  
re extremum diem obiisse, & se tenui re familiari, auctoritate nul-  
la in monasterio relictum, presidio nobis esse non posse. ad eum ta-  
men postridie Gaspar, & ego reuertimus: & quoniam nos auide  
ipse, decemq; eius discipuli Bonzij audire uidebantur; apud eos uer-  
ba se

ba fecimus: a quibus admoniti nullas religiones in ea loca iniussu Bonzj eius regionis maximi induci posse; dedimus operam diligenter, ut eum conueniremus. Sed cum res parum procederet; oppidi praefectum postremo rogauimus, ut nos ad illum introducere ne graueretur. tum ille: Si disputandi causa uenistis (inquit) excludemini: sin adium uisendarum, id spectaculum uobis pecunia, muneribusq; mercandum est. Gaspar, ut omnes aditus clausos Euangelio uidit; Frenoiama profectus, Meacum contendit. In ea urbe quattuordecim dies in adibus conductis morati ad docendum minime accommodatis, in alias migrare coacti sumus. Ioto celebriore positas. Huc Meacenses nonnulli iam ad audiendum Euangelij uentitabant. Post quintum autem & uigesimum diem, Bonzio nos deducente, uiro in primis ciuitatis honesto, Regem seu Imperatorem Gaspar adiuit. a quo ita amice acceptus est, ut ex ipsomet eius poculo, honoris & amicitiae causa biberet. tum uero frequentiore etiam urbis parte nobis ad habitandum assignata, magna uis omnis generis hominum ad nos, uel audiendi, uel disputandi causa, confluxit: sed animis initio tam obduratis, ut uerbo DEI audito partim blasphemarent, partim etiam irriderent nos, atque deluderent. per eos dies cum honesta mulier Meacensis ad concionem uenisset; ubi peroratum est, Baptismum petijt statim: sed rem distulit Gaspar, eo quod mulierem nondum ad id Sacramentum idoneam reperit. Cunnæ praterea duo (magni honoris nomen id est) noctu ad nos audiendos ita se conferebant, ut nostram doctrinam ualde probare uiderentur. quidam uero e principibus oppidi Gamangoxini, qui Meaci habitat, cum decem alijs apud nos Christianus est factus. postea cum Gaspar ad Mioxindonum, qui praecipuum Meaci obtinet dignitatis locum, auxilij petendi causa a primario

primario quodam ciue deduceretur; tota urbe percrebuit Mioxin doni iussu primarium illum uirum in uincula Gasparem coniecisse. rursum, cum urbis præfectus per urbis compita edixisset, ne quis Gasparem lederet; fictis rumoribus multi edictum esse mentiebantur, ut Gaspar oppido pelleretur. huiusmodi multa prætereo, quæ singillatim enarrare nimis longum est. Sed iuuante Domino IESU CHRISTO confidimus; nos, ut adhuc fuimus, ita etiam in posterum incolumes futuros magna cum Diuini nominis gloria, rabieq; ac dolore diaboli, quando iam nostri in hanc urbem aduentus, ad Banduensem usque Bonziorum academiam fama penetravit, sexcentis passuum millibus Meaco distantem: interim Bonziorum minis, atque importunitate compulsus hospes is, ad quem diuerteramus, nos domo sua dimisit: itaque in aliam nos recepimus. Hic acrius etiam in nos aduersarij scuire ceperunt, cum nos alij simias, uulpes alij, alij denique a demonibus occupatos, anthropophagosq; appellarent: pueri etiam eorundem instinctu cum ceteris iniurijs & illusionibus, tum etiam lapidum, glebarum, & arena coniectu infestarent, atque lacefferent. Quanquam his rebus, Domino adiuuante, minime deterriti sumus, quo minus Euangelium ad mensẽ Aprilem usque nuntiaremus, cui Iaponij centum circiter fidem habuere, baptizatiq; sunt. sub id tempus Bonzij quinque nos conuenerunt ex ea secta, quam Baracaque appellant, qui meditationibus quibusdam arbitrato suo compositis uacant. ij cum nonnulla de nobis quæssissent eiusmodi, ut appareret eos a demone agi, Gasparis responsis uicti, abiectiq; conciderunt. Duo præterea ex ea secta quæ Tendau dicitur, cum diu nobiscum de religione atque acriter disputassent; concessere ad extremum ueram nostram esse doctrinam, tametsi eorum nemo se ad Christum adiunxit.

Alius

## DE IAPONICIS REBUS

*Alius in primis eruditus, cum e sermone Gasparis cognouisset unum esse opificem rerum omnium, animosq; hominum nunquam interire; idcirco negauit se Baptisimum petere, quòd ex impurissimo flagitiorum cæno emergere, casteq; uiuere se posse diffideret.*

*In Bonziorum ordine magnum est nomen eorum, quorum eruditionem duo ex principibus (quorum est hoc iudicium) suo chirographo comprobauerint. Ea ueluti quædam canonizatio est: in sella constitutos adorant, eorumq; approbationem scripto testantur: ex eo tempore qui probati sunt, certos locos ceteris ad meditandum proponunt. Hunc dignitatis gradum adeptus Bonzius quidam, nomine Quenxu, qui ipsos triginta annos in meditando consumpserrat; in charta pratum; & in eo aridam arborem depingendam curauit. ad arboris autem radices carmina duo descripsit iudicium chirographo confirmata, quorum hæc erat sententia:*

<i>Prioris;</i>	<i>Cedo, quis nam te seuit arbor arida?</i>
	<i>Ego, cuius principium nihil est, finis nihil.</i>
<i>Posterioris;</i>	<i>Meum cor, quod neque esse, neque non esse habet,</i>
	<i>Neque it, neque redit, nec retinetur uspiam.</i>

*Is igitur Bonzius cum ad Gasparem uenisset contumacia inflatus, quòd diceret sibi iam clarum esse quidnam antequam nascere-  
tur fuisset, quid tunc, quid denique post mortem esset futurus; seq;  
non discendi caussa, sed animi tantum, ad nos accessisse; diuinitus  
ita repente immutatus est, ut uere nihil esse quidquid sciebat, sibiq;  
Christianam doctrinam esse necessariam intellexerit. Baptizatus  
itaque summa populi admiratione; uitæ exemplo, quam ducit san-  
ctissimam, alios aliquot partim conuertit ad Christum, partim ue-  
hementer*



hementer commouit. Cosmus autem amicus noster qui ante sexennium Bungi baptizatus est, aduentu nostro cognito nos statim adiuit, parentibusq; ac patria relictis Dominum cælebs colere, & Gaspari obedire constituit. Bonzius erat quidam admodum senex, annos iam quadraginta in meditando uersatus. is Christianam religionem ita auide arripuit, ut id ætatis homo ad uerbum Dei audiendum a sex passuum millibus uentitet. Ad hæc, Bonziji circiter quindecim Christum secuti, partim legitimis iungi nuptijs, partim cælibem uitam agere (quod in eo hominum genere maxime mirum est) decreuerunt. In uico Farima habitat Bonzius, qui piscibus, carnibus, tritico, hordeo, denique oryza abstinet, herbis tantum uictitans, arborumq; baccis ac pomis, quiq; æternæ salutis adipiscendæ caussa uoto se obstrinxit e libro quodam Xacæ, quem Fokequoio appellant, se gratis plebem eruditurum. Narrauit autem nobis, se ante decennium per nocturnam quietem sibi uisum esse uersari cum sacerdotibus, qui e Cenghequu hoc est Europæ regione uenissent, sibiq; rectum ad salutem iter ostenderent, experrectumq; postridie, statim audisse Amangutij esse presbyteros quosdam e Cenghequu, de uita futura publice disputantes. Hic audito Euangelio gauisus est: sed quoniam sine comœatu Meacum festine uenerat, dixit se Farimam rediturum eo animo, ut sublatis rebus necessarijs, uotisq; neglectis, & fallaci illa uitæ asperitate deposita, Meacum reuenteretur, & Christiana sacra susciperet. occulte etiam ad nos contulere sese audiendi Euangelij caussa uiri insignes duo, quorum alter in meditando exercitatus, quodam ueluti Episcopi munere fungebatur: alter erat Bonzius litteratus, & concionator, qui in eo congressu Gaspari aperte confessus est, in lege Iaponica simplex nihil esse, uel solidum.

Bonziorum familia, quæ a Foxequu nomen duxit, uitamq̃ seu-  
riorem ceteris omnibus proficitur; audito Dei uerbo, nostraq̃ uita-  
ratione perspecta, quòd Gaspar gratis populum doceat, & cum ip-  
se omni faminarum consuetudine absteineat, tum laicos una tan-  
tum uxore iubeat esse contentos; offendi ceperunt in Bonzio quo-  
dam præfecto cænobiij, quem antea uenerabatur ut Deum, quòd  
clam amicas habeat, & laboris in docendo sui mercedem exigat:  
cumq̃ carniū ac pisciū esu ceteris interdicit, ea ipse clam come-  
dat: quo circa eum e cænobio pellere, aliumq̃ pauperem ac bene mo-  
ratum in eius locum sufficere decreuerunt. Tres præterea ijsdem me-  
ditationibus clari, quintum iam diem conciones nostras assidue ce-  
lebrant, quos propediem baptizatum iri confidimus, eamq̃ rem ad  
exemplum magnopere profuturam. Non longe ab adibus nostris  
incendium excitatum est: cuius incendiij in nos ut ueneficos, dia-  
boliq̃ præcones caussa conferebatur: sed iam Bonziorum furor ali-  
qua ex parte deferbuisse uidetur. quorum cum ita multe, ac diuer-  
se numerentur sectæ, suam quisque profiteri nos dicunt: Xingouini,  
id ipsum Denichi, quòd illi prædicent: Ienxuani Fobèn quoddam  
suum: Fòquexani Mion (disciplinarum ea nomina sunt) Ion-  
daxuenses Amidam: Xintani denique Quoquium: sed ut spera-  
mus, non longe aberit, quin omnes fateantur legem summi cælo-  
rum terræq̃ opificis nostro præconio promulgari: quem pro sua infi-  
nita clementia facturum esse confidimus, ut ipsum cognoscant, co-  
gnitoq̃ omnem laudem, & gloriam tribuant. Vestras etiam at-  
que etiam, fratres mihi carissimi, & istius Ecclesiæ, quibus egeo ma-  
xime, deprecationes imploro. Meaco. 4. Non. Iunias, 1560.

CONSALVVS FERDINANDVS,  
cuidam e Societate IESV.

**H**isce litteris nonnulla, frater mihi carissime persequar, quæ, in Iapone dum essem, in uinea Domini gesta sunt. Ver-  
 sabatur eo tempore Firandi Gaspar Vilela, cuius iussu  
 Gulielmus uias urbis are campano circumiens, pueros ad Christia-  
 nam doctrinam Iaponice discendam in templum coge-  
 bat: ex qui-  
 bus unus admodum paruulus non dum ad cætum Christianorum  
 adiunctus, Gasparem, adiit Baptismum magnopere efflagitans.  
 quem Gaspar, id ætatis puerum, patre ethnico, cum prius perdisce-  
 re Christianam doctrinam iuberet, respondit ille, nequaquam se in-  
 de abiturum, quoad Baptismo lustratus esset. denique domum ad  
 suos reuersus, ita cum parentibus egit, ut patrem, matremq̃, fra-  
 tres, ac sorores ad Baptismum adduxerit. Ad aliud uenio non mi-  
 nus mirabile. Diuturno morbo uexatus ethnicus quidam ex opti-  
 matibus, cum uarias curationes frustra tentasset, suadenti Christia-  
 no cuidam, ut ad ualeitudinem recuperandam, Christiana religio-  
 ne suscepta, ad templum nostrum accederet, aquamq̃ lustralem  
 seu benedictam ebiberet; paruit ægrotus: statimq̃ in pristinam ua-  
 letudinem est restitutus. alij præterea morbi complures in his regio-  
 nibus eadem aqua pelluntur.

Alius Christianus cum e graui morbo iam prope animam age-  
 ret me accersitum rogauit, ut quoniam non essem e Societate IESV,  
 pro se Dominum deprecarer: sanitatem se continuo recepturum.  
 psalmis septem penitentialibus recitatis, magnam ipsius fidem Do-  
 minus reddita statim ualeitudine remunerari dignatus est.

S ij Profectus

Profectus ex eo loco Gaspar in insulam quandā ad promulgandum Euangelium, barbaros plus sexcentos triduo baptizauit, Christianae fidei praeceptis imbutos. quae res tanto diabolum affecit dolore, ut unum e Bonzijs eo miserit, qui populo persuaderet, falsa esse quae Lusitanus concionator docuisset. quare cognita Gaspar confestim eodem legauit e nostris, qui apertis rationibus aduersarij mendacia redargueret. quae res Christianos non mediocriter recreauit.

Haud ita multo post, barbari tres e principibus ciuitatis communi consilio ad excindendam Crucem a Christianis erectam in monte, profecti, uix dum scelere perpetrato inter se rixari ceperunt, sibiq; inuicem id ipsum facinus exprobrare: demum eo rixa peruenit, ut eo ipso in loco, ubi Crux posita fuerat, inter se ex prouocatione dimicauerint: quorum duo postridie mane mortui ibidem reperti sunt: tertius uero nusquam postea apparuit (ablatus a demonibus creditur) nec aliud quidpiam de illo auditum est, nisi quod biduo post adolescens barbarus repente ab immundo spiritu occupatus palam dicebat: se nimirum esse, qui Crucem preciderat, et propterea se in altera uita torqueri acerbissime. quod ubi uidere Iaponij, rei occultandae gratia adolescentem abscondere statuerunt, atque ita ex oculis nostris euanuit, ut nihil de ipso deinde cognouerimus, incertumq; sit, eum ne barbari interfecerint. qui partim hisce de causis, partim quod sexcentos quos dixi neophytos uiderent alios idola cremantes, alios in mare procijcientes; concursu ad Regem facto postularunt, ut Gasparem regni finibus pelleret. quibus Christiani cum ex altera parte resisterent, resq; iam ad arma spectare uideretur; Rex misit qui Gaspari nuntiaret, nequaquam sibi placere eum in suo regno interimi: proinde ad Socios sese reciperet. quo circa Bungum ubi erat eo tempore Cosmus Turrianus, inde concessit,

cessit, non sine magno quidem animi dolore: quippe qui in spem uenisset Regis ipsius ad Dominum traducendi. is enim saepius Gaspari presente me dixerat, se animo, ac uoluntate esse Christianum, & pro Christiano se gerere, quod praeclare intelligeret barbarorum superstitiones quantum a ueritate distarent.

Valetudinarium, & sodalitium, quod Misericordiae uocant, a Cosmo Bungi institutum, barbari magna cum approbatione suspiciunt: cum enim inter se ex animo ac uere non ament, mirantur in primis reperiri in toto orbe terrarum, qui pauperes curet, ijsq; necessaria cuncta suppeditet.

Duo sane admirabilia mihi narrata sunt, quae in hoc oppido contingere. ethnicus quidam ex primoribus ciuitatis ancillam habebat Christianam. atque, ut ethnici ferme Christianos auersantur, conuersus ad famulam, Cur, inquit, tu Christiana es, cum ego sim ethnicus? nisi continuo ab ista religione recesseris, hisce ego te manibus interficiam. Cui serua Dei, non eo consilio se Christiana sacra suscepisse respondit, ut ijs mox desertis ad barbaros ritus rediret. tum herus eius perseuerantia cognita, cum mortis minis interdixit, ne ex eo tempore ad Crucem adorandam sese conferret. illa uero diuino fulta praesidio, nihil iccirco ab instituta Crucis latria desistere, quoad eam herus obuiam in itinere factus, occidit.

Alterum illud est. Paucis ante diebus, quam ego ad hunc Firandii portum uenirem, Sinarum nauis Lusitanum quendam, qui apud Sinas in uinculis fuerat, in eundem portum aduexit. Sina aliquot ibidem comorantes cum ad nauim accessissent, ut Lusitanum uiderunt; querere de nauarcho Sina populari suo ceperunt, quo consilio Lusitanum in ea loca perducere ausus esset, cum Rex Firandi sacerdotem Lusitanum ex oppido pepulisset; nisi spoliari se ab Rege nauis

gio uellet, continuo Lusitanum interficeret. Hac dum agitantur, diuinitus factum est, ut Christianus Iaponius quidam interueniret. is ubi marentem Lusitanum aspexit, ad eum confestim accedens, caussa mestitiæ cognita, manu apprehensum bono animo iubet esse: quantum per suas facultates liceat, nihil ei apud se defuturum: inde perducit domum, ibiq; hominem habuit quoad usque nos eo peruenimus. Et sane Lusitanos Christiani tanta beneuolentia prosequuntur, ut in eorum ades æque liber atque in suas ipsorū, Lusitanis aditus sit: sed tum præcipue præclarum amoris sui documentum dedere, cum barbari facta in Lusitanos coniuratione arma ceperunt. quod ubi a Christianis cognitum est, communi statim consensu ad eorum defensionem se uel capitis periculo compararunt: cum quidam e Christianis extrema iam ætate, reliquorum domos circum cursaret, hortareturq; omnes ad mortem pro Christianis fortiter oppetendam: quare perterriti barbari, pace cum Christianis facta a suscepto consilio destiterunt. Orate fratres carissimi Dominum, ut huius gentis animos ad suos errores, ac misérias recognoscendas illuminet. Kalen. Decemb. 1560.

ALOISIVS ALMEIDA  
Societati IESV in Lusitaniam.



**I**N ijs litteris, quæ a uobis ad nos assidue perferuntur, insignes amoris erga nos uestri, & caritatis notæ cernuntur. apparet etiam quāto studio teneamini ad nos subleuandos in hæc loca ueniendi. hanc plenam pietatis uoluntatem, quoniam nos remunerari non possumus, Dominus ipse pro sua benignitate compenset: quanquam ut amoris uestro nos etiam aliqua  
ex par-



ex parte respondemus ( quoniā auctis scire quid a nobis in re Christiana geratur ) anni huius præsertim acta ad uos perscribere statui.

Balthasar Gagus hoc anno ex Iapone profectus in Indiam, aduersa tempestate retentus, hyemauit in ora Sinarum: atque id fuit caussa, cur a nobis huiusce anni litteras non acceperitis. Post eius discessum nuntij Meaco allati sunt; Bonziorum in Gasparem Uilelam odium aliquantulum refrixisse. itaque rursus aures dare cæpisse Euangelio, fieriq; aliquos Christianos, atque in ijs nobilissimos homines, & in rebus physicis admodum intelligentes. Missæ sunt etiam aliquot a Meacensibus illis neophytis ad Bungenfes Christianos epistolæ, quarum una duodecim circiter paginarum, magnam harum regionum Christianis attulit uoluptatem, sepiusq; descripta, omniā Christianorum loca percurrit, & simul recitabatur etiam ethnicis. Summa erat epistolæ, sectarum Iaponis omnium ( quæ plus undecim sunt ) expositio simul, & confutatio, cū religionis Christianæ confirmatione: nec uero pacatas unquam res Iaponiorum fore, quoad omnes fierent Christiani: atque id ipsum multis apertisq; rationibus probabatur. Mense Iunio ineunte, ex Gasparis ipsius litteris cognouimus illum iter cepisse ad urbem Sacaium, quæ bidui distat Meaco, ubi spes magna messis uberrimæ ostendebatur, non modo quòd sit libera, & in primis ampla Iaponis totius; sed multo etiam magis, quòd eum quidam e principibus ciuitatis illuc per litteras inuissset, adessq; suas ipsi ad Euangelij promulgationem obtulisset. cuius tantum est eius rei desiderium, ut Bungum etiam certum hominem cum mādatis miserit ad Cosmum Turrianum. Recordabitur, ut speramus, pro sua bonitate Dominus harum gentium, easq; conuertet ad se: nos autem in suo confirmabit obsequio.

Quod ad Bungensem Ecclesiam attinet, quæ nunc quidem est Iaponis omnium maxima; admodum augetur in dies. (captis adspirante Domino) cum uirtus ueteranorum, tum etiam tyronum numerus: quorum tanta est pietas, uix ut possim uerbis assequi: nonnulla tamen attingam, ut ex ijs reliqua intelligatis. Primum nulla nox præterit (ut mihi quidem uidetur) quin uerberationes in templo fiant, ac fere semper omnium quotquot ibidem eo tempore sunt. quibus in templo non licet, ijs sese intra priuatos parietes cum uniuerfa familia uerberant. Quotidie, quamuis ningat, Christianis refertum est templum, nec reſeratur fere, quin multi reperiantur ad limina præſtolantes. Feſtis autem anni celebrioribus, tanta uis hominum confluit, ut ad multitudinem capiendam umbracula e frondibus raptim exſtructa cum templo continuare neceſſe ſit: atque alij quidem præcipuis anni feſtis, alij uero diebus Beatiſſimæ Virgini ſacris, alij quintodecimo, alij etiam octauo quoque die Confeſſione maculas abluunt. Sed Bungenſium ſtudium, ac pietas Quadrageſimæ præſertim diebus elucet. res proſpecto uiſenda: quippe in ſingulos annos creſcit huius Eccleſiæ religio ac probitas.

In pueris ijs, qui ad nos Chriſtianæ doctrinæ gratia uentitant, aliqui ita parui cernuntur, ut nihil pæne præter catechiſmum eloqui poſſint: itaque id ipſum quod tenent memoriter, oppido concinnunt. Prope templum noſtrum duodecim circiter Iaponij patreſfamilias habitant, quorum filij, pueriq; ſingulis noctibus audito ſigno ſalutationis Angelicæ, ad Crucem conueniunt in ea uicinitate deſixam, ibiq; nixi genibus totam horam quotidie in Chriſtiana doctrina recitanda conſumunt: idq; parentum iuſſu, quorum tanta eſt pietas, ut infantibus Chriſtiana rudimenta una cum lacte paulatim inſtillent, eoſq; tenera adhuc ætate noſtram in diſciplinam dome-

domesticam traditos Domino consecrent. nec uero parentum pietatem non imitantur liberi, atque unus præsertim natus maximus omnium, annum agens tertium decimum; cui super mensam cruciatus Christi Iaponice recitanti, fluunt interdum ex oculis lacrimæ, nulla uultus mutatione. alij uero eorundem cruciatuum recitatione commoti, pijs Christum liberatorem uerbis affantur, ita suauius, ut cuiuslibet ferreum quamuis pectus emolliant. Itaque horum quos domi educamus operam ad conuersionem harum gentium magno nobis usui fore speramus: quippe cum Iaponios auditores patria lingua magis quam peregrina retineat. alios præterea quinque Iaponios apud nos habemus pro uicta iam ætate uiros admodum probos: tres uidelicet Bungi, quartum Meaci cum Gaspare Vilela: postremus comes est peregrinationis meæ, annum agens alterum & uigesimalium, tanta in dicendo suauitate ac lepore præditus, ut auditorum animos mirabiliter capiat: hereses uero Iaponicas, multaq; de physicis ita callet, ut hosce litteratos omnes refutet, ac uincat. faxit Dominus, ut eorum animis ignem inijciat. Christiani Facatenses, & præsertim unus e principibus, Cosmum missis nuntijs per Deum obtestati sunt, ut eo aliquæ e Societate mitteret: uelle se optimum templum exstruere, & suis alere sumptibus quotquot e nostris ibi commorarentur, quod iam fieri captum est. hisce de causis, & simul, quod multi Christianorum uicinalicuius e nobis aduentum, sermonesq; iam diu desiderabat, decreuit Cosmus, ut initio Iunii anni 1561, ad eos pagos, & loca finitima inuisenda discederem.

Pridie quam Facatam perueni, aduentu meo cognito Christiani obuiam mihi alij ad tria passuum millia, alij etiam longius magno cum gaudio processerunt. ego complures dies in ea urbe moratus, barbaros circiter septuaginta sacro fonte lustrari in quibus erant

Bonzij

Bonzij duo Iaponicarum legum sane periti, cum alter etiam regius concionator fuisset. is septem dies mecum disputando, interrogando, quæ dicebam in commentarios referendo consumpserat, cum immensa Dei Domini nostri lux ipsius mentem illustrauit, & eius exemplo multorum præterea tenebras dissipulit.

In eadem urbe Facata cū multum præcipue duo morbo graui laborantes diuina ope sanati: quorum unus paterfamilias tanto capitis dolore torqueri solitus, ut uolentas sibi manus inferre sæpe tentasset, tertio decimo die Dei benignitate conualuit. alter erat iunior lepra fædissima coopertus: is, quod de Christianis honorifice pieq; sentiret, putaretq; iuuante Domino sibi per me sanitatem reddi posse; in meum conspectum adductus est: quem ut uidi, negaui me ei morbo posse facere medicinam: uerum tamen ne plane mæstus a me discederet ipse, quique cum adduxerant; remedium quoddam illi præscripsi facillimum, & post tertium diem ad me redire iussi: ita nitidus redijt, ut nunquam lepræ laborasse uideretur equidem obstupui perspecta hominum fide, aperteq; denuntiaui Christianis, ne sanitatem pharmaco, sed Deo Domino fideiq; suæ acceptam referrent: quæ quidem etiam in animos eorū qui morbo liberati fuerant, redundauit. nam uterque Baptismo petito, & post catechismū impetrato, ad Ecclesiā aggregatus est. cumq; iam discessus mei tempus appeteret, quo æquiore animo id ferrent, spem Christianis maturi reditus præbui: quorum duo e primoribus ita obfirmato animo itineris mei comites esse statuerunt, ut eorum studijs remittere, aut eos de sententia dimouere nulla ratione potuerim.

In exitu Iunij Facata discessimus in insulā Tacaxumam, ambitu passuum sex millium, stipendiariam uiri principis Firandensis, Antonij nomine, ubi cum essent, quingenti circiter Christiani, ethnici

ethnici tantum octo; ij quoque ad Deum nostro aduentu conuerſi ſunt. Præſt autem eorum institutioni, excellenti uirtute uir, qui e Bonzio Chriſti ſeruus effectus eſt. ædem habent, quæ idolorum ante fuerat, in primis ornatam: cuius redditu, itemq; eleemoſynis quas erogat inſtitutum ibi quoque miſericordiæ ſodalitium, non modo ipſe antiſtes alitur, ſed etiã inopes peregrini, qui illuc ſane multi (quod uidi per eos dies) religionis cauſſa uentitant. eadem ſtipis per miſericordiæ ſodales rite fideliterq; diſtribuendæ ratio, ſeruatur etiam in uicina inſula Iquicuchi, itemq; in ceteris inſulis, in quibus Eccleſiæ ſunt. quo fit, ut ad iter in ijs regionibus faciendum ſarcinæ & impedimenta minime ſint neceſſaria: quippe, quocunq; peruenias, omnia tibi gratis, ac ſedulo comparantur, maritimo itinere naues, terreſtri comites & iumenta: quæ ſi recuſes, iniuriã uidelicet ſibi fieri, ſeq; in Chriſtianis officiis numerari non putant.

Firando cum ad hanc inuiſendam Eccleſiam aliquot Luſitani ueniſſent, horum Chriſtianorum religione, precandi ſtudio, obedientia, amore quo non modo ſacerdotes noſtros, ſed etiam omnes eorum uicarios preſequuntur, tantopere delectati gauiſq; ſunt; ut mihi affirmarent, Socios noſtros, qui in ceteris orbis terræ partibus uerſantur, ſi uel particulam norint eorum, quæ cum his Chriſtianis geruntur, omnes Iaponicam hanc prouinciã, expetituros: quod equidẽ credo: nam una proſecto Chriſtianæ doctrinæ decantatio multas uobis præ letitia lacrimas exprimat. quid enim ſi uideatis pueros centum, ac puellas, bis quotidie catechiſmi cauſſa conuenientes, qui paucis ante diebus dicati diabolo fuerant, iam Chriſtianos templũ ingredi, aqua benediãta ſe aſpergere, demum ad precationẽ rite genua flectere? quid ſi duobus eorum uoce præeuntibus, ſubſequentes ceteris, doctrinæq; præcepta concinentes audiatis? idque tanta cum  
mode-

modestia, ac uerecundia, ut oculos semper humi defixos habeant, ac duo illi praesertim, qui uoce praeeunt (quos ego de industria non semel, & curiose notauī) & quidem in maximis caloribus, cum facies eorum sudore manerent, tanta fuere constantia, ut manus, oculos, pedes nunquam mihi mouere conspecti sint: raptos profunda aliqua contemplatione dixisses. nec uero doctrina tantum recitanda contenti sunt. nam eius quoque explicationem libentibus nobis requirunt. Iam uero quanta cum animi uestri uoluptate intueamini Iaponios hosce Christianos positis genibus manibusq; sublati Christum e Cruce pendentem adorantes, lacrimis ad solum usque fluentibus, in tormentorum Domini cogitatione ita demersos, ut pæne ecstatici uideantur? atque hæc quidem in hisce insulis prope desertis. quid de ijs locis existimandum est, in quibus (ut Bungi) Sacramentorum est usus frequens? neque uero putare uos uelim me litteris assequi quæ oculis uideo: scriptum enim hoc, res ipsa multis partibus superat. quæ cum ita sint; misereat (quæso) uos fratres carissimi harū Ecclesiarum, Deumq; cum gemitu obsecrate, ut supplementum aliquod e Societate nostra dignetur huc mittere. quod si forte nimis diu distulerit, quam uereor, ne qui uenerint, paucos superstites e nobis offendant: siquidem tres hac æstate magnum uitæ discrimen adiunimus, quam tuetur Dominus, ut opinor, quoad alij nobis ad nouam hanc uineam tuendam, colendamq; succedant.

Ex ea quam dixi insula, in aliam traieci maiore, quæ Iquicu qui uocatur. incolas habet circiter mille quingentos, in ijs Christianos ferme octingentos. ij, quod iam ante de meo aduentu cognouerant, obuiam mihi nauem cum primoribus aliquot Christianis miserunt: quam ut conscendi, in ipsa nauigatione, tribus passuum milibus ante quam ad insulam peruenimus, Crucem aspxi edito loco positam,



positam, quam satis amplo interuallo circumiens murus, sepeliendis Christianis cœmeterium efficit. ubi descendimus, humanissime excepti, continuo ad salutandam Crucem de more perreximus: inde templum eorum inuisimus amœno admodum loco, eleganter ornatum, sexcentorum hominum capax. atque eos in præsentia quidem ne inopem plebem non sine iactura ab institutis operibus auocarem, dimisi, concione in matutinum & uestertinum tempus, puerorum uero catechismo in pomeridianum indicto. itaque tanti concursus fieri cepti sunt, ut cum multi excluderentur, aream, quæ ad uestibulum templi est, storeis pro re nata contegere necesse fuerit. Templum est autem excelsio loco, lucoq; denso, & ad aspectum iucundo. in id ascenditur gradibus, quibus in imis stagnum est aquæ, nudis pauperum pedibus abluendis, non superstitione, uel cæremonia, sed ne templi catastromata calcata commaculent. Postridie quàm huc ueni, cetera quoque phanalastrau pulcherrime posita, quippe quæ ante id tempus idolorum fuissent, quibus colendis optima loca diligenter exquirebantur: hoc autem tempore eorum custodes illi ipsi Iaponij sunt, qui antea Bonzj, nunc Christiani appellantur, antea demonem, nunc Iesum Crucifixum supplices uenerantur, & colunt. & quoniam ex altero pago eiusdem insule sane frequenti, quod æde sacra carerent, ad alterius pagi templum tribus fere passuum millibus distans Christiani magno suo incommodo uenire cogebantur; templum ibi quoque ex ædificandum curauimus, quod paucis diebus multorum subsidio, magnaq; omnium alacritate perfectum est, tabula picta, ceteroque templi ornatu ex urbe Firando illuc aduecto. Christianorum animis recreatis, celestique fonte purgatis ijs, qui ad Baptismum uidebantur idonei; ad alium Christianorum pagum, quem Xi-xi uocant, ire perrexi, ut eos per Euangelium solarer, & simul

ut in aede noua, quæ tum ab ijs ad teetum perducebatur, sacellum exstruendum curarem, Iquichuchensibus Christianis officiose nobis in eam rem fabros lignarios septem, aliaq̃ auxilia necessaria deferentibus. ibi igitur amantiſſime excepti a Christianis; qui quaſi regem exſpectarent ita ſedulo uias ante purgatas ornauerant, prima luce. & uespere de rebus diuinis diſputare inſtituimus, quo commodius ceteris horis diei ſacello ex ædificando uacarent, quod ſumma eorum diligentia paucis diebus eſt abſolutum. Catechiſmi deinde cura certo homini tradita, Iram traiecimus eo conſilio, ut Facatam propediem reuerteremur, quod eius peregrinationis ſpatium Coſmus nobis ad Auguſtum exeuntem uſque præſcripſerat. Ira, (Cruce ſalutata, cum incolis egimus, ut ibi templum (nullum enim erat) communi conſilio facerent: ad quod nobis Firando ſacrę imagines, ceteraq̃, neceſſaria ornamenta tranſmiſſa ſunt. nonnullis concionibus habitis, quibus in fide Chriſtiani ſunt confirmati, Baptiſmoq̃ luſtratis qui baptizandi ſupererant, Caſungam inde contendimus, ubi tanta nobis hominum multitudo ſeſe obuiã effudit, ut feſti alicuius diei ſolennis celebritas uideretur. Cruce adorata, ad primarium quendam Chriſtianum diuertimus, apud quem nonnullis concionibus habitis, magna omnium uoluntate decretum eſt templum, in quo ſacerdotes ſacrificarent, ſi qui in ea loca uenirent: quo item Firando neceſſarius ſacrorum apparatus eſt miſſus. Interea dum hic agimus, mihi grauis homo narrauit Iquichuchi mulierem Chriſtianam ſuadente diabolo, ſiue eius miniſtris, abortus faciendi gratia pharmacũ ſumpſiſſe eiufmodi, ut infantem, ipſamq̃, parentem necauerit. Huius corpus Chriſtiani, ut quæ noxa capitali obſtricta miſſa eſſet, in ipſorum cæmeterio in quo Crux eſt poſita, ſepeliri cum uenuiſſent; illa poſt aliquot dies periculoſe agrotanti adoleſcenti cuidã

Christiano per uisum, Corpus (inquit) meum sacra sepultura prohibitum est illud quidem: sed ne idcirco me Christiani damnatam existiment: quippe ante quàm e uita discederem, Dominus contritione mea lacrimisq; placatus est. quibus rebus Christiani ex adulescente cognitis (namque is deinde conualuit) ualde animati sunt.

Ex eo loco rursus ad pagum Iquichuchi, atque inde, spe reditus Christianis relicta, Firandum discepsi ad quædam sacrorum instrumenta accipienda, quæ nobis Lusitanorum nauis aduexerat.

Firandum ut uenimus, nauarchum Lusitanū allocuti, ad Antonium diuertimus statim, qui cum uniuerſa familia nos peramanter accepit, detinuitq; ad multam noctem nonnulla de officij religionē percontans: postridie nauarchum adiui, ut permagnam tabulam pictam in naui proponeret Christianis uisendam, quos in proximū Dominicū diem (quod eorum commodo fieret) ad concionem simul, & spectaculum, dimissis per agros nuntijs, euocauimus. interea nocturnis hortationibus cum ceteri Christiani in fide animati sunt, tum ethnici circiter quinquaginta ad Baptismum adducti: in ijs e proceribus quidam Antonio non inferior. Et quoniam Firandis sacra ædes erat nulla, petijt nauarchus ab Rege, ut liceret in area nostra ædificare templum, quo Lusitani, qui uersabantur ibi nonaginta, religionis causa sese reciperent, eoq; Firandenses Christiani deinceps uterentur. cui Rex se deliberaturum respondit. ea erat dissimulata negatio. itaque id ubi rescimus, apud Christianum in area nostra habitantem priuatum sacellum excitare, atque ornare constitui. quod ille tanta animi alacritate studioq; recepit, ut ædium duarum quas possidebat alterius, ultro mihi optionem daret, seq; edituum fore profiteretur. igitur, Antonio præsertim operas & cetera necessaria benigne suppeditante, ædícula comparata est,

est, & omnibus rebus instructa, in qua singulis noctibus Litanie et conciones habebantur. ubi Dominicus dies aduenit, e pagis insulisq; finitimis ingens Christianorum multitudo confluit tum ad uerba Dei audienda, tum uero ad sacram uisendam imaginem, positam, ut dicebamus, in naui, loco peristromatibus, uexillis, uirentibusq; arborum ramis ornato. referta iam spectatoribus naui, cū perorassē; eos omnes nauarchus, quod longe ab domibus suis abessent, liberali cibo, potuq; reſectos dimisit.

Iam dies obrepserat, quo die mihi Bungum redeundum esset: quocirca sacra tabula ex oneraria in nauculam translata, ut inde Facatā deueheretur; Christianos Iquichuchenses monui me sabbato proximo (ut promissa facerem) ad eos ex itinere uenturum, & inde postridie uespere profecturum: qua illi re audita, parata naui continuo ad me deducendum uenerunt. sub noctem conscendi, comitibus pijs aliquot Lusitanis, qui me rogauerant, ut mecum se ad illas Ecclesias inuisendas uenire permetterem. Descendentibus nobis ad litus obuiam prodire Iaponico more cum facibus multis: eodemq; comitatu ad templum uenimus, ubi nos magna populi multitudo cum pueris exspectabat. Concione habita, & puerorum catechismo peracto, quod iam intempesta nox erat, plebem dimisi, maneq; postridie (dominicus erat dies) post concionem incolas circiter tredecim Christiana doctrina iam institutos baptizauimus. Inde profecti, magna in itinere ac uaria incōmoda molestiasq; pertulimus. Nam & mari, paruis lintribus, ijsq; monoxylis, uastos interdum sinus transire sumus coacti, uixq; imminentium piratarum manus effugimus, qui captos homines diu multumq; uexatos in seruitutem diuendunt; & terra, iumentis consulto relictis, luttulenta uia atque teterrima cingulo tenus cæno demergebamur:

quæ tamen sordes occurrentibus passim riuus eluebantur. Accessit ad hæc assiduum pæne profluuium sanguinis, quo sane grauitèr, cerbeq; uexabar. Sed eas omnes difficultates, Christianorum erga nos studium caritasq; compensabat egregia: cum & hospitij, com-  
morationisq; nostræ mercedem constanter ac benigne respuerent: & abeuntes, uiatico omnibusq; rebus necessarijs liberaliter instructos uberrimo fletu prosequerentur: & quod longe admirabilius est, impressa a nobis humi uestigia ipsa, obstupentibus rei nouitate, ac miraculo qui mecum aderant Lusitanis, oscularentur. Verum, ne longior sim, modum epistolæ faciam, si unum addidero, ex quo facile iudicare possitis, quanta sit Iaponicæ gentis ac nominis ad humanitatem religionemq; propensio. Cum fessus e uia, morboq; pæne confectus, in quodam barbarorum oppido substitissem; tametsi nulum erat desiderium cibi, tamen ne plane deficerem, oryzam reformidans, putridaq; piscium salsamenta (hæc enim incolarum cibaria sunt) misi qui oua coerneret. is autem mihi mox oua cum ipsis nummulis retulit. Caussam querenti, respondit, barbaros oua, quod dies ille festus ipsorum esset, uendere noluisse: quod egroto quærerentur, dono dedisse. Denique Bungum egre peruenimus, ibi quanquã

a Cosmo, ac Socijs amantissime acceptus, humanissimeq; tractatus, uix tamen adhuc e diuturna agrotatione con-

ualui. Vos clementissimum IE SVM ob-

secrate fratres, ut mihi ad se perfecte

colendum uires, animumq; sup-

peditet. Bungo. Ca-

lend. Octobris

1561.

COSMVS TVRRIANVS ANTONIO

Quadrio Indiæ Prouinciæ pro Societate

IESV Præposito.



*A*cti rerum Indicarum euentus quos ex litteris a uobis publice scriptis hoc anno cognouimus, cum eiusmodi uisi sunt, propter quos ingentes immortalī Deo gratias ageremus, tum etiam nos monuere, ut Iaponicas res (quæ nunquam antehac meli ore loco fuerunt) uicissim perscriberemus ad uos. Primum igitur de regionis ipsius natura nonnulla (tamen si multa iam in eam sententiam scripta sunt) tum uero felicem, hoc anno præsertim, Christianæ religionis progressum ad eius gloriam, qui bonorum omnium est auctor, hac epistola persequar.

Iaponis insula eodem climate, quo Hispania, continetur: terræ atque arborum fructus uarij, & plerique Hispanicis non absimiles: multæ etiam argenti fodinæ cernuntur. Gens admodum bellicosa, & in retinenda omni studio dignitate proxime ad Romanos ueteres illos accedit, præcipuumq; est apud eos idolum honoris, & ob id ipsum bella sæpe mouentur, multi partim occiduntur, partim etiam ignominie uitandæ causâ mortē ultro sibi met inferunt. eadem est causâ, cur parentes reuereantur, amicis fidem præstent, scelera, flagitiaq; ut furta, adulteria, aliaq; eiusmodi refugiant.

Publica administratio est triplex. Principem omnium tenet locum supremus religionum antistes, cuius decretis, ac scitis omnia publica, priuataq; sacra subiecta sunt. Nascentes præterea Bonziorum sectæ nullam existimationem, uel auctoritatem obtinet, nisi eas idē suo diplomate ac testimonio comprobauerit. Tundos etiam (qui ue-

lut



lut episcopi sunt) tametsi eorum nominatio, quæ dicitur, quibusdam in locis pænes Regulos sit, confirmat tamen, & creat ipse: qui deinde magno apud summos infimosq; in honore sunt, & sacerdotia conferunt. Iam uero priuilegia quoque, & immunitates a profanis muneribus, ab illo petuntur. Nam quæ leuiora sunt, ut carnis gustatus religiosi diebus cum ad idolorum delubra uulgo peregrinantur, aliaq; similia, eorum potestas pænes Tundos est. Porro sacerdos hic maximus, tametsi apud Sinas ab eruditione, ac sapientia; apud Iaponios tamen uel a stirpe, uel a nobilitate, & pecunia legitur. late admodum imperat, magnisq; uectigalibus fruitur, & cum profanis regibus sæpe certat. Atque hæc de religione, sacrisq;. Cetera gubernatio bifariam diuiditur. præfecti duo summa cum potestate sunt: quorum alter honoribus præest, alter iudiciorum, & causarum cognitiones exercet. Honoris præfectus, quem uocant Uo, stirpis successionem delectus, in deorum numero colitur. Hunc terram pede contingere religio est: si tetigerit, magistratu depellitur. domesticis finibus nunquam egreditur, nec temere sese in conspectum dat. intra ædium suarum septa, uel lectica gestatur, uel soccis ligneis ambulat spithamã altis. In sella fere quiescit, ex altera parte pugionem habens, ex altera uero arcum ac sagittas. intima tunica utitur nigra, extima autem rubra, quæ tenui serico, ceu uelo quodam, obducitur. pileum gerit in capite pendentibus uitis, ad instar pontificalis tiaræ: frontem habet rubro, candidoq; colore depictam, & fictilibus ad cibum utitur patinis. Eiusdem unius in toto Iapone iudicium est, quo quisque honoris titulo sit decorandus. multi enim dignitatis gradus ac discrimina sunt, eaq; certis characteribus dignoscuntur, quibus in obsignandis epistolis uti mos est: ijq; pro uarietate graduum subinde mutantur. Regem quidem hunc Bungi, ex

quo die in hanc urbem migrauimus, eiusmodi honorum uocabula  
 & notas quater & tricies iam mutasse animaduertimus. Ha-  
 bent autem dynastæ omnes regniq; procures, suos quisque apud Vo-  
 procuratores: quia natio est laudis ac dignitatis mirum in modum  
 appetens, ad ineundam ipsius gratiam pretiosis inter se muneribus  
 certant: quibus ille adeo crescit (cum ceteroqui fundos ac uectiga-  
 lia nulla possideat) ut hac una ditatus præda, Iaponiorum pæne  
 omnium pecuniosissimus habeatur. & quamuis tanto in honore sit,  
 tribus tamen de causis eo dignitatis gradu deijcitur: Si pede con-  
 tingat solum, ut diximus: si quempiam occidat: denique si pa-  
 cis & otij inimicus euaserit: nunquam tamen idcirco capite ple-  
 ctitur. Restat extremus iudiciorum præfectus. is cum reliquæ  
 iurisdictioni, tum etiam bellis præest indicendis, quæ ipse iusta es-  
 se decreuerit, itemque sedandis: nec non puniendis ijs, qui in re-  
 gno seditionem excitauerint: quas ad res regulorum opera, atque  
 opibus utitur, quorum, nisi paruerint, bona proscripta finitimis ci-  
 uitatibus addicit. Hæc sunt magistratus huiusce iura, & impe-  
 rium, cui tamen non omnino obediunt procures, quod fere ar-  
 mis, ac ui magis, quàm iure certatur. Quod ad reliqua pertinet,  
 Iaponij regibus quisque suis in profano foro, in sacro sectarum prin-  
 cipibus ac Tundis obtemperant. Eæ sectæ (quod iam antea scri-  
 psimus) circiter duodecim sunt: quæ licet inter se cultu, ac super-  
 stitionibus differant, omnes tamen fere in tollenda animorum im-  
 mortalitate consentiunt. & quamuis plebi uaria deorum nomina  
 ad adorandum proponant, ipsi tamen apud se nihil esse præter or-  
 tum & interitum existimant: aiuntque homines, bruta animan-  
 tia, plantas, redire omnia quendam in locum, unde profecta sunt.  
 ad cuius opinionis prauitatem pænitus imis sensibus inculcandam  
 paratas

paratas habent commentationes circiter bis mille, & quingentas. quas ubi quis diuturna cogitatione animo impreffert; omni religione solutus, prorsus in illa cæcitate ac tenebris conquiescit. nonnullas attingam, ut genus uideas. percontare (inquiunt) caput hominis abscissum a trunco, tu qui es? audiemus quid respondeat. illa est etiam: eundem uentum pro corporum diuersitate quæ offenderit, uarios edere sonitus. denique statuunt, quod e nihilo existit, in nihilum reuerti, esseq; tres hominis animas: quæ ordine alia post aliã deinceps corpus & ingrediantur, & deserant. illud unum interesse, quod quæ prima ingressa est, postrema discedat. Has autem ineptias in arcanis habent, uenduntq; carissime.

In ijs qui homines doctrinæ laude illustres in deorum numero uenerantur, sunt qui quendam colant nomine Xacam, quem aiunt Regis filium in primis eruditum fuisse: is praua dogmata posteris scripta reliquit permulta. Itaque librum eius quem Foquequium uocant, pariter uenerantur, negantq; sine eius uoluminis ope quenquam posse seruari: eiusdem beneficio ipsas quoque herbas, & lingua beatitudinem esse adeptura. Omnis autem illius libri doctrina eo refertur, ut persuadeat nihil esse, ex quo omnium esse pendeat.

Qui Solem, ac Lunam adorant, delubrum habent etiam nomine Denichi, cuius imaginem pingunt tricipitem, quam Solis, ac Lunæ, & elementorum esse uirtutem affirmant. Iidem offerentem subinde sese demonis speciem ita ut eam clare conspiciant, multis, ijsq; admodum pretiosis sacrificijs uenerantur. Hominum genus in primis ueneficum, & Christianæ religionis inimicum. Delubrum est aliud Quanonis, quem Amidæ filium fuisse perhibent. hunc pauci colunt, sed eam superstitionem magni faciunt, precesq; assidue recitant.

Nam de ceteris, qui commentationibus uacant, iam ante diximus, quorum maior est numerus. Venio ad res Christianas, quæ mihi nunquam æque bene ac nunc, ex quo Iaponem attigimus, habere sunt uisæ. Nam antehac, bellis ac seditionibus provincialium impediebamur non modo ne religionem latius propagare, sed ne parta quidem conseruare possemus. Hoc autem anno Bungi rex, amicus noster, ita feliciter cum hostibus dimicauit, ut propemodum debellauerit. quare ipsius uictoriam tantum est otium consecutum, ut ingens plane porta Euangelio patefacta esse uideatur. Versamur autem in Iapone non plus sex in uniuersum e Societate nostra uarijs locis atque prouincijs. Primū est hoc Bungi domicilium, quæ urbs ab ipso Rege incolitur, posita ad Septentrionē gradibus tribus & triginta & semis, quæ tota pars insulæ in arcticum uergens polum, cum multos iam habeat Christianos, eosq̃ constantes, tum ijs augetur indies: in quibus litterati nonnulli sunt ex ordine commentantium, qui se inuicem ad Christum alliciunt, de quibus ex alijs litteris plura cognosces.

Alter Christianorum locus est Cutame in agro Bungēsi, ab urbe Bungo circiter septem, & uiginti millia passuum. Christiani sunt ibi amplius ducenti, quorum unus ære suo egregium templū exstruxit, & aliquem e nostris efflagitat: sed quo minus ei cōcedatur, Sociorum in his locis paucitas facit.

In Firando insula tertia Ecclesia est, quam septem octoue loca Christianorum efficiunt. sita est autem hæc insula ex altera parte Iaponis ad occidentem, ab urbe Bungo passuum ad centū & quinquaginta millia: Christiani bis mille censentur: a quibus colendis, iuuandisq̃ nos annis superioribus bella intercluserunt. Sed iam Firandi Rex ab hoc Bungenſi deuietus, stipendiarius ipsius est factus, eritq̃

eritq; posthac nobis tutus ad eam insulam aditus. ac mēse Iulio proximo inuisit eam Ecclesiam Aloisius Almeida, multaq; ad Christi cultum ibi præclare constituit, quæ Aloisii ipsius litteris ad uos perscribentur.

Accedit Facata urbs in primis opulenta, & mercatoribus celebris. distat a Firando circiter septuaginta millia passuum. templum est ibi, Christianiq; permulti. horum unus aliud quoque se templum ædificaturum promisit. Ibidem ex itinere Almeida paucis diebus baptizauit incolas amplius sexaginta, multo etiam plures baptizaturus in reditu, nisi repente in morbum incidisset.

Quintum obtinet locum Cangoxima oppidum, quo primum in Iaponem ueniens Franciscus Xauerus appulit, ibiq; primum Iaponij Christiani fieri cepti sunt. posita est autem ea regio in Meridiem ad alteram procurrentis insule cuspitem, gradibus uno & triginta, ab urbe Bungo passuum fere ducenta millia: quam item Ecclesiam nuper Almeida lustrauit.

Neque uerò Amangutium omittendum est. ea urbs magis ad Septentrionem spectat, abestq; Bungo passuum cētum & quinquaginta millia. ea uinea quo minus annis superioribus inuiseretur colereturq;, bella prohibuerunt: quamquam pacatis iam rebus, ex Christianorum litteris (quibus ad copiosam messē in ea loca inuitamur) didicimus constanter eos in fide persistere.

Sequitur Meacensis Ecclesia, ad alteram huius insule cuspidē. Ex ijs locis cum primarius quidam Bonzius mihi per litteras demonstrasset magno se desiderio teneri legis diuinæ cognoscendæ, sed confecta iam ætate ad me uenire non posse, orare se, ut si mihi minus eo proficisci liceret, quempiam alium mitterem; Gaspari Vilele Meacum rei Christianæ causā proficiscenti mandata cum litteris

ad hominem dedi: sed eum Gaspar mortuum offendit, quem fecerunt ante obitum dixisse, præclare sibi cognita, ac percepta fuisse, quæ tum ego, tum Iaponij nostri ad ipsum de Christiana religione perscripseramus, seq̃ e uita ea ipsa fide ac religione discedere. ac Mea-  
ci quid actum sit, fusius ad uos Vilela perscribet.

Novissima est omnium Ecclesia Sacaiiana non longe a Mea-  
co: opulenta urbs, emporiumq̃ percelebre, suisq̃, Venetorum more,  
legibus utens inde ad me cum muneribus litteræ missæ sunt, quibus  
etiam atque etiam rogabar, ut eo legarem ad promulgandam Dei  
legem aliquem e nostris. quod mihi cum Sociorū paucitas non per-  
mitteret, nullusq̃ mecum esset sacerdos; ad Gasparem scripsi, ut eo  
se se conferret, reiq̃ Christianæ consuleret, quoad subsidium nobis ex  
India mitteretur. quocirca te per Dominum obsecro, ut operarijs  
saltem sex, aut minimum quattuor inopie nostræ subuenias: nam  
præter has octo iam institutas Ecclesias, eiusmodi est in præsentia  
status rerum Iaponicarum, ut minime dubitem, quin omnes huius  
regni atque insule partes (modo præcones non desint) Euangelium  
Christi peruagaturum sit.

Quod ad Christianorum mores uitamq̃ pertinet, plura ex lit-  
teris Sociorum cognosces. Vnum illud dicam, me tot barbarorum, et  
Christianorum terras emensum, gentem uidisse nunquam aut recte  
rationi, ubi eam cognouerint, eque obtemperantem, aut ita pietati ac  
pænitentiae deditam; plane ut in Confessionis & Eucharistiæ my-  
sterijs obeundis, religiosi cænobitæ potius, quàm tyrones ac neophyti  
uideantur esse. Iam quanta sit eorum in fide constantia, uel ex eo  
facile coniici potest, quod cum Firandenses Christiani unius tantum  
susceptæ religionis causa cum alijs afficerentur iniurijs, tum etiam  
in exsilium pellerentur; multi re familiari neglecta Bungum com-  
migr-



migrarunt, paupertatis incommodus Christi Domini caritati postpositis. pietatis uero illud sit argumentum. cum ere campano statis horis datur signum precandi, tanta est omnium in eo genere alacritas, non modo ut uiri, fœmina, & pueri; sed pœne infantes ipsi, qui nondum rationis compotes sunt, nixi genibus ilico preces fundant. Sane Christianus quidam mihi narrauit, cum paucis hisce diebus puellam tenera admodum ætate ad uinum a propola coemendum misisset, dum uinum e cupa depromitur, puellam audito salutationis Angelicæ signo, relicta ilico lagena genibus positis fixam stetit, se, quoad orationē Dominicam, & Angelicam salutationē quinquies recitasset: eamq; rem barbaros qui aderant ita admiratos, ut dicerent nullum esse Deum cum Christianorum Deo comparandum, quorum pueri etiā ipsi bonos mores docerent. Iam uero quanti grana, quæ benedicta uocantur faciunt Christiani, præclare demonstrant, cum pauca quædam a nostris huc missa celebrioribus locis publice posita assidue precando percurrunt: & si quod est alicuius priuatum, semper de manu in manum traditur, nec quicquā donari gratius his hominibus potest. Proinde una cū operarijs mitte quæso ex ijs etiam granis aliquot, quoniam tanto in honore sunt.

& noli dubitare, quin utrunque beneficiū melius hic, quàm apud Malucos, aut Brasílicos collocetur. Quod reliquum est, faxit Deus ut quantum subsidio egeamus, intelligas: tibiq; ac nobis omnibus ad ipsum rite colendum uires impertiat. Vale. Bungalgo. 7. Idus Octobris

1561.

GASPAR VILELA

Societati IESV.



Anno superiore, Cosmi Turriani missu, Bungo discessurus Meacū, de mea profectione feci uos per litteras certiores. Nunc, quoniam id fore uobis gratum atque iucundum existimo; ea persequar, quæ mihi ex eo tempore contigerunt: ut cum Deo Domino gratias agatis; tum fratrem hunc uestrum a uestra consuetudine tanto locorum interuallo disiunctum, supplicationibus uestris adiuuandum intelligatis.

Anno igitur a Virginis partu 1559, comite Christiano Iaponio, Laurentio nomine, probo iuvene, & linguæ huius rerumq; peritissimo, nauigium ethnicorum conscendimus: iter autem nostrum (quod facile iudicari potuit) aduersarius multis rationibus impedire conatus est. primum enim ipso nauigationis initio, tanta repente malacia ac tranquillitas exstitit, ut nauis loco moueri non posset. Tum barbari ut muneribus pacem uentumq; a Dijs obtinerent, stipem sigillatim a uectoribus corrogare ceperunt. Vbi ad me uentum est, negaui me unius Dei conditoris celi terræq; cultorem, in quo spes meas omnes haberem repositas, quidquam in ipsorum delubra collaturum. quo illi responso adeo excanduerunt, ut eius incommodi causam apud me residere, ac proinde me in mare proijciendum esse affirmarent. Hic nos ad Deum mente animoq; conuersi: cuius beneficio inflari uela mane postridie capta sunt. Sed cum aliquot passuum millia processissemus, aduerso uento rursus retenti, quatri-duum stare coacti sumus. Tum uero barbari plane in nos causam eius rei conferre, uerbisq; & significationibus conceptam iram ostendere:

dere : quæ tamen Domino miserante cohibita est . Denique ad portum quendam delati , ibiq̃ decem dies tempestate coacti subsistere , communi sententia decreuerunt , nequaquam nos secum ex eo loco auhendos : & ipso quoque nauarcho in eam sententiam adducto , nos descendere coegerunt , quem tamen cum aliam nauem nullam in eo portu offendissem , precibus placatum , inuitis omnibus perpuli , ut me ultra eum locum passuum sex & triginta millia deferret . Et quoniam nauarcho ulterius progrediendum non erat ; barbari circum naues quotquot in eo portu erant circumcursare statim incipiunt , & gubernatoribus aperte denuntiare , si prosperâ optent nauigationem , nos e nauali comitatu omnino reiſciant : quocirca omnibus abeuntibus , relictis sumus in litore : sed paulo post diuinitus alio confestim appulso nauigio , tam feliciter nauigauimus , ut portum citius ijs , qui ante nos soluerant ( cum etiam aliquot eorum in piratas incidissent ) sine ullo periculo tenuerimus . Tum denuo instare barbari , & nauicularijs suadere conati sunt , ne porro nos ad urbem Sacaium , quo tendebamus , perducerent . sed frustra . etenim quarto Idus Sextilis incolumes eo peruenimus : qui dies quoniâ Diuo Laurentio erat sacer , ipsum Christi martyrem , eius nationis patronum asciuius . est autem urbs Sacaium perampla , plurimiq̃ ac pecuniosis mercatoribus frequentissima , suisq̃ legibus ac moribus more Veneto gubernatur . Hic nos ex itinere aliquantulum recreati , ad montem contendimus Frenoiamam , ab urbe Meaco passuum millibus decem & octo . mons autem est permagnus : habitatur a Bonzijs , & caput est regni , ad cuius radices iacet lacus plenus piscium , passuum nonaginta millia in longitudinem , unum & uiginti in latitudinem colligens , quem multi confluentes amnes efficiunt . in eius litore locus est ad montem pertinens cænobijs plus quingentis

Quod ad Bungenſem Eccleſiam attinet, quæ nunc quidem eſt Iaponis omnium maxima; admodum augetur in dies (captis adſpirante Domino) cum uirtus ueteranorum, tum etiam tyronum numerus: quorum tanta eſt pietas, uix ut poſſim uerbis aſſequi: nonnulla tamen attingam, ut ex ijs reliqua intelligatis. Primum nulla nox præterit (ut mihi quidem uidetur) quin uerberationes in templo fiant, ac fere ſemper omnium quotquot ibidem eo tempore ſunt. quibus in templo non licet, iſe ſe intra priuatos parietes cum uniuerſa familia uerberant. Quotidie, quamuis ningat, Chriſtianiſ refertum eſt templum, nec reſeratur fere, quin multi reperiantur ad limina præſtolantes. Feſtis autem anni celebrioribus, tanta uis hominum conſluit, ut ad multitudinem capiendam umbracula e frondibus raptim exſtructa cum templo continuare neceſſe ſit: atque alij quidem præcipuis anni feſtis, alij uero diebus Beatiſſimæ Virgini ſacris, alij quintodecimo, alij etiam octauo quoque die Confeſſione maculas abluunt. Sed Bungenſium ſtudium, ac pietas Quadrageſimæ præſertim diebus elucet. res proſpecto uiſenda: quippe in ſingulos annos creſcit huius Eccleſiæ religio ac probitas.

In pueris ijs, qui ad nos Chriſtianæ doctrinæ gratia uentitant, aliqui ita parui cernuntur, ut nihil pæne præter catechiſmum eloqui poſſint: itaque id ipſum quod tenent memoriter, oppido concinnunt. Prope templum noſtrum duodecim circiter Iaponij patrefamilias habitant, quorum filij, pueriq; ſingulis noctibus audito ſigno ſalutationis Angelicæ, ad Crucem conueniunt in ea uicinitate deſixam, ibiq; nixi genibus totam horam quotidie in Chriſtiana doctrina recitanda conſumunt: idq; parentum iuſſu, quorum tanta eſt pietas, ut infantibus Chriſtiana rudimenta una cum lacte paulatim inſtillent, eoſq; tenera adhuc ætate noſtram in diſciplinam dome-

domesticam traditos Domino consecrent. nec uero parentum pietatem non imitantur liberi, atque unus præsertim natus maximus omnium, annum agens tertium decimum; cui super mensam cruciatus Christi Iaponice recitanti, fluunt interdum ex oculis lacrimæ, nulla uultus mutatione. alij uero eorundem cruciatuum recitatione commoti, pijs Christum liberatorem uerbis affantur, ita suauiter, ut cuiuslibet ferreum quamuis pectus emolliant. Itaque horum quos domi educamus operam ad conuersionem harum gentium magno nobis usui fore speramus: quippe cum Iaponios auditores patria lingua magis quam peregrina retineat. alios præterea quinque Iaponios apud nos habemus proiecta iam ætate uiros admodum probos: tres uidelicet Bungi, quartum Meaci cum Gaspare Vilela: postremus comes est peregrinationis meæ; annum agens alterum & uigesimum, tanta in dicendo suauitate ac lepore præditus, ut auditorum animos mirabiliter capiat: hereses uero Iaponicas, multaq; de physicis ita callet, ut hosce litteratos omnes refutet, ac uincat. faxit Dominus, ut eorum animis igne iniiciat. Christiani Facatenses, & præsertim unus e principibus, Cosmum missis nuntijs per Deum obtestati sunt, ut eo aliquæ Societate mitteret: uelle se optimum templum exstruere, & suis alere sumptibus quotquot e nostris ibi commorarentur, quod iam fieri captum est. hisce de causis, & simul, quod multi Christianorum uicinalicius e nobis aduentum, sermonesq; iam diu desiderabat, decreuit Cosmus, ut initio Iunij anni 1561, ad eos pagos, & loca finitima inuisenda discederem.

Pridie quam Facatam perueni, aduentu meo cognito Christiani obuiam mihi alij ad tria passuum millia, alij etiam longius magno cum gaudio processerunt. ego complures dies in ea urbe moratus, barbaros circiter septuaginta sacro fonte lustrari. in quibus erant

Bonzij

Bonzij duo Iaponicarum legum sane periti, cum alter etiam regius concionator fuisset. is septem dies mecum disputando, interrogando, quæ dicebam in commentarios referendo consumpserat, cum immensa Dei Domini nostri lux ipsius mentem illustrauit, & eius exemplo multorum præterea tenebras dispulit.

In eadem urbe Facata cū multi, tum præcipue duo morbo graui laborantes diuina ope sanati: quorum unus paterfamilias tanto capitis dolore torqueri solitus, ut uiolentas sibi met manus inferre sæpe tentasset, tertio decimo die Dei benignitate conualuit. alter erat iunior lepra fædisima coopertus: is, quod de Christianis honorifice pieq; sentiret, putaretq; iuuante Domino sibi per me sanitatem reddi posse; in meum conspectum adductus est: quem ut uidi, negaui me ei morbo posse facere medicinam: uerum tamen ne plane mæstus a me discederet ipse, quique eum adduxerant; remedium quoddam illi præscripsi facillimum, & post tertium diem ad me redire iussi: ita nitidus redijt, ut nunquam lepra laborasse uideretur equidem obstupui perspecta hominum fide, aperteq; denuntiaui Christianis, ne sanitatem pharmaco, sed Deo Domino fideiq; suæ acceptam referrent: quæ quidem etiam in animos eorū qui morbo liberati fuerant, redundauit. nam uterque Baptismo petito, & post catechismū impetrato, ad Ecclesiā aggregatus est. cumq; iam discessus mei tempus appeteret, quo æquiore animo id ferrent, spem Christianis maturi reditus præbui: quorum duo e primoribus ita obfirmato animo itineris mei comites esse statuerunt, ut eorum studijs remittere, aut eos de sententia dimouere nulla ratione potuerim.

In exitu Iunij Facata discessimus in insulā Tacaxumam, ambitu passuum sex millium, stipendiariam uiri principis Firandensis, Antonij nomine, ubi cum essent, quingenti circiter Christiani, ethnici



ethnici tantum octo; ij quoque ad Deum nostro aduentu conuerſi ſunt. Præſt autem eorum inſtitutioni, excellenti uirtute uir, qui e Bonzio Chriſti ſeruus effectus eſt. adem habent, quæ idolorum ante fuerat, in primis ornatam: cuius redditu, itemq; eleemoſynis quas erogat inſtitutum ibi quoque miſericordiæ ſodalitium, non modo ipſe antiſtes alitur, ſed etiã inopes peregrini, qui illuc ſane multi (quod uidi per eos dies) religionis cauſſa uentitant. eadem ſtipis per miſericordiæ ſodales rite fideliterq; diſtribuendæ ratio, ſeruatur etiam in uicina inſula Iquicuchi, itemq; in ceteris inſulis, in quibus Eccleſiæ ſunt. quo fit, ut ad iter in ijs regionibus faciendum ſarcinæ & impedimenta minime ſint neceſſaria: quippe, quocunq; peruenias, omnia tibi gratis, ac ſedulo comparantur, maritimo itinere naues, terreſtri comites & iumenta: quæ ſi recuſes, iniuriam uidelicet ſibi fieri, ſeq; in Chriſtianis officiis numerari non putant.

Firando cum ad hanc inuiſendam Eccleſiam aliquot Luſitani ueniſſent, horum Chriſtianorum religione, precandi ſtudio, obedientia, amore quo non modo ſacerdotes noſtros, ſed etiam omnes eorum uicarios preſequuntur, tantopere delectati gauiſiq; ſunt; ut mihi affirmarent, Socios noſtros, qui in ceteris orbis terræ partibus uerſantur, ſi uel particulam norint eorum, quæ cum his Chriſtianis geruntur, omnes Iaponicam hanc prouinciã, expetituros: quod equidẽ credo: nam una proſecto Chriſtiænæ doctrinæ decantatio multas uobis præ letitia lacrimas exprimat. quid enim ſi uideatis pueros centum, ac puellas, bis quotidie catechiſmi cauſſa conuenientes, qui paucis ante diebus dicati diabolo fuerant, iam Chriſtianos templũ ingredi, aqua benediſta ſe aſpergere, demum ad precationẽ rite genua flectere? quid ſi duobus eorum uoce præeuntibus, ſubſequentes ceteris, doctrinæq; præcepta concinentes audiat? idque tanta cum  
mode-

modestia, ac uerecundia, ut oculos semper humi defixos habeant, ac duo illi praesertim, qui uoce praecunt (quos ego de industria non semel, & curiose notauimus) & quidem in maximis caloribus, cum facies eorum sudore manarent, tanta fuere constantia, ut manus, oculos, pedes nunquam mihi mouere conspexi sint: raptos profunda aliqua contemplatione dixisses. nec uero doctrina tantum recitanda contenti sunt. nam eius quoque explicationem libentibus nobis requirunt. Iam uero quanta cum animi uestri uoluptate intueamini Iaponios hosce Christianos positos genibus manibusque, sublati Christum e Cruce pendentem adorantes, lacrimis ad solum usque fluentibus, in tormentorum Domini cogitatione ita demersos, ut pene ecstatici uideantur? atque haec quidem in hisce insulis prope desertis. quid de ijs locis existimandum est, in quibus (ut Bungi) Sacramentorum est usus frequens? neque uero putare uos uelim me litteris assequi quae oculis uideo: scriptum enim hoc, res ipsa multis partibus superat. quae cum ita sint; misereatur (quæso) uos fratres carissimi harum Ecclesiarum, Deumque cum gemitu obsecrate, ut supplementum ali-quod e Societate nostra dignetur huc mittere. quod si forte nimis diu distulerit, quam uereor, ne qui uenerint, paucos superstites e nobis offendant: siquidem tres hac æstate magnum uitæ discrimen adiunimus, quam tuetur Dominus, ut opinor, quoad alij nobis ad nouam hanc uineam tuendam, colendamque, succedant.

Ex ea quam dixi insula, in aliam traieci maiorem, quae Iquicu-qui uocatur. incolas habet circiter mille quingentos, in ijs Christianos ferme octingentos. ij, quod iam ante de meo aduentu cognouerant, obuiam mihi nauem cum primoribus aliquot Christianis miserunt: quam ut conscendi, in ipsa nauigatione, tribus passuum milibus ante quam ad insulam peruenimus, Crucem aspexi edito loco positam,

positam, quam satis amplo interuallo circumiens murus, sepeliendis Christianis cœmeterium efficit. ubi descendimus, humanissime excepti, continuo ad salutandam Crucem de more perreximus: inde templum eorum inuisimus amœno admodum loco, eleganter ornatum, sexcentorum hominum capax. atque eos in præsentia quidem ne inopem plebem non sine iactura ab institutis operibus auocarem, dimisi, concione in matutinum & uespertinum tempus, puerorum uero catechismo in pomeridianum indicto. itaque tanti concursus fieri capti sunt, ut cum multi excluderentur, arcam, quæ ad uestibulum templi est, storeis pro re nata contegere necesse fuerit. Templum est autem excelso loco, lucoq; denso, & ad aspectum iucundo. in id ascenditur gradibus, quibus in imis stagnum est aquæ, nudis pauperum pedibus abluendis, non superstitione, uel cœremonia, sed ne templi catastromata calcata commaculent. Postridie quàm huc ueni, cetera quoque phana lustraui pulcherrime posita, quippe quæ ante id tempus idolorum fuissent, quibus colendis optima loca diligenter exquirebantur: hoc autem tempore eorum custodes illi ipsi Iaponij sunt, qui antea Bonzj, nunc Christiani appellantur, antea demonē, nunc Iesum Crucifixum supplices uenerantur, & colunt. & quoniam ex altero pago eiusdem insule sane frequenti, quod æde sacra carerent, ad alterius pagi templum tribus fere passuum millibus distans Christiani magno suo incommodo uenire cogebantur; templum ibi quoque ex ædificandum curauimus, quod paucis diebus multorum subsidio, magnaq; omnium alacritate perfectum est, tabula picta, ceteroque templi ornatu ex urbe Firando illuc aduecto. Christianorum animis recreatis, celestique fonte purgatis ijs, qui ad Baptismum uidebantur idonei; ad alium Christianorum pagum, quem Xi uocant, ire perrexi, ut eos per Euangelium solarer, & simul

ut in aede noua, quæ tum ab ijs ad tectum perducebatur, sacellum exstruendum curarem, Iquichuchensibus Christianis officiose nobis in eam rem fabros lignarios septem, aliâq; auxilia necessaria deferentibus. ibi igitur amantissime excepti a Christianis; qui quasi regem expectarent ita sedulo uias ante purgatas ornaauerant, prima luce. & uespere de rebus diuinis disputare instituimus, quo commodius ceteris horis diei sacello ex ædificando uacarent, quod summa eorum diligentia paucis diebus est absolutum. Catechismi deinde cura certo homini tradita, Iram traiecimus eo consilio, ut Facatam propediem reuerteremur, quod eius peregrinationis spatium Cosmus nobis ad Augustum exeuntem usque præscripserat. Ira, (Cruce salutata, cum incolis egimus, ut ibi templum (nullum enim erat) communi consilio facerent: ad quod nobis Firando sacræ imagines, ceteraq; necessaria ornamenta transmissa sunt. nonnullis concionibus habitis, quibus in fide Christiani sunt confirmati, Baptismoq; lustratis qui baptizandi supererant, Casungam inde contendimus, ubi tanta nobis hominum multitudo sese obuiâ effudit, ut festi alicuius diei solennis celebritas uideretur. Cruce adorata, ad primarium quendam Christianum diuertimus, apud quem nonnullis concionibus habitis, magna omnium uoluntate decretum est templum, in quo sacerdotes sacrificarent, si qui in ea loca uenirent: quo item Firando necessarius sacrorum apparatus est missus. Interea dum hic agimus, mihi grauis homo narrauit Iquichuchi mulierem Christianam suadente diabolo, siue eius ministris, abortus faciendi gratia pharmacum sumpsisse eiusmodi, ut infantem, ipsamq; parentem necauerit. Huius corpus Christiani, ut quæ noxa capitali obstricta mi grasset, in ipsorum cæmeterio in quo Crux est posita, sepeliri cum uentissent; illa post aliquot dies periculose ægrotanti adolescenti cuidâ

Christiano per uisum, Corpus (inquit) meum sacra sepultura prohibitum est illud quidem: sed ne idcirco me Christiani damnatam existiment: quippe ante quam e uita discederem, Dominus contritione mea lacrimisq; placatus est. quibus rebus Christiani ex adolescente cognitis (namque is deinde conualuit) ualde animati sunt.

Ex eo loco rursus ad pagum Iquichuchi, atque inde, spe reditus Christianis relicta, Firandum discessi ad quaedam sacrorum instrumenta accipienda, quae nobis Lusitanorum nauis aduexerat.

Firandum ut uenimus, nauarchum Lusitanū allocuti, ad Antonium diuertimus statim, qui cum uniuersa familia nos peramanter accepit, detinuitq; ad multam noctem nonnulla de officij religionis percontans: postridie nauarchum adiui, ut permagnam tabulam pictam in naui proponeret Christianis uisendam, quos in proximū Dominicū diem (quod eorum commodo fieret) ad concionem simul, & spectaculum, dimissis per agros nuntijs, euocauimus. interea nocturnis hortationibus cum ceteri Christiani in fide animati sunt, tum ethnici circiter quinquaginta ad Baptismum adducti: in ijs e proceribus quidam Antonio non inferior. Et quoniam Firandi sacra aedes erat nulla, petijt nauarchus ab Rege, ut liceret in area nostra aedificare templum, quo Lusitani, qui uersabantur ibi nonaginta, religionis causa sese reciperent, eoq; Firandenses Christiani deinceps uterentur. cui Rex se deliberaturum respondit. ea erat dissimulata negatio. itaque id ubi rescimus, apud Christianum in area nostra habitantem priuatum sacellum excitare, atque ornare constitui. quod ille tanta animi alacritate studioq; recepit, ut aedium duarum quas possidebat alterius, ultro mihi optionem daret, seq; aedium fore profiteretur. igitur, Antonio praesertim operas & cetera necessaria benigne suppeditante, aedícula comparata est,

est, & omnibus rebus instructa, in qua singulis noctibus Litanie et conciones habebantur. ubi Dominicus dies aduenit, e pagis insulisq; finitimis ingens Christianorum multitudo confluxit tum ad uerba Dei audienda, tum uero ad sacram uisendam imaginem, positam, ut dicebamus, in naui, loco peristromatibus, uexillis, uirentibusq; arborum ramis ornato. referta iam spectatoribus naui, cū perorasssem; eos omnes nauarchus, quod longe ab domibus suis abessent, liberali cibo, potuq; refectos dimisit.

Iam dies obrepserat, quo die mihi Bungum redeundum esset: quocirca sacra tabula ex oneraria in nauculam translata, ut inde Facatā deueheretur; Christianos Iquichuchenses monui me sabbato proximo (ut promissa facerem) ad eos ex itinere uenturum, & inde postridie uespere profecturum: qua illi re audita, parata naui continuo ad me deducendum uenerunt. sub noctem conscendi, comitibus pijs aliquot Lusitanis, qui me rogauerant, ut mecum se ad illas Ecclesias inuisendas uenire permitterem. Descendentibus nobis ad litus obuiam prodire Iaponico more cum facibus multis: eodemq; comitatu ad templum uenimus, ubi nos magna populi multitudo cum pueris exspectabat. Concione habita, & puerorum catechismo peracto, quod iam intempesta nox erat, plebem dimisi, maneq; postridie (dominicus erat dies) post concionem incolas circiter tredecim Christiana doctrina iam institutos baptizauimus. Inde profecti, magna in itinere ac uaria incōmoda molestiasq; pertulimus. Nam & mari, paruis lintribus, ijsq; monoxylis, uastos interdum sinus traicere sumus coacti, uixq; imminentium piratarum manus effugimus, qui captos homines diu multumq; uexatos in seruitutem diuendunt; & terra, in mentis consulto relictis, lutulenta uia atque teterrima cingulo tenuis cæno demergebamur: que



quæ tamen sordes occurrentibus passim riuis eluebantur. Accessit ad hæc assiduum pæne profluuium sanguinis, quo sane grauitèr, æcerbeq; uexabar. Sed eas omnes difficultates, Christianorum erga nos studium caritasq; compensabat egregia: cum & hospitij, com-  
 morationisq; nostræ mercedem constanter ac benigne respuerent: & abeuntes, uiatico omnibusq; rebus necessarijs liberaliter instructos uberrimo fletu prosequerentur: & quod longe admirabilius est, impressa a nobis humi uestigia ipsa, obstupentibus rei nouitate, ac miraculo qui mecum aderant Lusitanis, oscularentur. Verum, ne longior sim, modum epistolæ faciam, si unum addidero, ex quo facile iudicare possitis, quanta sit Iaponicæ gentis ac nominis ad humanitatem religionemq; propensio. Cum fessus e uia, morboq; pæne confectus, in quodam barbarorum oppido substitissem; tametsi nullum erat desiderium cibi, tamen ne plane deficerem, oryzam reformidans, putridaq; piscium salsamenta (hæc enim incolarum cibaria sunt) misi qui oua coemeret. is autem mihi mox oua cum ipsis nummulis retulit. Causam quærenti, respondit, barbaros oua, quòd dies ille festus ipsorum esset, uendere noluisse: quòd egroto quærerentur, dono dedisse. Denique Bungum egre peruenimus, ibi quanquã a Cosmo, ac Socijs amantissime acceptus, humanissimeq; tractatus, uix tamen adhuc e diuturna ægrotatione conualui. Vos clementissimum IESVM obsecrate fratres, ut mihi ad se perfecte colendum uires, animumq; sup-  
 peditet. Bungo. Ca-  
 lend. Octobris

1561.

T

Cosmus

COSMVS TVRRIANVS ANTONIO  
 Quadrio Indiæ Prouinciæ pro Societate  
 IESV Præposito.



*Acti rerum Indicarum euentus quos ex litteris a uobis publice scriptis hoc anno cognouimus, cum eiusmodi uisi sunt, propter quos ingentes immortalī Deo gratias ageremus, tum etiam nos monuere, ut Iaponicas res (quæ nunquam antehac meli ore loco fuerunt) uicissim perscriberemus ad uos. Primum igitur de regionis ipsius natura nonnulla (tametsi multa iam in eam sententiam scripta sunt) tum uero felicem, hoc anno præsertim, Christianæ religionis progressum ad eius gloriam, qui bonorum omnium est auctor, hac epistola persequar.*

*Iaponis insula eodem climate, quo Hispania, continetur: terræ atque arborum fructus uarij, & plerique Hispanicis non absimiles: multæ etiam argenti fodinæ cernuntur. Gens admodum bellicosa, & in retinenda omni studio dignitate proxime ad Romanos ueteres illos accedit, præcipuumq; est apud eos idolum honoris, & ob id ipsum bella sæpe mouentur, multi partim occiduntur, partim etiam ignominie uitandæ causâ mortē ultro sibi met inferunt. eadem est causâ, cur parentes reuereantur, amicis fidem præstent, scelera, flagitiaq; ut furta, adulteria, aliaq; eiusmodi refugiant.*

*Publica administratio est triplex. Principem omnium tenet locum supremus religionum antistes, cuius decretis, ac scitis omnia publica, priuataq; sacra subiecta sunt. Nascentes præterea Bonziorum sectæ nullam existimationem, uel auctoritatem obtinet, nisi eas idē suo diplomate ac testimonio comprobauerit. Tundos etiam (qui ue-*

lut episcopi sunt) tamen si eorum nominatio, quæ dicitur, quibusdam in locis pænes Regulos sit, confirmat tamen, & creat ipse: qui deinde magno apud summos infimosq; in honore sunt, & sacerdotia conferunt. Iam uero priuilegia quoque, & immunitates a profanis muneribus, ab illo petuntur. Nam quæ leuiores sunt, ut carnis gustatus religiosus diebus cum ad idolorum delubra uulgo peregrinantur, aliaq; similia, eorum potestas pænes Tundos est. Porro sacerdos hic maximus, tamen si apud Sinas ab eruditione, ac sapientia; apud Iaponios tamen uel a stirpe, uel a nobilitate, & pecunia legitur. late admodum imperat, magnisq; uictualibus fruitur, & cum profanis regibus saepe certat. Atque hæc de religione, sacrisq;. Cetera gubernatio bifariam diuiditur. præfecti duo summa cum potestate sunt: quorum alter honoribus præest, alter iudiciorum, & causarum cognitiones exercet. Honoris præfectus, quem uocant Uo, stirpis successionem delectus, in deorum numero colitur. Hunc terram pede contingere religio est: si tetigerit, magistratu depellitur. domesticis finibus nunquam egreditur, nec temere sese in conspectum dat. intra ædium suarum septa, uel lectica gestatur, uel soccis ligneis ambulat spithamã altis. In sella fere quiescit, ex altera parte pugionem habens, ex altera uero arcum ac sagittas. intima tunica utitur nigra, extima autem rubra, quæ tenui serico, ceu uelo quodam, obducitur. pileum gerit in capite pendentibus uitis, ad instar pontificalis tiaræ: frontem habet rubro, candidoq; colore depictam, & fictilibus ad cibum utitur patinis. Eiusdem unius in toto Iapone iudicium est, quo quisque honoris titulo sit decorandus. multi enim dignitatis gradus ac discrimina sunt, eaq; certis characteribus dignoscuntur, quibus in obsignandis epistolis uti mos est: ijq; pro uarietate graduum subinde mutantur. Regem quidem hunc Bungi, ex

quo die in hanc urbem migravimus, eiusmodi honorum vocabula  
 & notas quater & tricies iam mutasse animadvertimus. Ha-  
 bent autem dynastæ omnes regniq; procures, suos quisque apud Vo-  
 procuratores: quia natio est laudis ac dignitatis mirum in modum  
 appetens, ad ineundam ipsius gratiam pretiosis inter se muneribus  
 certant: quibus ille adeo crescit (cum ceteroqui fundos ac uectiga-  
 lia nulla possideat) ut hac una ditatus præda, Iaponiorum pæne  
 omnium pecuniosissimus habeatur. & quamvis tanto in honore sit,  
 tribus tamen de causis eo dignitatis gradu deijcitur: Si pede con-  
 tingat solum, ut diximus: si quempiam occidat: denique si pa-  
 cis & otij inimicus euaserit: nunquam tamen idcirco capite ple-  
 ctitur. Restat extremus iudiciorum præfectus. is cum reliquæ  
 iurisdictioni, tum etiam bellis præest indicendis, quæ ipse iusta es-  
 se decreuerit, itemque sedandis: nec non puniendis ijs, qui in re-  
 gno seditionem excitauerint: quas ad res regulorum opera, atque  
 opibus utitur, quorum, nisi paruerint, bona proscripta finitimis ci-  
 uitatibus addicit. Hæc sunt magistratus huiusce iura, & impe-  
 rium, cui tamen non omnino obediunt procures, quod fere ar-  
 mis, ac ui magis, quàm iure certatur. Quod ad reliqua pertinet,  
 Iaponij regibus quisque suis in profano foro, in sacro sectarum prin-  
 cipibus ac Tundis obtemperant. Eæ sectæ (quod iam antea scri-  
 psimus) circiter duodecim sunt: quæ licet inter se cultu, ac super-  
 stitionibus differant, omnes tamen fere in tollenda animorum im-  
 mortalitate consentiunt. & quamvis plebi uaria deorum nomina  
 ad adorandum proponant, ipsi tamen apud se nihil esse præter or-  
 tum & interitum existimant: aiuntque homines, bruta animan-  
 tia, plantas, redire omnia quendam in locum, unde profecta sunt.  
 ad cuius opinionis prauitatem pænitus imis sensibus inculcandam  
 paratas

paratas habent commentationes circiter bis mille, & quingentas. quas ubi quis diuturna cogitatione animo impresserit; omni religione solutus, prorsus in illa cæcitate ac tenebris conquiescit. nonnullas attingam, ut genus uideas. percontare (inquiunt) caput hominis abscissum a trunco, tu qui es? audiemus quid respondeat. illa est etiam: eundem uentum pro corporum diuersitate quæ offenderit, uarios edere sonitus. denique statuunt, quod e nihilo existit, in nihilum reuerti, esseq; tres hominis animas: quæ ordine alia post aliã deinceps corpus & ingrediantur, & deferant. illud unum interesse, quod quæ prima ingressa est, postrema discedat. Has autem ineptias in arcanis habent, uenduntq; carissime.

In ijs qui homines doctrinæ laude illustres in deorum numero uenerantur, sunt qui quendam colant nomine Xacam, quem aiunt Regis filium in primis eruditum fuisse: is praua dogmata posteris scripta reliquit permulta. Itaque librum eius quem Foquequium uocant, pariter uenerantur, negantq; sine eius uoluminis ope quenquam posse seruari: eiusdem beneficio ipsas quoque herbas, & ligna beatitudinem esse adeptura. Omnis autem illius libri doctrina eo refertur, ut persuadeat nihil esse, ex quo omnium esse pendeat.

Qui Solem, ac Lunam adorant, delubrum habent etiam nomine Denichi, cuius imaginem pingunt tricipitem, quam Solis, ac Lunæ, & elementorum esse uirtutem affirmant. Iidem offerentem subinde sese demonis speciem ita ut eam clare conspiciant, multis, ijsq; admodum pretiosis sacrificijs uenerantur. Hominum genus in primis ueneficum, & Christianæ religionis inimicum. Delubrum est aliud Quanonis, quem Amidæ filium fuisse perhibent. hunc pauci colunt, sed eam superstitionem magni faciunt, precesq; assidue recitant.

Nam de ceteris, qui commentationibus uacant, iam ante diximus, quorum maior est numerus. Venio ad res Christianas, quæ mihi nunquam æque bene ac nunc, ex quo Iaponem attigimus, habere sunt uisæ. Nam antehac, bellis ac seditionibus provincialium impediēbamur non modo ne religionem latius propagare, sed ne parta quidem conseruare possēmus. Hoc autem anno Bungi rex, amicus noster, ita feliciter cum hostibus dimicauit, ut propemodum debellauerit. quare ipsius uictoriam tantum est otium consecutum, ut ingens plane porta Euangelio patefacta esse uideatur. Versamur autem in Iapone non plus sex in uniuersum e Societate nostra uarijs locis atque prouincijs. Primū est hoc Bungi domicilium, quæ urbs ab ipso Rege incolitur, posita ad Septentrionē gradibus tribus & triginta & semis, quæ tota pars insulæ in arcticum uergens polum, cum multos iam habeat Christianos, eosq; constantes, tum ijs augetur in dies: in quibus litterati nonnulli sunt ex ordine commentantium, qui se inuicem ad Christum alliciunt, de quibus ex alijs litteris plura cognosces.

Alter Christianorum locus est Cutame in agro Bungesi, ab urbe Bungo circiter septem, & uiginti millia passuum. Christiani sunt ibi amplius ducenti, quorum unus ære suo egregium templū exstruxit, & aliquem e nostris efflagitat: sed quo minus ei cōcedatur, Sociorum in his locis paucitas facit.

In Firando insula tertia Ecclesia est, quam septem octoue loca Christianorum efficiunt. sua est autem hæc insula ex altera parte Iaponis ad occidentem, ab urbe Bungo passuum ad centū & quinquaginta millia: Christiani bis mille censentur: a quibus colendis, inuandisq; nos annis superioribus bella intercluserunt. Sed iam Firandi Rex ab hoc Bungenſi deuictus, stipendiarius ipsius est factus, eritq;



eritq; posthac nobis tutus ad eam insulam aditus. ac mēse Iulio proximoinuisit eam Ecclesiam Aloisius Almeida, multaq; ad Christi cultum ibi præclare constituit, quæ Aloisii ipsius litteris ad uos perscribentur.

Accedit Facata urbs in primis opulenta, & mercatoribus celebris. distat a Firando circiter septuaginta millia passuum. templum est ibi, Christianiq; permulti. horum unus aliud quoque se templum edificaturum promisit. Ibidem ex itinere Almeida paucis diebus baptizauit incolas amplius sexaginta, multo etiam plures baptizaturus in reditu, nisi repente in morbum incidisset.

Quintum obtinet locum Cangoxima oppidum, quo primum in Iaponem ueniens Franciscus Xauerus appulit, ibiq; primum Iaponij Christiani fieri capti sunt. posita est autem ea regio in Meridiem ad alteram procurrentis insule cuspidem, gradibus uno & triginta, ab urbe Bungo passuum fere ducenta millia: quam item Ecclesiam nuper Almeida lustrauit.

Neque uerò Amangutium omittendum est. ea urbs magis ad Septentrionem spectat, abestq; Bungo passuum cētum & quinquaginta millia. ea uinea quo minus annis superioribus inuiseretur colereturq;, bella prohibuerunt: quamquam pacatis iam rebus, ex Christianorum litteris (quibus ad copiosam messem in ea loca inuitamur) didicimus constanter eos in fide persistere.

Sequitur Meacensis Ecclesia, ad alteram huius insule cuspidē. Ex ijs locis cum primarius quidam Bonzius mihi per litteras demonstrasset magno se desiderio teneri legis diuinæ cognoscendæ, sed confecta iam ætate ad me uenire non posse, orare se, ut si mihi minus eo proficisci liceret, quempiam alium mitterem; Gaspari Vilele Meacum rei Christianæ caussa proficiscenti mandata cum litteris

ad hominem dedi: sed eum Gaspar mortuum offendit, quem ferunt ante obitum dixisse, præclare sibi cognita, ac percepta fuisse, quæ tum ego, tum Iaponij nostri ad ipsum de Christiana religione perscripseramus, seq̃ e uita ea ipsa fide ac religione discedere. ac Meacici quid actum sit, fusius ad uos Uilela perscribet.

Novissima est omnium Ecclesia Sacaiana non longe a Meaco: opulenta urbs, emporiumq̃ percelebre, suisq̃, Venetorum more, legibus utens inde ad me cum muneribus litteræ missæ sunt, quibus etiam atque etiam rogabar, ut eo legarem ad promulgandam Dei legem aliquem e nostris. quod mihi cum Sociorū paucitas non permetteret, nullusq̃ mecum esset sacerdos; ad Gasparem scripsi, ut eo sese conferret, reiḡ Christianæ consuleret, quoad subsidium nobis ex India mitteretur. quocirca te per Dominum obsecro, ut operarijs saltem sex, aut minimum quattuor inopiæ nostræ subuenias: nam præter has octo iam institutas Ecclesias, eiusmodi est in præsentia status rerum Iaponicarum, ut minime dubitem, quin omnes huius regni atque insule partes (modo præcones non desint) Euangelium Christi peruagaturum sit.

Quod ad Christianorum mores uitamq̃ pertinet, plura ex literis Sociorum cognoscēs. Vnum illud dicam, me tot barbarorum, et Christianorum terras emensum, gentem uidisse nunquam aut recte rationi, ubi eam cognouerint, eque obtemperantem, aut ita pietati ac penitentiæ deditam; plane ut in Confessionis & Eucharistiæ mysterijs obeundis, religiosi cænobitæ potius, quàm tyrones ac neophyti uideantur esse. Iam quanta sit eorum in fide constantia, uel ex eo facile coniici potest, quod cum Firandenses Christiani unius tantum susceptæ religionis causa cum alijs afficerentur iniurijs, tum etiam in exsilium pellerentur; multi re familiari neglecta Bungum com-  
migr-

migrarunt, paupertatis incommodis Christi Domini caritati postpositis. pietatis uero illud sit argumentum. cum are campano statis horis datur signum precandi, tanta est omnium in eo genere alacritas, non modo ut uiri, fœminæ, & pueri; sed pœne infantes ipsi, qui nondum rationis compotes sunt, nixi genibus ilico preces fundant. Sane Christianus quidam mihi narrauit, cum paucis hisce diebus puellam tenera admodum ætate ad uinum a propola coemendum misisset, dum uinum e cupa depromitur, puellam audito salutationis Angelicæ signo, relicta ilico lagena genibus positis fixam stetisse, quoad orationē Dominicam, & Angelicam salutationē quinques recitasset: eamq̃ rem barbaros qui aderant ita admiratos, ut dicerent nullum esse Deum cum Christianorum Deo comparandum, quorum pueri etiā ipsi bonos mores docerent. Iam uero quanti grana, quæ benedicta uocantur faciant Christiani, præclare demonstrant, cum pauca quædam a nostris huc missa celebrioribus locis publice posita assidue precando percurrunt: & si quod est aliquis priuatum, semper de manu in manum traditur, nec quicquā donari gratius his hominibus potest. Proinde una cū operarijs mitte quæso ex ijs etiam granis aliquot, quoniam tanto in honore sunt.

& noli dubitare, quin utrunque beneficiū melius hic, quàm apud Malucos, aut Brasílicos collocetur. Quod reliquum est, faxit Deus ut quantum subsidio egeamus, intelligas: tibiq̃ ac nobis omnibus ad ipsum rite colendum uires impertiat. Vale. Buno.

go. 7. Idus Octobris

1561.

Gasspar

GASPAR VILELA  
Societati IESV.

*Anno superiore, Cosmi Turriani missu, Bungo discessurus Meacū, de mea profectiōe feci uos per litteras certiores. Nunc, quoniam id fore uobis gratum atque iucundum existimo; ea persequar, quæ mihi ex eo tempore contigerunt: ut cum Deo Domino gratias agatis; tum fratrem hunc uestrum a uestra consuetudine tanto locorum interuallo disiunctum, supplicationibus uestris adiuuandum intelligatis.*

*Anno igitur a Virginis partu 1559, comite Christiano Iaponio, Laurentio nomine, probo iuvene, & linguæ huius rerumq; peritissimo, nauigium ethnicorum conscendimus: iter autem nostrum (quod facile iudicari potuit) aduersarius multis rationibus impedire conatus est. primum enim ipso nauigationis initio, tanta repente malacia ac tranquillitas exstitit, ut nauis loco moueri non posset. Tum barbari ut muneribus pacem uentumq; a Dijs obtinerent, stipem sigillatim a uectoribus corrogare cæperunt. Vbi ad me uentum est, negaui me unius Dei conditoris celi terræq; cultorem, in quo spes meas omnes haberem repositas, quidquam in ipsorum delubra collaturum. quo illi responso adeo excanduerunt, ut eius incommodi causam apud me residere, ac proinde me in mare proijciendum esse affirmarent. Hic nos ad Deum mente animoq; conuersi: cuius beneficio inflari uela mane postridie capta sunt. Sed cum aliquot passuum millia processissemus, aduerso uento rursus retenti, quatri-duum stare coacti sumus. Tum uero barbari plane in nos causam eius rei conferre, uerbisq; & significationibus conceptam iram ostendere:*

dere : quæ tamen Domino miserante cohibita est . Denique ad portum quendam delati , ibiq̃ decem dies tempestate coacti subsistere , communi sententia decreuerunt , nequaquam nos secum ex eo loco auhendos : & ipso quoque nauarcho in eam sententiam adducto , nos descendere coegerunt , quem tamen cum aliam nauem nullam in eo portu offendissem , precibus placatum , inuitis omnibus populi , ut me ultra eum locum passuum sex & triginta millia deferret . Et quoniam nauarcho ulterius progrediendum non erat ; barbari circum naues quotquot in eo portu erant circumcursare statim incipiunt , & gubernatoribus aperte denuntiare , si prosperam optent nauigationem , nos e nauali comitatu omnino reiçiant : quocirca omnibus abeuntibus , relictis sumus in litore : sed paulo post diuinitus alio confestim appulso nauigio , tam feliciter nauigauimus , ut portum citius ijs , qui ante nos soluerant ( cum etiam aliquot eorum in piratas incidissent ) sine ullo periculo tenuerimus . Tum denuo instare barbari , & nauicularijs suadere conati sunt , ne porro nos ad urbem Sacaium , quo tendebamus , perducerent . sed frustra . etenim quarto Idus Sextilis incolumes eo peruenimus : qui dies quoniã Diuo Laurentio erat sacer , ipsum Christi martyrem , eius nationis patronum asciuiimus . est autem urbs Sacaium perampla , plurimisq̃ ac pecuniosis mercatoribus frequentissima , suisq̃ legibus ac moribus more Veneto gubernatur . Hic nos ex itinere aliquantulum recreati , ad montem contendimus Frenoiã , ab urbe Meaco passuum millibus decem & octo . mons autem est permagnus : habitatur a Bonzijs , & caput est regni , ad cuius radices iacet lacus plenus piscium , passuum nonaginta millia in longitudinem , unum & uiginti in latitudinem colligens , quem multi confluentes amnes efficiunt . in eius litore locus est ad montem pertinens cænobijs plus quingentis

quingentis uisendus, multis alijs bellorum iniuria deletis, quæ quon-  
 dam trium millium, & trecentorum summam impleſſe dicuntur.  
 His autem in cænobijs Bonzj diuerſarum ſectarum habitant, bi-  
 pedum ſuperbiſſimi: ac ceteri quoque montis incolæ ad litteras na-  
 tura propenſi uidentur, in quibus (ut opinor) excellenter, ſi ſe ad  
 Chriſtianam religionem adiungerent. quibus nos Euangelij lumē  
 inferre conati, nihil profecimus, & nemo nobis aures, præter ſenem  
 quendam Bonzium, dedit: cui, & ſimul diſcipulis eius aliquot,  
 demonſtrauimus unum eſſe Deum opificem rerum omnium, ani-  
 mosq; hominum eſſe immortales. tum ille mihi in aurem inſur-  
 rans, Orationem meam, quamuis placitis Iaponiorum aduerſare-  
 tur, plane ſibi probari dixit, & præſertim quæ de animorum eter-  
 nitate a me fuerant diſputata: ſed quo minus Chriſti ſacra ſuſcipe-  
 ret, ſe Bonziorum metu, capitisq; periculo deterreri. ubi igitur fru-  
 ſtra nos laborare intelleximus, inde proſecti, paucis diebus Mea-  
 cum hyeme tum ineunte peruenimus: eſt autem urbs perampla, ta-  
 metſi maior olim fuiſſe traditur, cum eſſet eius longitudo paſſuum  
 unius & uiginti millium, nouemq; latitudo. Hanc montes editiſſi  
 mi cingunt: quibus in imis ingentia ubique & opulenta cænobia,  
 atque ædificia antiqua cernuntur: quanquam ſeditionibus & in-  
 cendijs una cum ipſa urbe magna ex parte diſiecta & exciſa: ut,  
 quod nunc urbis incolitur, priſcæ magnificentie tenuis quædam ue-  
 lut imago eſſe perhibeatur. Regio eſt in primis frigida, partim ex co-  
 pia niuium, partim ex arborum cæduarum inopia. Sterilis autem  
 adeo, ut raphanis, rapis, melongenſis, & leguminibus uulgo uc-  
 ſcantur. hæc autem ciuitas dicitur quondam religione ac litteris flo-  
 uiſſe: cuius rei argumentum etiam illud afferunt, quod ex eadem  
 urbe monteq; omnes Iaponiorum ſectæ manauerint, quarum prin-  
 cipes



cipes ac magistri in his locis sibi in hoc usque tempus sedes, ac domicilium collocarunt. Meaci igitur, conducto hospitio, cum nemo fere ad nos ignotos adhuc, & obscuros audiendos accederet, mihi faciendum existimaui, ut primum omnium Regem siue Imperatorem honoris causa inuiserem, ut eo beneuolo, propitioq; uteremur: deinde sumpta Cruce, in mediam uiam ex adibus prodiens Christum palam predicare institui. quas ad uoces ingens continuo populi multitudo conuenit, alij rerum nouarum studio, alij etiam cauillandi atque irridendi. Quorum interrogationibus cum ita Deo adiuuante responderetur a nobis, ut ipsorum rationes plane infirmari, ac refutari constaret; aduentus nostri fama totam urbem ita peruasit, ut omnium sermone celebraretur: partimq; improbaretur nostra doctrina, partim etiam defensores aliquos inueniret. Bonzij quidem furentes circumcursare uicos, plebem in nos incitare, Euangelium probris maledictisq; proscindere, falsis etiam testibus criminari, nos carnes humanas uorare, repertaq; domi nostrae ossa cadaverum: alij denique nos hominum specie demonas dicere: hortari etiam uicinos, ut nos finibus pellerent: adium uero domino exprobrare, quod nos in suis tectis morari pateretur: qui ipsorum diuersis impulsus, mihi renuntiari iussit, ut confestim migrare: cumq; incertus quo me reciperem, haud ita continuo paruissim; euaginato gladio in me impetum fecit, quamuis intelligeret, si me occidisset, se uel patrijs legibus capite punitum iri, uel eius ignominiae uitandae causa, mortem laponico more sibi ultro esse oppetendam. Ac meus quidem quis tum esset animi sensus ac status, cum impendentem mihi e barbari manibus euaginatam enses aspicerem, existimare potestis ipsi. Et sane mihi affirmanti credite fratres, permultum interesse, utrum quis mortem apud se tacitus medi-

retur

retur & cogitet, an oblatam sibi propius intueatur ac cernat. Ego me (ad quem enim confugerem?) Domino totum commendavi, ac tradidi, cum una me res eo tempore solaretur, quòd inter eos terrores, minasq; uerbum Dei in hac urbe, quæ omnium Iaponicarum superstitionum est parens, disseminari & crescere intelligerem. Eo periculo perfunctus, cum iam aliquot Christianos fecissem, iniquorum furori concedere, & in alias ades migrare constitui, quas nobis uini propola quidam exhibuit perincommodas. quippe quæ Ianuario mense in magna niuium copia, frigoribus maximis; & parietibus, & omni alio munimento carerent. Hic nos maiore etiam animo ceptis institimus, Dei beneficio parati, uitam, si opus esset, in Christiana caussa profunderè iamq; & e ciuib; plures, & e paganis permulti Christo nomina dare non dubitabant, quamuis ob id ipsum uulgo despicerentur, & Bonzj, licet aliqua ex parte placati, non dum tamen calumnijs ac maledictis nos lacerare desisterent, quinimmo ne uspiam consistere nobis liceret, communi consilio emptores ab eius taberna qui domum nobis locauerat, auocare ceperunt: quo ille permotus incommodo, sæpius egit mecum, ut inde migrarem, sed tamen solitudinem nostram miseratus, quòd nullus præterea foret nobis in urbe locus, tres menses de habitatione commodare constituit. quo temporis spatio multa frigoris, laboris, uale tudinis incommoda non solum æquo, sed etiam libenti animo (Domino auxiliante) pertulimus. Iamq; æstas appetebat, cum Regem rursus adiuimus, ut nobis in urbe tuto manendi faceret potestatem. ac, tametsi obrectatores non desuere, feliciter tamen diploma statim abstulimus, mortis pœna proposita, si quis nos aut iniuria affecisset, aut quo minus suscepto munere fungeremur, impedire ausus esset. Ea re & iniquorum impetus retardati, & Christianorum

numerus ita auctus est, ut necesse fuerit perampla domo ad eam rem coempta templum instruere, quo non Christiani solum, sed etiam ethnici confluabant. quorum alij se ad Ecclesiam aggregabant, alij cum uerba nostra uehementer probarent, Baptismi tamē petitionem se differre dicebant, quoad latius res Christiana pateret. Annum iam in opere uersabamur, meliusq̃ res ibat in dies, cum perpetuus ille hostis bonorum omnium, Bonzios, aliosq̃ barbaros impulit, ut magna pecuniæ ui in commune collata magistratus corrumpent: qui muneribus deliniti inscio Rege nos summa cum ignominia exterminare decreuerant: idq̃ fecissent, nisi cognitare ethnicus quidam primarius, uir bonus, & nostram causam apud Regem agere solitus, nocte antequam inimici domum nostram irrumperent, me per nuntium monuisset, ut Bonziorum rabiem in praesentia declinarem, meq̃ in arcem quandam suam ad sextum decimum lapidem ab urbe, reciperem. Consilio a Christianis probato, magna eorum manu, ea ipsa nocte ad arcem usque deductus, fere quatrimum latui. Sed cum iam res postulare uideretur, ne abessem diutius, Meacum occulte reuersi ad Christianum diuertimus. quo tempore uariis erat de nostro discessu populi rumor: cū alij iniuria, alij iure optimo nos oppido pulsos dicerent. Christiani uero clam eo uentitantes, quibuscunque rebus poterant, consolari nos & iuuare conabantur: quorum opera quattuor mensium inducijs impetratis, ut interea de nostra mansione, uel profectione ageretur; in publicum magna omnium bonorum gratulatione prodimus, atque etiam sacra aedes nobis est reddita. Quæ dum geruntur, ad Regem delatum est, contra ipsius edictum quàm iniqui in nos Bonzj ac magistratus fuissent. qua re permotus, multo nobis in posterum diligentius cauit. aduersarij uero fracti ac debilitati non modo

modo nos ultra persequi destiterunt, sed etiam facta iam nobis libera commorandi potestate, nonnulli fauere ceperunt. ita, quod consilium diabolus in nostram perniciem sumpserat, id ipsum maxime nobis diuinitus profuit.

Restat ut nonnulla de superstitione, sacrisq; huius gentis attingam, ut ipsorum cecitate perspecta, enixius pro ipsis Dominum deprecemini. Primum Augusto mense concelebrant ludos quos uocant Gibon (quæ uox hominem significat) quod ij ludi homini sacri esse dicantur: quorum eiusmodi est ratio. Primum in urbis uicos, opificumq; collegia, pegmata excogitanda moliendaq; distribuunt. inde ubi festus dies aduenit, ueluti ad supplicationem populus coit. Agmen curru quindecim, uel uiginti præcedunt sericis pretiosisq; tapetibus cooperti: in ijs pueri multi psallentes, uel tympana pulsant, uel tibijs concinunt. Singulos autem curru hominibus tricenis, aut quadragenis impulsos sua quemque artificum turba sectatur. Alia deinde sequuntur uehicula hominibus armatis instructa, sericis item, uarijsq; priscarum rerum monumentis ornata. Hoc ordine pompa delubrum præteruehitur, cuius delubri ea celebritas est: qua in re matutinum tempus omne consumitur. Sub uesperam inde binæ læticae prodeunt: altera illius quem colunt Dei, læticarijs ita compositis, ut præsentis numinis pondere ualde fatigari premiq; uideantur; alteram esse aiunt amicæ cuiusdam ipsius. nec ita multo post, tertia lætica uxoris iustæ gestatur, cui simul ac maritus per nuntium significauerit se una cum pellice aduentare; læticarij statim huc atque illuc lymphati discurrent, itaq; uxoris Zelotypiam insaniamq; significant. Hic populus magna edit signa doloris, atque mæstitiæ: plorant multi, multiq; ad consolandum Deæ animum positis genibus eam supplices uenerantur. denique lætica coniunctæ

coniunctæ ad phanum redeunt : atque ita ludis finis imponitur .

Nec ille minus miserabilis error est . Eodem Augusto mese biduum tribuunt colendis Manibus mortuorum . sub imminentem noctem in adium foribus lampadas multas accendunt uario genere picturæ , & ornatu : inde urbem tota nocte perambulât , alij religionis , alij etiam spectandi causa : magna etiam populi uis cum aduesperascit , ex urbe , aduentantibus ( ut ipsi uidelicet opinantur ) suorum Manibus obuiam prodit . Ubi quendam ad locum peruentum est , quo loco eos sibi occurrere arbitrantur ; humanis primum uerbis excipiunt : Felix ( inquiunt ) faustusq; sit uester aduentus . Iam diu aspectus uestri fructu caruimus : confidete parumper , ciboq; uos ex itineris defatigatione reficite . Tum oryzam , arborum fructus , aliaq; cibaria apponunt : & quibus ea per inopiam non licet , ij aquam calidam secum afferunt : ibiq; totam horam morati , quasi finem epularum expectent , precibus eos in suas domos inuitant , aiuntq; se præcedere , ut domum instruant , parentq; conuiuium . Ut biduum illud effluxit , accensis funalibus oppido plebs egreditur , lumina discedentibus præferens , ne scilicet in tenebris offendant , aut quopiam incurrant : inde in urbem reuersi adium tecta lapidationibus diligenter excutiunt , ne qui forte ex Manibus ( a quibus nimirum aliquod sibi incommodum metuunt ) occulte remanserint : tametsi eos miserentur nonnulli , quod paruulos dicant esse , & , si forte eos in itinere imber oppresserit , extinguui misellos . Interrogati Iaponij , cur illis epulum præbeant , respondent , eos ad paradysum tendentes suum , qui abest leucarum decies milles millena millia , quod iter non minus quàm triennio conficitur , fessos e uia , recolligendarum uirium causa huc diuertere . Per

eos etiam dies omnia sepulcra diligenter purgant: Bonzj autem uelicet regnant; nemo est enim re familiari quamuis exigua, quin ad expiandos rite suorum Manes Bonzj's munus aliquod afferat. Videtis fratres mihi carissimi huius gentis errores, & tenebras, in quibus hæret adeo pertinaciter, ut eam inde ægre admodum eruas. Obsecrate Dominum, ut eos pro sua bonitate conuertat.

Ad hæc alios etiam agunt celebri cum certamine ludos mense Martio sane detestabiles. Conueniunt post meridiem quibuscunq; libuerit, armati, deorumq; suorum imaginibus picti humeros. tum duas in acies diuisi, pueri primum lapidibus, deinde ceteri sagittis, & sclopis, mox contis, postremo gladijs dimicant. quæ ex pugna semper fere nonnulli desiderantur, complures uulnerati discedunt, omnibus qui in eo prælio quempiam occiderint, aut plagis affecerint, impunitate proposita. omnino bellicosa est natio. hoc ipsorum studium, hæc est oblectatio: militibusq; pro numero ac dignitate capitum, quæ ex hostibus caesa retulerint, præmia persoluantur.

Dæmon autem tanto apud hosce miseros in honore est, ut ei magnificentiissima phana exstruantur: in quibus horribili specie sese identidem offerens, cum alibi adoratur a populo, tum præsertim in monte suburbano, in quo fuisse quondam aiunt cænobiorum septem millia, quamuis nunc minus multa uisuntur: quorum est unum in primis opulentum, & confluenti omnium ordinum multitudine usque adeo celebre, ut cum Reges bella gesturi ingentem auri uim ei delubro uoueant, & uictoria parta persoluant; tum infima quoque plebs in suis difficultatibus atque periculis eodem auxilij causa confugiat. quibus dæmon per quietem apparens persuadet se ipsorum religione placatum, eos e periculo eripuisse,



se, perindeq; ijs cetera in posterum cessura, ut ipsum rite negligenterue coluerint. quibus ille artificijs ita imperium in has gentes exercet, ut magnopere metuatur, obseruetur, denique adoretur ab omnibus.

Ille quoque deplorandus hominum error est. Bonzium quendam Combadaxi nomine, ante octingentos annos ferunt in hac urbe uersatum: quem equidem existimo hominis forma demonem fuisse: adeo nefaria scelera ab eo excogitata, ceterisq; demonstrata narrantur. hunc tradunt deducere stellas e cælo, & futura prædicere solitum: inuentorem etiam litterarum fuisse, quibus Iaponij utuntur, sibiq; multa eaq; magnifica templa edificari iussisse, extremaq; iam ætate subterraneum sibi effodi specum, in quem ultro se condidit, cum diceret, se iam uitæ huius satietate teneri, & in eo specu uiuentem uelle quiescere ad annorum decies millies millena millia. quo tempore fore, ut magnus quidam in Iapone doctor existeret, seq; tum in lucem hanc esse rediturum: eo sermone habito, se intra specum obturato ostio occludi imperasse. magnum est eius ubiq; nomen, & uiuere etiamnum creditur, multisq; se per uisum offert, & ab eo plerique suppliciter opem implorant. anniuersaria uero illius diei solennia, quo die sese in specum abdidit, mirum quanta remotarum etiam nationum frequentia celebrantur.

Alij præterea diuersis ætatibus fuere tres, uel quattuor Bonzij summa eruditionis existimatione, quibus item magni honores habentur: & uni præsertim, quem ante annum trigessimum uixisse perhibent, auctorem sectæ eius, quam Icoxos uocant: magna apud plebem auctoritate: cui sectæ Bonzius semper cum imperio præsidet, stupris, flagitijsq; palam turpiter deditus. quem

plebs nihilo minus tanta pietate, ac ueneratione prosequitur, ut eum si modo aspexerit, uim lacrimarum profundat, soluiq; se admissis noxis ab eo suppliciter petat. eidem tantum pecunie deferunt, ut magnam Iaponicarum diuitiarum partem unus obtineat. Festos uero eius dies quotannis ita conferta populi multitudo concelebrat, ut in ipso cœnobij aditu, cum fores aperiuntur, obtriti aliqui semper intereant: quibuscum ita præclare agi putatur, ut nonnulli religionis caussa sese pedibus irruipientium ultrò calcandos necandosq; substernant. nocte autem, oratio de laudibus eius dum habetur, tanta auditorum comploratio oritur, ut si publice magnum aliquod incommodum ac uulnus esset acceptum.

Magna est etiam sanctitatis opinio Bonzij Nequiron, qui ante quingentesimum annum floruisse dicitur, & Foquexana familie princeps fuisse.

Hactenus de rebus Meacensibus. uenio ad Sacaianas. Ego Sacaium Cosmi iussu Meacome contuli, ubi sum in presentia: quam urbem, cum ex concursu hominum ad nos audiendos (quorum aliqui iam baptizati sunt) letam nobis animarum segetem allaturam; tum quod copiosissima ac munitissima est, tutum nobis in tumultibus bellicis perfugium fore confidimus.

Multa uidi post meum aduentum memoratu digna, e quibus ne longior sim, unum dumtaxat exponam. Iulio mense festum diem agunt Daimaogini, quæ excellēti sanctitate uirū, affecclā aiunt fuisse prisci cuiusdam Imperatoris. hunc Sacaienses adorant, templis compluribus ei dicatis, & ludos eiusmodi faciunt. Horis pomeridianis uiam urbis longam ad passus ducentos transversis utrinque tignis ac tabulatis obsepunt, ne plebi introspicere liceat; tum

magna

magna hominum multitudo a tribus passuum millibus eo contendit. in primo agmine idolum procedit equo insidens, stricto manibus ense permagno, pueris duobus deinceps comitantibus, quorum alter arcum eius & pharetram, alter accipitrem gerit. pueros multæ equitum turmæ certis insignibus distinctæ sequuntur, & magna præterea peditum uis, qui uoto sese ei celebritati obstrinxere, saltantesq; concinunt, Xenzairaquu, Manzairaquu. hoc est annos mille uoluptatis, mille millena millia gaudij. Hanc turbam Bonzij primum candidati psallentes, deinde uniuersa nobilitas in equis mitrata, postremo quinque uel sex ueneficæ magno mulierum comitatu linteatæ sequuntur: extremum agmen claudunt ingentes armatorum copiæ ad excipiendam Daimaogini læticā prodeuntes ad uiam, quam clausam esse dicebamus. Læticā uero ipsam inauratā læticarij ferunt uiginti, qui uarias cantilenas uelut intercalari quodam carmine concludunt Xenzairaquu, Manzairaquu. Eandem simul atque profertur in publicū, iactata suppliciter stipe, alijsq; similibus ueneratur populus. Hanc ego superstitionem, & alias in hac urbe cōspexi, quas Dominus aliquādo penitus abolere dignabitur. Meacum ad Natalē Domini cum Christianis agendū post menses quatuor cogitabam, ut mēse Martio Sacaiū denuo reuerterer, Christianamq; rem omni conatu fulcirem, quoad nobis supplementū isthinc in tanta operariorum inopia submittatur. Vos per Dominum obtestor fratres mihi carissimi, animū inducatis ad hanc prouinciā ad-eundam. Etenim si quod unquam tempus amplificandæ Catholicæ Ecclesiæ fuit idoneū, nunc certe egregia sese præbet occasio. Iaponica lingua haud sane difficilis est, saltem ad intelligendum. patientia tantum, animique submissione opus est ad ea, quæ Dominus permiserit, perferenda: quas ille uirtutes pro sua benignitate utique

impertiet ijs, qui huic colendæ uinæ sese alacri animo obtulerint.  
*Quem nos etiam atque etiam obsecramus, ut in animis uestris, &*  
*omnium semper inhabitet. Sacaio. 16. Kalen. Septemb. 1562.*

EX EPISTOLA ARIÆ  
 Sanctij ad Societatem IESV.

**E**Go in hac urbe fratres mihi carissimi operam nauo curan-  
 dis ægrotis, qui in Hospitali domo sunt; & simul pue-  
 ros quindecim partim Iaponios, partim etiam Sinas,  
 qui apud nos educantur, litteras & musicen doceo, quo maiore  
 ceremonia cultuq; sacra in posterum peragantur: quam rem ad  
 conuersionem barbarorum non mediocriter profuturam esse confi-  
 dimus. In his pueris duo numerantur, alter quattordecim, alter un-  
 decim natus annos, tam excellenti ingenio præditi, ut id ætatis,  
 Christianos concionibus suis ad lacrimas usque permoueant. Sed  
 maiorem Cosmus Turrianus Meacum misit ad eadem sacram tuen-  
 dam, & Gasparem Vilelam in opere subleuandum: minor apud  
 nos remansit. Institutum nostrum in Iaponijs erudiendis eiusmodi  
 est. Ioannes Ferdinandus, qui bene iam nouit Iaponice, edocen-  
 dis neophytis primum operam dat: deinde certum in locum se con-  
 fert, quo multi ad eum sciscitandi & querendi caussa conueniunt,  
 quibus ille respondet, refutatq; cum opus est, errores ipsorum: idq;  
 sæpenumero bis in die transferendis etiam Iaponice necessarijs qui-  
 busdam libris uacat, adhibitis ad eam rem nonnullis incolis Chri-  
 stianis, ut uersio purior, clarior, atque suauior sit. ex ijs, qui Chri-  
 stiana disciplina instituuntur, aliqui sunt uiri primarij, quorum  
 unus ante Baptismum, Bonziorum cænobio cum potestate præ-  
 fuerat,

fuerat, in Iaponicis superstitionibus, litterisq; apprimè uersatus.

Ad conciones, quæ singulis anni festis diebus, per Quadragesimam uero multo sæpius habentur, operibus suis & ratione lucri neglecta, tam alacriter auideq; plebs uentitat, ut freno potius, quàm calcaribus egeat. quantum uero concionibus proficiatur, satis apparet uel ex pietate, cultuq; sacrorum, uel ex consensu, mutuaq; Christianorum beneuolentia, quam sane augeri constat in dies. Hebdomadæ sacræ diebus cum cetera solennia rite sunt persoluta, tum uero quinta feria in cæna Domini, posteaquam pauperum pedes de more abluti sunt, agmen processit eorum, qui sese flagris cedebant: sequebantur tredecim pueri ornatu funebri, passionis Domini argumenta gestantes: ij suum quisque carmen elata uoce tanto cum animi sensu pronuntiauerunt, ut nemo omnium, quotquot erant in templo, lacrimas tenere potuerit. Paschali autem die Dominico, historiæ quædam e sacris litteris actæ sunt: ut exitus Israelitici populi ex Aegypto, speciei rubri maris in uestibulo templi machinationibus artificiosis exhibita, quæ transitum Israelitis præberet, ingressum autem Pharaonem una cum exercitu obrueret. Iona quoque Propheta casus, aliaq; similia spectacula edita sunt. Supplicationibus absolutis, dialogus publice est habitus, in quo superiorum dierum ex morte Domini luctus atque mæstitia cum Paschalis celebritatis Letitia & gratulatione conferebatur: quibus rebus mirū quanta uoluptate affecti fuerint Christiani. Atque iam ante, ipsis quoque Natalis Domini ferijs, orbis terrarum totius inundationem, custodias Loth, Abrahami uictoriam, denique pastorum aduentum ad oppidum Bethleem, sermonesq; cum Virgine Dei matre habitos ita ad uiuum effinxerant, non modo ut spectatores, sed actores etiam ipsi præ intima animi dulcedine colla-

crimarentur. Atque hæc de rebus Bungensibus.

Nunc de ceteris Japonis partibus pauca complectar. Gaspar Vilela Meaco Sacaium profectus primarij cuiusdam uiri precibus inuitatus, non solum peramanter ab eo acceptus est, sed etiam eiusdem sumptu ac benignitate sanum edificauit, quo populus ad Euangelium conueniret, statimq; constitit operæ fructus, nonnullis ad Baptismum adductis, in ijs adolescente filio eius apud quem Gaspar diuerterat, præclara indole puero, qui tam illustria uirtutis, ac pietatis dedit indicia, ut eius opera parentes quoque ipsius, fratremq; natu maiorem, qui iam ad religionem Christianam ualde se propensum ostendit, ad Ecclesiam Dei aggregatum iri Domino fauente speremus. Puerum hunc Gaspar deinde, parentibus non inuitis, quos nimirum adolescentulus precibus uicerat, Bungum misit, ubi quid egerit, ex Aloisij Almeidae epistola cognoscetis.

Quod ad Amangutianam Ecclesiam pertinet, quam iam diu nobis lustrare non licuit, morem præceptaq; sibi a Cosmo tradita Christianos studiose retinere cognouimus. Dominicis diebus in templum sacra tabula picta quam eo misit Cosmus ornatum, frequentes conueniunt. atque ubi Deum rite precati sunt, unus eorum ex Catechismo Iaponice scripto nonnulla recitat, de quibus deinde differunt inter se.

Habent etiam quosdam quasi æconomos ægrotis ac pauperibus subleuandis pecunia, quæ tum ad eam rem, tum ad curanda Christianorum funera in commune confertur. Aliqui etiam Bungum ad Confessionem, & audiendum uerbum Dei se conferunt. eam Ecclesiam Cosmus, quoniam per operarios non potest, saltem per litteras consolari & confirmare non desinit.



De Firandensibus autem rebus illud accepimus, Regem hoc an-  
no se denuo Christianis æquum præbere capisse, templiq; exstruen-  
di iam nunc illis potestatem fecisse eo fortasse consilio, ut cum Cos-  
mo in gratiam redeat, & hac ratione cum Lusitanis fœdus & ho-  
spitium renouet: quorum sibi amicitia, atque commercium quàm  
sit fructuosum, ut clarius desiderando sentiret, nauem eorum, supe-  
rioribus diebus Firandum appulsam, & Cosmo, & Lusitano uiro  
nobili, qui Bungi eo tempore uersabatur, nauarchi eius auunculo,  
uisum est faciendum, ut in alias oras auerterent. Igitur abeundi po-  
testate ab Rege Bungenfi quamuis egre impetrata de Cosmi uale-  
tudine atque incolumitate sollicito, Firandū uterque profecti sunt.  
Bungi autem, ubi a Christianis auditum est, Cosmum profectio-  
nem parare, mœrentes continuo ad eum uentitare ceperunt, paren-  
tem illum, atque pastorem agnoscere, manibus hi, illi etiam humi  
prostrati, pedibus oscula figere: quibus Cosmus exposuit, quam iu-  
stis de causis iter illud ingrederetur, & simul mandauit, ut uica-  
rijs, donec rediret (quod propediem erat futurum) diligenter ob-  
temperarent: atque ita ab eis digressus est, multis eum uiris, mulie-  
ribus, pueris magno cum luctu ac mœrore extra oppidum prose-  
quentibus. quo absente, cum barbari se in templum nostrum inso-  
lenter inferrent, ea re cognita Rex misit e familiaribus suis, qui tem-  
plum assidue custodiret, & in uincula abriperet, si quis in eum locū  
se contumeliose gessisset: atque eiusdē præsidij negotiū duobus etiam  
primarijs ciuibus dedit in ea uicinitate habitantibus. In ipso autem  
itinere labores atque pericula Cosmo non defuere: tertio quippe die  
in latronum insidias incidit, quorum unus intentum iam arcum in  
Cosmi pectus non sine magno eius uitæ discrimine obuerterat, cum  
ex ipsius comitibus quidā, ante sagittam emissam, adductas arcus  
habenas

habenas præcidit. Firandi autem magna cum gratulatione a Lusitanis exceptus, qui nauiſ uexilla ſuſtulerant, & tormentorum ſtreptu letitiam ſignificauerant, in ædiculam diuertit ab Aloſio Almeida raptim, dum templum ædificatur, exſtructam: ubi cum ceteros Chriſtianos, cognito Coſmi aduentu terra ac mari undique confluentes, tum nautas ipſos Luſitanos admiſſis noxis per Confeſſionem abſoluit, iſdemq; facile perſuaſit, ut cum oneraria ex eo portu diſcederent. Hac habui de Iaponenſium rerum progreſſu quæ ſcriberem. Vos Dominum precari aſſidue iſſiſtite fratres, ut nos idoneos ueritatis Euangelicæ præcones efficiat. Bungo. 5. Idus Octobris 1562.

ALOISIVS ALMEIDA  
Societati IESV.



Nno ſuperiore cum Eccleſiis Facatæ, Firandi, alijsq; luſtratis Bungum ægrotus ex itinere rediſſem, ut primum e morbo conualui, de tota peregrinatione mea feci uos per litteras certiores. quas quoniam uobis eſſe gratas intelligo, pergam ea ſcribere quæ quidem in iſs locij contingere, in quibus mihi uerſari ex eo tempore contigit: nam cetera ex aliorum litteris cognofcetis.

Firandi erat Chriſtianus quidam quintum circiter, & ſexageſimum agens annum, ſcriba Regis intimus, quem ille apud ſe in honore habebat, liberaliterq; tractabat. is igitur Chriſtianus cum animaduerneret ſe iam ad uitæ exitum appropinquare; ſuſceptas in uita maculas matura Confeſſione delere, & (quoniam nullus erat ibi ſacerdos) Bungum uel cum Regis offenſione, periculoq; rei familia-

familiaris omnino sese conferre constituit . rem itaque cum uxore communicat ; quæ (ut erat præstanti uirtute ac pietate mulier) consilium uehementer probauit: illud solummodo monuit, ut quamocultissime abiret, ne in se Regis iracundiam prouocaret . Quocirca nauem Christianus intempesta nocte conscendens, Bungum iter intendit: cuius discessu postridie cognito Rex, partim quòd eius opera admodum indigeret, partim quòd se inconsulto inuitoq; abiisset, iratus, nauigio statim instructo, misit qui hominem persequerentur. Iamq; magno sub bono è finibus Firandensis regni in Reguli cuiusdam ditionem euaserat ; cum superuenientibus qui ad eum capiendum missi erant, Reguli iussu, cui cum Firandensi rege amicitia intercedebat, eodem Rege postulante oppressus, & in custodiam traditus est . Firandi ubi cognitum est illum inuentum fuisse, nec tamen ut rediret ullo modo adduci potuisse ; legauit ad eum Rex cognatos ipsius nonnullos, qui ad redeundum hortarentur : sed uxor contra per litteras ei suasisit a suscepto itinere nequaquam desisteret, bonoq; animo esset, se laborum ipsius periculorumque breui consortem futuram . Sed uidelicet currentem incitabat. Cosmus autem ubi id resciauit, egit cum Rege Bungi, ut Christianum ab regulo per litteras impetraret : quas qui pertulit litteras, offendit hominem magna in Deum fide, speq; subnixum, de se ipso autem adeo demisse, maleq; sentientem, ut non modo qui Bungum ad Confessionem incolumis perueniret, sed, qui ullo prorsus beneficio afficeretur a Deo . Domino nostro, se prorsus indignum affirmaret : tantoque in se ipsum odio erat incensus, ut ad quotidianas uerberationes, & precandi assiduitatem, alia quoque uoluntaria supplicia adiungeret, tanta cum sui cognitione, ut precibus Christiani, qui regiam epistolam attulerat, adduci nequiuert, quicquam ut de instituta uite austeritate remitteret.

remitteret. Denique solutus Bungum egre peruenit tanta animi sui cum uoluptate, tantasque Deo gratias agens, ut rem uerbis assequi nequeam. Cuius aduentus cum ad cetera multa profuit, tū ad Christianorum fidem, ac spem in Domino augendam. Eum Cosmus, pueris, quos alimus domi, instituendis praefecit, & pijs quibusdam libris in Iaponicum sermonem uertendis. Magnum apparet in eo precandi studium, & caritas; & licet extrema iam etate, uix unquam cessantem reperiās. Eum Dominus ad finem usque conseruet.

Per idem tempus nobilis quaedam mulier primarij ciuis uxor ex familia regis Bungensis a demone agitata, per campos tanto cū ululatu, atque impetu ferebatur, ut a nemine contineri posset. Hāc sibi Cosmus a Christiano quodam insigni uiro commendatam ad se perducit, & in cubiculo publici Valetudinarij perpetuis custodibus adhibitis, collocari iussit. Et quoniā in spem uenerat mulier, se Baptismi beneficio sanitatem esse recepturam, habebatque mentis eius animique uexatio dilucida interualla; ijs opportune Cosmus est usus ad eam Christianis praeceptis rite imbuendam. quibus ut satis erudita uisa est, in magna Christianorum corona, eam Dominico die baptizare constituit. Erat mulier tum sane quieta, sed cum primum caput salutarī aqua perfundi ceptum est, tanta repente uise commouit, clamoresque edidit ita magnos, ut omnes quotquot aderamus perterrefecerit. Tum Cosmus a quattuor uiris apprehensam teneri ad finē usque Baptismi imperauit. quo absoluto misera fractis uiribus concidens, inter famulorum manus in Hospitale cubiculum est relata. Ex eo tempore nullum eiusmodi incommodum, aut molestiam hucusque perpeffa est. quare & Christianorum fides non mediocriter aucta, & maritus ipsius ita permotus est, ut ab Rege petierit, ut sibi

sibi per eum liceret Christiana sacra suscipere : quod ei Rex ita prolixè, libenterque permisit, ut diceret gratum sibi fore, si eum reliqua familia imitaretur : itaque baptizatus ipse cum liberis, cognatis, & famulis, sane quàm in uirtute proficiunt. Ego interea uires e morbo collegeram. quocirca mensis Octobris initio misit me Cosmus, comite e Christianis domesticis uno, ad templa quinque uisenda, uarijs locis agri Bungenſis commodo Christianorum extructa. mensẽ in eo itinere posui, multos baptizauì barbaros ; Christianos autem docui, qua ratione templa concelebrarent, sermonesq; inter se de religione sererent, si quando Bungum uenire non possent. quasdam etiam areas defixis Crucibus Christianorũ sepultura dicauimus : denique in singulis templis benediçtum, seu piacularẽ granum relictum cum codicillo, qui descriptas grani indulgentias contineret. Inde Bungum reuersus, Cangoximã mense Decembri profectus sum. profectiõis causa fuit Emanuelis Mendozæ cum sex Lusitanis aduentus, qui ut per Confessionem peccatis sunt absoluti, Cosmum rogarunt etiam atq; etiam, ut me Cangoximam ad hyemẽ ibi cum ipsis exigendam, Christianos uisendos, & promulgandũ barbaris Euangelium mitteret. id ipsum Regi quoque Cangoximano fore gratissimũ, quippe qui magnã eius rei uoluntatẽ scriptis ad Proregem Indiæ litteris, itemq; ad Antonium Quadrium eidem prouinciæ pro Societate Præpositum, ostendisset. Bongo igitur (ut dicebamus) profecti, gelu, & frigoribus maximis, quatrìduo ad mare peruenimus : cum semper, ubi sub uesperam constiteramus, uerba de rebus diuinis ad barbaros fecissemus. Inde solutis anchoris, inter nauigandum, aduerso uento in oppidum sane frequens coacti descendere, cum spectaculi nouitate permota (nunquam enim Lusitanos antea uiderant) magna incolarum uis

ad

ad nos conuenisset, per eam occasionem eis Euangelium nuntiaui-  
 mus: quo illi audito, obstupescerent, ad nos audiendos iterum ac ter-  
 tio redire, atq; uniuersi pæne professi sunt, nisi Reguli metus obsta-  
 ret, se Christo nomina libenter daturus, idq; eo cum animi dolore  
 sensuq; ut nos ad misericordiam prouocarent. Dixi me cum Regu-  
 lo acturum (qui Bungenfis Regis est stipendiarius) ut cuilibet Chri-  
 stiano esse impune liceret, eosq; solatus ut potui, ex eo loco discepsi.  
 digressu meo lacrimæ nonnullis oborta, ut si diu mecum uixissent,  
 apud quos non toto biduo fueram. ex quo facile iudicare positis,  
 quanta sit huius gentis ad humanitatem, religionemque propensio.  
 Angunem delati, & a Regulo peramanter excepti, ut primum op-  
 portunum est uisum, de rebus diuinis, & animarum immortalitate  
 cum eo colloqui cepimus, multisq; sermonibus ultro citroq; habitis,  
 cum etiam familiæ partem a cæna ad audiendum accersisset, sera  
 iam nocte ab Rege dimissi, nauarchum quendam Lusitanum sane  
 tempestiue conuenimus: cum enim nostra hortatione permotus, con-  
 cubinam, ex qua duas susceperat filias, iusta cum dote in matrimo-  
 nio legitimo collocasset, paucis post diebus est mortuus. Ex eo portu  
 Tamarim tendentibus, ubi Emanuelis Mendozæ nauis in statione  
 erat, arx in itinere occurrit Hexandoni uiri principis, in edito mon-  
 te posita, omnium, quas in uita uidere me memini, & loco, & ope-  
 re munitissima. quippe quam decem fere propugnacula cingunt, in-  
 ter se non nisi ponte subductili peruia, magnoq; interuallo distantia,  
 fossis ita profundis, ut despicientium oculis altitudo caliginem offun-  
 dat, perpetuo (ut aiunt) silice ferramenti exciso: quod equidem uix  
 hominum manu fieri potuisse crediderim. ibi cum Hexandoni uxo-  
 rem, & quattuordecim præterea Christianos multis iā annis Fran-  
 ciscus Xauerus fecisset, mihi faciendum existimaui, ut me ad eos  
 conso-



consolandos, confirmandosq; conferrem. qui me omnes, sed uxor præsertim Hexandoni amicissime acceptum multa tum de Francisco Xauerio, tum de Bungenſi, Meacenſi, ceterisq; in Iapone conſtitutis Eccleſiis percontati, feliciq; ipſarum progreſſu ualde letati ſunt. me autem iccirco etiam libentius uiderunt, quòd iam diu neminem omnino e Societate noſtra conſpexerant. quo toto temporis interuallo eos in Chriſtiana fide partim ſenis cuiuſdam Chriſtiani, honorati uiri uelut magiſtri familie ſtudio, partim etiam quibuſdam miraculis diuina prouidentia retinuerat. Relictum ſibi libellum deſcriptis Xauerij manu Litanij, alijsq; precandi formulis, æque ac ſacras reliquias pia mulier admodum religioſe cuſtodiebat, expertæ uirtutis remedium. Etenim ægrotos complures, in ijs Hexandonum iam deſperatum, corporibus ipſorū impoſitus libellus ille ſanauerat. Nec minore cura ſenex traditum ſibi ab eodem ſeruabat flagellum, quo ſinguli Chriſtiani interdum (nec enim ſæpius permittebat ille, ueritus ne uſu nimio attritum abſumeretur) ſeſe cedere conſueuerant, quòd eam rem non ſolum ànimis, uerum etiam corporibus ſuis prodeſſe diuinitus intelligerent. itaque mulier ipſa quam diximus, morbo grauiffimo implicita, cum uaria medicamenta fruſtra tentaffet, ad ipſum flagellum poſtremo confugiens; Franciſci Xauerij, ut putandum eſt, meritis continuo in priſtinam ualeitudinem eſt reſtituta. cum omnibus igitur de re diuina familiariter colloquutus, ara etiam excitata cum ſacraſſimæ Virginis imagine admodum eleganti, quam eo mecum attuleram, pueris nouè, in ijs duobus Hexandoni filijs Baptiſmo luſtratis (quos iam ſenex ille Chriſtianis rudimentis imbuerat) incredibili cum eorum mærore poſtridie mane diſceſſi, commeatu ab ipſis affatim inſtructus, atque pollicitus me in reditu quindecim dies apud ipſos commoraturum. Cangoxi-

mam

mam simul atque peruenimus, Regem adiui confestim; eoq; col-  
 laudato quòd Euangelium in suo regno promulgari cuperet, mul-  
 tisq; præterea uerbis habitis, petij, ut liceret mihi in præsentia Ta-  
 marim usque ad Lusitanorum stationem excurrere. quod ille cum  
 permisisset ea tamen conditione, ut auum ipsius ex itinere inuise-  
 rem; Tamarim tridui itinere, diuertentes ad Regis auum, ire per-  
 reximus, maxima niuium copia, quæ aciem oculorum retunde-  
 ret, uiaq; teterrima, occultis passim occurrentibus foueis, e quibus  
 iumenta sese ægre admodum expedirent. In eo igitur portu, agro-  
 tis primum curatis, quorum ingens erat numerus partim scuitia fri-  
 gorum, partim etiam cibariorum inopia: deinde barbaris nouem, qui  
 id ipsum a me diu, multumq; contenderant, baptizatis: certo præte-  
 rea nauis loco, ad fæminarum tutelam de Iaponijs coemptarū (quas  
 illi ex ora Sinarum aduexerant) custodibus binis appositis: denique  
 communi consilio indicta pecuniaria multa, si quis temere iusiuran-  
 dum usurpasset; (late enim patebat hoc uitium) Cangoximam re-  
 dij, & conciones ad Christianos habere institui. nam ethnici ueri-  
 ti Bonziorum offensionem, ad nos uenire non audebant: quod ego  
 cum animaduertissem, cepi consilium familiaritatis, si quo modo  
 possem, atque amicitie cum Bonzijs ineunda, quo deinde populus  
 ad nos maiore cum fiducia uentitaret. Erat in eo ordine uir quidam  
 insignis magna etiam ante id sacerdotium existimatione, tum uero  
 & Regis ipsius consiliarius, & amplis cænobijs, tribus summa cum  
 potestate præpositus. Hunc igitur adij, collirio ad oculos curandos,  
 quibus ipse laborabat, allato: atq; ille meo sane quàm letatus aduen-  
 tu, sibi ualde opatum fuisse dicebat, quæ Xauerius disputaret, co-  
 gnoscere; sed interpretem defuisse. Inde me multa de summo rerū  
 opifice, de immortalitate animorum, de tempestatū uarietate, terræ  
 tremoribus,

tremoribus, pluuijs, alijsq; rebus huiusmodi interrogans, magna sua cum uoluptate totam eam noctem apud se detinuit. Quibus ille sermonibus captus, cum ad me sepe, alio item Bonzio comite, ego uicissim ad illum familiariter uentitarem, cumq; doctrinam nostrā cum apud alios, tum apud Regem ipsum ita collaudasset, ut Rex Nixona (hoc est sanctam rem) publice responderet, uel eo Regis testimonio, uel confirmata atq; illustri mea cum Bonzio consuetudine animati barbari ad nos audiendos uenire ceperunt. Ex quibus multos Deo adiuuante ad Christum adiunximus. In eo numero fuere primarij duo Regis ipsius cognati, quos catechismo institutos una cum uxoribus & parte familie (triginta quinque in uniuersum fuere) baptizauimus. quorum deinde omnium ope ac studio sacrum Deo Domino templum exstructum est.

Rebus ita constitutis, per Christianum nuntium in arcem Hexandoni magnis precibus accersitus, optimis cum Christianorum, tum etiam ethnicorum studijs me magnopere expetentium deesse non potui: e quibus circiter quinque primarij audito aliquoties Euangelio in Ecclesiam adscripti sunt. in ijs quidam adeo excellenti ingenio, ut in commentarium relatis ijs, quæ de me didicerat, librum confecerit exorsus ab ipso mundi initio, ad usque Christi domini nostri in terras aduentum, eius præcipue cruciatibus singillatim enumeratis. quæ ipsius lucubratio & hominibus illis, & alijs etiam populis, ad quos eam ego ipse deinde circumtulī, maiorem in modum profuit. Idem iussus a me Iaponica quædam scripta de Christiana religione describere, mandatum ita auide arripuit, ut opus uniuersum (omnino chartis quinque & quinquaginta constabat) unius diuini diei spatio absoluerit. Hunc ego, & Hexandoni filium natu maximum, quem Xauerius baptizauerat,

docendis in templo ceteris Christianis praefeci, regulam praescriptam, quam in eo munere obeundo tenerent. quam quidem in rem, ut quibus otium suppetit, diligenter incumbunt, praesertim uero Librarius illo, quem dixi, qui quidem Christianis lectionibus, & commentationibus mirifice delectatur, sequi cum libro quem a me descripsit, in lucum abdens, quaeque legit ex eo secum identidem reputans, tanta uoluptate perfunditur, quod ad hanc Dei rerumque caelestium cognitionem peruenerit, ut lacrimas praegaudio continere non possit. Is ipse in Christianorum caetu post Litanias publice decantatis interrogatus a me quidnam esset factururus, si Rex ei diceret, Christiana sacra fac deseras, quoniam ex meis popularibus es, meisque sumptibus uictitas; responsurum se dixit ilico: Here, uis ne me in te sine fuco ac simulatione beneuolum? in re tua familiari procuranda fidelem? uis me submissum? uis perferentem iniuriarum? uis denique in omnes clementem, ac benignum? iube me esse Christianum. hasce enim uirtutes omnes una religio Christiana complectitur. Ac ceterorum quoque Christianorum (ad quorum numerum ibidem alij septuaginta per eos dies accessere) egregia pietas, assiduum precandi studium, mirus inter se amor atque concordia cernitur. una tantum res ipsorum animos uehementer angebat, quod Hexandonus communium meritorum Ecclesiae expers tam diu in Iaponica superstitione persisteret. pro cuius conuersione cum preces ad Deum, lacrimasque (uxor ipsius praesertim) quotidie funderent: tum ego uxoris rogatu hominem adij, & ex eo quaesui, cur ueritatem saepe iam cognitam depositis Iaponiorum erroribus sequi negligeret. Tum ille Deum testatus Christianam religionem sibi plane probari, secus permissurum se nequaquam fuisse, ut eam familia sua tota susciperet; una re quo minus eos imitaretur, impedi-

diri se dixit, quod uereretur, ne grauius animum Regis offenderet: sperare se Deo propitio fore aliquando, ut Rege ipso libente, Christum, quem intimis sensibus adorabat, palam ac libere profiteri posset. quo illius responso Christiani ualde letati sunt. Ex eo loco rursus ad Cangoximanos reuersus, Cosmi litteris per Christianum Bungensem ad me perlatis eo consilio sum reuocatus, ut ad Regem Vocoxiuræ profisciscerer, qui nos in suum regnum liberalissimis conditionibus inuitauerat: cum præter alia multa, & Lusitanis omnibus in eum portum commeantibus, quiq; cum ipsis negotia contraherent, in decennium ab omni portorio immunitatem se daturum esse promississet; & quicquid circa est agri ad passuum octoginta millia Cosmo obtulisset, ut intra eos fines ethnicus nemo ipsius iniussu habitare posset. Cangoximæ igitur institutis, qui Christianorum cætu in templum statis diebus aduocato, doctorum uice ac munere fungerentur, baptizatisque ijs, qui iam ad id Sacramentum idonei uidebantur, ceteros quibus potui uerbis sum consolatus: duos præsertim Bonzios illos, de quibus dixi, quos in discessu meo perquam studiose *CHRISTO* nomina profidentes, in aliud tempus iccirco reieci, quod a curandis Iaponico ritu Regis procerumque funeribus, nulla ratione se posse desistere dicerent, eaque re Christiana sacra, quæ ipsi apud se taciti colebant, minime pollutum iri arbitrarentur. denique a Christianis uario commeatu peramanter instructus, & magna cum doloris amorisque significatione dimissus, ad arcem Hexandoni (quæ ab oppido Cangoxima passuum abest decem & octo millia) dum nauis paratur, biduum substiti. atque inde incredibili Christianorum dolore, ac gemitu ipsis etiam ex arce summa fæminis ad mare me deducentibus, &, quasi in eo salus omnium uerteretur ita

me ut celeriter ad se redire enixe rogantibus, conscendi, & decimo septimo die Bungum magna nostrorum gratulatione perueni. atque inde tertio Nonas Quintiles Vocoxiuram, qui locus ultra Firandum est quattuor & uiginti passuum millibus, discessi. quo ut perueni, salutatis ex itinere Facatensibus (qui cum initio diu multumque Euangelio restitissent, bellis deinde perdomiti ac uelut subacti, diuinum semen libentius acceperunt, bonamque in primis uirtutum frugem tulerunt) Regem Vocoxiura primum adij, qui me honorifice sane bis conuiuio excepit. deinde cum eius ministro, qui Regis ipsius nomine ad Cosmum litteras dederat, de re communi agere institui. cumque ille quaedam ex ijs, quæ per epistolam nobis ultro detulerat reuocaret, faciendum mihi existimauit, ut ad Cosmum scriberem, eique totam rem integram reseruarem. Ad portum igitur reuersus, dum in Christianos ex instituto adiuuandos incumbo, Firando nuntij perferuntur, quanto cum rei Christianæ adiumento Damianus Iaponius familiaris noster excellenti pietate uirtuteque iuuenis, qui nuper Facatensibus quoque summa cum omnium admiratione operâ nauarat egregiam, in eo oppido uersaretur. nec ita multo post quædam parantibus nobis, quæ ad Cosmum mitterentur, ecce tibi repente affertur ipsum adesse Cosmum. Primo incredibilis uisa res: ea Cosmi ætas, ac ualetudo, ea difficultas itinerum est; sed ubi iam ad portum applicuit, quanto gaudio affecti sumus facilius est uobis existimare, quam mihi scribere. is me confestim ad Regem legauit, ut cū eo rem omnino transigerem. quod ego cū fecissem ablatis etiam syngraphis, Bungum ipsius Cosmi iussu ad epulas in edibus nostris (id enim semel in anno solenne est) Regi Bungeni parandas excurri: quo secum ille filium heredem regni futurum meo rogatu cum proceribus




ribus duxit. Cumq; in eo conuiuiu candidati pueri nostri domesti-  
ci quattuor, magna cum omnium delectatione fidibus canerent,  
Regis filius mensa relictâ sese ad aequales suos hilariter, ac festiue  
recepit? puer ille quidem, ac pæne potius infans (annum quippe  
agit quintum) sed in quo sensus animi ac ratio longe præcurrat æ-  
tatem. Bungo rursus Vocoxiuram reuersus, qui locus a Christia-  
nis incolitur, habetq; in monte summo Crucem, quæ eminus ualde  
conspicitur a Petro Barreto nauarcho Lusitano defixam, quod  
eodem loco tribus deinceps diebus sub uesteram, inspectante se, alijs-  
que compluribus, sublime in aere signum Crucis apparuisset; Cos-  
mum sanctissimis (ut solet) occupationibus districtum offendi.  
Tanti ad eum Confessionis & Eucharistiæ caussa concursus un-  
dique Christianorum fiebant, ut omnis perturbationis uitandæ  
caussa, triceni per uices ordine sibi succedere iuberentur. quorum  
erat ita magna in Cosmum obseruantia ac ueneratio, ut coram eo  
oculos attollere non auderent: tanta religio ac pietas, ut in sacris  
mysterijs obeundis, ac præsertim in corpore Christi sumendo copiam  
lacrimarum effunderent: ea deniq; animi uirtus, ac probitas mo-  
rum, ut barbari ipsi Christianorum uitæ admiratione sese collige-  
rent, & seueriorem ultro disciplinam induerent. Per eos dies  
Facatensium Præfectus nauigium cum hominibus fere triginta  
ad Cosmum misit rogatum, ut quoniam tres e militibus suis in  
prelio sclopiis icti grauitè agrotarent, opem illis ferre ne grauæ-  
retur. Fecit Cosmus, ut Facatam e domesticis nostris adolescen-  
tem Iaponium mitteret chirurgiæ laude præstantem, qui non mo-  
do uulnera extractis artificiose glandibus mira felicitate sa-  
nauit, sed etiam oblatam sibi mercedis loco magnam argenti  
uim, stupentibus barbaris constanti animo excelsoque repu-  
diavit.

diauit. Quare commotus Praefectus, ut nos aliqua ratione remuneraretur, immunitati nostrae toto suae ditionis imperio, quae saepe nobis iter habendum intelligebat, publicis diplomatibus cauit.


Restat ut epistolam hanc eximia indolis adolescentuli commemoracione concludam: in qua cum omnia & animi & corporis bona quasi secum ipsa certans natura congesserit, tum etiam dona accessere caelestia, quae singulare pueri ingenium, memoriam, oris corporisque totius dignitatem ac speciem multo admirabiliorem efficeret. tanta enim in eo castitas ac sanctimonia cernitur, ut octauo quoque die post Confessionem rite peractam caeleste Eucharistiae conuiuium non sine lacrimis ineat: tanta uero animi submissio, & humilitas (cum illustri admodum loco sit natus) ut Bungum ad eam inuisendam Ecclesiam a Gaspare missus ex urbe Sacai, bona cum parentum uenia, quos puer precibus expugnauerat, eo simul atque peruenit, ut scilicet unus e Christianorum grege uideretur, non modo comam sibi totonderit, quod in Iapone ualde inusitatum est, uerum etiam omni delicatiori cultu ornatumque abdicato, de contemnendo seculo publice disputare instituerit. Idem in patriam a parentibus reuocatus, Vociuam, ut inde Sacaium reuauigaret, a Cosmo perductus est. quem aiunt ex itinere in urbe Firando apud uxorem Antonij uiri principis eiusque ancillas, cum se per id tempus ad sacram Confessionem pararent, de Penitentia sane opportune uerba fecisse. quam ille Christianae philosophiae partem iam antea saepius a se tractatam callet egregie. Huiusmodi pueri sunt (fratres mihi carissimi) quorum opera facies amoris diuini Deo adspirante Iaponiorum cordibus iniectum insperamus: atque ob id ipsum apud nos delectam eorum manum Societatis nostrae praeceptis atque institutis imbuimus. Interea Socios omnes nostros per Iesum Christum obtestor, ab eo precibus impetrent,

ut mihi uitam ponere in ipsius obsequio ac famulatu concedat. ex  
Iapone. octauo Cal. Nouemb. 1562.

EXEMPLVM REGIS CANGOXIMA-  
norum epistolæ ad Lusitanum In-  
diæ Proregem.

 Nno superiore cum duo ex Societate IESV meum in  
hoc regnum concionandi causa uenissent, bellicis occu-  
pationibus impeditus, quem & ego cupiebã, et ipsi me-  
rebatur honorem, illis habere non potui. Eadem fuit causa, cur Lu-  
sitani ad Omangum portum naui delati, non modo perinde ac desi-  
derium meum, & ipsorum dignitas postulabat, accepti nõ sint; sed  
etiam pro piratis habiti, quibus ora maritima per id tempus erat in-  
festa, commissio prælio Alphonsum Vazium non sine meo quidem  
dolore, esuorum numero amiserint. Tu si ad me litteras dederis, ma-  
gno me decore auctum atque ornatum existimabo, atque ipse uicif-  
sim ad te scribam quotannis. Lusitani uero, uel sacerdotes tui si ad  
me cum tuis litteris uenerint, eo erunt apud me loco, qui rebus tuis inre  
debetur. Xaxuma. anno quarto.

EIVSDEM REGIS LITTERARVM  
exemplum ad Antonium Quadrium  
Indiæ prouinciæ pro Societate  
IESV Præpositum.

 Ocij duo Cosmi Turriani, qui Bungi uersatur, meum in  
hoc regnum se contulerunt, quorum ea est animi ma-  
gnitudo roburq, ea in dicendo uis atque doctrina, ut mi-  
hi celestia quædam tonitrua esse uideantur. Sed illud in primis ad-  
X iij miror


miror, aut Lusitanos mercatores negotiorum causa, aut uestri ordinis homines unius rerum opificis gratia (praesertim cum ita late pateat propiusq̃ absit India) e remotissimis regionibus totū p̃ene terrarum orbem circumeuntes, ad aquam calidam ebibendam paruas in hasce insulas tam longa, & periculosa nauigatione contendere. Sane, ante Christiana sacra suscepta nihil erat in his locis, praeter calores maximos: ut mihi Socij uestri Nauabangi, quasi uentilatores uideantur, qui corda mortalium salutare aura opportune refrigerēt: qui profecto libenter meum in hoc regnum est cur ueniant, quamuis exiguum. nam ut alibi aduersos maris aestus, hic quidem certe semper secundos offendent. Ac licet populares mei Christiani ipsorum praesentia destituti, se interea Crucis aspectu excelso loco sublatae sustentent; meum mihi tamen hoc regnum a Socijs uestris relictum, quandam obducti nubibus celi, aut Solis propria luce defecti representat imaginem. Simul etiam Lusitanos negotiatores, quorum mihi perspecta fides ac probitas est, in meae ditionis terras commeari mihi gratissimum fuerit: qui sic habeant, se non modo ab omni iniuria tutos fore, sed etiam amicissime, liberalissimeq̃ tractatum iri. nec latronum insidias metuant, qui, quibus in oppidis Christiani sunt, nulli uersantur. Te quidem certe obsecro, ut de tuis aliquos primo quoque tempore mittas, quos ego magno cum desiderio in ipso litore opperior. Data anno quarto, mense septimo, octauo die, & uigesimo.

LIBRI TERTII FINIS.

DE IAPONICIS  
REBUS EPISTOLARVM  
LIBER QVARTVS.



GASPAR VILELA  
Societati IESV.



ANNO 1561, Augusto mense urbem Sa-  
caium ingressus sum, quæ in Septentrionem  
sita, gradus obtinet quinque & triginta, &  
semis. Cumq; Euangelium in ea promulga-  
re cepissem, multos reperi, qui uerum id esse  
faterentur, sed quo minus ex eo uiuerent, sa-  
ma & exstimationis ratione impediri. gen-  
tem enim diuitijs affluentem, & dignitatis in primis auidam fa-  
cile absterret diabolus, iniurijs & contumelijs proponendis, quibus  
in hac uita Christiani fere semper obnoxij degunt, si ducem ac li-  
beratorem suum imitari uoluerint. quo fit, ut egre admodum Sa-  
caiani ad Baptismum accedant. quanquam in ijs ipsis difficultati-  
bus quadraginta circiter baptizati sunt, in quibus erant milites quat-  
tuordecim prætoriani, quorum ita insignis, uitæ morumq; mutatio  
constitit, ut ex lupis agni mansueti non sine magna omnium admi-  
ratione facti esse uideantur.

Atque

Atque ut Sacaium per eos dies Meaco discederem, diuinitus equidem factū existimo, ne uidelicet in ea pericula inciderem, quæ mihi nec opinanti imminebant. Etenim mense postquam inde excessi, Meacum quadraginta millium armatorum obsedit exercitus: quæ etiam caussa fuit, cur ad Christianos, sicuti promiseram, non redirem. Illius autem belli incommodis hæc Sacaij urbs fuit immunis, in primis Iaponis totius contra omnes hostium impetus munitissima. nam ab Occidente alluitur mari, ab alijs uero partibus fossa cingitur profundissima, & aquis plena perpetuis. Atque etiam intestino omni tumultu, ac seditionibus uacat, nec rixæ fere audiuntur. cum enim urbis uiae suas quæque portas, & custodes habeant, statimq; cum opus sit, occludantur; nullus noxijs ad fugam exitus patet, sed continuo comprehensi ad tribunalia pertrahuntur. Quamquam ij, qui inter se inimicitias gerunt, si alter alteri ad iactum lapidis extra mænia occurrant, se inuicem male admodum accipiunt. Sed ad bellum Meacense reuertor, cuius exitus fuit eiusmodi. Cognita urbis obsidione patruus Regis, confestim eum cum exercitu in subsidium uenit: huic obuiam iere ex altera parte Neugori Bonzj, qui hominum ordo quandam militie Rhodie speciem refert. Castris igitur Meacum inter, & Sacaium locatis, crebra prælia committebantur: ita tamen, ut res Bonziorum semper esset superior. denique uigesimo die, cum ad uniuersam dimicationem uentum esset, Regis patruus uictus, quoddam in castrum confugit. Rex autem Meaci, eius rei nuntio audito, se in arcem recepit urbe deserta, quæ ab hostibus capta, rapinis incendioq; uastata est. ijdem sequenti uictoriam, signis ad castrum de quo diximus, motis; patruum Regis, eiusq; copias omnino delere parauerant; cum Rex Meaci exercitu uiginti millium hominum quam occultissime instructo,



instructo, & ingenti flumine superato, hostes repente nec opinan-  
 tes tanto impetu oppressit, ut cum essent ad hominum triginta mil-  
 lia, fusi fugatiq; sint. quos Rex deinde coniunctis cum patruo uiri-  
 bus fugientes Meacum usque infecutus, tanta ipsorum cæde urbem  
 recepit, ut multos in annos ea uictoria debellatum esse existimeretur.  
 Itaque aduersa factio extremam sibi perniciem metuens, pacem  
 ab Rege petijt, seq; interponente Vo, siue Cubo, qui rebus ad hono-  
 rem, dignitatemq; pertinentibus toto Iapone præsidet, impetrauit.  
 In his tamen belli periculis, & calamitatibus, templum nostrum  
 Dei beneficio integrum, & incolume perstitit, & in ipsa obsidione  
 Laurentius Iaponius Meacum bis penetravit (nam me ipsum per  
 litteras Cosmus ante sedatos tumultus eo redire plane uetuerat) se-  
 mel ad celebrandas cum Christianis Natales Domini ferias: ite-  
 rum ab ipsius euocatus ad gratias principibus ciuitatis agendas,  
 qui Bonzios cum templum nostrum per uim occupassent, iniusta  
 possessione magno bonorum gaudio depulerant. Toto eo belli tempo-  
 re, quod annum circiter uiguit, pia quedam munia Christiani  
 Meacenses obicere, tribus in singulos menses hominibus institutis ad  
 pauperum incommoda subleuanda elemosynis, quæ ob eam ipsam  
 rem in commune conferebantur: cum etiam semel in mense in con-  
 silio publico de ipsorum pauperum commodis ageretur. mulier ue-  
 ro Christiana in primis locuples, & honesta, cum liberos non habe-  
 ret, partem suam bonorum a marito obtinuit, eamq; in mendicos,  
 lepra ulceribusq; tota urbe simibusq; Meacensibus laborantes, quam-  
 quam nonnullis obtrectantibus Bonzijs, magna tamen ceterorum  
 omnium, qui nihil unquam simile uiderant, admiratione, atque  
 approbatione distribuit.

Multa in his locis cænobia Bonziorum uisuntur, in quæ (ut  
 aiunt)

aiunt) penitentiae causa se recipiunt, qui mundo nuntium remissere, densis adeo tenebris obcæcati, ut nefaria flagitia in hisce cæno-  
bijs admittere nulla religio sit. nam discrimine recte uel perperam  
facti confuso, seditionibus, furtis, rapinis, cædibus, cuncta miscen-  
tur. Quam etiam ob causam ex ijs quidam nomine Cacubau, ut  
ex ea uidelicet hominum colluuiione, facerq̃ emergeret, socijs aliquot  
secum adhibitis, Bonziorum formam instituit, eorum qui Neugo-  
ri nominantur: quorum alij precibus uacant, alij militiæ, alij qui-  
nis quotidie singuli perficiendis sagittis. Arma uero semper habent  
parata, principemq̃ familie suæ Cacubau in deorum numero ue-  
nerantur. Rectorem cui pareant, habent nullum. uiribus namq̃,  
certatur. & quamquam in consilijs, qui ætate præeunt, priores sen-  
tentiam rogantur; suffragiorum tamen uis, & iura usque adeo pro-  
miscua sunt, ut quod reliqui omnes communi sententia decreue-  
rint, unus modo si intercesserit, prorsus impediat. Itaque ad unam  
eandemq̃ deliberationem toties conuenitur, quoad plane dissentiat  
nemo. Ubi uero tenebræ se intendere, sæpe sese inuicem perimunt,  
ac diripiunt: nec tamen iccirco se uiolare leges existimant, cum ij-  
dem muscam, aut passerem necare nefas ducant, quod legibus suis  
uiuens quicquam uetentur occidere.

Nunc paucis exponam, quod anno superiore me fugit, Iaponij  
miseri cum ad sedes, ut ipsi putant, beatorum migraturi sunt, qua  
ratione se ad iter accingant. Eas autem esse uarias opinatur: alias  
infra maria, alias alibi, certis præpositis dijs, qui a quibus in uita  
culti sunt, eos in suum quisque domicilium præmij loco perducant.  
atque ad infernas quidem sedes qui profecturus est, hoc maxime  
modo se comparat. Dies complures stat uigilans, & ex quodam  
quasi suggestu de mundi contemptu concionatur. huic alij sese comi-

res adiungunt, alij stipem eleemosynæ caussa largiuntur. nouissimo autem die orationem habet ad comites, qui pro amicitia simul omnes epoto uino, paruum nauigium conscendunt, imposita falce ad spinas rubosq, qui occurrunt in itinere præcidendos: nouisq, induti uestimentis, manicas lapidibus infarciunt: ad collum autem ingenti saxo religato, quo citius ad paradisum illum suum perueniant, sese e nauigio sponte præcipites dant. Quem mihi uidere contigit, hunc septem comites sequebantur, qui quidem tanta cum animi alacritate & gaudio in mare sese proiecerunt, ut nouitate spectaculi plane obstupuerim. Qui autem Amidam uenerantur, alium ritum obseruant. Cum eos tædium cepit uitæ, in specum ad instar dolij, in quo consistere possint, sese coniiciunt, superne ita contactū, ut una tantum ex arundine perforata spiritum ducant. atque ita ieiuni ad mortem usque persistunt, assidue Deum illum suum, seu potius demonem inuocantes. Nuper in hac urbe Sacaio contigit (quod tamen ut audio haud insolitum est) ut Bonzius quidam pecuniosus, omnis scelere ac nequitia infamis, annos natus septuaginta, cum in morbum incidisset, se mori nolle affirmaret. Idem interdum comedens repente ex omnium conspectu prorsus ablatu est: quod ipsi quoque Iaponij malum & infaustum interpretantur. Est autem in his locis opinio e falsis uatum prædictionibus, ex hoc tempore omnia fore semper pacata. id autem ea ratione confirmant, quod annus hic post millesimum & quingentesimum alter & sexagesimus; postremus sit (ut ipsi aiunt) inferiorum, quos a quadringentesimo septuagesimo numerant: & propterea hoc anno dicunt facinorosos omnes bello consumptum iri, ut pax in posterum uigeat, quam illis Dominus noster dare dignetur, quo latius sanctissima ipsius lex atque religio peruagetur.

BALTHASAR GAGVS

Societati IESV.



Vi status esset rerum Iaponicarum, & quibus Deo fa-  
 uente laboribus in urbe Facata perfuncti essemus, per  
 litteras uobis exposui anno 1559. nunc ea perscribam,  
 quæ mihi Goam ex Iapone petenti in itinere sesquianni spatio con-  
 tingerunt. Cum certis de causis Cosmo Turriano necessarium uisum  
 esset, ut aliquis nostrum proficisceretur in Indiam; ego eam peregrina-  
 tionem obire iussus comite uno e fratribus qui cælum Iaponium  
 non ferebat, Rege, Socijs, & uniuersa Bungi Ecclesia salutata,  
 sexto Kalend. Nouemb. 1560, iuncum (navis genus id est) uter-  
 que conscendimus, & duodecim dies uento usi sumus ita secundo,  
 ut nobis iam in conspectu esset ora Sinarum, postridieq; nos putare-  
 mus portu Veniaga potituros, ubi semper quingenti, aut sexcenti  
 Lusitani morantur. uectores igitur & reliqua naualis turba, pro-  
 spera nauigatione plus aquo elati, prematuris gratulationibus at-  
 que conuiujs commeatum nauticum consumere atque exhaurire  
 ceperunt. In hac animi iucunditate, cum ita probe ab continente  
 abessemus, ut quolibet uento litus teneri posse uideretur; eo ipso  
 die sub uesperam aduerso repente uento increbescente, imbribusq;  
 densissimis tam sæua tempestas exorta, adeoq; ingentes excitati  
 sunt fluctus, ut iuncus modo attolleretur altissime, modo infime  
 magno omnium cum horrore desideret. Augebat perturbationem  
 ac metum, cum intempesta nox cæcæq; tenebrae, tum minantes cir-  
 ca scopuli. quo in discrimine cum aduerso flatu retineremur, ecce  
 tibi noctis hora circiter decima gubernaculum nauis effractum in  
 mare

mare delabitur, quo amisso de huiusmodi nauibus plane actum existimatur, statimq; propterea praeciditur malus, ne iuncus ex uehementi agitatione mergatur: & simul ipsa quoque uela cum antennis in mare prolapsa sunt. Tum uero omnes longe alijs ac pridie sensibus animi, serio de morte cogitare, certatimq; ad Confessionem concurrere incipiunt, tanto omnes terrore percussi, ut mente pæne emoti uiderentur, neque iam in summa naui quisquam appareret. unus gubernator in uado explorando, contemplandoq; per magnetem cursu totam eam noctem absumpsit. Postridie, saeuiente adhuc mari, fusisq; armamentis, salutis spes iam fere nulla supererat. tantum argenti pondo ad aureorum centum millia uehebantur, quæ tali tempore nulli nobis usui esse possent, cum ita uehemens esset agitatio, ut alterum in latus procumbente iunco, ima carina (Quillam uocant) appareret: & simul ex leuitate saburræ, & pondere tabulatorum non modo diu retineretur, quo minus in alteram partem recumberet, sed etiam compagibus resolutis, carina fatisceret. quocirca tertio tempestatis die malum alterum, qui stabat ad puppim, nautæ præcidere, & mercatorum cubicula leuandi oneris causa disturbare, ipsos denique foros & crassis trabibus asseribusq; compactos resolvere sunt coacti, uasto iam nauis aluco, ac prope modum uacuo. hic uelum exiguum nauclerus e mappis cubiliumq; linteis & ornamentis, ueste sericâ, alijsq; nonnullis, quæ tum sese obtulerant, pro re nata concinnat & comparat: quod ipsum statim i impetu uenti discerptum est. iamq; humanæ opus unum illud supererat: ualidius nempe clauus ad extrema tempora reseruatus, sed in ijs procellis metuendum erat, ne repositus ad puppim statim effringeretur. Verumtamen, ne in Borni syrtes incideremus, quo in loco nonnulla nauigia Lusitanorum e Sinis in Indiam cursu dire-

Et perierant (praesertim cum illuc nos impetus maris deferret, nec  
 plus centum & quinquaginta millia passuum inde abessemus) tu-  
 tius visum est gubernaculum restituere, paruumq; sarcire uelum  
 quod unum restabat. Sed omni iam ueste consumpta, mœrentibus  
 omnibus, quod nihil ad resarciendum occurreret; diuinitus factum  
 est, ut qui rimas iunci, obturandi causa scrutabantur, in sarcinâ  
 uestium incidrent, cuius antea non sine luminibus diu multumq;  
 frustra quæsitæ, cum merces in Iapone exponeretur, pretium do-  
 mino magister nauis aureis octoginta persoluerat. Ex hac igitur sar-  
 cina aduersus uenti uim duplici uelo confecto, & baculis quibus-  
 dam, arundinibusq; crassis aptato, clauoq; summo conatu locato,  
 quem ego prius precationibus pijs, & aqua benedicta rite lustraue-  
 ram, ceteris eo tempore uota nuncupantibus uariisq; fundentibus  
 non sine lacrimis preces; diem unum, noctemq; processimus: sed  
 cum nauis iustis careret uelis, atroci tempestate usque adeo quassa-  
 latur, diffractum ut denuo sit gubernaculum. Tum uero seruân-  
 di argenti spes prorsus amissa. accersiti nauta barbari Sina, ut ue-  
 ctoribus in scaphâ confugientibus, ipsi in iuncore remanerent, aliamq;  
 sibi raptim exstruerent, se deliberaturos ea nocte respondent; inde  
 ad sortes demonemq; inuocandum conuersi: quod ego cum cerne-  
 rem, orabam Deum, ne nos demonis arbitratu interire per-  
 mitteret. Mane, simul atque illuxit, nauta sese statim ad alium  
 clauum reficiendum, scaphamq; parandam expediunt. Clauus e-  
 refixis iunci tabulis refectus, & collocatus, non diutius sustinuit  
 impetum maris, quam quanto temporis spatio Litaniæ recitate  
 sunt. quo magis in suscepta sententia persistebant Christiani, ut in  
 scapham, quotquot ea caperet, sese reciperent, & iuncum una cum  
 argento, ceterisq; deferrent. atque ego sane liberaliter inuitatus in  
 scapham,



scapham, partim ne pericula adirem noua, partim ne plus ducentos mortales, scaphæ exclusos angustijs, omni solatio destitutos in iunco relinquerẽ, sacerdotes duos e nostris, & fratrem unum imitari omnino decreueram, qui superioribus annis e Lusitania proficiscentes in Indiam, ad insulas Maldiuanas naufragio & fame perire, quã scapham conscendere, quæ Cocinum incolumis tenuit, ceteris uectoribus desertis in extremo periculo uitæ, maluerant, inq̃, eo officio uitæ naturæ debitã Christo Domino pie fortiterq̃ reddiderant. Sed interea fabri lignarij quartum iam gubernaculum reparauerant, ad quod collocandum, pacemq̃ a Deo exposcendã stipe a uectoribus in Hospitale domiciliũ Bungenfis Ecclesiæ corrogata, miserante Domino factum est, ut clauus is omniũ infirmissimus nos ad continentem aliquando perduceret. Quindecim ipsos dies ea tempestate iactati sumus, quotidie (ut erant pericula) morientes. cum etiam uulgo neglectæ, nec iam clauibus custoditæ argenti laminæ pedibus traherentur. Eiusmodi quippe temporibus pauper spiritu est quilibet.

Initio tempestatis eius, uectores, nautasq̃ mature monuimus, ut animarum saluti consulerent: qui in mea potestate se plane fore cum promississent, ego ut sublati peccandi occasionibus ad gratiam diuinam magis essent idonei, primum illud curauì, ut fœminæ quæ uehebantur in nauì, certum in locum abderentur, ubi quinque menses remota a uirorum oculis perstiterunt: deinde ad ceteros animandos confirmandosq̃ conuersus, tantum Deo adiuuante profeci, ut qui principio abiectis animis concidissent, ad æquitatem, ac fortitudinem reuocati, pro admissis in uita noxis leue sibi supplicium illud atque incommoda ducerent: placandoque Domino certatim dediti, uel precibus ac litanijis uacarent, uel sublati in cælum oculis pia cum prece

Y      suspiria

suspiria mitterent, uel alta apud se cogitatione defixi lacrimas funderent: alij etiam flagris semet caderent, alij mare sacris reliquijs, & aqua sancta lustrarent, alij deniq; nummos in cultum Diuorum a uectoribus peterent, quorum uis tanta collecta est, ut quindecim dumtaxat uiri locupletes, aureos fere mille contulerint. Ac mihi sane credite fratres, in hac uita labores & incommoda esse expetenda, quippe quorum amaritudinem, magna suauitas, & firma spes comitetur: quod secus in rebus prosperis usu uenire uel primis nauigationis diebus clare perspeximus. Inter has igitur difficultates rursus in terræ conspectum delati, & cum iam cōtenebrasset, nimia cupiditate prouecti, periculum fuit, ne ui uentorum ad terram allideremur. Sed ex eo periculo, cum primum illuxit, euasimus, & a Sinis nautis cognitum est, nos permagnam Sinarum ad insulam processisse, nomine Ainanem. ex qua insula nautici com meatus, & anchoralia a Sinis fere petuntur. hic dum portum subimus, qui in Septentrionem ad gradus decem & nouem est positus, in aliud repente omnium maximum uitæ discrimē incidimus. In ipso enim aditu iuncus in arenam bis adeo uehementer incussus est, ut plane iam carina dehisceret. ac pereundum nobis utique fuerat, nisi Præfecti seu Limenarchæ permissu, præsentem incolæ nobis opem tulissent: quos nonnullis donis remunerati descendimus  
 11. Kalen. Decemb. quem ipsum in diem Præsentatio Dei matris *MARIAE* sacratissimæ Virginis incidebat. & quoniam iunco afflicto, ac pæne iam dissoluto, ad portum Veniagam nauigari non poterat; Lusitanum quendam continuo ad Cantonem oppidum, atque inde Amacanem ad Lusitanos mercatores pedestri itinere misimus, qui de nostra salute iam desperauerant. Amacanem peruenit nuntius Natali ipso die Domini, anno 1561, statimq;

timq; ad nos deportandos Lusitani aliquot nauigia submiserunt. Et quoniam in Ainane insula menses quinque posuimus, ex qua deinde Amacanem trigesimo die peruentum est; de eius insula, & incolarum natura, ac moribus, ne longior sim, pauca de multis attin- gam. Est autem Ainanis regio cum fructibus Indicis, & omni ci- bariorum genere abundans, tum etiam margaritis & unionibus no- bilis: frequenter incolitur, urbibus opere lapideo exstructis: gens ue- ro ipsa moribus rustica, uestitu brachata, eminentibus e capite ad- instar bouum cornibus binis e tenui confectis uelo, forficibusq; ceu ton- sorum e summa fronte, paracutis. eius ornatus caussam cognoscere nunquam potui, nisi, si forte demonē effingunt specie belluæ sese of- ferentem. In hac ego insula sacrificauī aliquoties, & Sacramenta distribui. Inde proficiscentes ad Sinas, cum parua nobis insula ipso Paschali die Dominico sese obtulisset; partim eius diei celebritate, partim etiam ipsius loci amēnitate inuitati, descendimus, & com- modum in monte quodā ingenti specum, & fornicem in templi for- mam excauatum offendimus, ibiq; ara excitata, sacroq; peracto, cæ- lesti pane Lusitanos refeci. Ex eo loco ad Sinas delati, idoneam tempestatem expectantes, ad alteram usque feriam Natalium Do- mini anni 1562 substitimus. atque inde solutis anchoris tertio de- cimo die Petram albam felici nauigatione tenuimus. Hic immi- nentibus tenebris territi quo minus fretum Sincapuranum inuehere- mur, exscensione facta Domino gratias agebamus uniuersi, cum re- pente uelā complura piratarum apparuere (Aceni uulgo appellan- tur Tapprobanæ populi) ad regnum Iantane tendentium. Tum no- bis Malacensis quidam denuntiavit, nos ut instrueremus, Aceno- rum regem centum nauium classe aduentare, quoniam consilio, sibi incertū esse. Ea res nobis sane metum attulit, quod oneraria pretiosis

meritorij referta, ab armis autē esset inops. nihilo minus nautæ,  
 uectoresq; sese ad pugnam expediunt. Sed classe Acenorum sine iniuria  
 præteruecta, ad dimicationem uentū non est. Postridie uero Sinca-  
 puranum fretum inuecti, cū uentus deficeret, anchoras iecimus. in-  
 terim Acenorum naues ferme triginta, in ijs maioris formæ decem,  
 quibus totius classis uehebatur Præfectus, ad nos aduentantes, par-  
 tim ad puppim onerariæ sese opponunt, partim etiam latera ipsa pæ-  
 ne abradunt, ut appareret eos mercibus adamatis (nec enim ignora-  
 bant ex quo loco profecti essemus) pugnam optare. cumq; biremes ma-  
 ioribus bombardis, atque sagittis, quas præsentī ueneno in ipsa nauī  
 assidue inficiebāt, nos infestare cepissent, quamquam nostri, quorū  
 erat numerus ad ducentos, arma parauerant, seq; omnes ad propu-  
 gnandum instruxerant; tamen certissimo in capitis discrimine uer-  
 sabamur: cum ex altera parte hostium classis multo uiris armisq;  
 superior immuneret, ex altera uero litus esset propinquum, salo in  
 quo stabamus nō plus cubitos quattuor profundo, itaque aut præcisīs  
 ab hoste anchoralibus, quod urinantes faciunt, in uada incurrendū,  
 aut in manus hostium plane deueniendū fuisset, nisi nos insperantes  
 præsentī periculo Dominus exemisset. quippe hostes comiter ami-  
 ceq; a nobis compellati, nonnullisq; muneribus deliniti, non modo nos  
 laceffere desierunt, uerum etiā ita beneuoli discessere, ut sibimet ipsi  
 Lusitanos, & nobilitate, & belli gloria compararent. Malacam  
 inde peruenimus tertio decimo Kalen. Februarias, qui dies Diuo Se-  
 bastiano sacer est: ubi a Socijs nostris amatissime excepti, ad octauū  
 usque Idus Februarij piratarum metu commorati sumus. Mala-  
 ca dum ad Colanum portum, in quo arx est Lusitanorum, contē-  
 dimus, Ceilanijs iam syrtibus superatis, uento admodum prospero in  
 Cilanos scopulos recta deferebamur, nisi ad iactū lapidis animad-  
 uerso

uerso periculo, & mutata repente uelificatione Comorinum promon-  
torium feliciter præteruecti ( quod uix fieri posse uidebatur ) ipso  
die Paschali dominico, magna Melchioris & reliquorū Sociorum  
gratulatione qui in eo Matris Dei collegio sunt, Cocinum appulif-  
semus : quo ex loco ad hoc Goanum diui Pauli collegium dudum  
expectati quinto decimo die peruenimus . Cuius equidem colle-  
gij cum egregia rei Christianæ adiuuandæ studia, tum uarias pluri-  
masq; exercitationes, & spiritales, & litterarias, denique ipsius Ec-  
clesiæ incrementa uehementer sum admiratus : quam porro Domi-  
nus ad gloriam suam tueatur, & augeat . Hactenus de nauiga-  
tione . nunc de Iaponicis rebus pauca perstringam . In Iapone Ec-  
clesiæ numerantur nouem templo quæque suo instructæ : quorum  
templorum quinque circiter idolis ante dicata, nunc sacris altari-  
bus, & IESV CHRISTI, Mariæq; Virginis Dei matris  
imaginibus exornata diuino cultui seruiunt . Facatense templum  
Christianus quidam, Cosmus nomine exstruxit . idemque ut nos.  
in ora Sinarum tempestate retentos cognouit, argenti laminam mi-  
hi in subsidium misit : Nam Cutamense ( quod templum est per-  
magnum in agro Bungensi, passuum ab urbe uiginti quinque mil-  
libus ) suo sumptu ædificatum Christianus Lucas cæmeterio circum-  
dedit, excelsa lapidea Cruce in medio posita, ad quam se post mor-  
tem sepeliri iussit . Cutamensis ager, quem diximus, uectigalis est  
dynastæ cuiusdam ethnici, cum quo ipsiusque comitibus, dum  
Ecclesiam Cutamensem inuisimus, de rebus diuinis sæpe colloca-  
ti sumus . quibus ille sermonibus, nostraq; consuetudine usque eo  
delectabatur, ut quattuor horas totas interdum nobis aures præbe-  
ret, atque ita commoueretur, ut uelle se Christianū fieri diceret : sed  
hominum rumusculos ueritus ( quæ res toto terrarum orbe plurimū  
Y iij potest )

potest) a suscepta sententia destitit. Idem apud Lucam rursus totum uespertinum tempus nos audiendo consumpsit, clareq; perspetis ex ea disputatione Iaponicarum sectarum omnium erroribus atque fallacijs; comitibus suis, qui secum aderant, aperte professus est gratum sibi fore, si quis eorum Christiana sacra susciperet: quæ res nonnullos ex ijs adduxit, ut conceptum animo Baptismi desiderium expromerent: quo ille ita gauisus est, ut eos ipsemet hortaretur, ut constanter in proposito perseuerarent. Ac fere omnes Iaponij proceres nobis amici sunt. nam etsi aliqui, acie mentis retusa flagitijs, lucem Euangelij aspicere nequeunt; ualitudinis tamen caussa, si quando ipsi, aut ipsorum familiares in morbum incidunt, ad nos confugere consueuerunt. ut iam in his terris Christianam rem non modo Theologi, sed etiam medici chirurgiq; promoueant. quod ipsum apud Sinas quoque propediem fore confidimus: qua in prouincia rumor iam dissipatus est, candidam gentem, promissa barba, Sinarum Imperij potituram. quod si (ut speramus) euenerit, paucae omnino pro messis eius, itemq; Iaponicae, & Indicae copia, Christianarum sodalitatum omnium opera fuerint.

In Iapone, simul atque cognitum est me in Indiam profecturum, Christiani omnes a uiginti septem passuum millibus ad me salutandi caussa uenerunt: qui uero longius aberant, mihi se per litteras excusarunt. Itaque in meo discessu tanta hominum multitudo conuenerat, ut eos nec templum, nec atrium nostrarum ædium caperet. Hic ego fratres mihi carissimi, Christianorum lacrimas consulto pratero, quorum mærorem solari conabar noui supplementi spe, cuius caussa me ad Socios mecum ex India reducendos abire dicebam. Ad mare tendentem ingens agmen omnis ætatis uiro-  
rum, atque mulierum ita obfirmato animo me prosequutum est,  
ut. 11



ut ad eos domum remittendos bis in itinere mihi subsistere necesse fuerit. quorum equidem precibus (nam ijs me magnopere commendaueram) nos e tantis periculis diuinitus ereptos existimo. Sunt autem Iaponij acceptorum beneficiorum adeo memores, gratiq̃, ut si modo ipsorum eleemosynas acceperimus (quod illi sibi honoris loco existimant) ne dum si eos inuiserimus, aut alia quapiam re adiuuerimus, eorum primarij ad agendas nobis gratias domum usque se conferant. quod ipsum interdum etiam ethnici eorum cognati faciunt. quod si qui nobis (ut fit) in domesticis ministerijs operam dederint, illam dumtaxat mercedem requirunt, ut sub uesperam hilari aultu dicamus: Goxinro de oniar, hoc est, laborastis egregie. Id si reticeatur, ualde mæsti afflictiq̃, discedunt.

Bungensium Rex proficiscenti mihi ensē dedit eleganti opere, aureaq̃ uagina in anguis formam elaborata, mittendum ad Regem Lusitaniæ, quem esse tenera adhuc ætate cognouerat, itemq̃ pugionem Indiæ Proregi præclarum: quæ omnia in Iaponem idcirco remisimus, quod tempestatis iniuria nitorem suum atque decorem amiserant. Ad ipsum autem Bungi Regem Constantinus Prorex munera & litteras miserat: & simul cum affecerat laudibus, quod Euangelij præcones in suis regnis tueretur, benigneq̃ tractaret. quod ille munus ac litteras ita illustri gratia excepit, ut non modo eum qui attulerat, aureis amplius sexcentis donauerit, sed etiam ad Proregem uicissim miserit in bellicos usus affabre factum thoracem auro sericoq̃ distinctum, cum inaurata galea cupreoq̃ frontali, item hastilia duo pugionibus præfixa, argenteis crustis ornata, quas Nanguinatas appellant, aliaq̃ similia. Nos autem ipsos mirum quanta beneuolentia prosequatur. nam cum ceteris rebus amice nobis fauet, & commodat, tum in consilio dando

fidem præstat cum humanitate, ac facilitate coniunctam, liberumq; permittit, ut sequamur id, quod optimum esse iudicauerimus. In Christianorum uero negotijs, quanti nos faciat, plane demonstrat. etenim uel infimorum hominum res, commendatio nonstra si accesserit, suæ putat, eosq; nominatim appellat, quod magnum est apud Iaponios honoris indicium, aditusq; eis ad se præbet facillimos: denique illis etiam internuntijs ad nos utitur. quibus rebus Christiani maiorem in modum animantur. Ipse autem Rex opulentissimus est, cogitq; exercitum, quoties libet, armatorum hominum ad centum millia, habetq; in sua ditione non modo magnates, Comites, & Præfectos, sed etiam dynastas quolibet Hispano Principe potentiores. Quod si quando a nonnullis Iaponijs Dux potius, quam Rex appellatur; id accidit propterea quod speciosa hæc uocabulorum insignia ac titulos, non tam ab se inuicem Iaponij procures, quam ab externis atque aduenis expetunt.

G A S P A R V I L E L A  
Societati IESV.



**A**Nnum in urbe Sacai moratus, Meacum pacatis iam rebus discessi anno 1562, magnaq; Christianorum letitia acceptus, conciones habere continuo institui: & quo maiore gratulatione, studioq; celebrarentur instantes iam Natales Domini ferie, Iubileum promulgaui septimo ante anno datum a summo Pontifice. quo illi ita permoti sunt, ut ipsorum & in Confessionibus diligentiam, & in festorum Natalium expectatione pietatem ac studium magnopere admirarer. Natalis Domini dies festus cum aduenisset; nouem, qui mihi maxime ido-

nei uisum sunt, exposita prius ipsis augusti illius ac tremendi mysterij sanctitate, ad sacram Eucharistiā admisi, ita religiose accedentes, ut magno tēporis spatio lacrimantes ante perstiterint. Reliquorum autem desideria id ipsum auide expetentium uerbis leniui; totaꝫ ea nocte Natali in laudibus summi parentis ac Domini exacta, matutino tēpore sacrum feci, deꝫ ipso Natali, tanto cum spiritali omniū gaudio ac uoluptate differui, ut identidem prisca illa mihi subirent nascētis Ecclesie tempora, cū Christiani omnes uno amoris uinculo caritatisꝫ coniuncti, ad festos dies agendos, & conuiuia spiritalia celebranda coirent. Peractis ferijs, deinceps concionibus institui, ad quas ethnici multo iam tum pauciores, quā antea uentitabant: credo propterea quod initio ad nos audiendos cauillandi studium ac petulantia complures impelleret, quos nunc perspecta ueritas ab ea derisione atque illusione deterret. Nec fere nobis iam aures atque operam dant, nisi qui serio salutis sue consulere, ac rationi parere in animum induxerunt. quod ipsum ceteri quoque Meacenses utique facerent, nisi eos fictis rationibus deceptos ab eo consilio demon abduceret. aiunt enim, cum perpetuum quendam innocentis uitae cursum religio Christiana requirat, se militie Christianae sacramento obligari, & pugnam aduersus uoluptates deliciasꝫ nolle capeffere, ut cum se magna ex parte huius uitae iucunditate priuauerint, tum sempiternis in altera uita supplicijs, nisi ad finem usque perseuerauerint, deinde maētentur.

In hebdomada sacrosanctae, Paschalibusꝫ solennibus, eadē Christianorum pietas, animi sensus, atque religio constitit. quorum solennium celebritatem auxere nouem Baptismo lustrati, in ijs ciuis quidam locuples, & Iaponicis superstitionibus admodum eruditus, cuius oculos mentis, cum nihil post mortem omnino superesse putaret,

putaret, Dominus ita aperire dignatus est, ut sacrosanctum Baptismum magno animi ardore lacrimisq; suscepit.

Per eos dies seditione Meaci rursus exorta, quā iniqui in Christiana sacra conferebant (multo iustius Regis ipsius tyrannidi tribuendam, qui regna septem ui metuq; tuetur, nec spei quicquam habet in ciuium caritate repositum) ad reuifendos neophytos, Sacaiū, de Christianorum Meacensium sententia discessi, Meacensis templi Ecclesiæq; custodia Christiano admodum seni relicta. Meacum reuertar (ut spero) ad festum diem agendum natalis Reginae calorum *MARIAE* Virginis, cui edem iccirco dicauius, quod eo ipso die Meaci primum sacra missæ peracta sunt. In hac autem urbe Sacaiō, non admodum magna mihi spes propinqua mēsis, nūc quidem ostenditur. tanta enim est incolarum superbia ac leuitas, ut celum honoris existimationisq; iactura mercari se nolle fateantur. quanquam tempore procedente sperandum est agrum hunc ipsum bonam pietatis frugem laturum. Rationem instituti nostri in Bonzijs hisce tractandis, aliaq; nonnulla cum de ipsorum ornatu cultuq; corporis, tum de incolarum natura moribusq; separatim perscripta ad uos mitto: quo ijs cognitis gratias Domino nostro agatis, qui nos ex infinito prope cæcorum numero exemit, & simul eidem supplicetis, ut ad ipsum conuertantur hæ gentes, Indica Brachmanum superstitione deposita, quam ab Indico magistro ex regno Sionis acceptam huc usque retinent: quod ipsum ex delubris etiam apparet, quæ in Ceilone oppido Indiæ eadem quæ in Iapone uidere me memini. idq; uobis obiter significandum putauī, ut praua huiusce religionis origine cognita uos ad eam reprehendendam, & confutandam facilius comparetis. Precibus uestris, ac sacrificijs ut me Domino cōmendetis, a uobis etiam atq; etiā peto. Sacaiō. 5. Cal. Maij 1563  
Scriptis.

Scriptis iam litteris, rogat me per nuntium ethnicus quidam uir opibus præpotens, uti ad se baptizandum ueniam in urbem Naram. Omnino uereor ut uerbis hominis fides habenda sit: grauem enim adhuc se rebus diuinis aduersarium præbuit. Verumtamen, quicquid sit, experiar: præclare mecum existimans actum iri, si in Christiana causa uitam ponere mihi contigerit. nec enim permittet Dominus, ut huiusce lucis usuram animæ meæ salutis, atque immortalitati anteponam. Sin ethnicus ille uera narrauerit, seq̃ ex animo ad sacrosanctam Ecclesiam aggregarit; ne ego tum omnia Societatis nostræ Collegia nouam in hanc messem per litteras euocare non dubitem. magnum enim in his locis eius uiri nomen, magnaq̃ est auctoritas. Faxit Dominus quod e sua gloria maxime fuerit, cui me inter acies gladiatorum, intentaq̃ in me inimicorum tela uersantem plane commisi totum ac tradidi.

ALOISIVS FROES SOCIETATI  
IESV In Indiam & in Europam.

**E** Maximis nauigationis periculis summo Dei ac Domini nostri beneficio liberati, ex ora Sinarum incolumes in hunc Iaponis portum deuenimus quem Vocoxiuram appellāt, obuiosq̃ habuimus in litore Christianos incolas omnes tanta ex aduentu nostro uoluptate ac lætitia gestientes, ut nos humeris ipsimet suis sublimes tollere atque asportare uelle uiderentur. quorū ducenti circiter nos ad templum usque dēduxerunt. Cosmi uero Turriam gaudium fuit ita magnum, ut collacrimaretur, satisq̃ se uixisse iam diceret, quoniam quidem operarios sibi in subsidium missos a Domino in tanta negotiorum mole, tamq̃ opportuno tem-  
pore

pore cerneret. Ioannem autem Ferdinandum e magnis assiduisq; laboribus ita consumptū macieq; confectum offendimus, ut animā agere pæne uideretur. Etenim ad domesticas quidem & quotidianas Cosmi occupationes, accedebat etiam magna frequentia principum uirorum, & Christianorum tum ex alijs regionibus tum ex hoc regno uel baptizandi uel salutandi caussa aduenientiū. Ioannes autem, post sacra missæ a Cosmo peracta, totum fere diē & sepe noctem partim rudimentis Christianæ doctrinæ uulgo tradendis, partim etiam proceribus Bonzijs qui ad Baptismum accederent, separatim instituendis ponebat. Mihi uero baptizandi onus impositū est: ac nono post nostrum aduētum die primum sexaginta Baptismo lustrati sunt, multiq; deinceps, ex prima nobilitate, Barptolemei regis maxime hortatu ac persuasionibus incitati: quorum plerique catechismum sua manu continuo describebant, quō facilius memorie commendarent, eundemq; domesticis traderent. singulis autem, a Baptismo, sane quam enixe ac studiose petentibus, Crucis sigillum e collo gestandum, itemq; Rosarium precandi caussa dabatur.

Firandi autem, simul atque Sodales ex India aduenisse auditū est; Antonius & uxor ipsius Elisabetha misso confestim nuntio Cosmum magnopere obsecrarunt, ut quoniam tres e nostris in hoc portu sacerdotes essent, unum ex ijs ad Firandensem ceterasq; eius tractus Ecclesias inuisendas omnino mitteret. quod si per litteras ab ipso non impetrassent, duos e filijs suis ab se legatum iri, qui id ipsum humi strati supplices peterent. Neque ira multo post ab urbis Ximabare Tono (honoris ac præfecturæ nomen id est) qua in urbe Christiani eo tempore plus mille & quingenti numerabantur; nobilis uir cum mandatis ad eundem Cosmum est missus, ut ab eo promissa exigeret. promiserat enim Cosmus, simul atque supplemē-



tum ex India aduenisset, missurum se qui Ximabare commoraretur. Eadem erant postulata Regis quoque Bungensis, qua in urbe annum iam sacra missæ facta non fuerant. Ac Bungum quidem, quòd eius Regis gratia ad rem Christianam iuuandam in primis est necessaria, Baptista paucis post diebus profectus amicissimèq; ab ipso Rege acceptus est. Antonio autem Firandensi, itemq; Tono Ximabarano Cosmus respondit, simul atque per occupationes liceret, se ipsum ad illos esse uenturum. Christiani uero, quique insulas, quique Firandum oppidum incolunt, ubi rescire nos piaculares orbiculos seu grana benedicta ex India, itemq; Veronicas attulisse; multi cum uniuerfa familia, ijq; admodum pauperes, conductis mercede nauigijs ad hunc portū traecere. interrogati cuius rei causa, nullius præterea, respondebant, nisi unius petendæ Veronicæ. nam qui orbiculum optabant, octo diebus ante, supplicationes ad Deum habebant quo facilius impetrarent: atque etiam, cum sibimet ipsi diffiderent, Lusitanis apud nos deprecatoribus utebantur: eaq; dona quàm sibi grata essent, ipsis etiam lacrimis testabantur. Iam uero alij Christiani Amangutio, quinquaginta aut sexaginta leucarum itinere, alij Facata, alij denique alijs e regionibus ad nos huc usque Confessionis causa contenderunt. quorū sane religio caritasq; est admirabilis. Per idem tempus Barptolemeus quoque Rex ad Cosmum inuisendum in hac loca se contulit: quem continuo adiunximus, eiq; xenia dedimus Rosariū ex equo marino, itemq; granū benedictum unum auro insertum: quæ ille quanti faceret, uel ex eo ostendit, quod utrumque statim e ceruice suspendit. cuius aduentus magna Lusitanorū quoque gratulatione (namque illum omnes admodum diligunt) concelebratus est. Regis autem ipsius animi submissio ac pietas, cum sacro missæ interesset potissimum elucebat.

etenim

etenim cum in templum quotidie mane, multo ante lucem ueniret, (maximam enim noctis partem fere Iaponij proceres uigilant) non modo sacerdotem ad statam horam usque praestolabatur; sed etiam plebem infimā aduentu suo summoueri plane uetabat, uixq; parato sibi honoris caussa stragulo ad confidendum utebatur: prorsus, ut quilibet unius e populo uideretur esse. Sermones uero de rebus diuinis ita auide expetebat, ut sacro interdum peraeto, ante recitatum a pueris de more catechismum templo nequaquā excederet. idemq; ut quaedam sacrae missae & Eucharistiae mysteria probe cognosceret, accersitum ad se eius rei gratia nocte Ioannem Ferdinādum summa sua cum animi uoluptate pæne ad lucem detinuit multa percontans, quæ sibi partim ad comites suos docendos, partim ad Bonzios refutandos, esse necessaria diceret. quæ ille, & simul purgatorij ignis inferniq; supplicij discrimen a Ioanne cum didicisset; ad Cosmum salutatum accessit, cui id honoris etiam habebat, ut in ædium ingressu pugionem ceteraq; arma deponeret. Paucis diebus in his locis moratus, ad subsidium fratri suo germano Rimanorum Regi ferendum, qui bello erat implicitus, proficisci coactus est. & quoniam consueuere Iaponij principes Manibus mortuorum decem-dialia fere sacra, non sine magna Bonziorum præda sagināq; persoluere; Barptolemeus rex patre suo per eos dies adoptiuo uita functo, re cum Cosmo communicata, pro exsequijs illis, Bonziorumq; conuiuijs, totidem dierum epulum sex pauperum millibus præbere constituit: partim ut sibi ipsi, quoniam impio patri non poterat, diuinā gratiam conciliaret: partim etiam, ne post Christiana sacra suscepta, pristinae benignitatis atque clementiae oblitus esse uideretur. Idē, in rebus diuinis multo plura præstare quā polliceri solitus, simul atq; Umbram regiam urbem regressus est, demortui Regis imaginem  
quam

quam odoramentis suffire uenerariq̃ solebat antea, igne comburi iussit: quod a Bonzijs ingens piaculum est habitum. cumq̃ ex itinere ad oppidum Muram se contulisset, ubi erat eo tempore uxor ipsius Regina; multis ei rationibus persuasit ut una cum omni familiarum comitatu baptizari decerneret. quæ res eo mirabilior uisa est, quòd ea Regem ab eodem consilio antea reuocare tentauerat. simul etiam Rex templum ibidem magnificum ædificare constituit, Bonzijs ad eam rem e cænobio quodam edeq̃ pulsus. quapropter etiam Aloisium præstanti uirtute uirum, regie urbis præfecti fratrem, sibiq̃ in primis familiarem, ad Cosmum cum mandatis misit. quibus rebus ira permoti barbari impellente demone, Regi ipsi insidias compararunt. Capita coniurationis fuere duodecim uiri urbis administrationi præpositi. ij ad rem occultandam, Regemq̃ fallendum, Christianos fieri uelle se simulant. quos tamen Rex, quasi eorum scelus præfagiret, diu multumq̃ ante Baptismum probari iussit. Et quoniam Cotondonus spurius regis demortui filius, Barptolem eo in legitimi filij locum ab Rege ac Regina adoptato, hereditario iure regnoq̃ priuatus fuerat; Gotondonum coniurati cum alio quodam e proceribus facinoroso homine Feribo, in societatem consilij assumunt. omnes denique Barptolemæum hortantur ut regni possessionem cum pompa solenni aliquando capiat, & simul Regine Baptismum ac ceterorum, Cosmo accersito, quanta maxima possit cæremonia & ciuium gratulatione concelebre. namque eo ipso die statutum facinus perpetrare decreuerant. sed ueriti mox ne ipsorū consilia patefierent, rem aggredi anteuertunt. Aloisium regis interuentum ultro citroq̃ ad Cosmum rei Christianæ causâ commean-tem Feribus in itinere adortus interimit: cuius in comitatu ne Cosmus esset, diuinitus factum est: præmisso quippe ad Regem Alexandro,

xandro, Aloisium subsequi deinde ipse decreuerat. Eadem ipsa nocte XII viri regijs ædibus urbiq; incendium inferunt, ex quo Rex cum præfecto urbis Aloisii fratre paucisq; præterea comitibus, in arcem proximam confugiens, haud ita multo post Rimanorum Regis auxilijs regnum prope uniuersum ingenti Christianorum gaudio recepit, misitq; Cosmo nuntiatum, se Vocoxiuram, cū primum posset, ad ipsum inuisendum esse uenturum. Interea Gotondonum, & Feribum, aliosq; rebelles uarijs locis Rex Rimanorū obsidebat, eorumq; agros ita uastabat, ut ex hoc ipso portu incendia cernerentur. multi etiā seditiosi, Regis imperio capite plectebantur. quam rem ad Christianæ religionis propagationem magni momenti fore confidimus. Sed paucis mihi perstringendum uidetur quam ratione Barptolemaeus Rex sese ad Christum adiunxerit. Is claro in primis genere natus, Cegandono patre. admodum sene (qui uiuit adhuc) acerrimo & Bonziorum fautore, & Christianæ religionis inimico; ab Rege ut dicebamus adoptatus est, (quem arcta affinitate contingebat) populo magistratibusq; approbantibus. Aliquot deinde post annis Cosmus cum Vocoxiuram se contulisset, Rex ad eum salutandum ineunte Quadragesima uenit, quem antea nunquam uiderat. Ad ipsum uero postridie Cosmus Lusitanis nonnullis comitantibus qui in hoc portu hyemabant, honoris causa adiit, eumq; in ædes nostras in posterum diem ad prandium inuitauit. A prandio Cosmus partim suo ipse sermone, partim Ioannis Ferdinandi, qui bene Iaponice nouit, opera, cum alia multa Regem de rebus diuinis edocuit, tum de animorum æternitate, inscitiaq; & errore illorum qui nihil esse omnino præter materiam primam opinarentur. habita est hæc disputatio in sacello quodam optime ornato, proposita MARIAE Virginis sacratissimæ imagine cum filiolo

filiolo *IESV*, cuius ille tabula cū cetero aspectu mirifice gaudebat, tum stupebat in primis quod quamcunque se in partē uerteret, defixos in ipsum oculos puer *IESVS* habere uideretur. Atque ille quidem omnia quæ dicebantur clare percepit. in digressu autem, *Cosmus* uentilabrum aureum Regi donauit, Cruce prefixum cum clauis tribus, & nomine *IESV* eleganter sane descripto. quod uentilabrum *Gasspar Vilela* ex urbe *Meaco* miserat. cuius argumenti litterarumque nouitate permotus *Rex*, ut ea omnia per otium cognosceret, rursus ad nos cum magno comitatu se contulit, ceterisque in atrio relictis, uno *Aloisio* secum adhibito, templum ingreditur, ibique rursus de sacris fidei Christianæ dogmatibus, deque sanctissimi nominis *IESV*, Crucisque mysterijs atque uirtutibus, Regis ipsius rogatu *Ioannes* admodum fuscè copioseque differuit. e quibus multa *Rex* sua ipse manu in commentarium retulit. ex eo die, aureæ Crucis sigillo munitus, quod secum de *Cosmi* sententia gestabat assidue, se identidem *IESV CHRISTO* commendans, crebrisque *Cosmi* cohortationibus incitatus, denique nomen *CHRISTO* Domino dare constituit. Nocte igitur domum ad nos cum suis familiaribus uenit, pijs de religione sermonibus ad insequentem usque lucem aures præbet, quibus *Cosmi* iudicio iam satis institutus, sacro Baptismate ab eodem lustratus est, manibus in modum precantis magna cum submissionis pietatisq; significatione coniunctis, comitum suarum ex præcipua nobilitate corona circumdatus, qui pariter eius consuetudine monitisq; adducti, in eadem Baptismi uoluntatem uehementer incubuerant. Xumitanda appellabatur antea: ex eo tempore *Barptolemaeus* nouo nomine uocitatus est. Inde ad bellum discessit, *Cosmum* obtestatus, ut pro sua suorumq; salute, ac felici uxoris partu

*Dominum precaretur. Porro in itinere Maristenis delubrum, quem Deum rei militari praepositum Iaponij magno cultu caeremoniaq̃ uenerantur, iniecto igne consumpsit, eodemq̃ loco signū Crucis erexit, quod ipse & uniuersus ipsius comitatus supplices adorarunt. In castra uero simul atque peruentum est, misit qui toto regno Deorum phana comburerent. Ex ipsis uero lucis materiam caduā gratis ad naues parandas ac reficiendas Lusitanis attribuit. Quin etiā in castris, quicquid a bellicis occupationibus otij superest, id totū nocte dieq̃ in militibus ad Christianam pietatem informandis insumit, quos paulatim ad nos, quo res minus inuidiosa apud ethnicos ac Bonzios sit, Baptismi causa dimittit. Eiusdem, in bello insignia sunt nomen IESV cum clauis tribus in humerali depictum, Crux e collo dependens, granumq̃ benedictum in baltheo. Denique tanto rei Christianae studio incensus est, ut neminē intra insule huius fines habitare patiatur, quin concionibus sacris intersit. Christianos uero contra omnium, etiā parentis Cegandoni iniurias ac um tueretur egregie. & quoniam Rex est splendore atque auctoritate conspicuus; magnopere, ut dixi, fore speramus, rebus pacatis, ut Euangelium ipso adiutore Dominus longe, lateq̃ disseminet. Vos ego etiā atq; etiam oro, ut sacrosancta sacrificia uestra, piasq̃ suffragationes mihi deesse ne patiamini. Vocoxiura 18. Cal. Decemb. 1563.*

ALOISIVS ALMEIDA SOCIETATI  
IESV In Indiam.



*Xponam his litteris fratres mihi carissimi, quam ratione Rimanum in regnum, urbemq̃ Ximabaram nuper induc̃ta Christiana religio fuerit. Ac portus quidem hic*



seu emporiū *Vocoxiura*, quod cōmutato iam nomine *Marie Virgini* aditricis uocat ur, compluribus *Facata*, *Firando*, *Meaco*, alijsq̃ ex oppidis huc ad *Cosmum Christianæ doctrinæ* caus̃sa cōmigrantibus, ita frequenter habitari captum est, ut *Ecclesiam* hanc regionis huiusce totius caput aliquando fore speremus; *Barptolemeo* etiam rege una cum ipso flore nobilitatis haud ita pridem ad fidelium numerum aggregato. Eius autem frater, *Barptolemei* monitis precibusq̃ sepius excitatus, ut a *Iaponicæ* superstitionis erroribus ad rectam ueritatis *Euangelicæ* semitam se traduci pateretur; a *Cosmo* magnopere petijt, ut aliquem ad se instituendum in castra (bellum enim per id tempus gerebat) omnino mitteret. Missus ego sum, benigneq̃ ab eo acceptus, nocturno tempore, quod a negotijs magis erat uacuum, de rebus diuinis ad Regem diu multumq̃ dixi. quod ipsum deinde per alias occasiones alibi cum ipsius rogatu fecissem, ijs sermonibus admodum delectatus permotusq̃ Rex, certis de caus̃sis *Christiana* sacra ipsemet in præsentiā suscipere supersedit, sed duas mihi dedit epistolas, alteram ad *Cosmū*, cui potestatem per eas litteras faciebat *Euangelij* toto suo regno libere promulgandi, alteram ad incolas oppidi maritimi *Cochinoci*, in qua erat scriptū, ut ad audiendum *Euangelium* ad me conuenirent. ad quos me qui perduceret unum ex amicis, ac familiaribus mihi comitem dedit: quo sane breui peruenimus, hospitioq̃ excepti ab urbis *Præsfecto*, uerbum *Dei* disseminare institimus. Nec sane frustra. etenim baptizati sunt quinquaginta supra ducentos, in quibus fuit cū uxore, ac liberis ipse ad quē diuiteramus, urbis *præsfectus*. Deinde cum in aedes regias in primis instructas loci maiestate deterriti timidius incolæ ad nos & ipsi uenirent, & filios mitterent, ueriti, ne ab ijs ediū ornatus, et catastromata sædarētur; ubi id animaduerti, egi cū *Præsfecto*

de alijs ædibus, populi docendi caussa, comparandis. ille mihi sane liberaliter omnium quotquot essent in oppido, dedit optionem. delectum est ædificium quoddam peramplum, sed magna ex parte dirutum, secus aream, quam nobis Rex templo ædificando attribuerat. Operæ centum ad ruinas instaurandas, ædemq; sacram exstruendam Præfecti imperio ex censu ciuium exhibita, opus utrunque celeriter absoluerunt. Tum uero liberius ad Christianæ doctrinæ rudimenta, sacrasq; conciones pueri senesq; sese conferre: e quibus deinceps non ita multo temporis spatio centum & septuaginta Baptismo lustrati sunt. designatum est etiam Christianis humandis prope ædem sacram Cruce defixa peramplum soli spatium, quo primum illati sunt infantes duo tertium circiter annum agentes, quos Dominus pro salute harum gentium deprecatores in cælum asciiuit. Secuta deinde est in Barptolemeum regem coniuratio, bellicique tumultus, quibus tametsi oppidani commoti, atque a Bonziorum fautoribus potentibus uiris ad Christianam religionem deferendam sollicitati sunt, Cruce etiam ipsa contumeliose diffracta; ipsi tamen in fide fortiter persisterunt. quod egomet deinde ex eorum sermonibus clare perspexi, cum ad eum portum per id tempus naui accessissem. cum enim ab hostibus Christianæ religionis urbe occupata, publico edicto nos intrmittere uerarentur; ad stationem nostram, sera admodum nocte, parato nauigio frequentes uenerunt, se diligenter excusantes, quod nos excipere hospitio sibi per aduersarios non liceret, pietatem tamen suam atque constantiam uerbis testantes huiusmodi: Christiana religione deserta, quam porro sectabimur? in difficultatibus nostris, atque periculis ad quem confugiemus? an ad lignea siue lapidea simulacra, quæ huc usque coluimus? quis insitam unius Dei caritatem

caritatem ex animis nostris euellet? Quibus ego uerbis maiorem in modum recreatus, eosq; uicissim, ut potui, consolatus; ad Cosmam ceterosq; Socios Vocaxiurā ex eo loco profectus sum, qui sese cum Christianis ad hostium furorem uitandum, in onerariam receperant. uerum sedatis iam maxima ex parte tumultibus, & Barptolemaeo, qui in arcem quandam ex incendio regie urbis cum paucis uix uiuus euaserat, in regnū restituto, metus hosce omnes iuuant Domino propediem sublatum iri confidimus. sed de his haëtenus.

Venio ad res Ximabaranas: quam ego in urbem ab ipso Tono, seu Regulo accersitus, Cosmo iubente, me contuli, benigneq; exceptus, & in optimo totius urbis domicilio sum collocatus. Postridie me Rex inuitat ad cœnam. Ac cœna familiares suos atque domesticos in cœnaculum conuocat. Hic ego bene longam de Christiana religione disputationem instituo. illi uero multa ac uaria me interrogant: quibus ego dum ad singula respondeo, noctis magna pars abiit. Mane cum illuxisset, Tonus rogatu meo popularibus omnibus Christianæ capessendæ religionis fecit publice potestatem. ex eo tempore ter quotidie concionari capimus, matutinis primum horis, tum pomeridianis, postremo uespertinis, tanta hominum uia cōfluente, ut non domus solum, sed etiam uia auditoribus opplere-tur. Secundum hunc rei Christianæ cursum more suo aduersarius non semel impedire conatus est. Tria uisuntur Ximabara cœnobio Bonziorum, qui cum alijs de causis plurimum possunt, tum quod Principes ciuitatis affinitate contingunt. Eius ordinis hominum fallacias atque superstitiones quod palam coarguimus, populūq; ab ea secta ad CHRISTUM omni ope traducimus, capitali nos ubiq; fere odio infectatur. Ximabaræ autem, simul atque ita propensam in nos populi uoluntatem intelligunt, inimicitijs quas

antea inter sese exercebant, communi metu suadente depositis; caluſtonijs ſictisq; criminibus nos oppugnare conſtituunt. Ad Tonum adeunt, mirantes cur in ſuis terris tam improbum genus hominum uerſari patiatur. Anthropophagos eſſe nos, & quocunq; Chriſtiana ſacra inferamus, eodem continuo bellum excidiumq; importare. Si nobis in urbe habitatio detur, Luſitanos ipſos illi imperium erepturos. Ad hac, plebem incitare conantur, partim ut nos ex urbe pellendos una uoce ab Tono depoſcat, partim etiam ut nos publice conuiſijs maledictisq; proſcindat. Eam rem ubi parum procedere animaduertunt, conſilium etiam audacius capiunt. Dum ego in aedibus noſtris de re Chriſtiana ad populum maxime diſſero, facta manu quidam e Bonzjjs de communi ceterorum ſententia in ades noſtras irrumpit, poſitamq; ibi Crucem effringit. Sane indigna uiſa res eſt, ualdeq; omnes, ſed hoſpes præcipue noſter eo facto commoti. Itaque nihil propius factum eſt, quàm ut eum interficerent. Bonzjij autem furore elati ſcelus ſcelere cumulant. Mos eſt neophytorum ſuſceptam a ſe Chriſtianam religionem, Cruce in charta depiſta, atque in ædium foribus collocata, publice proſiteri. id illi ſibi non modo apud Deum ſalutare, ſed etiam apud homines glorioſum exiſtimant. Hac omnia inſignia Bonzjij poſtridie, primoribus urbis pro affinitate fauentibus, diſcerpere ac lacerare decernunt. Quod ubi Tonus reſciuit, Chriſtianis conſeſtim totam rem iuſſit renuntiare, eoſque hortatus eſt, ut tumultus uitandi cauſa, eam iniuriam æquo animo ferre ne grauarentur: ſe ipſum in Bonzjos utique animaduerſurum, ſed tempore. Quorum amentia ac furor eo uſque proceſſit, ut quicunq; ad nos audiendos uenirent, eos uſu etiam fontis arcerent in proximo ſiti, ad quem plurimi aquationis cauſſa uentitabant. prorſus, ut nobis eius moleſtia

uitanda

nitandæ causſa, in aliam urbis partem migrare neceſſe fuerit.

Iam uero illa quoque res accidit, non minus euentu felix ac læta, quàm initio triſtis ac turbulenta. Adoleſcentes duo ad nos audiendos rei nouitate inuitati ex oppido finitimo uenerant. dumq̃ in ædibus noſtris morantur, in familiari & iuuenili colloquio (ut fit) unus eorum alterius procaci interrogatione laceſſitus, ſtriçto mucrone in ſocium præceps iracūdia ferebatur; cum illum ex his qui aderant Iaponij quidam (aderant autem fere centum) ui arreptum retinent, eiq̃ de manibus ſicam extorquent: quo ille factò ita iratus inde diſceſſit, ut aut eam ulciſci iniuriam, aut mortem ſibimet inferre, Iaponico more, decerneret. Acceſſit ad exſtimulandum iuuenis animum ſatis iam per ſe incitatum, patris quoque denuntiatio uehemens, ne ſuum in conſpectum ueniret omnino, niſi prius ab ædium præcipue domino apud quem res illa contigerat, doloris pœnas exegiſſet ſui. igitur adoleſcens, amicis affinibusque coactis, uim comparat: quod ubi Ximabaram allatum eſt, Chriſtianos omnes magnopere conturbauit, me uero potiſſimum, uerentem, ne ſi ad manus uentum eſſet (quæ res non ſine multorum cæde erat futura) tum uero Bonzij ciuibz quod cupiebant plane perſuaderent, nos rixarum ac ſeditionum ubique terrarum auctores eſſe perpetuos. Iamque ſe, quanquam in magno omnium mœrore, oppidani ad Ioannis (ſic enim appellabatur) hoſpitis noſtri deſenſionem inſtruxerant, aduentabatq̃ armatum agmen aduerſariorum; cum iuuenis ille dux agminis repente præter omnium ſpem gentisq̃ conſuetudinem exterritus ſubſtitit, ſatis dignitati ſuæ, ſatis parentis imperio factum exiſtimans, ſi uacuam nobilis cuiusdam uiri domum ingreſſus in ſuburbano poſitam, reſiſtente nemine, pugionem inde uiciſſim abſtuliffet, atque ita (ut fecit) in pa-

triam reuertisset . *Ida* Christianis ubi rescitum est , tanta uoluptate letitiaque perfusi sunt , ut ab ipso noctis crepusculo , quamquam eos domum dimittente me , nihilominus gratias DEO cuncti simul agentes , factumque inuicem gratulabundi narrantes , ad insequentem lucem usque perstiterint . Nec tamen inter hanc aliasque difficultates , & Bonziorum insectationes , Domino DEO fauente , cessatum est . nam prater quotidianas conciones & catechismum , Baptismi celebres uarijs temporibus complures habiti sunt . Ac primum quinquaginta barbari nomen Domino dedere . deinde rursus circiter septuaginta . tertio denique Baptismo , candidati trecentum numerati sunt , e quibus baptizauimus dumtaxat eos , quos satis probe institutos Christianis præceptis inuenimus . ceteri , qui minus adhuc idonei uidebantur , in aliud tempus reiecti . Christianorum primitias libauit Dominus in hoc item oppido , sex uidelicet trimos , aut quadrimos infantes : quorum qui primus excessit e uita , Christianæ fidei ueritatem illustri sane testimonio comprobauit . cum enim iam ageret animam , sublati ad sydera manibus ; Tem iangate mairo , id est , confestim ( inquit ) in celum migrabo . cuius rei miraculo neophyti magnopere confirmati sunt . Ipse autem Regulus tametsi nec dum Christianus est , & certis de causis in aliud tempus Bonziorum scelus ac maleficia , debitis uindicare supplicijs distulit ; suam tamen erga nos beneuolentiam , & Christianæ religionis uel tuendæ , uel amplificandæ studium plurimis rebus ostendit . primum enim nobis honoris causa familiariter sæpe conueniendis nomen nostrum apud Ximabaranos in admiratione & in gratia posuit : deinde aream templo edificando optimam , materiamq; suo sumptu conuectam , operasq; ducentas nobis attribuit ad arcis ruinas æquandas solo , quæ arx quon-  
dam



dam illa ipsa in area fuerat . in templi uero ipsius apparatus & cultum familias septuaginta in ea uicinitate habitantes certum ue Etigal pēdere iussit, exturbationis pœna proposita, nisi in officio perstitissent . Idem, quod Christiani ad templum, estu maris accedente, egre admodum ueniebant, ingenti ponte ad ipsius templi ualvas usque perducto, faciem ijs tutumq; aditum præbuit . Auctus uero filiola (quam nos quod clarissimo genere orta est, magno Christianæ rei adiumento futuram aliquando speramus) eam nobis tradidit baptizandam, quod fecimus, & nomine Christiano Mariam appellauimus, ut eam uidelicet nomen ipsum ad omnem uirtutem ac sanctimoniam incitaret .

Hæc fere in oppidis Cochinoco, & Ximabara gesta sunt : quā ego utranque Ecclesiam per id tempus sepe reuisi, & alteri Damianum, alteri Paulum comites ac familiares nostros interim dum ego abessem, preposui . Vos etiam atque etiam obsecro fratres, ut pro hac uniuersa Iaponica uinea Domino Deo nostro quam diligentissime supplicetis . Ex portu MARIAE Virginis adiutricis. 5. Cal. Decemb. 1563.

# IOANNES BAPTISTA

Montius Michaeli Turriano e

Societate IESV.



Nno superiore in Iaponē peruenimus, et maritimū in oppidū Christianorū descēdimus, ubi Cosmus Turrianus cū uno e fratribus nostris rem Christianam præclare gerebat. quibus ego cum nauare operam ibidem uellem, Bungum a Cosmo iccirco sum missus, quod sesquiannum iam ea princeps Iaponis co-

tius

nus Ecclesia sacerdotem desiderabat. Ibi quanta Bungenſiam & letitia, & benignitate acceptus fuerim, exponere nimis longum ſit. Regem ipſum etiam inuiſi aliquoties, a quo ſemper honorifice humaniſſimeq; tractatus ſum, qui tametſi ethnicus adhuc eſt, in ea ſe ſecta quæ nihil ſuperſeſſe poſt mortem exiſtimat; Chriſtiana tamen religioni tantum tribuit, rebusq; noſtris uſque adeo fauet enixe, ut unus e fidelium numero eſſe uideatur. credo propterea quòd omnibus ducitur, uidetq; ſe ex quo tempore Euangelium in ſuis terris promulgari captum eſt, non ſolum imperio, atque opibus auctum, ſed etiam filio, quod uehementer optabat. Quod ad conuerſionem harum gentium attinet; Euangelium longe lateq; iam peruagatū eſt, & ſane probatur in uulguſ, & fere ſemper ad Baptiſmum, Dei beneficio aliqui perducuntur. Ratio autem noſtra cum illis agendi eſt eiſmodi. Queritur primum quam ſectam ſequantur. deinde non modo quam ipſi profitentur, ſed etiam relique omnes Iaponicæ ſectæ multis rationibus ita confutantur, ut earum ope ac præſidio æterna ſalute ſe nequaquam poſſe potiri intelligant. Id ubi perceperunt, docentur eſſe unum rerum omnium opificem, qui ex nihilo cuncta creauerit, eaq; omnia fungi officio præter Angelos deſertores, & hominem, qui e primo illo ſtatu ſua culpa exciderit, in quo ab Deo parente poſitus fuerat; idemq; naturæ legibus, rectæq; rationi aduerſetur. Diſcunt deinceps Deum eſſe trinum & unum, cuius imperium primus ille homo neglexerit. Et quoniam infinitæ maiestati ac numini facta iniuria, infinitam quoque ſatiſfactionē exigeret, ſecundam Trinitatis perſonam, cum genus humanum, aliæ omnino creata natura ſoluendo non eſſet, humanitatem noſtram ultro aſſumpſiſſe atque induiſſe, ut idē homo ſimul & Deus innocentiffimus pœnam noſtris ſcleribus debitam pretioſo ſanguine ſuo

ne suo acerbaq; morte persolueret, & nos in omnipotentis Dei gratiam restitueret. Hac illis omnia clare & copiose explicantur. tum ad eorum quaestiones probe respondetur, & omnis ex eorum animis, quoad eius fieri potest, dubitatio tollitur, atque ut illis certae precandi formulae tradita, praeceptaq; Decalogi exposita sunt, promittunt se barbaros ritus, superstitionesq; deposituros. denique sacri Baptismi uis atque mysteria ipsi explicantur, atque ita Christo dant nomina ac baptizantur. Versamur autem in his Iaponis regionibus hoc tempore & Societate sacerdotes septem, fratres quinque. multi praeterea sunt incolae familiares, ac ueluti sodales nostri praestanti uirtute homines, qui nos in opere haud segniter adiuuant. Sed uniuersi pro messis copia sane quā pauci sumus, nec nobis (quod facile credas) ab occupationibus multum superest otij. itaque subsidio uehementer indigemus. Pij deprecationibus tuis & ceterorū me ualde commendo. Bungo. 5 Idus Octobris 1564.

## EX ALIA EIVSDEM IO. BAPTISTÆ

Epistola ad Ioannem Polancum praesbyterum Societatis I E S V.

**N**unc aliqua mihi de Bungenſium Chriſtianorum pietate, ac deuotione dicenda ſunt: quæ uirtus cum ſemper in ijs apparet eximia, tum uero Quadrageſimæ tempore maxime cernitur. etenim præter aſperitatem uitæ priuatæ, & aſidua ſupplicia uoluntaria, Chriſtiani in templum ſexta quaque feria conueniunt frequentiſſimi, atque ubi de paſſione Domini peroratum eſt, extinctis luminibus atrociſſime cuncti ſeſe diuerberant. Equidem ut primum interfui, attonitus rei nouitate atque miraculo,

culo, prorsus obstupui. Neq; uero dumtaxat uiro: ū hoc decus est: ipsa quoque mulieres in hanc partem se admodum strenue atque acriter incitant. quarum nonnullae cum me summis precibus obsecrarent, sibi ut in templo sumptis ne dignoscerentur uirilibus tunicis, echinatis globulis ferreis in sua terga seuire liceret; negaui scilicet: primū id minus decorum arbitratus, deinde etiam ueritus, ne si ad ceteram austeritatem & pœnitentiam, qua se ipsae pœne conficiunt, uerberum quoque tormentum ac dolor accederet, certum adirent uitae discrimen. id ipsum graui admodum etate senes a me magnopere contenderunt. Iam uero sacrae hebdomadae officia, quo animi sensu ac lacrimis, Paschalia autem solennia quanto animi gaudio, atque hominum multitudine celebrentur, dici uix potest. Nec sane minor est Natalium feriarum gratulatio & celebritas. quin etiam pia simul & iucunda per eos dies spectacula committuntur, illustribus aliquot actionibus e sacra historia Iaponico uersu descriptis: quae poemata Christiani magno suo bono memoriter hauriunt, namq; ea ratione & magnam sacrarum litterarum partem addiscunt, & hisce carminibus identidem concinendis profanas cantiones quibus antea assueuerant, paulatim dediscunt. Nam quid ego de Confessionibus dicam? quo in genere ita solertes accuratiq; sunt, ut aliud nil egisse uideantur in uita. Quibusdam ego, id uehementer optantibus, per interpretem aures praebui, quorum nonnulli scriptam Confessionem suam secum attulerant. Credas mihi affirmanti uelim, quotidianas me sesquianni totius (tam diu enim sacerdote caruerant) recognitiones actionum suarum, quae examina dicimus, in ijs scriptis liquido comperisse: ea dispositione atque ordine in commentarium crimina suis quaeque diebus notata retulerant, cum ante id tempus octauo uel quinto decimo quoque die Sacramentum Confessionis

fectionis obire essent soliti. quæ mihi eorum diligentia eo laudabilior uidetur, quod ex mediocribus interuallis peccata rite confiteri haud ita difficile duxerim: ipsorum uero octodecim mensium errata in temporum seriem digesta proferre, id uero in primis mirandum est. Quid queris? contritione sua, animiq; candore ita me sibi obligarunt, ut cum Christo Domino ingentes & agam, & habeam gratias, quod me in hæc loca perduxerit; tum etiam tibi plurimum R. P. uel eo nomine debeam, quod auctoritate studioq; tuo perfectum est, ut aliqua mihi pars demandaretur huiusce tam fructuose prouinciæ: quam ego ut ex instituto ac spiritu nostræ Societatis geram, peto abs te, ut infirmitatem meam tuis ad Deum precibus ac sacrificijs subleues. Bungo. 6 Idus. Octobris 1564.

ALOISIVS FROES SOCIE-  
tati IESV in Indiam.



Nno proximo, Vocoxiuræ uico ab hostibus concremato, & exciso, Cosmus Turrianus cum Aloisio Almeida, & Iacobo Consaluo officij causa conquistus a Christiano quodā nobili uiro Tacuxim oppidum Regis Bungenfis ager nauis deductus est. Ego autem ab Antonio Firandensi uiro Principe accersitus, Cosmi iussu Tacaxumam contendi febris frigoribusq; uexatus, quæ me quattuor menses male habuerunt. Eodem uenit post mensem Ioannes quoque Ferdinandus. Insulani sunt numero trecenti circiter, & quinquaginta, omnes Christiani, quorum quibus licuit, aduenienti mihi nauigiolis obuiam prodire, ceteris in litore præstolantibus. quorum omnium quanta sit pietas atque religio, ex eo facile iudicabis, quod illis in nocte ad Dominum deprecandum,

dum, Christiue passionem secum reputandam surgere e lectulo consueuerunt. Quin etiam primis tenebris multi cum se in preces fuderunt, ad mediam usque noctem in ea cogitatione suimet pœne obli-  
 ti persistunt. Pyxidicula ego cerearum agni cœlestis imaginum, quas Roma summus Pontifex consecrauerat, Socijs nostris attule-  
 ram ex India. id ubi rescituit Christiana quædam anus Facatensis, multis precibus unam mihi earum extorsit. Eius rei fama statim hoc toto tractu percrebuit. itaque ad me quotidie & Firando, & alijs ex locis nauigia ueniebant uirorum sœminarumq; plenissima, e reliquijs illis amoris (sic enim appellant) aliquid a nobis efflagitan-  
 tium; negari nō poterat. itaque totum eius cereæ consecrationisq; my-  
 sterium exponebat Ioannes, deinde in eos distribuebatur. & sane ceram in particulas ita minutas secare coacti sumus, ut Christianis mille quingentis ac triginta sufficerent. quas pro suis quisque copijs uel argentea theca, uel aenea, uel stannea, uel ex aurichalco inclu-  
 debant, ex altera parte nomine I E S V spinea corona circum-  
 dato, ex altera tribus ad imam crucem clauis incisis. Templum au-  
 tem ipsum, quod Firando, alijsq; ex insulis confluentem ad nos mul-  
 titudinem non caperet, per eos dies amplificatum, & sacrario, at-  
 que ædificijs ad hyemem traducendam ornatum est. opere absolu-  
 to, dum Iaponius quidam apud nos ceram in candelarum usum ad ignem liquat, arida palæarum materia, e quibus parietes erant exstructi, flammam ita auide arripuit, non modo ut hospitium no-  
 strum, ædemq; sacram, sed etiam quindecim fere uicina Christia-  
 norum teçta comprehenderit atque consumpsêrit. quorum sane mi-  
 hi æquitas animi ac patientia uisa est admirabilis, cum incensis do-  
 mibus domesticoq; instrumento, in publicum se coacti proripere, tem-  
 pestate perfrigida, cum e cœlo densa nix caderet, una cum coniu-  
 gibus



gibus liberisq̃, qui nonnullis eorum erant septeni, octoniue, nostram tamen uicem magis quàm suam ipsorum dolerent. Ex ea clade sacrorum apparatus Dei beneficio ereptus est, & aliquid e suppellectili uestibusq̃, quas nos omnes egentibus Christianis ijs, quorum domus arserant, miseratione commoti diuissimus. Ioannis uero Ferdinandi commentarius multis iam annis elaboratus, in quem ille sacras conciones, & catechismi explicationem Iaponico sermone retulerat, sane quam incommode periit. Ego interea cum egrotus decumberem, ex eo periculo me ad quendam Christianum recepi, ibiq̃ in summa egestate storea mihi prostragulo fuit, lignum pro ceruicali: eo statim magna utriusque sexus hominum, ac puerorum turba confluit, incommoda nostra & calamitatem lacrimis prosequentium: mortuos parentes lugere dixisses, atque, ut est gens ad omnem humanitatem ac misericordiam prona, quamquam in summis rei familiaris angustijs, alij ad me contegendum proprijs uestimentis exuere sese, alij in cibum duas tresue cocleas, alij uirides cepas, alij denique syluestre allium afferre. aliquot etiam Firandenses, & Facatenses Christiani, qui in eam insulam anno priore Vocoxiura migrauerant, cocta nobis cibaria septem octoue dies e suis domibus misere. Eius incommodi nuntio Firandum uicinasq̃ in insulas perlato, confestim ad nos subleuandos Christiani cum fabris, paleis, funibus, arundinibus aduolarunt: quorum opera cum ædes nostræ, templumque, tum etiam incensa Christianorum tecta magno omnium gaudio ac uoluptate refecta sunt.

Sub idem tempus ecce noua calamitas. Aduectū ex India pretiosum ornatū sacrorū una cū aureo textili, & simul uitrea uasa donanda principibus, Firandum Cosmus, ut ibi uidelicet ab incendijs tutiora

tutiora essent, ad Christianum amicum custodienda transmiserat. Hic dum ludos quosdam profanos ipso Cinerū die agunt barbari, unus ex ijs temere arreptum ignem in aedificium conijcit, qui uento adiuuante, adeo uehemens ac saeuum excitauit incendium, ut bonam urbis partem cum aedibus Antonij dynastæ, & Christiani eius qui nostra seruabat, momento pæne temporis hauserit. quæ res magnam mihi præcipue, febri, tali anni tempore, laboranti, patientiæ materiam præbuit, quòd in eas ego quoque sarcinas, Diui Thomæ partes, quæ appellantur, itemq; nonnulla ualetudinis aduersæ remedia, quibus admodum inops est hæc terra, conieceram. Inde, paucis interiectis diebus, uigilias agere sumus coacti latronum & hostium metu, quibus paruum hoc Firandi regnum infestum est: paratisq; nauigijs quibus alio, si res ferret, aueretur sacra uestis & instrumentum, nos cum Christianis in editum locum munitumq; recepimus. Sed belli tumultus ille Deo fauente sublatus est. Et quoniam Iaponicæ linguæ ignoratio rem Christianam magnopere distinet, erepto ex assiduis occupationibus tempore, faciendum sibi frater noster Ferdinandus existimauit, ut de Iaponico sermone grammatica præcepta conscriberet. ijs duplex etiam Lexicon addidit: in altero Iaponicas uoces, in altero Lusitanicas alphabeti ordine cum sua cuiusque significatione prætexens. Sexto uel septimo mense, haud tamen iccirco intermissis concionibus, ceterisq; muneribus, eam lucubrationem absoluit, in primis utique necessariam Iaponijs excolendis.

In ferijs Natalibus, atque Paschalibus incolarum summa deuotio. Nocte Natali sub uesteram ientaculo exceptos bifariam in templo diuisimus. Ibi alternantibus choris certos ex ueteri testamento locos, sacrasq; Prophetarum prædictiones temporì accommoda-

tas uersu Iaponico decātarunt. Deinde solennia missarum sacra peracta sunt. Dominica in palmis cum sacrum fieret, Passione Domini per uices, ut fit, recitanda, tanta populi comploratio orta est, ut uix inter pronuntiandū nos mutuo exaudire possemus. Iam sexta feria, quæ proxime consecuta est, complures tum Firando, tum ex finitimis pagis Christiani ad uerberationē cum flagris ac tunicis confluxere, quod Firandi conuentus huiusmodi ab Rege prohibētur. nec scruentibus eo die procellis atque imbribus deterriti sunt, quo minus acriter sese cædentes, sanguinemq; mittentes, permultos passus agmine cōposito incederēt. quod ipsum separatim mulieres quoque, Christi amore incensa fecerunt, idq; summa cum religione, & sanctimonia. Porro aquā Sabbato sancto benedictā, magno studio ac fide ad morbos pellendos partim apud se religiose asseruandā sumpserunt, partim etiā Firandū, ceterasq; in insulas, atque oppida Christianis dono mittēdam. Paschali uero die Dominico, ad summā gratulationem species tantū & pompa magnifica defuit. cetera sane egregia. unum dumtaxat pallium erat nobis, quo eodem pro umbella in supplicatione usi sumus. sub ea gestabā ego sacratissimū Christi corpus in calice, linteatus præibat Ferdinādus corona rosea redimitus, & quāquā macie ita confectus, ut uix herere uestigijs posse uideretur; ualde tamē iucunde canebar, Dic nobis Maria, quid uidisti in uia? Cui respondebat ex altera parte Iaponius quidā senex, trullā bacillo pulsans, nec enim ulla in his locis organa musica sunt. Eo die cibum apud nos cuncti sumpserunt, quod festis ferme celebrioribus factitant, præsertim uero die Visitationi MARIÆ Virginis sacro, quem diem præcipuo cultu, atque honore exigunt Misericordie sodalitia, conuiuij curatoribus in qualibet Ecclesia constitutis.

Ipsis hebdomada sacrosanctę diebus Firandi res accidit ad prouidentiam Domini iustitiamq; declarandam admodum illustris. Princeps Bonziorum erat in urbe quidā Sasimandaque nomine, regni totius huiusce tanquam Archiepiscopus, capitalis Christianę religionis inimicus, cuius scelere antea & Cruces præcise, & Gaspar Vilela cum reliquis omnibus e Societate nostra Firando pulsi exclusiq; fuerant, quam rem Antonius dynasta grauissime tulerat, nec tamen uindicauerat, eo quod Bonzius principum affinitatibus admodum potens esset. Is igitur ab eodem Antonio, qui regij exercitus Imperator una cum Rege eo tempore militabat, per interpretem petijt fundum quendam continuandum prædijs delubrorum suorum. Id cum Antonius aperte negasset, accensus ira misit continuo Bonzius primum, qui Antonij uillas, deinde sex circiter Christianorum Antonij popularium domos incenderent. Enimvero tum Antonius rei atrocitate commotus Regem adit, Bonzij improbitatem diutius ait tolerari non posse: nisi in ipsum Rex animaduertat, sese confestim rei militaris cura deposita, ad ulciscendam eam iniuriam profecturum. cui Rex quamquam inuitus ac mœrens, tamen quod Antonij uiri nobilissimi, & secundum se opulentissimi opera plurimum indigeret, respondit se totam rem ipsius arbitrio plane permittere. Tum recordatus iniuriarum quibus ille nos affecerat, postulauit Antonius, ut Bonzium eo dignitatis gradu deiectum, Firandensis regni finibus in perpetuum exterminaret: & ne qua spes redditus ei relinqueretur, agros illius ac bona alijs possidenda assignaret. Quo statim facto; & Christiani molesto grauiq; aduersario liberati, & Bonzij dedecus ingens, ac dolor iniustus est.

Decem menses Tacaxum e fuimus: quo temporis spatio uicinas insulas,

insulas, quæ in Antonij ditione sunt, bis Ferdinandus inuisit. nec sane frustra. nam & Christiani, ipsius aduëtu mirum in modum recreati, & barbari multi ad ouile Christi perducti sunt. in ijs uetula quædam annum agens circiter nonagesimum, mulier honorata, multisq; affinitatibus pollens. Hæc æternæ beatitudinis gratia, multa Iaponis delubra superstitiosis peregrinationibus circumierat, habebatq; papyraceam tunicam, quæ descriptam Amidæ uitam continebat, quam illi cum alijs diplomatibus, & indulgentijs (Ecclesiasticos enim ritus demon effingit) Bonzj pretio ingenti uendiderant, polliciti, si eo amictu, supremo die suo efferretur, omnibus noxis solutam, recta ad beatas Amidæ sedes proculdubio peruenturam. Aegrotum quendam eius propinquum Ioannes inuiserat, cuius domi casu ipsa quoque tum aderat. Eam igitur Ioannes accersi iubet, si pauca de Redemptore generis humani, deq; altera uita cognoscere cupiat. audituram se respondit mulier: uerum enim uero falli, si quis iccirco se Christianam futuram existimet. Sed ubi demonis malitiam, fraudes Amidæ, cui illa tantopere fideret, Euangelicā denique ueritatem Ioannes aperuit; ut Iaponica ingenia facile rationibus cedunt, eius orationem mulier ita approbavit, ut lacrimis obortis Baptismum continuo peteret. quid multa? solennes preces edidicit, chartaceam illam tunicam, aliaq; Bonziorum scripta quæ diximus, ad Ioannem attulit comburenda, sibi post hac sacrum fore nihil, aut religiosum affirmans, præter nomen IESU. ac deinde baptizata, tantā animi pietatem atque ardorem ostendit, ut cum uniuersos Christianos, tum eos præsertim, qui eam antea nouerant, ingenti gaudio affecerit: quam metuebant prius, nunc autem metu duplicatum in amorem conuerso, maxime diligunt: ac mirantur quæ prius præ imbecillitate corporis stare uix pos-

set, eam nūc quotidie templū petentē, Angelicamq̃ salutationē trecenties recitantē, & singulis noctibus bis orādi caussa e cubili surgentem. Eadē postea ad me Tacaxumā cum alijs Christianis naui contendit, ut rei diuinę interesset, & granū aliquod benedictū, & cerę, quam diximus, consecratę particulam a nobis exposceret.

His rebus, alijsq̃ peractis, quas ego breuitatis caussa prætereo, Ferdinandus ad me reuertit. Et quoniam Firandenses Christiani magno nostri desiderio tenebantur; mihi autem per Regem a Christiana religione contra quā initio simulauerat, alienum, in ea urbe rem diuinā facere non licebat; supplicationibus habitis, & recum Antonio communicata, omnino uisum est faciendum, ut Ferdinandus saltē eo sese cōferret: ubi ille dum fideles in officio retinet, labantes in fide confirmat, barbarosq̃ præceptis Christianis instituit; interea naues Lusitanorum duę in hāc oram e Sinis delatę. quarū magistri cum iniussu meo Firandi portū inuehi nollent, Rex ratione lucri coactus (nam alioqui, secus ac primis aduentus nostri in Iaponem annis simulauerat, & nobis, & Christiano infensus est nomini) se mihi per quendam e suis familiaribus excusauit, quod bellicis districtus negotijs nondum mihi salutem nuntiari iussisset, & simul magnopere petijt a me, ut Lusitanos urbis aditu ne prohiberem: se primo quoque tempore de mea quoque introductione cum nauarhis acturū. Illi igitur, permittente me descendunt, & promissa ab Rege sæpius exigūt, templū are suo se ex edificaturos recipiunt. Rex tergiuersando rem extrahere, nosq̃ iam aperte frustrari, cum eo ipso tempore oneraria cui a sancta Cruce est nomen, aduenit, sane opportune. nam & sacerdotes e Societate tres Melchiorē Ficaredu, Balthasare Acoſtā, & Ioannē Cabraliū, summa cū animi nostri uoluptate ac letitia nec opinantibus nobis aduexit, & occasionē optimā præbuit



præbuit Regis ab ea perfidia reuocandi. Hanc ego nauem actuario  
 quasitam reperi in ipso cursu uelis adhuc inflatis; & Petro qui-  
 dem Almeida nauarcho pro excellenti eius probitate, & in So-  
 cietatem nostram obseruantia, facile persuasum est, ut uela sub-  
 mitteret statim, ibidemque subsisteret: mercatores autem siue na-  
 uigationis nausea tedioque, siue alia quauis de causa, nullis ratio-  
 nibus de sententia deduci potuere quo minus scaphis oppidum pete-  
 rent, & mercimonia exponerent. magno illis ea descensio stetit:  
 namque a furibus igne apothecis eorum iniecto, magna mercium  
 parte uel flamma uentoq; seuiante consumpta, uel etiam ab ipsis  
 furibus inter eam trepidationem ablata, aureorum circiter duode-  
 cim millium damnum fecere. Interea Petrus Almeida, qui iā-  
 Etis anchoris, ab oppido sex millia passuum stabat, rogatu meo  
 Regi aperte denuntiat, se nisi nobis restitutus nequaquam appulsu-  
 rum. Rex autem, dierum aliquot mora interposita, ad extremum  
 metuens, ne si rem diutius distulisset, magna rerum suarum ia-  
 ctura nauarchus alios portus peteret, nobis & urbem intrandi, &  
 sacræ ædis exstruendæ potestatem fecit. Descendentibus nobis ad  
 litus die natali D. Barptolemai Apostoli, gratulatio ingens &  
 a nautis Lusitanis significata est, & ab incolis Christianis, cum se  
 præter spem, uoti compotes factos uiderent. Nos cum nauarchis &  
 magno præterea comitatu Regem adiuimus, eiq; gratias egimus. ac-  
 cepti sane frigide, quod dedit accepimus. inde Antonio eiusq; ma-  
 tre salutata, ad instaurationem templi continuo animum adieci-  
 mus. ex onerarijs Lusitanorum tribus, pecunia in ædificatione cor-  
 rogata, opus celeriter ad culmen perductum est. Itaque in eo tem-  
 plo natalē diem *MARIAE* Virginis egimus Balthasare sacri-  
 ficante, et magno omniū gaudio concionāte. Tanto autē studio a no-

bis de hac Firandensi commoratione multis de causis laboratum  
 est. Primum quod ita mandauit Antonius Quadrius: deinde ne  
 Christiani incole summa uirtute ac religione homines deferantur:  
 tum ut iacta a nobis in animis puerorū, qui sane praestanti sunt in-  
 dole, semina Christianae doctrinae, ad bonam frugem nostra opera  
 perducantur: postremo Lusitanorum etiam gratia, qui ad hoc em-  
 porium libentissime commeant, ad merces distrahendās ac diuen-  
 dendas opportunissimum. Dum haec ad Firandum geruntur, co-  
 gnitum est Cosmum Turrianum Bungensis regis hortatu, atque au-  
 xilio ad oppidum Rimani regni Cochincum peruenisse, eamq̃ Ec-  
 clesiam, quam hostes afflixerant, eiusdem Regis ope ac beneficio re-  
 stitutam. Eo Melchior Ficaredus cum mandatis ac litteris, quas  
 afferebat ex India, ad Cosmum profectus est. Nec ita multo post  
 Cosmus ad nos scripsit, ut ad se ego & Balthasar Acosta, uenire-  
 mus, Cabralio, & Ferdinando Firandi relictis. quae prima navi-  
 gandi facultas fuerit, proficiscemur. atque ego me, nisi per mea ste-  
 terit peccata, Meacum ad Gasparem Vilelam missum iri confido.  
 nam nostrorum hominū subsidium aliquod non ipse modo, sed etiā  
 Meacenses uehemēter exoptant: quippe qui ad eum, sacrorum caus-  
 sa, e remotis urbis amplissimae partibus egre admodum uentitant.  
 Cuius profectores gestae satis declarāt nihil esse tam arduum atque  
 difficile, quod non animi robur ac perseuerantia superet. Nam qui  
 primis legationis suae temporibus, contumelijs, probris, lapidationi-  
 bus nullo defensore appetitus, diuq̃ uexatus est; tantum constantia,  
 patientiaq̃ profecit, non modo ut populo, sed etiam ut principibus,  
 Regeq̃ iam ipso equo ac beneuolo utatur. In agro Meacensi intra  
 quadragesimum circiter lapidem Ecclesias septem instituit, multis  
 e prima nobilitate ad Christi cultum adductis: magnum denique

rei Christianae studium in illis gentibus excitauit. Verum hac, & reliqua huius prouinciae acta ex aliorum litteris fusius cognoscetis. Vos ego patres, fratresq; mihi carissimi per Deum obsecro, ut uestris in sacrificijs precibusq; memoriam mei retineatis. Firando. Quarto Non. Octob. 1564.

IOANNES FERDINANDVS FRANCI-  
sco Perezio ex Societate IESV.



*E*t si putabam uos de rebus Meacensibus e Gasparis Vilela ipsius litteris cognituros; tamē cum Christiani duo certi homines nuper ad nos Meaco uenissent, faciendū mihi existimaui ut quae ab illis accepimus, tibi per litteras primo quoque tempore exponerem. Anno superiore, cum Gaspar ad Bonziorum furorem atque impetum declinandum ex urbe Meaco Sacaiū Christianorum hortatu precibusq; se recepisset; Didacus quidam neophytus ad Xamaxinodonum in ius adiit, debitam sibi a nescio quo pecuniam iudicio repetens. hunc Xamaxinodonus ut agnouit, per ludibrium sit ne Christianus interrogat. Ego uero sum, inquit ille: cui rursus Iudex: cedo, uestra quae dogmata sunt? recusanti respondere Didaco, seq; excusanti quod tyro esset etiā num; acrius instare denuo barbarus, & urgere, ut aliquid in medium afferat. Neceitate p̄ne coactus Didacus de animorum immortalitate, deq; aeterno totius uniuersitatis parente capit nonnulla differere: quibus permotus Xamaxinodonus, abi (inquit) nuntia magistro tuo ut ad suam mihi doctrinam declarandam accedat. nam situ rudis adhuc & nouitius tā bene disputas, quid de ipso doctore tuo putandum est? quod si ueritatem religionis Christianae probaucrit;

eam ego fortasse & Quequidonius collega meus suscipere non gra-  
uabimur. Didacus igitur non sine diuino consilio id factum exi-  
stimans, forensi actione deposita, Sacaium ilico ad Gasparem ex-  
currit, eiq; iudicis mandatum exponit. Gaspar rem cum Christia-  
nis qui ibidem aderant, communicat. illi negant se dubitare quin ea  
sit insidiosa euocatio; proinde nequaquam eundum. omnino pro-  
babilis erat ea sententia: uerumtamen, ne cui, uerbum Dei audire  
se uelle dicenti, aliquo pacto defuisse uideretur; Laurentium Ia-  
ponium comitem suum ad eum legauit: qui, quamquam propositio  
uita periculo, libens discessit, ea conditione, ut nisi intra quatri-  
duum reuertisset, minus commode cum eo actum existimaretur.  
Dies duo, tres, quattuor; nec tamen redit. pro mortuo scilicet uel  
certe male accepto est habitus. mittitur de communi sententia Mea  
cum unus e Christianis Antonius nomine, ut cuncta Sacaium ex-  
plorata certa q; referat. Huic in ipso itinere occurrit Laurentius &  
comites duo cum iumento tendentes ad Gasparem deportandum,  
quod iam Xamaxinodonum & Quequidonum Laurentij opera  
Dominus ad se conuertisset. Meacum igitur cum Socijs tribus  
Gaspar profectus (ij sunt Iaponij Laurentius, Augustinus, &  
Damianus missus ad eum mense Decembri) Xamaxinodonum  
& Quequidonum Baptismo lustrauit. Erant ambo uenefici, &  
demone familiariter utebantur. ijdem iurus Iaponici peritissimi,  
summa q; prudentie & eruditionis fama. itaque ab ipso Rege &  
ijs qui uerum potiuntur, de religione, bello q; consulebantur: Chri-  
stiane autem religionis adeo acres aduersarij, ut in ea affligenda &  
Gaspare exturbando Bonzij ipsorum precipue opibus, gratia, au-  
ctoritate niterentur. Nunc autem diuinitus immutatus uterque  
tanto studio in Christiane causse defensionem incumbunt, ut

Iaponicarum opinionum prauitatem atque fallacias scriptis arguere atque aperire instituerint, Euangelica ueritate ad calcem operis addita. quem librum ad communem omnium utilitatem salutemque sunt edituri. Sane grauem ex eorum conuersione plagam ac dolorem Bonzj accepere, praesertim quod illos imitatus Xuicaidonus quoque, uir in Iaponicis meditationibus exercitissimus, & Mioxindoni rei militaris praefecti cognatus, ad CHRISTUM accessit, atque inde in patriam reuersus passuum ab urbe Meaco uiginti quattuor millia, quae Imoris appellatur, estque in Mioxindoni ditione, tantum apud affines & amicos exemplo suo monitisque profecit, ut eo Laurentius ipsorum rogatu missus a Gaspare, patritios sexaginta eorumque familias (omnino erit hominum numerus ad quinque millia) baptizauerit, ade sacra confestim exstructa. quorum tanta fuit infide uirtus atque constantia, ut post Laurentij discessum, a Bonzjis ethnicisque ad defectionem sollicitati laceffitiisque partim altercationibus, partim etiam ludibrijs & insectationibus, non modo non ab incepto destiterint, sed etiam pro defensione Euangelij diem unum in armis fuerint. Quibus rebus Xamaxinodonus cognitis, Gaspari persuasit ut ad Mioxindonum cuius domicilium ab Imori castro, unius diei distat itinere, sese conferret, caussamque Christianorum apud eum ageret. Ab eo Gaspar benigne acceptus, cum de rebus diuinis ipso ualde approbante uerba fecisset, summa eiusdem uoluntate obtinuit, ut Imorenses ethnici Bonzijque neophytis negotium postea ne facerent. quare Christiani molestia liberati & magnopere confirmati recreatiisque sunt: ad quorum numerum tredecim alios inreditu Gaspar adiunxit, postridieque Meacum reuersus est. Ex eo tempore in agri Meacensis munitis oppidis quinque  
ad pas-

ad passuum non ultra quinquaginta millia totidem Ecclesie instituta dicuntur. Regis autem ipsius Meacensium tanta esse fertur in Gasparem animi propensio, ut cum Gaspar ab Amangutianis litteras accepisset, eam Ecclesiam a Moridono tyranno uexari, pijs ipsorum discussis cœtibus, euerso templo, areaq; ipsa per uim occupata; Regem adiuuerit, atque ab eo impetrauerit, ut ad Moridonum scriberet, gratum sibi esse facturum, si Christianos commendatos haberet, eorumq; templi instaurationem atque adificationem adiuuaret. Eam epistolam Rex insigni cuidam uiro dedit ad Moridonum in castra leucas triginta ultra Amangutium perferendam: eiusdem epistola separatim exemplo ad Christianos Amangutianos allato, qui propterea magnam in spem rerum meliorum uenerunt. Hac habui quæ de Meacensibus rebus in præsentia scriberem, ut tam lati nuntij quam primum in Indiam peruenirent. Gasparem ipsum de eisdem rebus aiunt scripsisse. Eius litteræ, quas Bungi itinere pergens alius nescio quis ferre dicitur, ut speramus, propediem subsequuntur. Hactenus de alijs. Quod uero ad me ipsum attinet, te per *IESUM CHRISTVM R. P.* obtestor, ut mei in sanctis sacrificijs tuis nominatim memineris, atque id ipsum a reliquis omnibus Socijs peto: quo ipsorum deprecatione placatus mihi Dominus tantum uirtutis impertire dignetur, ut Societatis nostræ disciplinam, ac leges ad finem usque uirac custodiam. Firando.

6. Idus Octob.

1564.



ALOISIVS ALMEIDA SOCIETATI  
IESV in Lusitaniam.



Completar his litteris fratres mihi carissimi ea dumtaxat, quæ mihi, certa Iaponis obeunti loca in itinere contigerunt: nã cetera nostri Meaco, Firando, atque aliunde, ad uos ipsi perscribent. Anno proximo Pater Cosmus Turrianus, Vocoxiura, ubi tum commorabatur, misit me, duo in oppida regni Rimani ad prædicandum Euangelium, quibus in oppidis intra tertium circiter mensem (quæ Dei benignitas est) non infimæ conditionis homines amplius mille ducenti ad ouile Christi perducti, baptizatiq; sunt. Atque illa quidem iam cognouisse uos arbitror: Barptolemæum Regulum ualde potentem Rimani Reguli fratrem magna cum nobilitatis parte conuersum ad Christi fidem, aliosq; deinde complures. Didicistis præterea, ut opinor, Vocoxiura uicus ac portus, nostris ab eodem Barptolemæo attributus, cum edificijs, tũ uero neophytis in dies quàm feliciter crescere cæperit. Hunc adeo letum rei Christianæ progressum cum diabolus ferre non posset, Bonzios permultos e popularibus Barptolemæi sollicitare non destitit, quoad facta coniuratione, armisque clam sumptis, Regulum utrunque repentino impetu aggressi; Barptolemæum, quòd idolorum cultu sublato phana ipsa Deo uero dicasset regno deturbatum, in arcem quandam compulerint, intra quam sese continebat hoc tẽpore; fratrem uero eius, quod in regnum suum patefecisset aditum Euangelio, dimidia fere parte oppidorum suæ ditionis exuerint. In eo tumultu, Vocoxiura uicus, iniecto furtim a uicinis hostibus igne, confestim incensus est. Cosmus in Rimani cuiusdam neophyti na-

uem

uem confugit, Leonis nomine, qui periculo cognito statim præclaris nauigijs duobus ad opem Ecclesiæ temploq; ferendam aduenerat: quod tamen ipsum una cum ædibus Christianorum agricolarum, cum iam Cosmus, ut dixi, nauigium conscendisset, inspettantibus nobis, eodem conflagrauit incendio. Spectaculum nostris oculis graue admodum, & acerbum. Vicus primum exustus ac dirutus is, qui modo & conuenarum numero, & plurimo Dei cultu florebat: innocentes pueri permulti quorum pijs uocibus, ac quotidianis precationibus in Dei laudem nuper omnia perstrepebant, raptim in naues impositi, dilapsiq; cetera neophytorum turba cum liberis atque familijs, sine tecto, sine cibarijs, sine ullo præsidio, relictæ crudelitati hostium atque seuitiæ. Rebus igitur desperatis mærentes cursum direximus ad portum, qui primus regni Bungenfis occurrit, distantem leucis a Vocoxiura circiter quinquaginta. In ea nauigatione, digna memoratu nonnulla accidere; e quibus hoc unum in præsentia exponam. Cum ad alias eius oræ stationes, tempestatis caussa, coacti sumus appellere; tum ad quendam regni Rimani portum, citra eum locum quem petebamus, passuum millia quinque, & uiginti. Eius portus atque oppidi facile princeps erat Leo: qui inde Vocoxiuram ad nos, ut diximus, nauigijs duobus erat profectus. Eo igitur delati, quod Cosmus ualitudine admodum uteretur aduersa, descendimus, ibique dies octo substitimus. quo tempore Christianorum concursus ad Cosmum ingens fieri ceptus; quod neminem e sacerdotibus nostris antea uiderant, eiusq; aduentum magnopere optauerant. Verum noctu fere uentitabant, exploratorum metu, hostiumq; Christiani nominis, quibus oppidum erat refertum. Nam Reguli pater, qui ætate iam exacta Regni administratione decesserat, cognita seditione ac bello in filium

filium excitato, rebellibus renuntiari iusserat, omnia ipsorū arbitrio  
 compositum iri; sponponderatq̃, ipsum filium Regē, itemq̃, nepotem,  
 in exsiliū ituros; Cruces Christiano ritu defixas auulsum iri, Chri-  
 stianos ad patrios ritus Christo deserto redituros. Id erat causse cur  
 neophyti minus aperte Cosmum inuiserent, quorū erat numerus fer-  
 me octingentorum. Ipsi uero pueri Christiana doctrina sic erant eru-  
 diti, ut cuncti precandi formulas, plerique etiam Catechismum to-  
 tum tenerent. ij, curabat Cosmus ut inter sese, dialogi more, fictis ad  
 tempus personis, de Christiana religione, Gentiliq̃, superstitione cer-  
 tarent, idq̃, tanta cum animi uoluptate, ut perspecta gentis huiusce  
 fides, ac pietas, omnē pæne acceptæ cladis dolorem abstergeret. Sed  
 hoc ipsum quoque solatium nobis humani generis hostis inuidit, ac  
 Bonzios impulit, ut facta manu, diuersorij nostri arundinea tecta  
 nocturnis lapidationibus magno cum strepitu peterent: quo maxi-  
 me tempore neophyti spiritualium sermonum delicijs fruebantur.  
 Quocirca nihil hostium uim ac potentiam ueritus Leo (quod alius  
 nemo præter ipsum auderet) nos ædium suarum excepit hospitio:  
 cumq̃, nihilominus Bonzij furerent, tanto dolore ipse cum omnibus  
 suis exarsit; ut inscientibus nobis arma capere, ignemque cænobijs  
 Bonziorum inferre, summa præsertim uxoris uoluntate, decerne-  
 ret. Eam rem odorati Bonzij, furere desierunt. Verum quia  
 commoratio nostra diuturnior, periculosa neophytis esse uidebatur,  
 idq̃, ipsimet ita iudicabant; quamquam magno cum dolore, quem  
 ex ipsorum solitudine & calamitate capiebamus, magnaq̃ mutuæ  
 beneuolentiæ significatione, silentio noctis digressi; postridie Taca-  
 xim oppidum Bungenfis orę tenuimus. Ibi Cosmus loco propinquo  
 consistere, et neophytorum animos, epistolis, inter eos, terrores atque  
 discrimina cōfirmare, totiusq̃ rei exitum exspectare cōstituit. et quo  
 esse

esse ibi tuto liceret, ad regem Bungime misit, duarū, & triginta leucarum itinere; ut is de mansione sua cum Tacaxiano Praefecto per litteras ageret; quod Cosmus ipse propter ualeitudinem longius progredi non auderet. Rex erat eo tempore Uosui (id oppidi nomen est ab urbe Bungo passuum millia fere octodecim), quem ut conueni, Cosmiq; mandata exposui, Rex ualde latatus Cosmum in suis uersari finibus, protinus mihi dedit ad Praefectum epistolam; Cosmo aream adesq; ad habitandum attribueret, & ex incolis, Christianum, quicumque uellet, fieri permetteret. Atque haec quidem eo ipso die: post mensem autem, Cosmum regni proceribus per litteras magnopere commendauit. Post menses uero duos, cum Christianam rem parum procedere cognouisset, duas edidit tabulas ornatas auro, nigroq; colore distinctas, quarum alteram Cosmus apud se, alteram unus e nostris haberet in alio Bungenis agri pago per celebri (Cauaxirim appellant) leucas a Tacaxi septem. Earum in utraque rei Christianae tribus capitibus chirographo suo cauit quā diligentissime. Primum enim edixit licere in suo regno, summis, medijs, infimis Christianos fieri: deinde pœnas proposuit, si quis diuinae legis pracones, aut impedisset, aut ulla ratione læsisset. tertio declarauit placere sibi in perpetuū tota sua ditione praedicari Euangelium. Ac mirum sane quantopere Christianae religioni faueat, quamquam ei nondum addiētus. Petentibus nomine Bonziorum quibusdam, ut nos exterminaret, alienum esse eius dignitate, ferre qui Deos suos tam impudenter, tam contumeliose proscinderent, infames item edacitate carnis humanae (hoc enim illos non pudet crimen nostris obijcere) & quocunque pergerent, euerfiones atque excidia secum afferentes: cum hac, inquam, & alia sexcenta in nos probra iactarent; annus, respondit ille, circiter quartusdecimus agi-

tur, ex quo hi homines, in hac loca magno utique meo bono delati sunt: tribus quippe dumtaxat regnis ante præfueram, nunc uero quinque possideo. antea pecuniæ laborabam inopia, nunc Iaponis Reges omnes diuitijs supero; atque ad populares etiam meos hoc beneficium pertinet. denique omnia mihi ex eorum hospitio secunda acciderunt: quin etiam filio sum auctus, quod uehementer optabam, cum nullum antea suscepissem. Quæro nunc ex uobis ecquid attulerit mihi commodi religionis uestræ defensio? proinde caute, ne in posterum ad me, istiusmodi uerba faciatis. quo illi responsio fracti, abiectiq; cessere. Idem fere Meaci contigisse cognouimus, cum Bonzj ex ea urbe Gasparem Vilelam exturbare conarentur. Mos est Iaponiorum, cum aliquam pecuniæ summam principibus largiuntur, chirographum illis offerre, ex quo ipsi deinde per suos domesticos eam pecuniam exigant. Eiusmodi chirographum, facta collatione, Meacenses Bonzj detulerant ei, qui causas ipsorum apud Regem agere consueuerat, ut idem ille nostros Meaco pellendos curaret. Is auditum aliquoties Dei uerbum (ut erat bonus natura) probauerat. Itaque rem sustinere, & chirographum apud se detinere constituit, quoad clarius, quæ tradebantur a Vilela, cognosceret. Adit igitur & audit hominem magno cum assensu: redit iterum, ac tertio: denique clariori oborta sibi luce Christianus efficitur. atque hac maxime ratione Dominus, hominem hunc, sicut & ceteros, qui se haud difficiles præbent, ad ueritatem ab errore traduxit. Verum, ut ad institutam narrationem reuertar, tabulas ego regias ad Cosmum misi, quarum unā Duartes Sylua Cauaxirim promulgandi Euangelij causa pertulit. Ego Bungi moratus sum a natalitijs Domini ad Paschatis usque peracta solennia. Interea quanta, quàm assidua concionum frequentia;

quàm

quàm crebri Baptismi, quæ in publicum Hospitale caritatis officia; quot eleemosynæ; ferijs uero Natalibus, quàm pia e sacris historijs spectacula exhibita: per Quadragesimam, qui ardor animorum, quam graues, quā acerbæ pæne a neophytis ultro susceptæ, Paschalibus denique diebus quàm festiuæ, ac iucundæ gratulationes tum publice, tum priuatim extiterint, quoniam ea uobis minime noua sunt, nihil attinet scribere. Per eos dies Duartes Sylua Cauaxire dum incensus rei Christianæ studio, immemor cibi potusq̃, ad Euangelium dies ac noctes prædicandum incumbit, grauem morbum e summo labore contraxerat. Ad eum ego curandum (abest autem Cauaxiris oppidum Bungo leucas paulo plus triginta) Cosmi iussu ingenti labore perrexi; quòd e perpetuis imbribus amnes adeo intumuerant, ut uado transmitti non possent. Ita coactus recta uia deflectere, quinto demum die perueni Cauaxirim, fratremq̃ nostrum offendi humanis omnibus remedijs, in magna diuinorum solationum copia, destitutam; macieq̃ pæne extrema confectum: sic prorsus, ut nonnulla, quæ mecum ad instaurandas ægroti uires attuleram, parum illi exhausta prope iam naturali uirtute profuerint. Et quoniam Cosmi uisendi, antequàm migraret e corpore, magno desiderio tenebatur, noctem quietam nactus, ipsius Cosmi iussu Tacaxim eum naui transuexi, quem acceptum amantiissime, officiosissimeq̃ tractatum, Cosmus frustra sanare conatus est: decem superuixit dies: sumpto bis corpore Domini letus abiit, præclaro nobis cum uirtutum aliarum, quæ in ipso elucebant, tum uero Christianæ humilitatis ac patientiæ documento relicto. Quam multas ille, sui præsertim aduentus initio difficultates, et incommoda pertulit. quot imbecilli corpusculi uexationes penitentiæ nomine subiit. quanta uero industria, quanto fuit studio Christianæ religionis propaganda



de equidem nil uidi simile, cessabat numquam. itaque præter ceteros labores, non Iaponicas modo, uerum etiam Sinenses, quæ multo difficiliore cognitu sunt, didicerat litteras; artemq; Iaponicæ linguæ grammaticam, & copiosa lexica primus ipse confecerat. Sed redeo ad Cosmum. Is eo ipso tempore ab rege Romanorum accersitus, tamen si cum eo congregari uehementer optabat, atque ob id ipsum etiam in oppido Tacaxe remanserat; prius tamen regē Bungi constituit tota de re facere certiorē: binas interea litteras ad Romanū dedit, quas cū mandatis ego deinde sum subsequutus: ignosceret moræ: ita de se meritum esse Bungensem, ut illo inconsulto proficisci fas esse uix duceret. Rimam Tacaxe tendentibus pagus occurrit, quam Leonis patriam esse iam diximus. Eo ut perueni, me uiso, & profectionis meæ causa cognita; neophyti, dici uix potest, quanta letitia affecti sint. Serum erat diei, totum id tempus confluentibus ad me salutandi causa datum est; baptizati quoque nonnulli; in ijs ethnici cuiusdam filius, qui pro ea consuetudine, quam cum Christianis sancte institutam habebat, non modo sese Deo commendare iam ceperat, uerum etiam Christianæ doctrinæ rudimenta memoriter hauserat. Postera luce ex eo loco profectus Rimam quinque leucarum interuallo deueni. Regulus cum cetera comitate, tum etiam cæna me excepit; multaq; de Bungenfi re percontatus, quod ad Cosmum attinebat, ita respondit: Cochino-cum suæ ditionis emporium totum esse Christianorum (quadringenti, & quinquaginta fere neophyti numerantur) eo Cosmum posse concedere, ibique exspectare, dum debellatum esset; daturum se, qui me illuc usque perduceret, mihiq; aream, ac domum, in usus Cosmi assignaret. itaque factum est; cessitq; res e sententia. Cosmus bona Regis Bungenfis uenia conscendit statim, & Cochino-

cum naui delatus, magno omnium gaudio exceptus est; nullaq; interposita mora, neophyti solum purgare, adesque instruere aggressi sunt. Ille perspecta hominum uirtute, ac probitate magnopere delectatus est; illud uero præcipue mirabatur, cum temporis spatio non plus trimestri ad Christum Dominum cuncti conuersi fuissent, tam recenti re, nullis hostium minis, aut denuntiationibus de suscepta religione potuisse deduci. Grates Domino, qui illos tanto animi robore, ac fortitudine impertijt. Bungo, Prædie Idus Octob.

1564.

LIBRI QVARTI FINIS.

# DE IAPONICIS REBUS EPISTOLARVM

LIBER QVINTVS.



ALOISIVS ALMEIDA SOCIETATI  
IESV, Pacem & Salutem  
in Domino.



*T* communis officij ratio, qua ad alloquen-  
dos litteris amicos absentes impellimur, &  
præcipuus animi fructus, quem uos percipere  
ex Iaponicarum rerum cognitione intelle-  
ximus, me hortatus est, ut confectum Dei  
beneficio iter Meacense, carissimi fratres,  
hac epistola uobis exponerẽ. Cum statuisset

Præfectus noster Cosmus Turrianus, ut ego & Aloisius Froes Mea  
cum eo cõsilio peteremus, ut ipse quidẽ maneret ibidem, & Gasparẽ  
Vilelam adiuuaret in opere, ego autẽ ut Aloisium illuc usque pro-  
secutus, quod ad spem propagandæ in ijs locis Christianæ religionis at-  
tinet, comperta atque explorata referrem omnia; Cochinoco Rima-  
ni agri uico maritimo, quod his temporibus Cosmi Turriani domici-  
liũ est, ab ipso Cosmo non sine magna beneuolentię significatione fau-  
stisq; precationibus ad nauem usq; deducti, solutis anchoris eo ipso

Bb ij die

die ad urbem Ximabaram secundo uento deuenimus; atque ibidem (ut est grex ille neophytorum eximio quodam rerum diuinarum studio) uel concionum frequentia, uel eorum qui ad CHRISTI fidem traducti sunt genere ac numero, bidui ferme operam adiuuante Domino sane quàm præclare posuimus. Cum iam hora profectionis adesset, a neophytis parâto nauigio ad mare deducimur. quidam etiam (ex quo facile hominum in nos amor eluceat) qui ad tempus adesse nequuerant, citato ad nos cursu contendere, & aquis eodem impetu sese credere, ut nos iam in salo stantes, affari sibi cominus liceat. Ioannès uerò Dynasta proprio nauigio nos longius prosequutus, cursum inde ad Barptolemaeum regem intendit, qui paucis ante diebus Cosmo Turriano Crucem auream dono miserat cum epistola, in qua erat scriptum, se Crucis eius beneficio, quam secum semper tulisset, non modo magnis & periculis euasisse, uerumetiam multas ex hoste retulisse uictorias. Id argumentum suæ fidei & amoris mittere se ad Cosmum, cupere tamen aliam sibi uicissim ab eo remitti; eam, quòd Cosmi fuisset, maiore etiam apud se in honore futuram. Crucem igitur Ioanni Dynastæ Cosmus tradidit ferendam ad Regem: addita muneri ab Aloisio Froe nonnullæ reliquiæ. Cui uos quoque Regi adeo pio & de Christiana religione bene merenti, fratres carissimi, felices bellorum euentus ab immortalī D E O precamini. ijdem enim & Barptolemaeum & Christianam religionem hostes oppugnant. Ximabara igitur Tacaxim, qui Bungenſis Regni Kimanique est limes, atque inde Bungum terrestri decem ferme dierum itinere, non sine summa difficultate perreximus. nam præter uim frigoris acerbissimi, & confragosa atque inuia loca, diuturnus etiā imber calles ita lutulentos effecit; ut sæpenumero prolapsi fuerimus:

rimus : cum interea defatigatis corporibus ad reficiendas uires in diuerforijs nasturtiorum & inhamis herbae folia praeberentur. Cuntamis est pagus, a Bungo millia passuum septem & uiginti, egregio templo uisendus, quod ibi Christianus quidam exstruxit. In eo pago noctis unius demum quiete capta, Bungum postero die peruenimus. Rex erat eo tempore Vosuqui. Eum conuenire septimo post die placuit, deque suscepta peregrinatione facere certiore. Ille uero nobis benigne & comiter acceptis, litteras etiam ad amicos Meacenses commendatitias dedit. In eo pago Christiani uisuntur aliquot : in ijs noster hospes in primis Christo deuotus & probus. Is non paruo nos affecit solatio, cum totam precationum suarum nobis rationem exponeret. Ea erat eiusmodi, ut orsus a summo Pontifice ceterisque Ecclesiasticis ordinibus, & Regibus Christianis; ad uniuersos nostrae Societatis homines, sed nominatim ad unumquemque nostrum, qui uersamur in Iapone, descenderet; tum pro conuersione infidelium, sed regis Bungi praecipue, supplicaret : longam inde pertexuit seriem petitionum, certis in singula rerum capita obsecrationibus distributis. tam copiose praeterea de contemptu mundi, tam scite de alliciendis ad CHRISTVM Iaponijs proceribus disputauit, ut eius pietatem uehementer admirati fuerimus. Quid multa? nostram uicem Doctoris officio functus est. Nos Bungum inde reuertimus. Bungo Meacum uersus iter intendimus, magno neophytorum numero nos ad passuum tria millia prosequente. Verum aduersa tempestate Bungum reiecti sumus omnino ter : cum ipsi palam neophyti faterentur, se nobis contrariam a Deo nauigationem enixe precari, ut apud se Natalem Domini diem festum agere cogeremur. Spatium id fuit mensis unius : quo tempore non destitimus uicinis locis

uerba facere ad incolas; & hospites nostros ad Christi fidem & cultum suscipiendum hortari; cum ipsi quoque Bonzj e mentito corporis habitu se mulierum cætibz inferentes, clam ad nos audiendos accederent, ijdemq; a suis popularibus prodiiti, ac disputationibus nostris Domino adiuuante conuicti facile cederent. per eos dies Tonus ad Christi ouile aggregatus est, insigni nobilitate uir, ingenioq; præstanti. Iam Natalitia Domini aderant: ijs ingenti Christianorum gaudio celebratis, denuo soluimus, & uento secundo ad insulam nomine Hiu sane haudquaquam securi peruenimus. Seuebat maiorem in modum mare: parua erat nauis: uectorum mira colluies, Lunam, Solem, ceruos, aliasq; belluas uario ritu adorantium. Metum augebāt præterea in oculis nostris e recenti aliorum naufragio reliquæ & sarcinæ fluitantes. Verumtamē nos Dominus, quo nitebamur uno, ad eius quam diximus insule portum, leucas a Bungo quadraginta perduxit. Eius circuitum insule passuum aiunt patere millia ferme trecenta. Quattuor in regna diuiditur, oryæ ferax. Locus autem ipse, ad quem sumus adpulsi, Fore, gentis uocabulo nominatur. Ibi aliquot reperti Christiani, qui Euangelium in urbe Meaco perceperant. Ex ijs quidam in primis honestus, continuo nos gratulabundus inuisit: noctemq; totam apud nos traduxit alijs nullis nisi de benignitate diuina sermonibus. Equidem nullum adhuc uidi tanta uel auctoritate, uel prudentia, uel cognitione ueritatis Christianæ Iaponium. Filium annos undecim natum egregiæ puerum indolis cultui Christi dicauit. Reliqui eius domestici eximia sanctitate & religione sunt omnes, sed uxor præcipue, quæ uentrem ferens, & quidem proxima partui, ut audiuit Christi sacerdotes adesse, in sperato gaudio elata, postridie confestim ad nos, ancillis ac liberis comitata, bene longo interuallo se



contulit, uerboq; Dei refecta, uespere cum suis domum reuertit, eaq; ipsa nocte peperit filium, cuius rei nuntium diluculo misit ad nos. Dies octo ibidem commorati, sex incolis conuersis ad Christum, eadem naui Xiuaquim (nam eo usque erat conducta) sexto die prouehimur, qui portus in itinere medio sese offert Sacaium Bungo petentibus. Hyemis initium erat asperrimæ: iuga montium niue cooperta, quæ assidue cadebat densa adeo, ut iam tum experiri liceret, inter eius regionis & aliarum frigora quantum interesset. Ibi quod nullam in cursu maioris formæ nauem inuenimus, paruum nauigium coacti conducere, per infesta piratis loca (incertum maiore frigore, an metu) quem petebamus portum beneficio Dei tenuimus. Sacaium inde peruentum est, cum quidem proxima nocte incendium eminens apparuisset nobis, quo mille circiter urbis eius tecta consumpta sunt. Atque ut nos aduentare cognouit ex optimatibus quidam Christianus, nomine Sanctius, certos homines obuiam misit nobis instructo maiore nauigio, in quod e nostro myoparone transcendimus, ad eumq; perducti liberaliter admodum & amanter excipimur. Domum habebat peramænâ in usus hospitum atque aduenarum intra ædium suarum septa more patrio separatam ac propriam: eam nobis ad diuersandum assignauit. Ibi post quietem, nobis affuit ilico Sanctij ipsius uxor & liberi (quod ex ipso congressu facile apparuit) admodum ingenue & liberaliter educati. Horam circiter iucunde fuere nobiscum. inde recipere sese. Atque Aloisius quidē Froes, quod ita omnino statuerat, postridie bene comitatus Meacum iter intendit, ego remansi, ut negotijs quibusdam expeditis, sine mora subsequerer. Ille cum ad oppidum Ozaquam uespere processisset leucas a Sacaiis tres, ea ipsa nocte flammis ædificia illius oppidi nongenta deleta sunt. quare per-

territi neophyti, qui Aloisium deducebāt, ueritiq̃ ne quid illi ab oppidanis incōmodi accideret (quod nostri nominis fama iam ualde percrebuit, rumoribus improbiſſimis diſſipatis nos urbium clades & exitia circumferre) hominem ex urbe quā occultiſſime teētū eduxere, eoq̃ ipſo die tanta uis niuium cælo delapſa eſt, quanta his annis quinquaginta nunquam. Verumtamen Deo adiuuante ex hiſce difficultatibus Meacum Froes euasit incolumis. Ego e frigoris, quod in itinere pertuleram, magnitudine, in corporis dolores acerbifſimos incidi, qui me quinque circiter & uiginti dies adeo uexauere, ut pæne confecerint. Eo autem toto tempore Sanctius in me curando plane paternam aſſiduitatem ac diligētiam præſtitit; cum & nocte ipſemet cum duobus tribusue adminiſtris ægrotanti mihi ſedulo aſſiſteret, ageretq̃ uigilias; & uxor ac filij ſubinde me amiſſiſſime atque humaniſſime inuiſerent. Neque uero medicus deſuit præſtanti eruditione Chriſtianus. Conualui denique Dei beneficio. Et quoniam ad ingrediendū iter nondum ſuppeteabant uires, erantq̃ nonnulli, qui me audire cuperent; interea prædicare Euangelium inſtitui. Credidere octo, baptizatiq̃ ſunt, ad quos inflammādos excitandosq̃, Sanctij quoque & filiorū ſpectata pietas et ardor animi, ut puto, non mediocriter ualuit. Per eos ipſos dies Sanctij filia uenit ad me, nomine Monica (grandiori natu ſæmina proſequente) ſuſiſq̃ rite precibus coram ſacraſſimæ Virginis effigie, quam ſerre mecum in itinere conſueui, ad me uerba fecit in eam ſententiam, ut diceret, ſe quidem ſumma Dei benignitate Chriſtianam eſſe, & eiufdem Chriſti, Virginisq̃ Matris inſtinctu decreuiſſe iam pridem Virginalē uitam ad mortem uſque traducere: quin etiam illud ſibi certum fuiſſe, tondere comam, quod apud Iaponios relictū ſæculi ſuſceptæque uitæ ſeuerioris indicium eſt; & a Sanctio

patre contendere, ut se in uilibus ministerijs pro mancipio haberet in posterum: nunc autem inaudisse (nimirum suis peccatis id postulantibus) se auunculo suo a parentibus esse desponsam superstitioso in primis homini, & falsorum Deorum libros, Bonziorum ritu, peruolutanti quotidie: præclare intelligere sese, quanto id cum salutis suæ periculo futurum esset: proinde petere a me & orare, ut Sanctium patrem ab ea mente deducerem: se ualde confidere, Christo fauente, rem omnem cessuram esse feliciter. Ego, collaudato puellæ consilio, primum admonui, ut secum reputaret etiam atque etiam, se tenera esse admodum ætate (sexturn de cimum agebat annum) necdum expertam uarias dæmonis artes insidiasq̃, quas ille ad tam ardua nitentibus tendere soleat. sane, si ad extremum usque spiritû in Virginali castimonia perstitisset, ingens præmium a Christo Domino laturam in calo: sin forte offendisset, enimuero & sibi met detrimento, & parentibus nobilissimæq̃ familie magno futuram esse dedecori. Quocirca si robur haud sentiret sibi inesse tanto certamini par, nubere satius esse, non tamen auunculo. Tum illa, Christi fretam auxilio sperare se dixit & de se ipsa, & de inimico generis humani uictoriam: sese periclitandi causa, quid in eo genere posset, triduum totum, & quidem magnam cum animi sui uoluptate atque letitia per mediam transegisse, itaque statuisse apud animum suum, qui in eo ieiunio & uires & solatia sibi suppeditasset Iesus, eundem sibi ceteris omnibus in difficultatibus affuturum. His ego auditis, tam pium eius propositum admiratus, hortatusq̃ etiam atque etiam, ut uigilaret in retinenda constantia; uirginem a me dimisi. postridie Sanctium alloquor, filie uoluntatem expono, doceo matrimonium illud tribus maxime de causis esse nefarium. Primum quod uir sit ethnicus, & colendis

Idolis adprime deditus; deinde quòd Monica auunculus; postremo quòd ipsa repugnet & renitatur puella. Ad hæc ille; neminem esse tota urbe Christianum, quicum filiam matrimonio possit honeste coniungere: perditum idololatram per eam occasionem facile ad Christum posse conuerti; denique sibi non esse iam integrum, quippe qui conscijs principibus ciuitatis, homini in primis opulento potentiq;, filiam enixe cupienti despoñderit: uereri se, ut inimicitias & inuidiam sustinere possit, si rem inchoatam, ac pæne confectam, repente reuocare nitatur. quæ cum ita sint, tamen quoniam id matrimonium saluis Christianis legibus contrahi nequeat, se omnino, quicquid ego uelim, esse facturum. Laudaui pietatem hominis. Ille perturbato in præsentia recessit animo, sed mox, ut est uir egregie prudens, Deo duce ac præside, incestas nuptias mira lenitate discussit. Neque ego interea destiti Monicam salutaribus præceptionibus instituere. quas illa cum & eximia quadam animi submissione, & magna gratiarum actione semper exciperet, priscas illas mihi Virgines reddere uidebatur, quas optimo iure Catholica Ecclesia ob excellentem uitæ sanctimoniam in numerum celestium retulit. Est autem puella maiorem in modum solitaria, & precationibus dedita: cubiculum habet remotum ab omni domestico strepitu, cum signo Crucifixi, & spiritualibus libris, quibus, ut est legendi describendiq; bene perita, dat operam. Frater eius est Vincentius nomine, natus annos circiter undecim. Is, percunctanti mihi, quem sibi modum statueret amoris in Iesum Christum Deum suum ac Dominum; ut sanguinem (inquit ille) ipsius caussa profundam, & quamuis minutissima in frustra dissectus, me Christianum esse profitear. Interim ego iam firmiter esse ceperam. Itaque nostrorum monitu, qui Meaci uersantur, ethnicum quendam adire constitui

in Sa-

in Sacalanis finibus eo tempore commorantem, cuius auctoritas & opes in urbe Meaco magnæ dicuntur esse. Id iter pedibus conficere me Sanctius nequaquam est passus. nam & longius erat, & ego uires nondum plane receperam. Lecticam ab eo sum coactus accipere cum lecticarijs duobus admodum leuem, commodè sedentis hominis dumtaxat unius capacem, quadrata forma, fenestellis ad latus additis, quæ ab insidente aperiri claudiq; ad libitum possint, quo maxime uehicali genere utuntur nobiles ornata magnifico, & opere quàm elegantissimo. Sic igitur ad eum, quem dixi Dynastam alieno ministerio deferor. Scribam habebat Christianum apud se: cuius beneficio nobis & facilis ad eum patuit aditus, & de rebus diuinis agendi benigne potestas est facta. Comes erat mihi Iaponius quidam in eo genere in primis exercitatus. Is cum de uanitate plurimum Deorum, de Iaponicæ superstitionis origine, itemq; de uiciorum omnium opifice & conditore uero Deo differeret (auditores autem aderant præter Dynastam uiginti) eosq; ipsos statueret iudices, uter cultus uerior esset existimandus, ingens apparebat omnium adprobatio: scriba uero gaudio triumphare, quippe qui Christianam religionem ante susceperat. & cū omnes eo sermone commoti, tum tres præcipue nobis aures deinde sæpius præbuere, baptizatiq; sunt. Sed quia cognoueram eo ipso tempore Gasparem Vilelam esse Imori, quod castrum leucas distat ab urbe Sacao sex, reuersus ad Sanctium, dixi discedere me uelle postridie. Tum ille, quoniam quidem mihi abire certum esset, uelle se, ait, nonnulla mihi e suis thesauris ostendere. Ritus est Iaponiorum, qui quidem nobilitate ac diuitijs præstant, hospitibus paulo honoratioribus in digressu beneuolentiæ causâ præbere spectanda, quæ apud sese pretiosissima sunt. ideo est omne instrumentum necessarium ad potionem herbe cuiusdā in pul-

in puluerem redactæ, suauem gustu, nomine Chia. Est autem modus potionis eiusmodi. pulueris eius, quantum uno iuglandis putamine continetur, coniiciunt in fictile uas, ex eorum genere, quæ puteolana uulguis appellat. Inde calenti admodum aqua dilutum ebibunt. Habent autem in eos usus ollam antiquissimi operis ferreâ, figlinum, poculum, cochlearia, infundibulum eluendo figlino, tripodem, foculum denique potioni calefaciendæ. Hæc igitur Iaponiorum est gaza, nec sane apud eos minoris est, quàm apud nostros homines annuli, gemmæ & carbunculis atque adamante monilia. Sunt etiam periti earum rerum æstimatores atque proxeneta. Puluis autem ipse magno admodum pretio uenit, eiusq; propinationem solennes præcedunt epulæ. Quinetiam certæ adium partes dicantur hisce conuiujs, quarum est mira mundities, nec in alios patent usus. Postridie igitur me per nuntium accersit Sanctius, cuius e cubiculis per angustam admodum ianuam cum neophytis duobus in xystum educimur. Inde scale nos excipiunt cedrinæ admirabili quodam artificio elaboratæ, eademq; ita purgatæ mundæq; ut nunquam ad eam diē calcate pedibus esse uiderentur. per eas in atrium ascendimus. Inde arcto aditu in cænaculum ducimur conuiuio destinatum, usque adeo egregio perfectum opere, ut hominum manu fieri potuisse uix credas. pars erat eius cænaculi armarijs instructa more nostro. Stabat e creta nigerrima focus ulnæ ambitu; ipsa nigredine (quod mirere) splendorem æquante lucidissimi speculi; olla tripodi admodum eleganti superimposita, pulchra ad aspectum, quā dixit mihi unus e neophytis optima conditione sexcentis aureis coemptam a Sanctio, sed re uera multo pluris esse. Interea mensa nobis adponitur non tam ciborum uarietate (quos terra ipsa non fert) quàm genere ministerij, & munditijs elegans. Exi  
mia



mia est enim gentis in conuiuiorum apparatu solertia. Nullus præ-  
 terea quamuis in maxima discumbentium multitudine strepitus,  
 uix hiscere famulum uideas. Omnia ad modestiam & grauitatē  
 mire composita. peracto prandio, nixi omnes genibus (nam hoc apud  
 Iaponios Christianos in more positum est) Deo gratias egimus.  
 Tum Sanctius potionem quam dixi Chià, sua ipse manu miscuit no-  
 bis atque porrexit. Deinde supellectilia, quæ tunc ibi erant, expo-  
 suit. In ijs ferreum tripodem exiguum paulo plus palmi circuitu ad  
 sustinendum olla, cum aperitur, operculum. Eum ego tripodem at-  
 trectans manibus, quod uetustate rimas ageret solidatum duobus lo-  
 cis offendi. Ac nihilominus aiebat Sanctius eum in primis nobilem  
 esse Iaponis totius, sibiq; aureis constitisse mille & triginta, quamuis  
 eum ipse longe pluris faceret. Porro hæc instrumenta sericis tegu-  
 mentis inuoluta conduntur arculis pretiosis. Alia præterea mini-  
 me uilia dixit mihi Sanctius in præsentia non ostendere se, quod ad  
 manum non essent, uerum in reditu prolaturum. Quæ uobis esti-  
 mationes minus a uero abesse uideantur, si reputetis id quod res est.  
 Meaci esse quendam ex principibus ciuitatis, qui uasculum fictile  
 ad urceoli magnitudinem, in usum eius quam dixi, potionis, au-  
 reorum triginta millibus æstimet: omnino carius, sed certe multi nō  
 deerunt, qui decem millibus cum eo libenter decidant. Nam quæ  
 tribus, quattuor, quinque millibus æstimentur, idq; frequenti com-  
 mercio, alia uasa plurima sunt. Atque etiam gladijs quibusdam  
 est eadem apud Iaponios dignitas. Iamq; profectionis instabat ho-  
 ra. Salutata igitur uxore Sanctij & liberis, in suburbanum quod-  
 dā, ientaculo de more preparato, deducor ab ipso Sanctio, eiusq; fi-  
 lio, fratribus, & cognatis, & neophytis aliquot egregio corporis cul-  
 tu, quod id ad honorem meum pertinere arbitrarentur. Ab eo co-

mitatu digressus, ad amnē deuenio nauigabilē hora post Solis ortum  
 tertia, ab urbe Sacao nouē millia passuum. Præstolabantur ibi me  
 duo nauigia, quæ nobis Christianus uir, Imorēs castri primarius, fa-  
 ctus de profectione mea certior, ad tēpus occurrere iusserat. quorum  
 in altero filius erat ipsius, duodecim circiter natus annos, in humero  
 sclopum gerens, uirili plane ac militari corporis habitu; in altero lar-  
 ge & copiose exstructa cibaria. Is, ut me ad conscendendū inuita-  
 uit, cōtinuo mihi mādāta parentis exposuit: ignoscere sibi, quod ipse-  
 met obuiā mihi nō prodīisset: se id cupīsse uehemēter, sed quod recen-  
 tem hospitē Gasparē Vilelā sibi deferere nō liceret, uicariū eius offi-  
 cij misisse filiū, qui me domū usque perduceret. Ad montis radices  
 in quo summo castrū est positū, aduerso flumine sub occasum Solis  
 delati, quod arduus admodū & asper ad iugum usque restabat ascē-  
 sus, descendēti mihi præsto fuit lectica: & quāquam accelerantibus  
 gradū lecticarijs, circa mediū cliuum oppressere nos tenebræ in syl-  
 ua cedris & pinis ingentibus frequentissima; sed opportune obuiam  
 habuimus e castro, cum accensis funalibus homines. quæ res ad iti-  
 neris difficultatē leuandā non mediocriter profuit. Denique oppidū  
 intrauimus, magna cū Gasparis Vilele, tum hospitis nostri familiæq;  
 letitia. Castrū est totius regionis huiusce munitissimū in Mioxindo-  
 ni ditione, qui rerū ferme potitur hoc tēpore, ibiq; cū fidelissimis habi-  
 tat, qui magna ex parte Christiani sunt. Ii postero die cū animarū  
 sordes per Confessionē eluere cuperent, ad concionē, quæ bis habeba-  
 tur quotidie de Sacramēto Pœnitentiæ, cōuenere uestitu serico uersi  
 colori, inauratis ferme præcincti pugionibus, & quidē tanta nostro-  
 rum hominū reuerentia, ut eos plerumq; manibus humi positis perin-  
 de alloquerentur ut reges. Crux erat domi nostræ posita: hāc ubi sup-  
 pliciter adorarunt, Gaspare magna demissione salutato, aures admo-  
 dum

dum attentas Dei uerbo dedere. Inde multa sciscitanti, quæ pertinerēt ad refutanda Genxuensiū mendacia (quod hominū genus & secta, Iaponicarū omniū uehemētissime Christianæ religioni aduersatur) itemq; alij alia percontati, cū Gaspar ad omnia respondisset, leti digressi sunt. Postridie Confessionū initiū est factū. Quo in opere Gaspar hebdomadā posuit. Adijmus etiā salutandi causā regē, quod semel quotannis Gaspar facere cōsueuerat. Ille uero nobis non poculū modo porrexit (quod summū honoris indicium est) sed etiā, quādiu apud eum fuimus, flexis æque ac nos genibus perstitit, uerbisq; dimisit nos humanissimis. Insula est passuū mille & quingentorū ferme circuitu ad montis eius radices, quā grandis ambit fluuius, & in ea templū Christianæ religioni consecratū. Hanc possidet præstati fide neophytus, & miro incensus desiderio Iaponici nominis totius ad Christum adiungēdi. qui, ut eadem sacrā in urbe Sacao edificandā curarem, nō modo me multis rationibus adhortatus est, sed etiā Caxarū (monetæ genus id est) in eos sumptus quinquaginta millia liberaliter detulit. eoq; subsidio rē aggredi nobis erat in animo. Ad hanc igitur insulā Missæ celebrādæ gratia Sabbato sub uesterū uenimus. Templum in posterū diem pro nostra tenuitate exornauimus. Prima luce insequēti Christiani affuere: Gaspar sacro missæ peractō, de matrimonij Sacramēto sermonē habuit, quod nōnulli cuperent nuptias Ecclesiastico ritu cōtrahere. Baptizati sunt etiā octo fere nobiles. At me rursus e frigore tormina corripuere acerbissima. Meacum igitur Gasparis hortatu delatus ager menses duos decubui. Exacta demū hyeme, ut calū intepuit, recreatus, quæ circa Meacum sunt Christianorum loca, quod ita Cosmus Turrianus mihi mādauerat, lustrare constitui. de quibus ad uos pauca perscribam, quoniā quidē separatim res Meacenses ex Aloisij Frois epistola cognoscetis. Narā igitur

tur ueni primum, diei unius itinere. Urbs ea ditionis est Daiondoni inter Meacenses proceres longe potentissimi, & apud Mioxindonum atque Cubucamam gratia & auctoritate summa. Neophytos e prima nobilitate duos adij protinus, hortatusq; sum, ut sacri Baptismi beneficiū agnoscerent, & immortales Deo Domino gratias agerent. Illi me ad præfectum in arcem deduxere munitissimam aspectuq; pulcherrimam. Collis erat præcelsus e lapide molliori. Eum collem ante quinquennium Daiondonus fabris ahibitis ad iustam planitiem ita depreßit, ut eadem opera ex ipsomet lapide solidae turres & propugnacula exsisterent. In medio autē complures effodit puteos negotio facili, quippe cum ad tertium statim cubitum, aquarum copia scaturiret. Tum illuc e popularibus suis ditissimum quemque ac fidelissimum euocauit: solum in areas descriptum illis ædificandi caussa distribuit. Illi porro certatim ades exstruxere magnificentissimas, cōtignationibus multis, & more nostro specularibus fenestris instructas. Illud uero præcipue delectat intuentium oculos, quod non priuata solum ædificia, sed mœnia etiam ipsa turreſq; tectorio inductæ sunt leuissimo prorsus ac nitidissimo. Nihil in orbe nostro tale conspexi. Calcem quippe non arena commista, sed candidissimo quodam chartæ genere subigunt. Nam quid ego de tegulis dicam, quæ duorum digitorum crassitudine, nigricantes, & uarietate figurarum oculos retinent, & in quingentesimum annum atque eo amplius durare dicuntur? Oeci porro & cubicula cedrina sunt gratissimi odoris. pergulae omnes ex una dūtaxat eiusdem materie tabula. parietes pretiose calati priscis annalium monumentis. Quod inter effigies est spatij, totum id inauratum est. Columnæ cum epistylis ac spiris ex aurichalco item inauratae, celatura magnifica, quibus e medijs eminent eiusdem operis

rosæ perample, uisûq; pulcherrimæ. Iam uero lacunaria tum alijs commentis opificum, quæ dicendo assequi nequeo, admirabilia, tum uero tabularum iuncturis adeo artificiose latentibus, ut quamuis defixos fallant obtutus. Sed mihi inter cetera mirabile uisum est cubiculum ulnarum quaque uersus quattuor & semis, e ligno croceo undatim crispante, uenustatis eximie, ita polito ac splendido, ut cum speculorum fulgore certet. quamquam ego dotem eam ipsius materiæ fuisse minime credidi, quod ad eum modum sine aliquo artis lenocinio radiare uix posset. Huic ædium dignitati hortorum respondet amenitas, quibus dici nihil puto posse iucundius. Multa sunt Meaci uisenda, sed nihil ad hæc. Itaque non immerito locus hic confluentibus undique animi tantum & oblectationis caussa uiris principibus celebratur. Nobilissima phæna sunt etiam, quorum unum Cobucui nomine post concionem ad neophytos habitam adiuimus ipsorum rogatu postridie. Eius propylea triplici constant atrio cum totidem peristylis. In primo aditu egregij sunt operis lapideæ scalæ, quibus in summis, ad postes ianue, colossi duo præclare facti cernuntur, clauas quasi custodiæ caussa tenentes. post tertium denique peristylium, templi sese facies aperit. In id gradibus item lapideis artificiose factis ascensus est. Valuas colossæi leones duo custodiunt. In medio templo, sedentium habitu, septenium cubitorum tria signa sunt posita, Xacæ & filiorum, latera ipsius cingentium. Pauimentum omne est e quadrato lapide. Sed miraculo præcipue sunt columnæ septuaginta cedrinæ, diametro & altitudine plane uisenda, quarum singulas caxarum decies hoc est aureorum quinque circiter millibus constitisse codices & rationes templi testantur. Eas cū reliquis parietibus ualde iucunda miniati operis pictura cōuestit.

Tectum eo quo dicebamus tegule genere affabre & uarie laqueatum, ad ulnas quattuor porrigitur extra parietes, mirum ut uideatur tantæ molis procurrens pondus sustineri ac suspendi posse. Ad templi latius coenatio Bonziorum sane magnifica, & eadem qua templum ipsum structuræ atque operis firmitate, ulnas in longitudinem quadraginta, duodecim in latitudinem extenditur. Dormitoria porro cubicula in duos diuisa ordines, centum & octoginta numerantur. Multi præterea & perampli sunt Oeci, quorum unus pensilis, columnis quattuor & uiginti, ulnæ unius & dimidiatæ ambitu superimpositus, bibliothecam continet Bonziorum, tanta quidem librorum copia, ut uel fenestras ipsas propemodum obstruere uideantur. Balnea præterea, & cellæ in usus domesticos, & promptuaria uisuntur artificiosissime elaborata. Iam uero culinæ quanta mundities sit, quod id Iaponiorum omnium commune est, nihil attinet dicere. Athena quibus aqua ad potandum calefit (frigidam enim neque hyeme, neque æstate bibunt) ulnæ altitudine, duorum digitum crassitudine, oris ambitu ulnarum trium, stant ex ære purissimo. Culinam riuus prætersluit. Tota nocte, ut in magnis cælibus (conclauia numerantur minimum quattuor & uiginti) laterne collucent. Ab huius templi edificatione sexcentessimus iam annus est. Stagnum habet ante se ulnarum in omnem partem circiter quinquaginta plenissimum piscium, graui pœna proposita, si quis eos attigerit. Inde ad Casungæ delubrum accessimus dicatum idolo, a quo diuitias, honorem, uitæ diuturnitatem, & quicquid in hoc seculo est optabile promissum sibi cultores inani spe delusi, miserandum in modum expectant. Itaque magna in ueneratione & honore apud Iaponios est. Adeuntibus  
pratum



pratum occurrit primum, aspectu grato, herba non ultra dimidium palmum excrecente : pratum excipit lucus, isq; densissimus; hunc perpetua & æquabili ad templum usque latitudine limes interfecat, passuum longitudine circiter mille, planus ad iter usque medium : inde in cliuum assurgit lapideis gradibus ulnas binas inter sese distantibus. Utrinque admista pinu cedrus extollitur tantę proceritatis, ut meridiano diei tempore totus pæne limes opacetur, stipitibus ita crassis, ut ex ijs mali in usum cuiusvis quamlibet capacis onerarię navis confici possint. Sane cedros ex ijs uidi complures ulnarum quinque ambitu, rotunditate plane tornatili. Loci amœnitatem augebat præterlabens etiam riuulus. Ut propius uentum est, duplex apparuit ordo pilarum e lapide quadrato cum basibus, laterna superimposita lignea nigricante cum emblematis ex aurichalco inauratis celatissq; magnifice, & lapideo tegmine turbinato ad flatus arcendos ac pluuias. Alię erant laternę e solido metallo, item auro cooperte, opere admodum sumptuoso. ex utraq; parte stant quinquagenę, quarum singule omnibus ardent noctibus. Media autem pila nomen ostentat aureis litteris incisum eius, qui delubro laternam quamq; dicauerit, annua pecunia in usum perpetui luminis attributa. Tum ingens domus Bonziarum exsurgit nobilium faminarum, quę annum egressę quintum & quadragessimum, sese delubri ministerio manciparunt. Student cultui corporis, ornatu serico, & maxime peregrinorum ex toto Iapone religionis caussa assidue confluentium, leuandę sitı dant operam. Ex hac Bonziorum domo porticus admodum pulchra ad usq; adyta pertinet phani, quo nemini patet ingressus, nisi qui ipsius loci antisites sunt, quorum uidimus aliquot intra sedentes togis amplis

e serico indutos, tectosq; capita pileis plus palmum altis. In eam autem porticum nummi iactantur a populo. Aliud est in eadē sylua delubrum, quod *Fachimanum* appellant, simile ceteris: nisi quod laternarum est etiam pretiosior celatura, & auri maior copia. Circa, est atrium candido & nigro stratum lapillo, medicis constitum malis, ordine certo dispositis, magnitudine pari, in singulis interuallis uase lapideo collocato, quod fruteta continet, non ultra duos palmos altitudinis, iucunda rosarum & florum uarietate commista. Inde, quod redeuntibus domum, minus nobis erat deuium, phanum inuisimus aliud extra nemora positum consecratum *Idolo Daibut*, quæ uox *Magnæ sanctitatis* denotat uirum. Huius phani frons ianuas habet tres, sed unam præcipuam: atrij uero latera singulas, altitudinis atque amplitudinis omnes miræ. Patet autē atrium id quadrata forma ulnas omnino sexaginta, quoniam eiusmodi est apud *Iaponios* edificiorum & priuatim & publice ratio, ut quanta cuiusque mensura sit primo statim intuitu intelligas. In eius atrij medio est phanum ulnas longum quadraginta, triginta latum. Scale & pauimenta ex ingenti quadrato lapide: ubi portam intraueris maximam, duo sese ostentant colossi, maioris etiam formæ, quàm quos antea diximus. Duo præterea stant ianitores ad latera, truci admodum aspectu, ulnarum quattuordecim altitudinis, instar turrium, membris inter se præclare conuenientibus, alter *Tamondea* dicitur, alter *Besamondes*, quorum singulos uni cælo præesse uulgus opinatur. calcantq; pede singuli demonem. In medio autem templo tria sedent signa. *Canon*, & *Xixi*, parentem *Xacum* interlocant. *Xacæ* statua e cupro im ampla & pulchra quiescēs rosa, quattuordecim ulnas latitudinis obtinet: reliquæ duæ nouenas, lignæ, sed omnes affabre admodum

auro intecta, radijs tanta claritate micantibus, ut intuentis aciem pæne perstringant. post hæc alia duo simulacra cernuntur; *Homocondis*, & *Zoiolis* (quibus etiam calorū præfectura uulgo tribuitur) superioribus omnino similia. porro ex utraque templi parte pulpitum cernitur. ea est quadriforis mansio, parietibus duarum ulnarum altitudine. Interius alia est eiusdem formæ domuncula, in eius mediõ stat cathedra maiestatis eximie. Totum uero suggestum parua ambit operis egregij porticus, trium palmorum latitudine. Iam uero lacunaria templi columnæ cedrinæ sustinent octo & nonaginta, miræ altitudinis, æqualiter teretes, ulnarum trium & semis ambitus. Septingentesimus annus est templi conditi. Annis uiginti exstructum dicitur fuisse. Idem anno abhinc quadringentesimo conflagrauit, ac restitutum est denuo, sed nequaquam pari magnificentia materiæq; præstantia, quod ipsum indicant lapideæ columnarum bases ex incendio relictæ, quarum amplitudo longe maiorem columnarum formam postulare liquido cernitur. Iam uero extra peristylum templi turris lignea firmo admodum opere ingentibus triginta pilis imposita tintinabulum seu campanam sustinet æneam tantæ magnitudinis, ut eam dimensus præsentem neophytus quidam, ulnarum os duarum, sex ambitum, trium & semis altitudinem, æris uero ipsius crassitudinẽ palmi unius dimidiatiq; compererit. Suauissimum edit sonum, exauditurq; longissime. Quæ templi patent fines, itemq; urbe tota, & circa urbem passuum ad duo circiter millia plurimi cerui & palumbes non modo uagantur impune, sed etiam tecta ciuium subeunt, attrectante nemine, propterea quia delubro dicati sunt. Ac de phanis quidem huius urbis & monasterijs, ne sim longior hætenus. Quæ postquã rogatu, ut dixi, neophytorũ inuisimus, postridie

## DE IAPONICIS REBUS

Nara Tochim leucarum quinque intervallo ueni sub uesperam, acceptusq; sum a Christianis incolis ingenti letitia, credo quòd Iaponij cuiusdam opera conuersi ad dominum, cum Gaspar plurimus maximisq; occupationibus impedit: eos adire nō posset, nullum adhuc e Societate nostra conspexerant. Gens est fere nobilis. prefectus Cubacam cognatione attingit. Itaque uulgo cum aduenit hominē, non nisi celsitudinem ipsius inter loquendum appellare mos est. Triduum apud eos fui dumtaxat. Concio defuit nunquam. Multa de quibus ambigerent singuli quæsiere: precationi uero mirum omnes ij quā dediti sint. Digredienti autem mihi non modo munuscula quædam obtulere beneuolentiæ caussa, quæ, ne se contemptos putarent, recusare non potui, sed etiam equos & exploratores itinerum peramanter dedere. Itaque Sauam, sex a Tochi leucas, iter intendimus. Id castrum in editissimo positum iugo leucas a Meaco uiginti distat in Orientem, situ amœnissimo, quippe omne circa spatium, cum aliæ formosæ uarij generis arbores, tum cedrus plurima pinusque conuestit: & inde in subiectos agros apprime consitos frequentesque ædificijs atque cultoribus ad passuum millia circiter sexaginta prospectus est. Huc ergo dum tendimus, medio ferme itinere, stratos equos duos, & quidem optimos nullo sessore conspiciamus, sagittarijs fere quindecim comitantibus, quos nobis Christianos omnes, Christianus ipse dominus loci Franciscus obuiam miserat. Igitur Tochianis domum remissis, & gratijs actis, nouo comitatu Sauam magna Christianorum uoluptate peruenimus. Franciscus autem ipse, ut nos lautius exciperet, simul etiam, ut nobis occurreret in itinere, uenatum eodie ex oppido excesserat. Sed in nos idcirco non incidit, quòd opinione celerius ambulauimus. Sauæ porro diuertimus ad  
ad eam

eadem Christianorum sacram cui coniuncta domus est Socijs nostris excipiendis, itemq; separatim laicis, qui sese nostris hominibus comites dederint, e cedrina fere materia opere egregio fabricata. Hanc etiam porticus ambiunt, longissimo, ut dixi, gratissimoq; prospectu. Sub noctem Franciscus affuit magna cum domesticorum & clientium manu, aprum ingentem afferens, non sine magno quidem & labore quæsitum & impendio, quippe non canes modo, sed etiam quosdam homines fera male multauerat. Pictam in templo CHRISTI resurgentis imaginem, quam e nostro effingendam exemplari Franciscus egregij artificis manu curauerat, nixi omnes genibus pia cum prece uenerantur primum uenatorio nondum ornato deposito: nos deinde perbenigne salutat Franciscus, agitq; gratias, quod ad se tam longe contenderim; tum, ueritus credone mihi fesso de uia molestus esset, magna cum amoris humilitatisq; significatione se domum recepit. Vir est inter populares suos corpore simul & animo eminentissimus: nam & statura Iaponijs, quotquot uidi ad hanc diem omnibus antecellit: & eximia humanitate atque animi magnitudine præditus est. Accedit summa cum in armorum usu dexteritas, agilitasq; membrorum; tum Iaponicæ superstitionis legumq; peritia: quod ille studium cum ad ueritatem religionis Christianæ transtulerit, tantos breui tempore processus effecit, ut Dei magnitudinem assidue prædicare, ceterosq; ad uirtutem exemplo uitæ, pleniq; pietate sermonibus incitare non desinat. Sane ego eum ex abdito quodam loco exaudiui cum ad domesticos aliquot, quorum erant ethnici nonnulli, de fide Christiana differeret, doceretq; quantum inter patria Idola Deumq; uerum interesset. Qua in disputatione, elatus ardore animi, eo deuenit, ut diceret, non modo fidelis mi-

nistri sed ne hominis quidem loco, qui Christianus non esset, post-  
 hac neminem apud se futurum. Atque hæc uiri fides religioq; eo  
 admirabilior est, quod uix ante annum ad Christum adiunctus  
 est, eumq; semel tantum a Baptismo Gaspar inuist. Castrum est  
 Sauæ finitimum, cuius qui potitur, a Daiondono rege desciuerat.  
 Hunc quamquam magno proposito periculo non dubitauit adire  
 Franciscus, nobis qui Sauæ remanseramus, enixe Dominum pro ip-  
 sius incolumitate precantibus. Tantaq; prudentia tractauit rebel-  
 lis ingenium, ut quocunque uoluerit flexerit hominem, eumq; Da-  
 iondono, cuius in ditione sunt ambo, reconciliauerit. Magna ea res  
 Sauanis letitiam attulit pacem optantibus. Nec modo secularia  
 procurauit ibi Franciscus, sed etiam nactus occasionem, Euange-  
 lio promulgato & Iaponicarum opinionum uanitate detecta, pri-  
 marios quosque eius loci uiros desiderio Christianæ religionis accen-  
 dit. Paulo post, alium Dynastam conuenit ethnicum, eumq; cum  
 familia tota conuertit. ij paucis ante diebus Baptismi Sacramento  
 Ecclesiæ adiuncti sunt. Postea legatus ad Mini regem, duos re-  
 gni procures ad Christum eadem felicitate traduxit, quos ego cum  
 exclusus temporibus baptizatum ire non possem, ad Gasparem scri-  
 psi Meacum, ut aliquem eius rei causâ ad illos mitteret, quod eo-  
 rum Baptismus ad Christianam religionem augendam non medio-  
 criter pertineret. Atque hæc & alia id genus multa Franciscus.  
 Nos autem Sauæ & conciones, & priuata colloquia de rebus diui-  
 nis habuimus, & uaria sciscitantibus incolis factum est satis. Ba-  
 ptizati præterea nouem: in ijs claro admodum loco natus adolescens,  
 qui de Christianæ fidei mysterijs a populari quodam neophyto edo-  
 ctus, ad me Sauam usq; leucarū decem interuallo Baptismi causâ  
 uenerat. Affertur ad nos interea, nauē in portu Sacaiano stare pa-  
 ratam:



ratam : quam ego ne occasionem amitterem, quamquam merentibus digressu meo Sauanis, inde disceſſi. Et quia Sacaium petētibz periculosa quædā loca erant prætereunda, Franciscus non modo necessaria nobis ad profectionem omnia, sed etiam sclopiis alijsq; telis armatos quattuor & uiginti custodes attribuit, nec omnino quicquam est passus nos in iter illud impendere. Compenset Dominus egregiā hanc in nos uiri benignitatem. Vos uero carissimi fratres pro eiusdem salute Dominum assidue deprecamini. Sacaium ut ueni, ingenti gratulatione me Sanctius eiusque domestici rursus excipiunt. Triduum substiti dum nauæ soluerent, nec interea neophytos confirmare, officijq; monere destitimus. Cognoui etiam Monica uirginis in suscepto consilio constantiam, quæ ab alio quodam Meacensi procere non mediocriter expetita, omnes conditiones animo excelsò repudiauerat. Sed cum iam hora profectionis instaret, Imorensis oppidi Princeps, qui magna uirorum nobilium manu Sacaium ad me salutatum accesserat, itemque e Sacaiano grege Christiani primarij nos uiatico instructos, honoris causa ad nauem usque deducunt, nauarchoq; commendant diligentissime. Comes uero nauigationis nobis magno Dei beneficio accessit Sacaianus medicus eximia eruditione atque existimatione uir, qui a superstitionibus patrijs conuersus ad Dominum, non modo communis officij laudem, uerum etiam Euangelica perfectionis culmen expetijt; seculoq; plane relicto, se ad nostram Societatem aggregare constituit. Itaque ut prorsus exiret de terra sua, & de cognatione sua, rogauit me, ut Bungum, aliove se mecum adducerem. Cessi facile hominis precibus, iussuq; omni patrimonio cedere filio item medico, pretiosum dumtaxat ornatum corporis retinere, quo facilius nobis ea ratione

ad Iaponios principes, qui externa fere specie ducuntur, aditus patefieret, ad Cosmum Turrianū inde perduxī, cuius mandato, ingenti neophytorum adprobatione concionari iam de rebus diuinis instituit. Idemque nuper in urbe Sacaiō tam sumptuose indui, & tanto comitatu incedere solitus, mirum quanta nunc humilitate, quanta mansuetudine uersetur in domesticis apud nos ministerijs. Verum ad rem redeo. Sacaij circa Idus Maias conscendimus, & Bungum die tertio decimo secunda nauigatione peruenimus. Lætis nuntijs de re Meacensi Bungenſis Ecclesia uniuerſa ualde gauiſa eſt. Inde quarto poſt die Voſuquim perrexi, ut regem inuſerem, a quo humaniſſime acceptus, petij neophytis id in primis optantibus locum templo ibidem exſtruendo: ille uero non aream modo nobis ad mare ſecus arcē optimo ſitu, uerum etiam fabros ad ædificationem libenter attribuit, quam rem ſperamus ad Chriſtiane religionis incrementum magnopere profuturam. His peractis, Bungum redij Bungo perueni octauo die Ximabaram, quo Cosmus etiā Turrianus trigefimo circiter ante die Cochिनoco ſe tranſtulerat. Magnos ibi concurſus offendi ethnicorum ad uerbum Dei audiendum. Chriſtiani facti paucis illis diebus ad centum & octoginta. Tonus etiam ipſe, itemq; ſeparatim uxor ſtipata grege cognatorum & ciuium, Cosmum Turrianum adiere, & concionanti cum aures præbuiſſent, magis etiam quā antea propenſo ac beneuolo in nos animo receſſere. Tum Confeſſionibus omnium Chriſtianorum auditis, nauigijsq; duobus peramplis ipſorum opera comparatis, Cochिनocum magna nos turba longe proſequentē renauigauimus. Et quoniam alatum erat Ioannis Pererie Luſitani onerariam nauem appulſam eſſe ad portum Rimani regni Facundam, leucas a Cochिनoco quinque circiter & uiginti, miſit eo me Cosmus ad Luſitanos uiſendos:

eodemq; Melchior Ficheredius quinto decimo post die ad eorum  
 Confessiones audiendas & sacrum Misse faciendum Bungo perue-  
 nit. Hic dum uterque moramur, me Barptolemeus rex Omuram  
 ad se per nuntios euocat. Ego adprobante Ficheredio me in uiam  
 dedi Iaponio comite uiro sectarum Iaponicarum in primis perito,  
 nec Christiane religionis ignaro. Aduentu nostro Barptolemeus,  
 qui neminem ex nostris biennio toto uidisset, ualde letatus est mul-  
 ta deinde percontatus, addit uereri se, ne familiares sui, & ij quide-  
 quibus maxime fidat, inter diuturnas bellorum occupationes Chri-  
 stianae doctrinae rudimenta dediscant, itaque renouata institutione  
 opus esse. A caena igitur e domesticis suis primarios euocat, iubetq;  
 attentis auribus nostrum sermonem excipere. Non omitam hoc  
 loco quedam ad huius Reguli Christianam humilitatem & pieta-  
 tem declarandam magnopere pertinētia. primum ad mensam, diu  
 renitente ac repugnante me, peruicit denique, ut loco superiore quam-  
 uis inuitus accumberem. Sublata mensa, familiariter se inter me  
 & Iaponium comitem interlocat, & studiose docet hominem (eo  
 enim utebamur interprete) quam potissimum in sententiam ad suos  
 quorum optime norit ingenia, uerba facere oporteat. Inchoato de-  
 inde sermone, idem in inferiorem locum seorsim ac demisse in fa-  
 mulorum turbam eo sese consilio recipit, ut re ipsa exemploq; suo  
 demonstret, quantus honos Euangelio, quantus Euangelij preconii-  
 bus debeatur. Ac prima quidem illa disputatione ex ipsius crea-  
 tis naturis unum esse omnium creatorem euidenter ostendimus.  
 Tum declaratum est, quae Iaponiorum numina, quis Christianorum  
 Deus esset infinita bonitate, potentia, sapientia praeditus. Quae illi  
 cum obstupentes audirent, magnopere uidelicet letabantur sese ab  
 inanum Deorum ueneratione ad talis tantiq; Domini cultum esse  
 tradu-

traductos. Reliquis uero diebus aetum de celesti beatitudine, pœ-  
 nis inferorum, alijsq; rebus eiusmodi, quas maxime neophytis initio  
 proponere consueuimus. Et sane talibus egere monitis uisa est mi-  
 hi Barptolemæi familia: nam ipsius quidem Regis in fide constan-  
 tia plane uicit expectationem meam. Quæ laus hominis eo ma-  
 ior est, quod nec ita pridem Christiana sacra suscepit, & eo ipso  
 nomine a popularibus suis per summum scelus atque perfidiam re-  
 gno spoliatus, sinibusq; suis exactus est, uix uno sibi relicto puero ui-  
 ctus quotidiani administro. quanquam deinde in regnum est diui-  
 nitus restitutus, rebellibus partim supplicio affectis, partim, cum ad  
 sanitatem redirent, ueniamq; supplices peterent, in fidem receptis.  
 Ego dies aliquot apud eum commoratus, Facundam ad Lusita-  
 nos reuerti. Ibi redduntur mihi a Cosmo litteræ ut ad se primo quo-  
 que tempore ueniam, inde mihi necessario Bungum esse proficiscen-  
 dum. Cochino ergo traieci minime tuta nauigatione, etenim  
 nocte desertum quendam ad portum adpulsos duo piratarum inua-  
 sere myoparones, qui tamen præclare instructo nauigio nostro, pro-  
 pugnatoribus acriter dimicantibus reiecti, cessere. Cosmus interea  
 in febrim inciderat, ea simul atque leuatus est, Bungū ab eo discesi,  
 tum aliarum rerum caussa, tum uero ut Ioanni Baptiste nostro in  
 eius Ecclesiæ procuratione succurrerem. Primo post profectionem  
 die Xinabaram delatus Airem Sanctium ibidem reperio in eru-  
 diendis Catechumenis occupatum. Et quoniam neophyti magno  
 concionum desiderio tenebantur, dies aliquot rogatu ipsorum in eo  
 munere posui. Candidatos etiam aliquot Christianis præceptionibus  
 probe institutos sacro fonte abluimus. Tonum ego præterea, & ille  
 me uicissim inuisit, audijsq; cum suis perattente de rebus spiritali-  
 bus differentem. Quin etiam cæmeterio Christianorum, quod illi  
 mirum

in modum expetebant, locum idoneum, itemq; nouo templo ex-  
 struendo, & in alios etiam usus, insulas tres excelsa consitas pinu  
 benigne largitus est. porro grex ille neophytorum in primis flagrat  
 studio rerum diuinarum. quod cum alijs rebus plurimis clare per-  
 speximus, tum illa praesertim. Instabant anniuersaria quaedam  
 ethnicorum festa ludiue celebritatis eximie, ad quae, ut apud nos  
 ad corporis Christi solennia, omnes omnium ordinum homines ritu  
 patrio conuenire consueuerant. Cum se Christiani affuturos nega-  
 rent, enimuero Bonzijs ceterisque indignum facinus uisum. Ita-  
 que Tonum adeunt, de iniuria Christianorum queruntur, obsecrant  
 etiam atque etiam, ne patrijs dijs & ciuitati uniuersa, sibi denique  
 ipsi tantam inuri cōtumeliam patiatur. Permotus hac oratione To-  
 nus, uocatos ad se Christianorum primarios diligenter hortatur, lu-  
 dos ne deserant. Aiunt illi, se Christianis legibus prohiberi, specta-  
 culis interesse, quae idolorum honoribus tribuantur. proinde nequa-  
 quam affuturos. Ad ea Tonus, si minus idolis, mihi certe meisq; ius-  
 sis hoc date. Illi uero in proposito omnes obfirmati, Quidquid uolueris,  
 inquit, nobis facito, leges nostras nequaquam uiolare decreuimus,  
 atque ita ab Tono digressi, in templum sese uniuersi recipiunt, mar-  
 tyrium fortiter exspectantes. Et sane (ut acri sunt & uehementi  
 Iaponij ferme Dynastiae natura & ingenio) mirum est Toni impe-  
 rio cunctos non ilico fuisse mactatos. Sed eorum fortasse multitudine  
 territus, iussit illis renuntiare, quoniam in sua religione tam ob-  
 stinati persisterent, quod attinet ad ludos, agerent quod proba-  
 rent, se illos ultra non cogere. Quare neophyti magnopere in fide  
 pietateq; confirmati sunt. E principibus ciuitatis Christianus quidā  
 Leo nomine Toni propinquus nuper est mortuus. Is, quòd ere suo  
 templum additis liberaliter hortis exstruxerat, & Christianam re-  
 ligionem

ligionem non modo contra ceteros ethnicos, sed etiam contra ipsum Tonum, ubi opus esset, egregie tuebatur, Bonziorum scelere creditur ueneno fuisse sublatus. Hunc neophyti, ut mutuam inter se Christianorum caritatem publice ostenderent, quàm magnificentissime ad sepulcrum extulere: feretrum cum litanij & precibus magnâ cereorum ardentium multitudine septingenti fere neophyti sequebantur. arca uespere conditus est circumfusa serico. postridie lapideum additum est monumentum, & lignei circumquaque cancelli, Crucibus duabus, altera ad ostium septi, altera ad monumenti caput imposita, opere politissimo. Itaque uulgo locus quotidie celebratur ac uisitur. Verum de Ximabaranis hætenus. Ego inde Bungum, mox ueni Facundam: ibi hæc scribebam ad uos septimo Cal. Nouemb. 1565.

ALOISIVS FROES SOCIETATI  
IESV in Sinas & Indiam.



Nno superiore, fratres carissimi, ad uos scripsi Firando, constituisse Cosmum Turrianum, ut Meacum subleuandi Gasparus Vilela causa proficiscerer, quod multa esset ibi messis, operarij pauci; mihiq; comitem itineris ab eo assignatum fuisse Aloisium Almeidam. Nunc mihi, tam longa peregrinatione Dei beneficio peracta, uisum est faciendum, ut ea potissimum per litteras uobis exponerem, quæ uobis cognitu iucundissima putarem fore. Et quoniam totum hoc scribendi munus ita inter nos ego & Almeida initio distribuimus, ut ille iter ipsum quæq; in itinere gesta sunt, ego res Meacenses, & alia nonnulla de Iaponiorum natura moribusq; probe comperta persequerer, omissa



omissa peregrinatione, ego quod mearum est partium hisce præstabo litteris: nos autem maior uidelicet huiusce gentis misratio capiet, reputantes quanto artificio, quanta solertia sagacissimus ille humani generis aduersarius, per speciem religionis, ceremonijs plurimis ritibusq; deceptos Iaponiorum animos ad interitum perducatur, ac pertrahat. Iaponij, quippe quibus parum fuit semper commercij cum nationibus ceteris, e sua geographia orbem terrarum uniuersum diuisere trifariam, in Iaponem, Sionem, Sinas: & quanquam ritus & sacra ab Sionijs accepere Sinisq;, omnes tamen nationes præ se contemnunt, inflatiq; opinione sese ceteris quibusuis gentibus ingenio ciuiliq; prudentia longe anteponunt. De situ regionum, soli q; natura, ad ea quæ non semel iam antea scripsimus, unum illud addam, calores in hisce insulis æstate feruentissimos esse, per hyemem uero seuissima frigora. In regno quidem Cangæ, quod appellant, tanta uis niuium cadit, ut ædificijs coopertis, cum non nisi per tegulas transitus sit, certis anni mensibus incolæ sese domi contineant. Typhonis procellæ uehementissima. Terræ motus ita frequentes, ut ad eos pauores propemodum obcalluerint Iaponiorum animi. Regio argentifodinis abundat, cetera sterilis, nec id tam naturæ uitio quàm incolarum negligentia. Boum tamen armenta dumtaxat in agriculturam aluntur. Salubre cælum, aquæ bonæ, gens colore admodum candido, aptaq; membrorum conuenientia: capite incedunt fere semper nudo; curantq; non sine magno dolore, lacrimisq; caluitiem: subnascentes enim toto capite pilos forcipibus euellunt identidem, paucis tantum in occipitioreliæ crinibus, quos in nodum coactos custodiunt quàm diligentissime. Iam inde a pueris pugione enseq; sese præcingunt, nec nisi ad cervical deponunt, cum eunt cubitum. In speciem blandi & affabiles, re uera superbi elatiq;. Bellico

lico maxime studio tenentur, armorum cura præcipua. Viriles  
 tunicae varijs pictæ coloribus ad media crura cubitosq̃, pertingunt.  
 Muliebres pepli decora specie, longiores. Omne genus alea ut fur-  
 tum auersantur. Mercator quanquam pecuniosus contemnitur:  
 patritijs licet exigua re familiari suus manet honos. Dignitatem  
 uero studiosissime retinent, certantq̃ in anibus inter se officijs, hono-  
 req̃ uerborum. Quo in genere si quis forte negligentior fuerit, leui  
 sæpe de caussa inimicitias contrahit. Inopiam (qua tamen pleriq̃  
 laborant) detestantur adeo, ut editos in lucem liberos, sæminas præ-  
 sertim, ij quibus angusta domi res est, iniecto faucibus pede, crude-  
 liter miserati, interdum præfocare non dubitent. Uxores, quas ha-  
 bent fere singulas, uel prole suscepta, leuissimis de causis mariti uul-  
 go summi infimiq̃ repudiant, atque hæ uicissim maritos (tametsi ra-  
 rius) alijsq̃ iunguntur. Inter cognatos nuptiarum a secundo gradu  
 ius est. Frequens etiam alienæ prolis adoptio. In oppidis paulo  
 nobilioribus plerique non uiri solum sed etiam sæminæ litteras no-  
 runt. Cibi parca gens est: oryza ferme & oleribus, & in ora ma-  
 ritima pisce uescuntur. Conuiujs crebro sese inuicem excipiunt:  
 cumq̃ in eo toto genere, tum in propinatione præsertim diligentissi-  
 mi sunt. Itaque ne quid inter primarios per inscitiam peccetur, ex-  
 stant de officijs & quasi caremonijs conuiuiorum rituales libri, quos  
 perlegunt. Digitis escas attingere rusticitatis putant: paxillis binis  
 munditiarum caussa cibum in os inferunt. Aestate non secus at-  
 que hyeme aqua bibitur quàm potest ferri calidissima. Aedes flam-  
 mis obnoxie, ceterum egregie factæ mundaq̃, quibusdam quasi cul-  
 citricis e palea crassiore usquequaque sternuntur: in ijs & accubant  
 sellarum uice, & uestiti etiam dormiunt. ligneum cervical capiti  
 subditur. Intra domesticos parietes uel ex calceati uersantur, ne  
 strata

strata coinquinent, uel cū in publicū prodeunt, cothurnis socculos item e palea superinduunt, quos domum reuersi deponant. Nox inter primores magna ex parte cōfabulationibus, cantu symphonie, conuiujs seritur: dormitur interdū. Lecticarū usus Meaci præsertim atq; Sacij permagnus est: eæ forma sunt exigua tanquā occluse undiq; cathedra. Liberorū educatio eiusmodi est, ut uerbis dumtaxat eorū uitia castigentur: nec uero minus cōsiderate attenteq; sexennes septennesue pueros, quā grandes admodū natu senesq; cōmonefaciūt. Aduenarū cōgressibus admodū delectātur: et ab ijs exterorū mores ac ritus minimis etiā in rebus curiosissime exquirunt. Argumētis ac rationibus, quæ quidē dilucidę sunt exemplisq; illustrātur, magnopere permouētur. Omne furti genus oderū. Si quis in eo scelere deprehēditur; a quolibet impune perimitur. Vincula nulla publica, nullę custodię, nulli pœnarū exactores, priuatim patresfamilias domi quisq; suę capitalliū rerū cognitiones exercēt, et scelera grauiora capitali supplicio nulla mora interposita uindicāt. Atq; hoc fere metu populus in officio cōtinetur. Ante annū circiter cccc (quod ueterum monimenta testantur) Iaponium nomen omne uni parebat Imperatori, cuius in urbe Meaco sedes est, et Iaponico sermone Cubucama dicitur. sed rebellātibus paulatim dynastis, opes eius maxima ex parte sunt imminutæ: honoris tamē uocabulū māsit incolume, eūq; ceteri aliquo pacto superiorē agnoscūt, eidemq; tribuūt plurimū. Itaq; Iaponis quondā unū imperiū in regna deinde sex et 60 diuisū est. Quo etiā fit, ut propagādorū finiū libidine, dū sese inuicē propinqui reges infestāt, magno sane rei Christianę impedimēto perpetuis Iaponia terra bellorū incēdijs ardeat. In urbe Meaco domiciliū est etiā sūmi sacrorū antistitis. Hūc pœne pro numine uenerātur. Habet intra edes suas idola 366, quorum in singulas noctes unū puices ad eius latas excubiarū causa cōstituitur. Sacrosāctus uulgo putatur, sic ut prohibeatur humi uestigia ponere. Quod si

terrā pede cōtigerit, honoris gradu deijcitur. Eleemosynis alitur, cultui haud ita magnifico: ministros habet nomine *Cungues barba & capil-  
lis abrafis*. Horū est magna toto Iapone auctoritas. Iisdē legatis utitur. *Cubucama* ad regulorū finitima bella sedāda et cōtrouersias cōponē-  
das, per eas autē legationes ingētem sibi solēt cōciliare pecuniā. Bien-  
niū est circiter, cū ex ijs quidam aduenit *Bungū* ut de cōditionibus pa-  
cis regē inter *Bungi & Amāgutij* regulū ageret. Is, quod caussē *Bungē*  
si fauit impēsui, perfecitq̃, ut ablata *Amāgutiano* regna duo *Bungē*  
sis iure belli retineret, aureorū amplius triginta millibus ab eo donatus  
est. Verū de his haētenus. Nūc ad alias uenio superstitiones ac ceremo-  
nias, ut uideatis, quod initio dixi, carissimi fratres, quā artificiose dæ-  
mon Iaponios in fraudē induxerit, quātaq̃ sit ipsorū ī eius obsequio cul-  
tuq̃, tū diligentia, tū alacritas. Ac primū in Iaponiorū animis prorsus  
extincta ac deleta est memoria oīs atq; notitia nō modo Christi Re-  
dēptoris, uerū etiā unius Dei rerū oīum opificis. Superstitionū porro per  
multe sūt sectae, quarū quā quisq; uoluerit liberum est sequi, sed preci-  
pue duae, quae ab *Amida & Xaca* denominātur. Itaq; cōplura uisun-  
tur cænobia nō modo *Bōziorū*, sed *Bonziarū* ēī uario corporis habitu,  
quippe alij īternis tunicis albis, ex timis nigris utūtur, alios cineraceus  
distinguit color, quorū idolū est nomine *Denichi*. Ab ijs *Amidani* ma-  
gnopere dissidēt. *Bōzj* porro fere oēs magnifice habitāt, habētq̃ peram-  
pla uectigalia. Iisdē cēlibatus indicitur, nuptias contraxisse capitale  
est. In phano medio arā excitāt: in ea signū *Amida* ligneum, corpore  
supra lumbos nudo, muliebrem in modum auribus perforatis, in rosa  
item lignea confidet praeclara ad aspectum. Ingentes habent biblio-  
thecas, cænationes ad cibum una sumendū, aramēta seu tintinnabu-  
la, quibus ad preces horarias excitātur. Uespere praefectus certū  
unicuiq; argumentū ad meditandum propomt. A media nocte an-  
te arā tēpli, alternantibus choris quasi matutinas recitāt preces e *Xaca*

libro nouissimo: prima luce horā unā singuli meditando consumunt. Mento capiteq; sunt raso. Amplissima peristylia cōstruunt, & in ijs Fotoquiorū (hoc nomine Iaponij quidā sancti appellantur) sacella: dies per annū festos agitāt multos. Sunt autē Bonzij claro ut plurimū genere. Namq; Iaponij proceres multiplici prole onerati, quibus filijs amplum satis patrimoniū relinquere se posse diffidunt, hoc fere ad Bonziorū numerum aggregāt. Sunt autē auarissimi Bonzij, omnesq; norunt uias cōficiendæ pecuniæ. Vendunt populo multa chirographa, quorū præsidio sese tutos a dēmonibus fore uulgus existimat. Mutuantur etiā nummos, quos in altera uita multiplicato reddāt fœnore, dantq; cautionis caussa syngraphas creditori, quas e uita discedens secum ad inferos deferat.

Alia est familia sane frequēs eorū, quos Ianambuxu uocitāt, crispante ac uibrato capillo. ij res uel amissas, uel furto sublatas ita cōperiunt. Statuunt ante sese puerū, hunc dēmon certis euocatus carminibus occupat, ex eo deinde puero, quod auent cognoscere sciscitantur. Horum preces in utraq; partē multum ualere creduntur. Itaq; præcationes eorum faustas æque dirasq; pretio populus cōparat. Huius ordinis candidati, antequā admittantur, bis terue milleni simul montē quendā editissimū petunt. Ibi sexagesimū diē penitentiæ nomine, ubi sese uoluntario supplicio mærauerint (quo ipso tēpore sese illis dēmon uaria specie uisendum offert) quasi iā laurea donati, & in ceterā adscripti familiā, floccis quibusdā albis ornātur e collo pendebus, atrisq; pileolis qui nō nisi summū capitis uerticē tegāt. Atq; his tāquā insignibus inde Iaponis prouincias peragrāt, seq; operamq; suam ubiq; uenditant, aduentum suum in oppida significates pulscatilli, quē secum circumferre singuli soliti sunt. Non desunt alij nomine Genguis, qui res item furto surreptas, furesq; ipsos per diuinationem dēmonstrent. Si in præcelso montis iugo sibi domiciliū collocant:

D d ij runt:

runt: oris atro colore ob assiduam solis, pluuiæ, uenti, geluq̃ patientiã. Uxores ducunt sed non nisi ex suo genere ac stirpe. Iisdem (ut fertur) e capite quasi corniculũ quoddã extuberat. Editissimas rupes atq; cacumina subeunt, fluuios trañciunt maximos unius arte demonis, qui ut infelices magis in errorẽ inducat, iubet illos montem quendam altissimum ascendere. Hic eum miseri ad præfinitũ usq; tẽpus magno cũ desiderio præstolãtur. Tum illis deniq; circa meridiẽ, aut sub uesterã sese offert demon, quẽ sub Amida nomine uenerantur, transitq; per mediũ eorũ cœtum. ex eo uiso tanta in hominũ pe-  
 ctoribus ac medullis insidet superstitio, ut nullis deinde rationibus possit euelli. Consueuerat etiã diabolus in alio quodã monte sese Iaponijs uisendum præbere. Quisquis maiore beatarũ sediũ ac paradisi desiderio tenebatur, cõferebat eo sese, eamq; uisionẽ expectabat: deniq; oblatũ sibi uisum, eiusdẽ suasu, in interiores usq; sequebatur recessus ad foueã profundissimã. In hanc demon desiliens, cultorẽ una secum ad interitum detrahebat. patuit in hunc modum fraus. Senẽ ea superstitione captũ filius ab eiusmodi consilio reuocare frustra conatus, sumpto arcu & sagittis ad locũ usq; occulte prosequitur. Cõparet ibi demon humana specie nõ sine splẽdore quodã. Hunc senex dũ uenerabũdus adoratur, adducit arcũ propere filius, emissaq; in spectrũ sagitta, pro uiro uulpẽ immutata repẽte figura cõfixit. Inde fugientis cruorẽ bestię persecutus, ad præcipitium illud, quod dixi, peruenit, quo in imo permulta ossa reperit mortuorũ, quos demon per eã speciẽ ante deceperat. atq; ita & a præsentẽ parentẽ interitu, et ceteros ab opinione usq; adeo pestifera liberauit. Ad hæc locus est frequentibus Bonziorũ cœnobijs admodũ celebris (Coia appellat) quorũ princeps auctorq; phibetur fuisse Cõbẽdaxius ueterator callidus, arteq; dicendi famã sanctimonie cõsecutus; cũ tamẽ diabolica plane iura legesq; descripserit. Inuentor etiã fuisse dicitur litterarũ, quibus nunc  
 uulgo



uulgo Iaponij utantur. Is cum ad senectutem peruenisset, sese ultro defodit scrobe profunda quadratæ formæ, cubitorum circiter quatuor, eamq; deinde seueris uerbis aperiri omnino uetuit, nec enim in præsentia mori se; post aliquot millies millena annorum millia uirū quendā doctrine laude præstantissimū in Iaponis regna uenturum nomine Mirozu, tum se quoque demum e fouea proditurum: interea fessum diuturnis laboribus corpus quiete uelle reficere. Circa ipsius sepulcrū lampades ardent multæ e uarijs eo misse prouincijs; persuasum est enim genti, quicumque in id monumentū exornandū largi ac benefici fuerint, eos non in hac modo uita diuitijs auctū iri, sed etiā in altera ipsius Combendaxis patrociniū futuros incolumes. Eius porro cultui qui sese mancipāt, intra ea cænobia quasi claustra cōcluduntur, capillo in speciem abdicatæ uitæ secularis abrafo, cum tamen ibi deinde, prout eos egit libido, in omni flagitiorū genere uolutētur. In illis, adibus, quæ (ut dixi) permultæ sunt, præter magnā laicorum turbā, Bonziorū sex circiter millia numerantur. Mulieribus aditus eo non est, capitali si accesserint pœna proposita. Fatonochaiti præterea domiciliū est Bonziorū. Hi magnā puerorū turbā uarijs artibus ad omne doli furtiq; genus erudiunt. Si quos eximia nacti sunt indole, hos de regum singulorū edoctos pro sapia ac stirpe, & procerū ritibus; armorū etiā usu, dicendiq; arte exercitatos, regio ornatu in alias prouincias dimittunt eo cōsilio, ut sese regū filios ementiti, per cōmēdationē speciemq; nobilitatis cōciliata mutui nomine pecunia, bene nummati ad se reuertātur. Itaq; locus is tāta est apud Iaponios infamia, ut si quē ex ea disciplina forte deprehēderint, cōfestim interimāt; nec tamē impostores idcirco ab inprobitate malitiaq; discedūt. Iaponie terræ in Septētrionē adiacet amplissima syluestriū hominū regio, leucas ab urbe Meaco trecetas. Bestiarū pellibus induuntur,

toto hirti corpore, ingenti barba, mystacibus maximis, quas paxillo subrigunt potaturi. Vini gens auda in primis, ad bella ferox, formidolosa Iaponijs. In praelio sauciati, salitis aquis abluunt uulnera: id unū genti remedium est. speculū gestare dicuntur in pectore; ad caput gladios alligāt sic, ut in humeros manubriū desinat. Sacra habent nulla, calum dumtaxat uenerari soliti sunt. Aquita per ampla est urbs in regno Iaponis Geuano. illuc frequentes commeant mercimonij causa, itemq; uicissim ad eos Aquitani, sed rarius, quod illuc delati, fere perimantur ab incolis. Multa erant præterea in hoc genere quæ scriberem, sed ne sim longior, ad Iaponiorū insanias redeo; qui ad memoriam sui nominis propagandam illud uel maxime pertinere arbitrantur, inanis gloriæ cupidissimi, ut quanto maximo apparatu pompaq; uita functi sepeliantur. Funerum autem & exsequiarum in urbe Meaco ritus eiusmodi est. Hora circiter antequam domo efferatur cadauer, amicorum turba uestitu quā optimo ad rogū anteit. mox propinquæ ac notæ mulieres progrediuntur amictu candido (color ille funestus est) uersicolori uelo caput obducit. familiam etiam pro suis quæq; facultatibus ducunt, albo item ornatu subserico. quæ uero dignitate atq; opibus præcellunt, cedrina singulæ magnifico apparatu & artis eximie lætica uehuntur. secundo loco incedunt pedibus uiri permulti sumptuoso uestitu. Longo deinde interuallo Bonzius earum superstitionū antistes auro sericoq; resurgens lætica gestatur ampla & præcelsa pretiosi operis, Bonzijs stipatus fere triginta petasatis linteatisq;, atro superindutis pallio textu pertenui. tum cineraceo quidā uestiū colore (nam is quoque funestus est) accēsa prælonga pinea face, demortuo (ne offendat erretue ignarus uiarū) iter monstrat ad pyrā. Huic Bonzijs ferme ducenti succedunt, nomen concinentes dæmonis eius, quē defunctus in

uita præcipue coluit : simul etiã ingens catinus ad rogũ usque tintin-  
 nabuli uice pulsatur . tum chartacei duo perampla & expansa figu-  
 ra canistri præfixi hastilibus, chartaceæ item rosæ uarij coloris copiã  
 continent : quos qui gestant , tardiori procedentes gradu , sic hasti-  
 lia subinde concutiunt , ut flores illi paulatim in speciẽ pluuiæ deci-  
 dāt, uentoq; flante spargātur ; eum uidelicet imbrem argumento esse  
 aiunt, mortui animã ad paradisi gaudia penetrasse . post hæc autẽ,  
 octo prima lanugine Bonzj diuisi bifariã, prælongas arundines cū  
 uexillis cubitalibus, quibus item idoli nomen inscriptum est, per ter-  
 ram auersa trahunt cuspide . Tum iisdem insignes litteris , arden-  
 ti inclusa candela decem laternæ feruntur , obductis uelo pertenui  
 lateribus . Ad hæc iuuenes duo cinereis uestimentis pineas præse-  
 runt faculas , palmorum trium longitudine , haud tamen accen-  
 sas , quibus deinde rogo flammæ iniçiant . Eodem uestimenti co-  
 lore permulti sequuntur uerticem capitis adoperti exiguis admodũ  
 pileolis mento subligatis, e nigro fulgẽte corio forma triquetra quod  
 apud eos honoris indicium est . ijdem schedula insignes, capiti affi-  
 xa , in qua nomen eius , quem dixi , demonis legitur : quod ipsum  
 quo magis celebretur , pone certus homo tabellam ostentat cubiti lon-  
 gitudine , palmi latitudine , albo uelo tenuissimo tectam , inscripto  
 ex utraque parte eodem illo nomine litteris aureis . Tum demum  
 a quattuor uiris , lætica sedens magnifica defunctus ipse gestatur  
 in ueste candida , demisso capite , iunctisq; precantis habitu ma-  
 nibus . ad ceterum amictum extima toga papyracea superaddi-  
 tur libro exarata , quem Deus ille suus , cum in terris ageret , scri-  
 ptum reliquisse perhibetur , cuius præsidio meritisq; uulgo se com-  
 potes fore salutis existimant . Cadauer filij subsequuntur , quàm  
 elegantissimo cultu corporis : quorum natu minimus pineam item

ferit facem ad ignem pyræ inferendum. Extremum agmen est magnæ hominum multitudinis iisdem quæ modo dixi pileorum insignibus. Ut ad locum exsequiarum peruentum est, Bonzj uniuersi & cetera simul turba cum strepitu aramentorum catinorumq̃, horæ spatio demonis illius nomen magnis clamoribus inuocant. Deinde hoc maxime modo fit bustum. Area quadrata satis ampla, cancellis eminentibus, & uelo crassiore ita præcincta est, ut singulis in quattuor cali plagas ianuis introitus pateat. In medio fouea referta lignis, recto eleganti opere ex undulata materia super eam excitato, duas habet e regione mensas uario ciborum genere (piscibus tamen exceptis & carnibus) præsertim uero carycis, medicis malis, placētis affatim instructas. Stat etiā in earum altera uaporariū uasculum suffimenti caussa prunis impositū, & lignum aquilanum in disco. Ut igitur eo deuentū est, lecticæ uinculū inijcitur e fune prælongo, quæ, qui adsunt, certatim manu apprehendentes uociferantur, ut diximus: postea totum septū introrsus terna lustratione circum-eunt. Deinde lectica pyræ superimposita Bonzius earū cæremoniarum antistes, carmē effatus, quod circumfusa turba nequaquā intel ligat, accēsam faculā te supra caput in orbē idcirco circūagit, ut eo significet gyro, defuncti animā nec originē habuisse, nec uero finē aliquando habiturā esse. Rotatā inde faculā abijcit: hanc duo e defuncti filijs cognatisue arreptā stantes ad lecticæ latera ad Solis ortū alter, alter ad Occasum, super cadauer ipsum mutuo sibi quasi honoris & officij caussa ter ubi porrexerint, deniq; in lignorū struē inijciūt. Superinfunditur oleū statim, cū aquilano ligno & alijs odoramētis, prout copię suppetunt, magnoq̃ incēdio corpus in cinerē uertitur. Interea filij ad mensam accedūt, & aquilano ligno in uaporariū inditoycienni suffitu parentē quasi iam ad calestiū numerū adscriptum

suppli-

supplices uenerantur. Adoratione peracta, merces laborū Bonzijs pro  
 dignitate persoluitur: Antistiti, quinque, uel decē, uel etiā uiginti au  
 rei nummi: ceteris uel argētei deni uiritim, uel certus caxarū nume  
 rus: prandiū uero paratū ( amicorū ac Bonziorū turba dimissa ) uel  
 busti ministris, uel pauperibus ulcerosisq; relinquitur. Postrie libe  
 ri cū affinibus & amicis ad rogū reuersi, cineres, ossa, dentesq; demor  
 tui in uas inauratū imposita, domū referunt, ipsumq; uas ueste cōte  
 ctū in medijs adibus collocāt. frequētes adsunt iterū Bonzij ad pri  
 uatas exsequias: eademq; septimo die denuo repetuntur. Deinde  
 trāslati certū in locū cineres terra mādantur, quadrato imposito la  
 pide, in quo ductus a summo ad imū usque maioribus litteris, nomē  
 describitur demonis, quemcunq; demortuus in uita coluerit. inde cō  
 tinuis diebus ad sepulcrū se filij cōferunt, ibi spargunt rosas, ibi cali  
 dam apponunt, ut habeat defunctus, unde sitim leuet. nec solū die,  
 sed mēse etiā & anno septimo priuatos intra parietes eadē funebria  
 iusta recurrunt, ingēti uidelicet Bōziorū sagina, crebrisq; uindemijs.  
 Omnino in hæc funera impēsa sit a locupletioribus aureorū trium cir  
 citer milliū, a tenuioribus ducētorū trecentorumue. nā quorum tan  
 ta est inopia, ut funeri sumptus desit, eos per noctē ac tenebras nullo  
 apparatu uel pōpa in sterquiliniū abiectos humi defodiunt. Aliud  
 est etiā genus funeris, quod uiuētibus in ora præcipue maritima duci  
 tur. Ii cū Amide sese eximio quodā cultu deuouerint, eius uisendi  
 cupiditate flagrātes, mortē ultro sibimetipsi cōsciscūt. Ac primū emē  
 dicata per dies aliquot stipe, & ī manicas indita, publice cōcionan  
 tur ad populū, totāq; cōsiliū suū rōnem exponūt, magna omniū appro  
 batione, tantā quippe sanctimoniā cuncti suspiciūt: deinde sumptis  
 falcibus ad uepres ac sentes, qui ad beatorū sedes iter impediūt, præci  
 dēdos, nauigiū cōscēdūt nouū, saxisq; ad collū, brachia, renes, crura,  
 pedesq;

pedesq̃ religatis, in altum prouecti, uel perforato de industria merguntur alueo, uel etiam deinceps in mare singuli sese precipitant. Alueo uacuo confestim ignis ab amicis ac propinquis officij causa proprio separatim nauigio persecutis iniicitur, nefas putantibus nauem tantis religionibus consecratam ab ullo prorsus in posterum attingi mortalium. Sane, dum nos peteremus Meacum, octo diebus antequam ad Insulam Hiu peruenimus, uiri sex, fœmina due simul eo genere lethi perierant ad oppidum Fore. His deinde populus ædiculam uniuersis, columnam pinumq̃ singulis perpetui honoris causa prope litus erexerat, & imposita baculis complura chartæ segmenta, ædícula toto tecto defixerat, carminibus plurimis intra parietes propositis, quæ beati illius cœtus egregias laudes celebrarēt, Itaque uisebatur locus die nocteq̃ superstitionisissime. Ac forte per eos dies dum ad quendam infantem Baptismo lustrandum ego & Aloisius Almeida tendimus, illac nobis iter facere contigit, atque eo ipso tempore prodeuntes e sacrario quinque circiter uetula cum globulis precatorijs, quæ uulgo rosaria dicimus, (Christianos enim ritus ex hac quoque parte dæmon effingit) partim ludibrio nostram ridere dementiam, partim seuero uultu nobis impietatem exprobrare sacrum illud monumentum nulla ueneratione honorisue significatione prætereuntibus. Restat ut de Bonziorum concionibus pauca perstringam. Eæ si minus crebræ quàm apud nos, certe quàm apparatissimæ. In templo permagno cum serica superne umbella suggestus attollitur. In eo stat ornatu sumptuoso cathedra: ante cathedrâ mensa cum tintinnabulo & libro. Ubi concionis tempus aduenerit, ad suum quæque doctorem in uaria templa frequentes Iaponiorum sectæ conueniunt. Ille suggestum ascendens, & in sella considens, magnifice sese circumspicit, deinde indicto campana silentio, pau-



ea ex eo quem diximus, recitat libro, quæ mox idem fusius explicat. Sunt autem hi concionatores uiri fere disertis, atque ad flectendos animos auditorum idonei: & quoniam hiat semper auaritia Bonziorum, eo potissimum omnis spectat eorum oratio, ut populū inducant specie pietatis ad sua locupletanda cœnobîa, tanto beatiorē in altera uita fore quemq̃ affirmantes, quanto, quæ ad sacra uel exsequias pertinet maiore pompa & impensa curauerit. Cumq̃ ita multe atque ita inter sese diuersæ numerentur superstitiones atque familiæ; in eo tamen uel maxime laborant magistri, ut sua quisque mendacia & fabulas ita discipulis probent, nihil ut præterea uerum, nihil ad æternam salutem tutum, nihil dignum quod audiatur, existiment. Accedunt alia quoque artificia, incessus grauitas, oris atque habitus dignitas, denique species omnis exterior, quibus rebus Iaponiorum pectora tantis opinionum peruersitatibus imbuuntur, tantamq̃ ex ijs fiduciam ac spem salutis æternæ concipiunt, non solum ut domesticos intra parietes, uerum etiam in publico, totaq̃ urbe rosaria fere semper manu percurrant, ab Amida Xacq̃ diuitias, honores, bonam ualeitudinem, sempiterna gaudia suppliciter postulantes.

Quæ cum ita sint, carissimi fratres, existimare potestis ipsi, quanto Dei auxilio indigeant, non modo qui in hæc loca Euangelium afferunt, sed etiam qui allatum accipiunt, seq̃ relictis idolis ad Christum adiungunt: quippe tot a diabolo machinis oppugnantur, ita sollicitantur assiduis Bonziorum dissuasionibus, postremo ab affini bus amicisq̃ adeo contumeliose, moleste, acerbeq̃ uexantur, ut nisi diuina gratia sacrificijs ac precationibus Ecclesiæ Catholicæ conciliata subueniat, multorum uel potius fere omnium fidem atque constantiam his certe nascentium Ecclesiarum initijs ualde periclitari necesse

# DE IAPONICIS REBUS

neceſſe ſit. Quo magis uobis, qui ſalutem animarum tam uehemen-  
ter expetiis Iaponicos hoſce greges præcipue in Domino commen-  
datos eſſe par eſt. Nos Sacaium ex itinere uenimus quinto Calend.  
Februarias. Aloſius Almeida quibuſdam negotijs primum, de-  
inde etiam ualitudine aduerſa impeditus, ibi diutius ſubſtitit: ego  
diei non amplius mora facta, proſectus inde, Meacum leucarum  
tredecim interuallo perueni pridie Calend. Februarias. Aduen-  
tu meo cum ceteri Chriſtiani, tum Gaſſar Tilela præcipue, qui ne-  
minem e noſtris Meaci toto ferme ſexennio uiderat, mirum in mo-  
dum recreatus eſt. Is quadrageſimum nondum ætatis annum exce-  
dit, ſed cani ſeptuagenarium indicant, frigorum ui uehementer af-  
fecto conſumptoq; corpufculo. Meacenſi lingua, quæ, ut celeberrimi  
populi regieq; urbis fertur elegantiffimâ, iam nunc ita perire  
uitur, non modo ut Confeſſiones intelligat, ſed conciones etiam ha-  
beat. Quiſdam etiam libellos ad pietatem utiles in eandem tran-  
ſtulit, alioſq; deinceps non intermittit ſubciſiuis operis uertere. Quod  
reliquum eſt, nos omnes Dominus pro ſua bonitate perpetuo tueat-  
tur, opemq; nobis ad uoluntatem ipſius & recte interpretandam,  
& rite exſequendam impertiat. Meaco. 11. Calend. Martius  
M D LXV.

## ALOISIUS FROES SOCIETATI IESV in Sinas.



X. ijs litteris, quæ ad uos dedi menſe Februario, multa  
de Iaponicis ritibus atque ſuperſtitionibus cognouiſſe uos  
arbitror: alia nunc de rebus præcipue Meacenſibus ad-  
dam hac epiſtola, quam puto uobis fore non iniucundam. Ego, ut  
ſcripſi,

scripsi ad uos antea, Meacum attigi magna Christianorum letitia pridie Calendas Februarias: incidit meus aduentus in ipsum noui anni initium, quod hac hyeme Iaponij a Calendis Februarijs auspicati sunt; uariius enim est in his regionibus anni cursus, longe alia, quàm apud nos ratio temporũ, atque descriptio. Vetus est autẽ gentis mos, ut anno ineunte, ab die nono Lune adusque uigesimũ, regni procures, & Bonziorũ Principes ad Regẽ quisque suum salutandũ non sine donis accedat. Ea sunt fere magnus chartæ numerus, aurea flabella, arma affabre facta, & alia eiusmodi; atque hæc consuetudo, iam inde ab antiquis ducta tẽporibus, cũ in alijs regnis omnibus, tum uero in hoc Meacẽsi tãto diligẽtius retinetur, quãto Cubucama, honore atq. amplitudine ceteris omnibus Iaponis Regibus antecellit: atq; idẽ honos uxori quoq; ipsius, matriq; tribuitur. Hos autẽ salutatores Cubucama lōgo cubiculorũ ordine admittit ille quidẽ in pentalia, operis eximij peristromatis aureis adornata; sed ad eorũ uerba, salutationesq; (ea loci personæq; maiestas est) nihil omnino respondet: insignibus tantũ Bonzijs quibusdã id habet honoris, ut flabellũ quod tenet manibus, paululũ inclinẽt; atq; in hunc modũ primæ nobilitatis uiri inducuntur: nã inferiorũ ordinũ hominibus, quãquã locupletissimis, & lōge pretiosissima dona ferẽtibus, nullo pacto ad eũ aditus est. Et quoniã ad uia Euãgelio muniẽdã, & existimationẽ apud rudẽ, ignarumq; uera uirtutis, & gloriæ populũ colligẽdã pertinere magnopere uisum est, ut Euãgelij præcones nequaquã exclusos inde fuisse constaret; dedit operã Gaspar, ut illũ ipse quoq; per idẽ anni tẽpus inuiseret. ac superioribus quidẽ annis aulici cuiusdã beneficio potẽtis uiri, & ad Christianã religionẽ propẽsi, aliquoties introductus est: nũc uero mihi quoq; eiusdẽ opera patuit aditus. Cubucamã ergo primũ, deinde uxore, postremo separatim in ædibus matrẽ

inui-

## DE IAPONICIS REBUS

inuissimus, honesto comitatu ad regiam usque deducti. & cum benigne acceptissimus ab omnibus: tum uero a matre humanissime, quippe quæ nō modo potionem nobis misceri iussit a famulis, uerum etiam Zacanā (salsamenti genus id est oliuarum instar) de more paxillis insertam, suis ipsa manibus honoris caussa porrexit. Eam inuenimus in cœtu nobilium fœminarum sedentem ante sacellum ornatissimum, in quo erat Amidæ puerilis effigies egregie picta cū diademate, aureis e capite radijs emicantibus. mirum ibi silentiū, mira modestia, mira deniq̃ domestica disciplina: uehementer dolendum ut sit, tantam indolem tantis diaboli fraudibus opprimi; orandusq̃ sit etiam atque etiam dominus, ut hæc tenebras, Euangelij splendore pro sua infinita bonitate dissipet.

Vt eo functi sumus officio, postridie Gaspar ad neophytos reuissendos abiit Imorim; ego Meacensis prædicare Euangelium institi, cum alijs, tum uero quibusdam e Cubucamæ familia uiris illustribus, qui ad nos uenitare cæperunt: ex ijs tres audito iam aliquoties uerbo Domini Baptismum a nobis uehementer efflagitant; sed iccirco differtur, ut interea melius Christiana rudimenta atque instituta percipiant. Auditores habemus mirum in modum curiosos; nullum querendi finem faciunt, præsertim qui sunt e Genxuen si familia, quæ omni sublato numinis metu, corporis uoluptates pecudum more persequitur. ij nihil in animum inducunt credere, nisi quod cernunt oculis, manibusq̃ cōtrectant: quamobrem expugnantur difficillime, nec nisi euidentibus plane demonstrationibus cedunt. Obijciunt autem nobis inter alia; si quidem est Deus, ut dicimus, idemq̃ adeo bonus est; cur ad hoc usque tempus celauit bonitatem suam, eamq̃ tam sero Iaponijs declarauit? respondetur autem ad hæc omnia sic, ut contradicere nequeant, sed tantæ, tam dense

denſæ illis tenebræ ſunt, ut inſolitam Euangelij lucem uix pauci admittant: qui tamen eo ſunt ingenio, atque indole præditi, ut ubi uerbum Dei quaſi terra ſemen acceperint, quo tardius acceptum, eo diligentius amplectantur ac foueant. In uniuerſum autem, Japoniorum ingenia ad Chriſtianam religionem in primis idonea ſunt, præſtantq̃ nō ſolum in cognoscenda ueritate ſedulitatem ac ſtudiū, ſed etiam in retinenda fidem atque conſtantiam. tres quidem ij quos modo diximus aulici, tanta ſunt in eo genere diligentia, non modo ut Chriſtianæ doctrinæ præceptiones ac formulas ſuo deſcriptas chirographo deinceps memoriæ mandent, idq̃ celerrime; ſed etiam quæ ex concionibus noſtris audire, domum reuerſi in commentarios referant, præſertim quæ de Mundi creatione, de immortalitate, uarijſq̃ uiribus ac facultatibus animæ differuntur. Eos deinde commentarios offerunt Socio noſtro Damiano recognoscendos identidem. Et cum eiujſmodi gentis natura, tum illud quoque uel maxime Chriſtianam cauſam adiuuat, quòd multæ ſunt ſuperſtitionū ſectæ, non ſolum diuerſæ ac uariæ, ſed etiam inter ſe pugnantes: quo facilius eſt diabolica mendacia fraudeſq̃ conuincere. Circa Meacum in patentibus campis plurima ſunt idolorum phana, e quibus adij Chriſtianorum ductu nonnulla: in ijs quoddam eſt Amidæ ſacrum ab urbe quattuor fere paſſuum millibus, a priſcis Imperatoribus conditum, ac ſubinde renouatum, longitudine ulnarum centum circiter & quadraginta. ingentes habet ualuas in medio. ingredientibus obijcit ſeſe ſuggeſtus, in quo Brachmanis habitu, perforatis auribus, mentoq̃ & capite raſo ingens Amidæ ſtatua conſidet. ſupra ſtatuam quaſi pro umbraculo pendent excepta catenis multa, magnaq̃ tintinnabula: circa, ludentium ſpecie triginta cernuntur milites ſtriſtis telis armati, ſaltantes Aethiopes,

anus uenefica, demonesq; teterrimi: effingitur etiam certa quadā imagine uentus, horrificoq; aspectu tonitrua: ad hæc septeni gradus ad templi totius longitudinem porriguntur: in ijs ordine certo dispositæ unius Canonis Amide filij imagines omnino mille; hinc inde quingene, eadem omnes forma, ore uenusto, egregie factæ; trice-na brachia totidemq; manus ostentant: e quibus duo tantum ad reliqui corporis magnitudinem apta proportionē conueniunt, cetera parua sunt, duo etiam lumbos præcingunt. Singule porro statue bina tenent iacula, pectus insignitæ septenis hominum uulticulis, corona capiti impōsita cum diademate radiante. Sunt autem cuncta eius templi non modo simulacra, sed etiam quæ diximus tintinabula, & ipsæ catenæ magnæ obryzi auri copia scite admodum ab imo ad summum usque uerticem intectæ sic, ut fulgorem intuentes oculi ferre uix possint: locus est celeberrimus, multiq; eo longinquis e regionibus religionis caussa confluunt.

Inde passuum interuallo duum circiter millium, collis attollitur, ad cuius radices ueterem quandam academiā multis distinctam cænobijs tenui fluens aqua riuus circuit amœnissimus: multa ibi delubra, quorum in aliquibus magno cultu adoratur statua cacodæmonis, facie magis etiam quàm apud nos pingitur, sæda & horribili, in summo autem colle ingentia tria lignea templa, ligneis item columnis mira crassitudine suspenduntur, infimo pauimento strato laterculis leuigatis. In eorum uno colosseum immanis magnitudinis Xacæ signum, singulas habet ad dextram leuamq; statuas paulo minores: a tergo autem quoddam quasi folium exsurgit, ex quo sigillorum unius palmi duo circiter millia prominent, infantesq; prætereæ bini fere quadraginta. denique latus utrumq; templi sparis armati demones bini custodiunt: hæc autem aurata sunt omnia.

Alterum



*A*terum est templum probandis, & laurea donandis ueteri academiarum more scholasticis destinatum. In eo pulpitum, uexillis compluribus e superiori parte pendentibus, eminet ligneum, in quod scalis tribus ascenditur. est ibi mensa cum cathedra parata magistro, qui a ceteris eiusmodi praesidet, itemq; ad imum suggestum altera in usum discipuli, qui eo iudicio probandus, insignibusq; doctrina publice decorandus est. templum autem ipsum lacertae, seu stellioni dicatum est, quem uulgo Deum ac praesidem litterarum & eruditionis existimant: huic nulla neque ara, nec statua, ut ceteris Dijs erigitur. in summo tantum laqueari, multiplicem conuolutus in spiram ingenti orbiculari forma depingitur, ut scholastici dum eum supplices uenerantur, oculos mentemq; simul ad superna cogantur attollere. Tertium phanum altitudine duo proxima superans, clausum offendimus. e regione sunt aedes perample, calatura magnifica; scholasticorum id domicilium est. multa erant praeterea ibidem uisenda, sed imminente iam nocte reuertimus.

*H*ec habui quae ad uos in praesentia scriberem. ea si minus leta uidebuntur, quod parum uidelicet ad rei Christianae amplificationem attineant; eo diligentius orandus erit uobis Dominus, ut de Ecclesiarum incrementis, & rei Christianae progressibus multa nobis in posterum ad uos, maiore cum animi nostri uestriq; fructu, spiritaliq; solatio scribere liceat. Quamquam post nostrum ab urbe Firando discessum non pessime posita est opera: Deo quippe adiuuante Iaponij sexaginta ad Christianorum numerum adiuncti sunt. Quod reliquum est, nos omnes pro sua clementia Dominus perpetuo tueatur, ac protegat. Meaco, pridie nonas Martias. 1565.

A L O I S I V S F R O E S  
Societati I E S V in  
Indiam.



*Q*uod uos uelle maxime intelligo, id agam his litteris, ut Ecclesiastica primum, tum cetera persequar. Quadragesimæ diebus Dominicis omnibus Gaspar Vilela Euangelium declarauit. quarta quaque feria Damianus noster de Pœnitentiæ Sacramento copiose differuit. sexta, sacromissæ peractò, non destitit Iaponius puer ex ijs quos educamus, de Passione Domini uerba facere: quam in sententiam, conuenientibus nocte neophytis, Vilela denuo disputabat, ijs præcipue locis insistens, quibus auditores ad pietatem excitari maxime possent. Dominica in palmis (quoad eius fieri potuit in tanta ædium angustia) Catholico ritu ceremonissq̃ transacta est. inde ex oppidis finitimis atque etiam remotioribus neophyti ad indulgentias (quas a summo Pontifice datas Catholico ritu proponimus) Paschatisque solennia frequentes uenire ceperunt. in ijs quidam nobiles cum uxoribus liberisque, tametsi equis, atque lecticis usi, tamen assidua pluuia ualde uexati, pietatis laudem cumulauere patientiæ meritis. Vilela ducentorum fere & quinquaginta confessionibus auditis, quinta feria in cœna Domini mandatum Euangelicum de mutua dilectione publice docuit. postea cum de Eucharistia suauissime perorasset, cœlestem panem Christianis circiter sexaginta distribuit, qui cum ex intimo sensu, & gaudio spiritali, copiam lacrimarum effunde-

funderem, jane quàm ingenti nos affecere solatio. in sacello intimo Aloisius Almeida sepulcrum erexerat ornatissimum. in eo Corpus Domini conditum est, armatiq; custodes adhibiti. Vespere, solennibus officijs persolutis, puer Iaponius in exponenda Passionis Domini serie collecta e quattuor Euangelistarum historijs, horas duas ferme consumpsit. quæ deinde explicatione potissimum indigere sunt uisa, in ijs Vilela ex instituto declarandis immoratus est, suadens auditoribus pœnitentiam, sed calcæ uidelicet currentibus addidit: nam cum sæpe alias, tum eo maxime anni tempore uoluntarias ab sese pœnas easq; adeo acerbæ exigere soliti sunt, summopere gratulandum ut sit, in ultimis hisce terrarum finibus, inter tot idolorum cultores, in ipso denique (ut ita dicam) regno diaboli, sacratissimæ Crucis trophæa, salutaremq; humano generi mortem CHRISTI Domini, tam incitatis hominum studijs, tanta religione, tam grata memoria celebrari. Maioris hebdomadæ luctum atque tristitiam, ingens gaudium Dominicæ Resurrectionis excepit. a media nocte, domus Christianis completa est, Missam & supplicationem matutinam expectantibus. ea peracta, simul etiam Christianis aliquot Eucharistiæ Sacramento refectis, concio habita est de Resurrectione Domini, Paschalibusq; mysterijs. inde conuiuio excepti sunt, quod Natali die & Paschate Domini solenne Gaspar instituit, eo consilio, ut quàm arctissimis Christianorum animi caritatis ac beneuolentiæ uinculis inter se iungantur. simul etiam per eam occasionem colloquia de rebus celestibus habita, ductaq; præ dulcedine ad uesperam. quedam præterea e diuinis laudibus decantata. quo strepitu exaudito gentiles, præsertim quòd nonnihil de apparatu ediculæ nostræ

## DE IAPONICIS REBUS

cognouerant, instare uehementer ut fores aperirentur: obsisti non potuit: introiere permulti, pleraque uero mulieres diuino quodam instinctu nixæ ante aram genibus, manibusque sublatis, effigiem *CHRISTI* Domini supplices adorarunt. Posthæc neophyti, qui ex oppidis uicinis ad festa conuenerant, Gaspare officiosissime salutato digressi sunt. nunc autem id Gaspar agebat, ut sibi diuersorium prope regiam in superiore urbis parte conduceret, quod toto iam fere triennio frustra conatus est, ut ibi quoque, loco celeberrimo, posset Euangelizare commodius. Verum satis iam de rebus Ecclesiasticis: ad alia ueniamus. Ante discessum *Almeida*, cum tempus eius reuersionis adesset, perducti sumus uterque ad insignia quædam urbis ædificia ac templa, quorum tanta est religionis ac magnificentie fama, ut ad ea uisenda ex alijs omnibus regnis peregrini Meacum fere assidue confluant. Ex ijs nonnulla perstringam. infinitum est enim singula persequi. Sedes igitur quasdam *Cubucamæ* primum adiuimus eximio quodam artificio atque elegantia exstructas oblectationis & animi causa. nihil ego nec in Europa, nec in tota India tale conspexi. ijs horti subiecti sunt cum alijs arboribus ignotis in orbe nostro, tum cedro, cupresso, pinu, malis medicis consiti: quæ omnes arbores, uarias in figuras artificii manu coactæ, cameras, tintinnabula, turres, aliaque id genus plurima referunt. iam lilij, cyani, rosæ, florumq; tanta est copia, tanta colorum odorumq; uarietas, non solum ut peregrinos atque aduenas, uerumetiam domesticos ipsos atque cultores cum uoluptate atque admiratione retineant. neque horti solum, sed urbs ipsa quoque pulcherrima. uia latæ ac directæ, foribus arcium instar  
(qua

( quæ res furta & latrocinia maxime prohibet ) occluduntur . in  
ijs uariarum mercium institores, opifices, ac sellularij, cum alia  
in usus deliciasque mortalium, tum præsertim aurea flabella con-  
ficiunt, sericamque cuiuslibet operis textrinam exercent . in me-  
dio celeberrimum *Anidæ* phanum cum omnibus horis diei, tum  
uero sub noctem clausis iam tabernis frequentissime uisitur, ia-  
tæntur a populo nummi cum precibus, & simulacrum adora-  
tur . nos eo ex hortis *Cubucamæ* uia longa lataque perducti, in-  
de sumptuosissimas præfecti *Meacensis* nuper instauratas ædes adi-  
uimus : quibus item horti coniuncti, non modo arborum multitudine  
artificiosisq; figuris delectant oculos, uerum etiam aquæ limpi-  
dissimæ copia, quæ a nouem circiter passuum millibus excisa rupe,  
regali sumptu perducta, lacum in hortis medijs efficit, in quo com-  
plures uariæ magnitudinis insulæ, ligneis lapideisq; peruiæ ponti-  
bus, usquequaque latissimis arboribus opacantur . Inde quanquam  
fessos iam, ac reditum cogitantes, neophyti nos longius pertraxere .  
multa igitur prætereuntes phana, ingentem ingredimur lucum, in  
quo *Bonziorum* cænobia quinquaginta miræ amplitudinis, a re-  
gum & principum liberis, qui sacris addicti sunt, magnifice ac  
sumptuose incoluntur : facitque ipsa uicinitas, ut eorum præfecti se  
inuicem elegantia munditijsq; superare contendant . Ex ijs ali-  
quot inspeximus obiter . Cuiusdam est ianua lignea egregio quo-  
dam artificio, longeq; alia quàm apud nos forma . hæc nos in xy-  
stum induxit stratum quadrato lapide nigro, parietibus utrinque  
excurrentibus opere tectorio leuoris atque candoris eximij . Xy-  
sto nouum quoddam genus hortorum prætenditur, in quibus manu-  
facti colles e saxis ad eam rem e longinquo petitis, frutetis consti-  
ti pontibusque coniuncti cernuntur . Solum partim arena cras-

## DE IAPONICIS REBUS

fiore admodum candida, partim etiā atris lapillis obducitur, e quibus passim elati maioris formæ lapides, ex imo leucoia, uiolas, ac flores emittunt adeo artificiose commistos atq; dispositos, ut cū in orbem singulis anni temporibus floreat, uer ibi perpetuum esse uideatur. Multa prætereo tum ne longior sim, tum quod ea uerbis assequi me posse diffido; sed illud non omittā, quod in reditu uidimus. In medio phano quodā, machina lignea sculptilis, uarijsq; picta coloribus, multis forulis collocatos continet libros ab uno Xaca conscriptos. eademq; ut est uersatilis, quē quisq; uoluerit, librum offert protinus. & quidem tanta est uoluminū copia; ut incredibile sit, uel una ætate a multis auctoribus, uel multis ætatibus ab uno auctore confici potuisse. eorum autem usus est maximus non in Iapone modo, sed etiam in Sionis regionibus, unde omnis Iaponica fabulositas & superstitiones primum exstitisse, atque inde paulatim oram Sinarum, Peguensem, Bengalanam, totumq; eum tractum Bisnagam usque per uagatæ dicuntur. aliud etiam phanum in reditu uidimus inferorum regi dicatum, cuius præcelsum horrifico truciq; aspectu simulacrum regio sceptro insignitum, duobus hinc inde ingentis item stature demonibus cingitur, quorum alter calamo describit hominum noxas, alter descriptas in tabula recitat. parietes picti, uarias inferorum ostentant pœnas, quibus plurimi sexus utriusq; mortales demonum ministerio cruciantur. Celebratur autem ædes hæc, augeaturq; pecunijs fere assidue: nunquam enim desunt, qui ad regis effugiem timore perfusi, ea ab sese tormenta atque supplicia deprecantur. Atque hæc illo die. Postero autem, Christiani cuiusdam Principis inuitatu ad audiendas Bonziorum conciones in suburbana cœnobio (sunt autem exitus ex urbe spatiandi caussa gratissimi) uenimus egressi, turbā uirorum æque ac fœminarum cum suo quemq;



rosario supplicantes adspicimus . percontati a neophytis , quidnam id esset , dimissam tum concionem esse respondent . interrogati de numero , aiunt homines earum rerum periti , capitum esse quinque circiter millia . addunt insuper , in eo templo quotannis centum diebus continuis ab uno eodemq<sup>ue</sup> Bonzio conciones haberi , multis magnisq<sup>ue</sup> indulgentijs auditori perseveranti propositis . Optatum erat nobis omnino aliquem ex ijs concionatoribus audire , cognoscendi maxime studio , salvaq<sup>ue</sup> religione & officio transferendi ad usum nostrum , quæ ad cõsiliandos permouendosq<sup>ue</sup> Iaponiorum animos pertinere uiderentur . & quoniam allatum est , rem adhuc integram esse in alio quodam cænobio , pergere porro illuc usque decreuimus . eo tendentibus igitur nobis primo Guiuani phanum occurrit , quod ingenti frequentia , superstitione , anniuersarijs mimorum ludis uarijsq<sup>ue</sup> spectaculis magnopere celebratur & colitur . Inde exeuntes , uiam ingredimur pinis utrinq<sup>ue</sup> iucunda admodum specie consitam : simul aspiciamus populi concursum , ad concionem citato gressu tendentis . nos ut ad locum peruenimus , moniti a Christianis periculum esse , ne Bonzii si nos adesse sentirent , concionari desisterent , occulto loco ad initium usque concionis non sine magna quidem uel admiratione , uel pudore substitimus e conscientia teporis ac negligentia nostræ concepto , cum interim unius horæ spatio auditores illi omnes ad parui pulsum tintinnabuli nixi genibus , incredibili quadam significatione pietatis , rosaria manusque tollentes in calum<sup>en</sup> , in oratione persisterent , uociferantes assidue : Namu Amida Ambut . Hoc est Da salutem Amida : quod ipsum nomen etiam domi forisque seu emant aliquid , seu uendant , modulata quadam pronuntiatione gestientes ac libentissime sæpius inuocant . quin etiam pauperes ipsi inter emendicandum , ijs a quibus elec-

## DE IAPONICIS REBUS

mosynam petunt, propitium precantur *Amidam*. *Bonzij* uero ac legisseti uerba illa plebi inculcare non desinunt: *Ichinem*, *Amidabut*, *Sucumet*, *Murioo*, *Zai*: idest quisquis *Amida* sanctum nomen ex animo inuocauerit, proculdubio saluus erit. Imperato deinde maiore campana silentio, ut concionator suggestum ascendit, tum nos quoque sensim irrepsimus. phanum erat ad fores usque ac porticus refertum uiris ac sœminis. in ipsis autem aræ gradibus multi *Bonzij* considebant manibus intra togam abditis, oculisque demissis. Porro concionator claro, ut aiebant, genere, decora quidem in primis facie aspectuq, gratissimo, in excelsa unde ab omnibus conspici posset sedens cathedra, sericis ad talos usque perquam splendide uestimentis indutus, interiore candido, exteriori purpureo, flabellum tenens aureum; ex libro quem habebat in mensa propositum, quædam subinde recitare, tum fusius explicare tanta non solum actionis uenustate, sed etiam (ut *Gaspar Vilela* affirmabat eius lingue bene peritus, & ceteri qui nobiscum aderant) orationis eleganzia atque artificio, ut mirum uideri non debeat, eiusmodi homines tanto in honore ac ueneratione esse apud populum. mihi quidem hæc apud animum meum reputanti, uenit in mentem, non sine Sancti Spiritus uehementi quodam instinctu *Franciscum olim Xauerium* tam acri studio tam longinquam hanc peregrinationem expetiisse *Iaponicam*. profecto enim hæc gentes, nature bonitate ingenijq, præstantia multis *Europæ nostræ* (quod earum pace dictum sit) nationibus antecellunt. Quod si minus magnifice de *Iaponijs* uel sentiunt negotiatores *Lusitani*, uel prædicant; id nimirum idcirco fit, quod non nisi cum populis maritimis negotia contrahunt, qui ab interioribus tantum absunt uite cultu

re cultu morumq̃ elegantia, ut præ ijs rustici uideri propemodum possint. itaque per contemptum syluestres etiam uulgo a Meacensibus appellantur, cum tamen alioquin ab humanitate ipsi quoque maris accolæ nequaquam abhorreant. Sed iam finis epistolæ sit. plura propediem: atque utinam cuiusmodi omnes optamus. Meaco. 5. Calend. April. 1565.

A L O I S I V S F R O E S  
Societati IESV.

**D**E statu rerum Meacensium, & religionis Christianæ processibus ad Paschatis usque peracta solennia, superioribus litteris ad uos fuse perscripsi. attexam nunc fratres carissimi reliqua, e quibus facile iudicare possitis, quàm assiduis uestrum omnium sacrificijs pijsq̃ deprecationibus egeamus.

Postquam a Paschali conuentu neophyti in suas domos & uicina castella digressi sunt, nos Meacensibus Euangelium prædicare perreximus. auditores minime deerant. multi etiam diabolicis fraudibus, & Iaponicæ superstitionis prauitate conuicta, sic immutabantur afflati diuinitus, ut constantissime crederent, in uno Christo Domino ac Redemptore nostro omne salutis humanæ perfrugium esse repositum. Ventitabat etiam ad nos cum alijs principibus ciuitatis, quidam Regis Mini cognatus, uir sane perspicax: is cum a nobis multa subinde perquireret, litterisq̃ responsa mandaret commentandi caussa; tantus illi paulatim splendor ueritatis illuxerat, non modo ut ipse in uoluntatem Christianæ susci-

suscipiendę religionis uehementer incumberet, sed etiam spem nobis  
 adferret fore, ut Mini regnum uniuersum ipsius opera atque au-  
 thoritate sacrosanctum Euangelij lumen acciperet. Ad hac, Iubi-  
 leum a summo Pontifice datum ad felicem euentum Trideritini  
 Concilij precibus ac ieiunijs impetrandum, in hac urbe propositum  
 est octauo ante Pentecostem die. cuius rei nuntio in pagos & ca-  
 stella perlato, magno studio ac pietate sese comparauere neophyti ad  
 tam insigne Christi Domini beneficium: & quanquam per eos dies  
 Gaspar in febrim incidit, & ego non optima sum usus ualetudine,  
 tamen concursu ad nos Christianorum facto, Dominica Penteco-  
 ste, imbecillitatem nostram Domino fulciente, per occasionem tam  
 ample consequendę indulgentiæ, multos & uerbo Dei, & sacra-  
 tissimo Christi corpore pauimus, quod illi nimirum, ut solent, uber-  
 rimo fletu crebrisq; percepere suspirijs. atque is erat Christianæ rei  
 cursus, ut in tantis gentium tenebris, tantaq; aduersariorum poten-  
 tia, sat secundus. iamque parabat Vilela totam hanc Meacensem  
 obire prouinciam, & prout se obtulisset occasio, per ethnicorum pa-  
 gos & oppida circumferre Euangelium; cum cæptis interuenit atro-  
 cissimum, & post hominum memoriam inauditum facinus, quod  
 non modo conatus nostros omnino impediret, sed etiam nos ipsos in  
 extremum uitæ discrimen adduceret. Nam Regulus Imorensium  
 (de quo scripsi ad uos antea) Mioxindonus, deuictis a se gentibus  
 quibusdam potentia atque opibus auctus, ipsum quoque Cubuca-  
 mam, ut in pace otioq; securum & imparatum a rebus omnibus, cer-  
 te nihil eiusmodi metuentem; imperio quod magna cum equitate  
 regebat, per summum scelus atque perfidiam deturbare, ac tyranni-  
 dem occupare constituit. neque apud inflammatum dominandi li-  
 bidine animum uel Cubucamę uirtus & probitas, uel plurima  
 eaq;

eaq; maxime ab eodem in se profecta beneficia ualuere. Igitur assumptis latrocinij socijs duobus, Narensum tyranno Diondono, & alio quodam dynasta; cum delectis armatorum duodecim milibus repente Meacum iter intendit eo certiore spe rei persciciendæ, quod & ipse Cubucamæ nomine uniuersæ rei bellicæ præerat, & plurimos habebat in urbe Meaco clientes atque satellites. copijs ergo prope urbem iussu opportuno loco subsistere, ipse cum fidelium manu Meacum ad Regem specie officij ingreditur, nimirum ut quibusdam recentibus honoris insignibus a Cubucama decoratus, ei gratias ageret. atque ut quod uolebat quàm maxime sine tumultu transigeret, ad alia uerborum officia illud etiam addit, ut Cubucamam in suburbanum quoddam Bonziorum cæncbium blandis precibus ad cænam inuitet. namque ibi circumuentum adoriri placuerat. Sed cum res parum procederet, quod Cubucama de confidente prope Meacum exercitu factus denique certior, & suspicatus id quod erat; non modo se Mioxindono minime crederet, sed etiam fugam pararet (ex qua deinde imprudenti comitum suorum consilio reuocatus est) Mioxindonus aperte ratus agendum, copias omnes ad regiam propius adinouet: ac ne inexplabili in suum Imperatorem ac Regem odio accensus esse uideretur, dum inops consilij Cubucama cum familiaribus trepidat, præmittit ad Regiam qui palam denuntiet, se Cubucamæ ipsius caput minime petere, certis tantum eius cognatis amicisque grauitèr insensum, eorum potentiam ultra ferre non posse: itaque tum demum rem conuenturam seq; inde cum pace abiturum, si complures procures, quos nominatim in schedula descripserat, quamprimum interfici iubeat. ad hæc tam insignis impudentiæ postulata ira maxima percitus is qui ad ea cognoscenda Cubucamæ iussu prodierat, grandis natu aulicus ille

## DE IAPONICIS REBUS

ille ipse qui nos ad Cubucamam introducere consueuerat, abiecta  
 quam legerat schedula, uerbisq; grauissimis in parricidas inuectus,  
 ad extremum addit, rebus iam desperatis quoniã quidem alia ra-  
 tione non possit, certe uoluntaria morte sese officio fideiq; sue satis  
 esse facturum. His dictis regressus in regiam, coram ipso Cubu-  
 cama strictum pugionem gentis more sibi condit in uiscera, & mo-  
 ribundus occumbit. eodem ipso letho quattuor alij, cum praetimore  
 occlusis ianuis non admitterentur, mox in ipso regie periere uesti-  
 bulo. Senis uero demortui filius, ut patrem confexit exanimem,  
 princeps dolore atque iracundia fertur in coniuratos infestus, pu-  
 gnansq; perimitur: tum illi pluribus locis palatio flammam iniiciunt,  
 quod ut sensit Cubucama, certus praelio potius quàm incendio mor-  
 tem oppetere, ex honestissima grauissimæq; fœminæ matris ample-  
 xu se proripit, uaditque cum suis armatus in confertam hostium  
 aciem: ibi quàm acerrime dimicans, uentrem hastili, caput sa-  
 gitta confixus, duobus præterea uulneribus acceptis in facie, concidit.  
 super eum præliantes egregie centum circiter aulici primæ no-  
 bilitatis uiri sternuntur, quorum cum animi magnitudo ac fide-  
 las omnium, tum præsertim adolescentuli cuiusdam quartumde-  
 cimū annum agentis enituit. qui cum in certamine hostes pœne  
 obstupescisset audaciæ miraculo, eumque uiuum sublato undique  
 clamorẽ conarentur excipere; ille Cubucamam defunctum intui-  
 tus, sibi quæ turpissimum ratus Regi suo Dominoque esse supersti-  
 tem; ense confestim abiecto pugionem arripuit, abscissoque sibimet  
 gutture eundem pugionem adegit in uiscera. Inter hæc hostes, qua  
 per incendia patuit aditus, in regiam frequentes irrumpunt; fra-  
 trem Cubucamæ Bonzium una cum matre, nequaquam uel huius  
 adolescentiam uel illius senectutem miserati, acerbissime contru-  
cidant



tidant: regia gaza diripitur: cuncta ferro flammâq; miscentur: honorarie puellæ ac pedissequæ, regulatorum fere ac principum filiæ, & clarissimis ortæ familijs, omnia miserabiliter eiulatu gemitibusque complentes, inter obsessos armatis exitus conantur sibi fuga consulere, quarum aliqua uestimentis etiam in illa ipsa immanitate petulanter atque procaciter a militibus exuuntur: aliæ uero ad uiginti, dum ancipiti metu distractæ, hinc micantes horrent gladios, inde seuienti perterrentur incendio; in conclaue quoddam abditæ quonondum flammæ peruasferant, igne deinde grassante opinione celerius, ibidem oppressæ atque ad unam omnes absumptæ sunt. porro Cubucamæ ipsius filiæ duæ ad pedes hostium prostratæ suppliciter, Christiani cuiusdam beneficio, in ædes propinquas amicorum, incolumes euasere. at mater ipsarû regina, inter ancillarum greges tum quidem elapsa feliciter, in quoddam sese cænobium recepit, passibus mille circiter & quingentis ab urbe disiunctum; sed paulo post a conquistoribus deprehensa, ubi sese Daiondoni & Mioxindoni iussu morti destinatam esse cognouit; chartam atque atramentum poposcit, scripsitq; sua manu multis uerbis ad filiam litteras, quarum erat clausula, uiro suo per summam iniuriam a rebellibus interempto, se quoque nullo suo merito ad necem rapi: uerumtamen æquissimo animo sese mortem obire, nec dubitare quin hoc totum pro sua infinita clementia de se statuisset Amida, quo citius ad paradij gaudia peruenire, ibique Cubucama suo in perpetuum perfrui sibi liceret. Deinde obsignata epistola, cum Bonzijs apud quos delituerat gratias egisset, ad aram Amidæ perrexit: ibi manibus sublati in celum, obtinendæ indulgentiæ causâ Amidam bis inuocat nominatim, & simul cænobiarcha ad absolutionis indicium manus capiti supplicantis imponit. inde regressa in cubiculum, elatis manibus  
Amidam

# DE IAPONICIS REBUS

Am idam rursus appellans, a sicarijs iugulata est. Iam uero qui Cubucamæ in extremo certamine affuerant, eorum ædes direptæ, suburbana ædificia solo æquata, corpora simul cum ipso palatio concremata sunt. Cubucamæ tantum cadauer, hostium permissu, a Bonzijs ad rogum ac sepulturam elatum est in cænobium, quod ille ad eam ipsam rem ingenti sumptu construxerat. primarius autē quidam e Cubucamæ familiaribus peregre profisciscens, cum rem gestam in itinere cognouisset, Meacum redijt ilico, atque ubi deletam regiā, & omnia uersa uidit in cineres, sepulturæ locum reëta petijt, ibiq; dissecto sibimet uentre super Cubucamæ tumulum corruit. Sorores Cubucamæ duæ sunt Bonziæ; quas, quamuis inclusas cænobio, nihilo minus aiunt peti conuitijs atque ludibrijs hostiū: atque ob id ipsum a sodalibus perpetuo custodiri, uigilijs distributis, ne sibimet necem ex desperatione consciscant. Nos interea ciuitate ad acerbum adeo spectaculum ingenti pauore perculsa, cum domum nostram neophyti confugissent, ad preces ac litanias conuersi uidelicet, mortem exspectabamus in singula pæne momenta. nec sane, quod Bonziorum in nos odium est, quæque eorundem apud Mioxindonum atque Daiondonum gratia et auctoritas, multum ab extremo periculo abfuimus. sed cū ad nos clam uenisset pro amicitia scriba Mioxindoni, pectus feriens, & impietatem Domini sui grauissime detestans & increpans; multis deinceps nuntijs atque interpretibus ultro citroque missis, magno uix tandem labore impetratum est, sacra iam ueste ceteroq; instrumento in pacata loca præmisso, ut exsulatum nobis abire liceret. Itaque Gaspar Imorim ad Christianos profectus est, ego paruam sum relegatus in insulam nomine Cangam. Atque ut intelligatis, nisi hac tam atrox repente procella exstitisset, quam letos Domini uinea fructus ostenderet,

quo

quo die discessimus (is fuit sanctæ Mariæ Magdalene sacer) eo ipso die, quamquam in magna trepidatione ac tumultu, Bonzius unus, laici duo e Mioxindoni familia Baptismi Sacramento renati sunt. Quod superest patres fratresq; carissimi, uobis orandus est etiam atque etiam Deus, ut afflictas res pro sua bonitate sapientiaq; restituat: ne stultis ratiocinatoribus, & occulta iudicia Domini parum æqua lance pensantibus, plus diabolus ad euerisionem Ecclesiæ Meacensis, quàm Christus ad eiusdem tutelam defensionemq; ualuisse uideatur. Ex Iaponis insula Canaga. mense Augusto.

1565.

FINIS LIBRI QVINTI.



SPECIMEN QVODDAM  
LITTERARVM VOCVMQVE  
IAPONICARVM; DESVMPTVM E REGIS  
BVNGI DIPLOMATE.



EXEMPLVM DIPLOMATIS, QVO  
 Rex seu Dux Bungi templum ad CHRISTI cul-  
 tum Patribus Societatis attribuit. Tem-  
 plum autem ipsum, Day dogie,  
 hoc est Magnus aditus cæli  
 appellatur.



Dux

Regni  
 de Zuo,


Regni  
 Nangati,



Regni  
 Bugen,

Regni  
 Chicugen  
 caqui,

Regni  
 Iuami.





Regni Regni concessit Day.i.magnum  
 Bungi, Bichyi,

大 天 聖 王

dogie.i.aditū cæli patribus

西 方

Occidentis qui uenerūt ad declarādā

一 聖 王

legem faciendi Sanctos

聖 王 大 天

iuxta ipsorum uoluntatem ad finem usque

世界

mundi. is est locus positus

法皇

intra Amangutium magnam urbem,

可食

cum priuilegiis ut nemo possit

永存

occidi nec apprehendi in illo. Atque ut sit

227

一 旦 終 焉

testatum meis successoribus

一 旦 終 焉

de ... oloma, ut nullo

一 旦 終 焉

tempore eos deturbent ex hac

一 旦 終 焉

possessione.

一

Regni de Teybum, anno

21.

ipſius

一

octau

menſis

uigeſimo octauo

一



die

一


## S V B S C R I P T I O

Dux

Daidiquibozar

forma figilli.



Voces ipsæ Iaponicæ quas sonant litteræ, in Hispanico exemplari plerunque desiderantur, subditis earum loco Lusitanicis dictionibus: quas nos quoque (ut potuimus) Latinas eodem ordine fecimus.

1870  
JAN 10

1870

1870

1870

1870



# DE QVINQVAGINTA

DVOBVS E SOCIETATE IESV,

PRO FIDE CATHOLICA

NUPER OCCISIS,

EPISTOLÆ DVÆ.



PETRVS DIAS LEONI HENRICO LV-  
sitaniæ Prouinciali salutem &  
pacem &c.



XPONAM his litteris felicem exitum  
Ignatij Azebedij Brasiliæ Prouincialis,  
& comitum. Nonis Iunij, cum Aloisio eius-  
dem Brasiliæ prouinciæ pro Lusitaniæ Rege  
præfecto, classe nauium septem, Vlyssipone  
profecti, octauo die Maderam hanc insu-  
lam prospera nauigatione tenuimus. No-  
uem circiter & sexaginta in uniuersum e Societate nostra conscen-  
deramus, in tres onerarias distributi. Quæ S. Iacobi dicebatur, ea  
cum Didaco Andrada multisq; alijs e nostrorum numero uehe-  
batur Ignatius. Francisco autem Castrio cum fratribus duobus, &  
pueris orphanis, Ioannis Ferdinandi nauis obtigerat. Me cū Socijs  
amplius 20. eadē quæ Aloisiū Præfectū nauis exceperat. Et quo-  
niam certis de causis in hoc Maderæ portu aliquādiu subsistere de-  
creuerat Aloisius; uectores & nautæ S. Iacobi, quòd multa negotia  
haberēt in Palma ex Cānarijs, seu Fortunatis insulis una, magnope-  
re efflagitarūt uti sibi liceret præire: se expeditis mature negotijs ad-  
ueniēti reliquæ classi præsto futuros. Atq; initio quidē recusabat I-  
gnatius, intāto maris & piratarū discrimine a ceteris digredi pericu-  
losum

losum ratus: uerū deinde uictus precibus, abeundi ueniā ab Aloisio petijt. qua impetrata, quasi diuinaret ea quæ postea consecuta sunt, pridie eius diei, qui Apostolorū Principi sacer est, Sacramento Confessionis, & Communionis præmunandos curauit omnes, & simul diuisit ijs Agni celestis cereas imagines aliquot, a summo Pontifice consecratas, & alia quædam religiosa munuscula, quæ ex urbe Roma secum attulerat.

His peractis, soluere pridie Kalen. Iulij uento secundo, qui tamē eos in medio cursu defecit. Porro Dominico die proximo, quinto nonas Iulias, allatum huc est, Iacobum Soriā maritimæ rei pro Nauariæ Regina Præpositum (is Caluini sectator egregius, capitales inimicitias cum Papistis, sic enim Catholicos per ludibrium heretici appellant, exercere sese palam profitetur, ac prædicat) stare cām nauibus circiter septem in portu ad quinque leucas hinc sito, cui a Sancta Cruce nomen est inditum. Perturbauit is nuntius uenienter omnium animos, statimq; Aloisius, oppidiq; Præfectus cum populo uniuerso ad pugnam comparauere sese. Itaque Sabbati luce quæ consecuta est, cum se Iacobus Soria in conspectum nostrum dedisset, occurrentibus sibi Catholicis, qui probe instructa militibus, tormentisq; nauigia decem eduxerant, perterritus cessit, fugaq; sibi consuluit. Hostem fugasse contenti nostri postridie reuertuntur, ille uero hoc perfunctus periculo, Canarias petijt, ac die Iouis insequenti ad aspectum usque Palmæ Insule, & onerariæ nostræ, quæ portum capere nunquam potuerat uento destituta, sane feliciter est prouectus. eo autem ipso die Ignatius m. ne cū ceteris fratribus ad Tertiæ cohortis (id loco nomen est) uicini a portu leucas quinque circiter, scapha cōtenderat ea cōsilio, ut, si daretur facultas, ad portū terrestri itinere perueniret, sed cū res exitum non

haberet, in nauim se denuo recipere sunt coacti. Ite uel ex hoc satis appareat, expetendum id genus mortis paratum illis fuisse diuinitus: eoq; magis, quod iter illud leucarum 80, ui x diebus 15 a<sup>b</sup> ipsis emensum, addo naui minime impedita, uento eti a m initio u<sup>d</sup> diximus ualde secundo; id iter totum nauibus quinque ( & quidem earum nonnullis admodum onustis ) non plus triduo a Iacobo Soria decursum est. Postridie nostri eadem malacia nouem fere millia passuum a littore detenti, ubi aduentantes Caluinianos aspiciunt, paucis dispositis tormentis defendere sese omnino constituunt: Ignatius autem sumpta *M A R I A E* Virginis imagine, quam Roma secum extulerat, prout res & tempus postulabat, ad officium, atque ad pietatem hortari Catholicos institit. Interea unum e nauigijs hostes ad nostram onerariam applicant, in eamq; tres primo, in ijs nauculus magna apud eos existimatione, transfiliunt. atque ij quidem statim a Lusitanis tolluntur e medio, sed maiore deinde hostium irrumpente numero, diutius obsisti non potuit. Tum Iacobus Soria, ubi cognouit nostrae Societatis homines ibi uersari, omnes ad unum occidi imperauit, uociferatus: Interfice, interfice, quoniam ad praua dogmata disseminanda Brasiliam petunt. In eorum numero, qui onerariam occupauerant, erat Iacobi cognatus quidam: qui cum uitam aliquot Catholicis promississet, id iussit Iacobo renuntiari. quaesuit ille, cunctine presbyteri ( sic enim nostros uocabat ) essent interempti: cum interemptos esse responsum fuisset, tum ab alijs manus abstinere non uetuit. quo facto sane praeclare suum in nos odium exprompsit, praesertim quod paucis ante diebus, intercepto nauigio, quo Franciscani concionatores duo, totidemq; sacerdotes laici in Lusitaniam uehebantur, neminem eorum occidit: nactus deinde nostros  
magna

magna ex parte adolescentulos atque nouitios, nulli pepercit omnino. *Ma* status est autem omnium primus Ignatius, quem obuiam hostibus prodeuntem elata manibus ea quam dicebamus imagine, magnoque animo profitentem sese cum suis esse Catholicum, lancea tribus ictibus confoderunt, & sacram imaginem extorquere frustra conati sunt. tum Didacus Andrada in amplexum ruit Ignatij: atque ita coniuncti simul ambo confecti uulneribus precipitantur in mare una cum ipsa imagine, quæ de Ignatij manibus nunquam exciderat. Inde tabulata onerariæ subeunt, quo Ignatius in eo tumultu fratres octo, & triginta (tot enim erant eum ex hoc portu persecuti) condiderat. binosq; ac trinos ordine deinceps eductos ad nauis marginem, ac talaribus tunicis, quamquam exigui admodum pretij exutos, adaecto bisterne singulis in uiscera pugione, semianimes e nauis deturbant: quorundam etiam præcidunt brachia, ut omnem prorsus euadendi spem ceteris adimant. Atque hunc exitum felix comitatus ille sortitus est. Postea quæsitum de trium illorum cæde, qui ex hostium classe in onerariam primi transcederant. Eius auctores cædis, onerariæ gubernatorem cum ministris duobus, ad se perducere furore percitus iubet Soria. ibi ipso non solum imperante, sed etiam inspectante uiuētium pectora dissecantur, & extracta crudeliter intestina deijciuntur in pelagus. Iam uero hanc immanitatem Calviniani illo etiam scelere cumulant. in onerariam reuertuntur, sacrosanctum caput unius ex undecim Virginum millibus, quod solatium neophytorum Ignatius in Brasiliam afferebat, e carchesii fune contumeliose, nefarieque suspendunt, deinde arreptam aliam Virginis Deiparae effigiem, egregio perfectam opere, quam item Roma secum Ignatius adue-xerat, cum sacris alijs imaginibus permixtis, in angulo nauis per-

211  
ludibrium collocant: in easq; ut in scopum ficas eiaculari lasciuien-  
tes incipiunt. Rosaria uero benedicta, ac sanctorum reliquias, li-  
brosq; de religione, & alia scripta quadam ad Brasiliae prouincia  
rem magnopere pertinentia, ut sibi minus utilia uel superuacanea  
potius, alto mandarunt. Huius rei gestae seriem totius a Lusitanis  
duobus accepimus; qui spectatores affuerunt, cum per eos dies a  
Caluinianis captiui detinerentur. Qui e nostris occisi sunt, aequi ty-  
rones, ac ueterani, praeclearis erant adiumentis rerum gerendarum  
instructi: itaque ad rem Christianam promouendam ualde habe-  
bantur idonei.

Obstupesco sane mecum ipse considerans mutationes, migrationesq;  
nostrorum e naui in nauem Ulysipone primum, deinde in hac insula Ma-  
dera: ut felix ille manipulus, sicuti Gedeonis quondam milites, pene  
uiritim a Domino lecti fuisse uideantur. Me in S. Iacobi nauem  
imponere, ipse apud Aloisium praefectum remanere Ignatius iam  
prope decreuerat, sed mutauit deinde consilium: partim ut equidem  
existimo, ne laborem, atque periculum subterfugere uoluisse uide-  
retur; partim etiam quod ego tanto indignus bono uidelicet fui.  
Reliqui sumus nunc e Societate ad 30. Captum iter numinis fidi-  
cia persequi certum est: utrum eodem euentu, nescimus: illud qui-  
dem intelligimus: Iacobum Soriam id uehementer expetere, no-  
bisq; tendere insidias. Sed iam instat hora profectionis, ita-  
que finem scribendi facio, meq; & comites tuis cete-  
rorumq; sacrificijs, deprecationiq; commen-  
do. Ex insula Madera. 15. Ka-  
lend. Septemb. 1570.



## FRANCISCVS HENRICVS RECTOR

Domus Vlyssipponensis, & Socij; Patribus  
fratribusq; , qui Romæ uersantur,  
Salutem & pacem Chri-  
sti Domini &c.

**E**Xitum Ignatij Azebedij, & Sociorum nouem & triginta iam cognouistis, ut credimus; qui Brasiliam una cū Aloisio Regio Prasecto petentes, ut in ea provincia, rei Christianæ procurandæ causâ, more nostro collegia instituerent, in itinere a Calvinianis oppressi, uitam in professione fidei Catholica profuderunt. Nunc aliorum XIV. qui anno post, in eadem causâ parem præstiterunt animi fortitudinem (ad septuaginta enim nostris Vlyssipponē discesserāt plures in naues impositi) persequemur eo ipso ordine, quo rem totam alter duorum qui Dei benignitate superfuere, nobis exposuit.

Post obitum Ignatij, cum Lusitanicæ naues e Madera Insula cursu in Brasiliam directo soluissent; aliæ alium euentum sortitæ sunt: ea uero, qua Petrus Dias cum Socijs aliquot uehebatur, ad Cubæ insulæ portum, cui a sancto Iacobo nomen est, fluctibus, & procellis adeo labefactata peruenit; ut eam relinquere plane sibi necessarium duxerint. Sed cum alia esset ibi nulla, Banam eiusdem insulæ portum, in Orientem procedere statuunt; ac tridui primum iter emensi pedibus, & quidem excalceatis, imbre denso, atque perpetuo, uia teterrima; difficultatibus præterea, ut in eiusmodi regione, maximis; exiguo & aperto sese commisere nauigio, uentis pluuiæq; adeo expositi, ut non commeatus modo corruppe-

retur humore nimio, sed & ipsa quibus erant induti uestimenta pe-  
ne putrescerent. Eo nauigio leucas quattuor & septuaginta Banam  
usque prouecti, maioris formae nauis in eum portum conducta. A ugu-  
sto mense deniq; ad insulas Tertiarias, Aloisium Regium Præse-  
ctum, & e nostra Societate Franciscum Castriū, & quinque fratres,  
qui antecesserant, assequuntur. Hic Aloisius, nauali turba uehemē-  
tius imminuta, quod et ex oneraria ipsius in tam difficili, ac diutur-  
na mēsiū quindecim nauigatione uiri sexaginta perierāt, & ad An-  
tilias (id loco nomen est) multi sub Jiterant; multi etiam laboribus,  
periculisq; defatigati, mutato consilio in Lusitaniā inde reuenterāt;  
cum superesset uektorū & nautarū uix quod in unam satis es-  
set onerariam (in quibus tamen ipsis sœminæ quinque & uiginti,  
imbelli cum puerorum grege numerabantur) redactis in unum om-  
nibus, captum iter unica naui peragere instituit; soluitq; feria quar-  
ta, octauo Idus Septembris. Porro e Societate nostra (totidem alijs  
ferè tempestate disiectis, de quibus nihil dum certi compertum est)  
quattuordecim aderant, Patres duo, Petrus Dias, & Franciscus  
Castrius; duodecim Fratres; Alonsus Ferdinandus, Gaspar  
Gois, Andreas Pais, Ioannes Aluares, Petrus Dias, alter eo-  
dem, quo Sacerdos nomine, Ferdinandus Aluares; & ex Noui-  
tiorum numero; Michael Tarraconensis, Franciscus Paulus, Pe-  
trus Ferdinandus, Sebastianus Lopes, Didacus Ferdinandus, Di-  
dacusq; Caruallius. Dies octo in altum Oceanum prospero flatu  
prouecti; naues quinque sole iam Occidente conspiciunt, quarum  
erant Gallicæ quattuor, una Anglicæ. Eæ, dissimulato in noctem  
usque consilio, conuersis deinde repente proris, uento secundo na-  
uem nostram insequuntur. Id ut animaduertit Aloisius, ratus (id  
quod erat) & hostes esse, & hereticos; aduocata statim concio-  
ne,

ne, socios navales ad praeliū acriter ineundum hortatur, mortemq;  
ut Christianos deceret, pro Catholica religione fortiter obeundam.  
deinde arr. expediri, culcitrās locis opportunis prætendi, saxorum  
uim congeri, sulphurei pulueris cados promi celeriter imperat: di-  
spostis denique ad pugnam stationibus, peccata rite confessus est ip-  
se, & ceteri, quibus ea nocte confitendi spatium datum est. uerum  
inalbescēte iam die, rostrata hostium nauis ex earum genere, quos  
Galeones appellant, ad nostram appropinquauerat, amplior & emi-  
nentior multo; de abusq; tormētorum significationibus, de more, ius-  
serat a Lusitanis uela submiti. Cum illi nequaquā parerent; tum  
hostes factō ter in onerariam impetu, quinque ex eorum numero  
occidunt, septemdecim, eosque fere omnes in cruribus uulnerant,  
sic, ut funibus, ne caderent, altera manu apprehensis, non nisi al-  
tera decertare possent. Et quamquam hæretici e superiore admo-  
dum loco pugnabant; haud tamen incruentum eis fuit certamen:  
siquidem & initio dimicationis homines fere uiginti amisere, uul-  
neratis præterea circiter undecim; & deinceps tribus bombæ &  
iētibus læsi grauissime sunt, quorum uno diffractus malus & uela  
prostrata; altero perforatum carinæ latus non sine magno eorum  
discrimine aquas accepit; tertio discepti decē simul hæretici: quæ  
tamen si erant omnia non leuia incommoda, nihil tamen hostes æ-  
que perturbauit ac uela deiecta, prorsus ut de se actum iam arbi-  
trarentur. Tum uero ex ipsa desperatione omnibus connixi uiribus,  
quartum iam nostros inuadunt, & minore quā putauerāt negotio  
superant. decē quippe non amplius propugnatores erant relictī, quo-  
rum quinque in prora collocati, primo impetu cecidere. Itaque pa-  
resactō iam aditu, hæretici ad sexaginta ui maxima irrumpunt,  
quos Aloisius, cum duas ferreas glandes alterā accepisset in pet-

re, alteram in cruce, quamquā exhaustis iam corporis uiribus, ma-  
 gno tamen animo constituit opperiri; gladioq̃, & scuto nunquam  
 abiecto, ad extremum usque spiritum dimicauit egregie. Eius mor-  
 te a reliquis deditio facta. quæ tamen ad mitigandam hostium cru-  
 delitatem minime ualuit. nam diabolicis instincti furijs, obuios  
 quosque obtruncant: Aloisium, ignari quis esset, nudatum, itemq̃  
 aliorum corpora, multis adhuc spirantibus, in undas proijciunt. Ver-  
 sus deinde in Sanctorum reliquias, & sacras imagines furor, qua-  
 rum erat ingens in ea naui numerus. Has heretici Catholicis per-  
 uim extorquere, trahere per tabulata, calcare pedibus, in ignem de-  
 nique gratulabundi conijcere: simul, ore impurissimo, in Sanctos  
 quorum erant illæ reliquie, blasphemias euomentes, quas horret ani-  
 mus scribere. quin etiam, repertas uigesimo post die statuas duas, al-  
 teram sacratissima Virginis, alteram Angeli, elatas in publicum,  
 sacrilegis fregere manibus, caput Angeli per ludibrium tota naui  
 circumferentes. Tertium & trigesimum uagati diem, capto etiã  
 Algarbiensi nauigio, prædam exposuere postremo ad Oruium pro-  
 montorium ora Callaicæ. Classi præpositus erat Ioannes Cadauilius  
 Gallus, hereticus uehemens, & Ecclesiasticorum ordinum inimi-  
 cus acerrimus. rostrata uehebatur eadem, qua Iacobus ante So-  
 ria Ignatium Azebedium, & comites ceperat & occiderat. In  
 Aloisium uero præfectum incidere Calviniani, cum ab insula Go-  
 mera, eam depopulati, soluissent. atque is fuit Aloisii & Lusita-  
 norum obitus. cuius de fortitudine, uirtuteq̃, frater noster ita multa  
 commemorat; ut pro certo habendum sit, animam eius in caeleste  
 domicilium commigrasse. Nunc ueniamus ad nostræ Societatis ho-  
 mines, quod maxime nobis propositum est. si, cum hostes infesti ad-  
 uentarent, a media nocte ad lucem usque expiandis per Confessio-

nem criminibus quisque suis uacarunt. Deinde tabulata subire iussis, non nisi commisso praelio ascenderunt ad animandos milites, cibo recreandos, & curanda uulnera. Sed quo tempore facta est deditio, in summa naui, prater Castrium exstabat eorum nemo: namque, is paulo ante ad excipiendam unius e gubernatoribus Confessionem ascenderat, ad imam proræ turrim ex uulnere agentis animam. In eo munere occupatum, hæretici uulneribus quàm plurimis punctim cæsimq; confodiunt, ira maxima perciti, nimirum eo quòd Ecclesiæ sacramenta ministrantem offenderant. Nam in ceteros nō adeo seuiere: in Castrium uero ceitatim omnes. Sub idem tempus Petrus Dias, qui ad eam usque horam Confessionibus eorum qui sub tabulatis erant, operam dederat, atque hilari semper ac sereno uultu animauerat ceteros Gaspare Goe sequente, in apertum prodijt. Ut primum apparuere, utrunque Galli cōfestim occidunt: nec puero quidem ætatis admodum teneræ parcunt, qui a Petro egre sese diuelli patiebatur. Atque hoc maxime modo tres ij primo congressu cæsi ac nudati, deiiciuntur in mare. Tum undecim reliqui, sedato iā paulisper tumultu sese inuicem plenis pietate sermonibus adhortati, ultro in editiora nauis euadunt: nec modo, latendi caussa, in ceteram turbam sese non inferunt; sed etiam in unum, dedita opera, conglobati omnes, aperte profitentur se & eiusdem esse religionis, cuius tres modo perempti, & æque paratos ad mortem communis Domini gratia subeundam. Quos, circumfusi cōfestim hæretici, dictis factisq; eo die toto contumeliose, ac petulanter illudere ac diuexare non desinunt, cum illi responderent nihil, nisi siquid ad honorē Dei, uel ad dignitatem Ecclesiæ Catholice pertineret. Ubi nox adfuit, manus ad terga religantur insontibus: atque inter uinciendum, accidit ut Michael Tarraconēsis e uulneribus quæ in brachijs principio acceperat,

perat, ingemisceret. Quæ res tantum absuit, ut ad misericordiam permoueret hæreticos; ut etiam arreptum furenter hominem, multa ingerentes probra, e naui præcipitauerint; & ne in comitatus abiret, Franciscum quoque Paulum (nam is erat proximus) eodem impetu deturbauerint. Ceteri omnes, uinculis (ut dicebamus) iniectis, in Aloisij cubiculum detruduntur: adhibitisq; custodibus totam eam noctem, partemq; insequentis diei, prope per inediam transigunt: cū interea super alios alij ad ostiū adessent carceris, modo leta, modo tristia nuntiantes: quidā etiā truci obtutu, strictis minaciter gladijs fremerent: Papistæ, Latrones, ecquis erit aliquando qui uitam uobis eripiat? & alia eiusmodi. Interea nostri, quasi futura prospicientes, magno animo sese ad extrema quæque parauerant: nec eos sefellit opinio. Nam educti e carcere, damnantur capitis. Iamq; parabantur laquei ut suspenderentur singuli e maximo nauis malo; cum Præfectus, maioris prædæ spe, quod eos putaret pecuniam, ad templum in Brasilia ex edificandum, secū attulisse, rem in præsentia distulit; sed eorum comperta deniq; inopia, Petro Dia, Didacoq; Caruallio ibidem relictis, septem reliquos in rostratā ex oneraria transferunt. Hic eos hæretici denuo circumstiterunt; nec solum in fratres nostros, ucrum etiam in Romanum Pontificem Christi Vicarium, in Ecclesiasticos ritus, in Sanctos eorumq; uenerationem, denique in Sacramentum ipsum altaris, contumeliosa atque impia uerba proferre. ad quæ cum illi fortiter admodum responderent, cedebantur pugnis, a lapidibusq; frequentibus, defensores Catholicæ fidei: quin etiam exquirebantur diligēter in summis capitum uerticibus, sacræ quas appellant coronæ, quarum hæretici si quas inuenerāt, has uero iterū iterumq; singuli tundere; & simul iurgiis & maledictis in eosdem inuehi cum alijs multis, tum illis præsertim: Canes, fures, ueterato-



ueteratores; per uos stat quo minus conspirent uniuersi mortales at-  
 que consentiant; sublatisq; discordijs ac tumultibus, tranquilla om-  
 nes pace, atque otio perfruamur. Vestro scelere non modo Germa-  
 nia, & Gallia, uerum etiam Brasilia, atque adeo toto terrarum or-  
 be praua doctrina diffunditur. Erat e nouitiorum numero Petrus  
 Ferdinandus, faber lignarius, omnium recentissimus ille quidem;  
 sed apprime humilis & magna uirtute uir. Is, initio deditiois, pi-  
 leo talariq; tunica exutus ab hostibus; ne deinde fallente uestitu pro  
 seculari haberetur, & praeclaram pro CHRISTO moriendi oc-  
 casionem amitteret, aggregabat se ad fratres identidem, uultu ocu-  
 lisq; ad modestie religionisq; significationem ita compositis, ut uel ex  
 eo satis intelligerent haeretici, hominē esse de nostris. Quo etiam ue-  
 hementius irritati, caput eius arreptum, utraque manu subrigere,  
 colaphis petere, digitis oculos aperire, palpebrasq; distendere, paxil-  
 los denique mento subdere, ne uultū demitteret. ad haec, illum con-  
 tumelijs incescere eiusmodi; Canis, attolle faciem; frontem exporri-  
 ge. quae ille nimirum excipiebat tanta non solum animi equitate,  
 sed etiam oris hilaritate, ut eo bono se indignum existimans, conuer-  
 sus ad Deum, diceret: Quo meo mihi merito hoc tribuis, ut pro te  
 patiar, Domine? Per hanc simul procacitatem atque seuitiam ha-  
 eretici cum sese miseri diutius oblectassent, alij demum alio uarios in-  
 usus digressi sunt; spatiumq; fratribus datū ad inflammandos mu-  
 tuis cohortationibus animos, uiresq; recolligendas; quo in genere Pe-  
 tri maxime Ferdinandi, eius quem modo dixi caritas ac uirtus eni-  
 tuit, cum in singulos congressus, latissimo semper uultu, ceteros ad  
 constantiam, ac fidem accēderet, atque ad agnoscendam insignem  
 hanc in se Dei beneficentiam, multis rationibus excitaret. Cuiusmo-  
 di sermonibus dum se inuicem confirmant fratres, magna rursus cir-  
 cum-

ilico; ceteri quinque unum in locum diuinitus congregati, diu sese  
 sustentant, postremum uale sibi dicentes inuicem, ac ueniam inter se  
 delictorum petentes. Didacus uero Ferdinandus, quem una cum  
 Sebastiano Lope (qui deinde superstitibus ambo fuere) sub noctem  
 heretici quidam quasi diuino iussu, cibo potuq; refecerant, ualidus  
 uiribus, classem, quod e repentina pluuia uenti quieuerant, tardius  
 euntem assequutus, & nescio quo pacto in unam nauium acceptus,  
 diuina consilio prouidentie mās in incolumis. Luctantur cum flucti-  
 bus reliqui, & quamquam in summa difficultate ac defatigatione,  
 Apostolico Symbolo, precibusq; fundendis ad Deum, sese cōtra spi-  
 ritales nequitias communire non desinunt. iamq; nox erat media,  
 cum Alphonso Ferdinando in uerba praeunte, certos e quinquage-  
 simo psalmo uersiculos decantare ceperunt, atque illum praesertim:  
 Tibi soli peccaui, &c. Verum lassitudine tandem uictus, & aqua-  
 rum ui obrutus Alphonsus extinguitur, spectata probitate, ac reli-  
 gione uir, cuius praecipue robur animi, ac uirtus in hereticis modo  
 refutandis eluxerat. Hunc autem eo consilio e Lusitania secum  
 abduxerat Azebedius, ut philosophiam, cui magna cum laude ua-  
 cauerat, in Brasilia prouincia profiteretur. Alphonsum secutus  
 est mox, IESVM inuocans, Andreas Pais postremus omniū Fer-  
 dinandus Aluares mergitur. Tum Sebastianus Lopes in mari me-  
 dio, nocte intempesta, densis tenebris, imbre maximo derelictus, ela-  
 tum sorte quadam in classe lumen eminus intuens, mille circiter, &  
 quingentorum passuum interuallo distantes cōsequitur naues, qua-  
 rum ad unam, itemq; alteram accedens, et ut admitteretur suppli-  
 citer postulans, cum acerbe minitantes hostes, intentaq; in se tela sen-  
 sisset; quasi ad extremum perfugium, contendit ad unam e scaphis:  
 cuius ad marginem stans forte quidam hereticus paulo mitior, tum  
 Seba-

Sebastiani ærumna, tum etiam fortassis ab se deserte uera fidei, religionisq; recordatione commotus, excepit hominem: penulaq; contectum, ac furtim in nauem impositum, commentis quibusdam hostium furori, atque immanitati subtraxit. Duos autem illos qui in Lusitanica nauis relictis fuerant, eodem genere mortis, eadem animi magnitudine defunctos accepimus. Porro nobis hac omnia Sebastianus ipsemet Lopes exposuit. nos totam rei gestæ seriem his consignatam litteris eidem Sebastiano recognoscendam ostendimus: cuius ille narrationis ueritatem ac fidem suo rursus testimonio comprobauit. Quo etiam studiosius fecimus, ut hanc ad uos mitteremus epistolam, rati eo uobis gratiorem futuram, quo certiora perferret.

Quod reliquum est, uestris omnium sacrificijs, precibusq; nos etiam  
atque  
etiam Domino commendari percupimus.  
Ulyssipponē 5. Idus Decembris 1571.

F I N I S.

# INDEX EPISTOLARVM.



Loisii Almeidae. fol. 139.

157. 122. 194.

Aloisii Goueani. 47.

Aloisii Frois. 174. 183.

207. 114. 217. 221.

Ariæ Blandonii. 97.

Ariæ Sanctii. 155.

Balthazaris Gagi. 107. 129. 167.

Cangoximani reguli. 164.

Christophori Acoſtæ. 45.

Conſalui Ferdinandi. 138.

Cosmi Turriani. 75. 87. 115.

145.

Duartis a Sylua. 101.

Emmanuelis Telleriæ. 49.

Franciſci Henrici. 232.

Franciſci Xauerii. 77. 80.

Gasparis Vilelæ. 91. 116. 127.

149. 165. 172.

Gulielmi. .... 129.

Hieronymi Ruizii. 67.

Ioannis III Luſitanix Regis. 6.

Ioannis Baptiſtæ Montii. 181.

182.

Ioannis Ferdinandi. 89. 128.

Laurentii Iaponii. 135.

Martini Syluæ. 68.

Melchioris Nunnis. 96. 110.

124.

Nicolai Nunnis. 50.

Organtini Brixienſis. 39.

Pauli Iaponii. 74. 87.

Petri Alcaceuæ. 91.

Petri Diæ. 229.

Petri Maſcarenix. 52.

Sebaſtiani Ferdinandi. 54.

## INDEX RERVM MEMORABILIVM.

**A**cademiæ nobiliſſimæ in Iapone ſex. 85. b

Academiæ cuidam ingens lacerta ſeu ſtellio pro numine præſidet.

117.

Aedes elegantiffimæ. 198. 200. b

201.

Alphonſus Caſtrius Chriſti cauſſa uexatur atque perimitur. 31.

Eiuſdem percussores diuinæ ultione conſumpti. Ibidem.

Amangutium urbs uastaſtur. 115.

Amidæ cultores quidam religionis cauſſa ultro ſeſe mari ſubmergūt ac pereunt. 122. 213.

Andreæ Ouiedi labores in Aethiopia. 23. b

Andreæ Ferdinandi res geſtæ. 25. 41

Antonius Criminalis Chriſti cauſſa occiditur. 37.

Aquæ luſtralis ſeu benediſtæ miracula. 33. b. 105. b. 138.

Arx munitiffima. 161. b

200. b

Hh

Barpro-

# I N D E X

- B** Arprolemæus Rex quomodo  
ad Christum conuersus. 176.b  
Eiusdem pietas. 176.177.206.in  
eundem coniuratio. 176.  
Baptismi uirtus. 34.91.b.118.b  
121.b.158.b  
Baptismi insignes. 15.b.65.69.b  
72.180.b  
Bazani regis neophyti pietas. 30.  
Bonzii sacerdotes ac cœnobia Ia-  
poniorum. 82.b  
Eorundem cœnobia. 166.201.b.219.  
Eorundem meditationes & se-  
ctæ. 79.b.136.b.137.b.doli 211.  
Idem euangelio maxime infesti.  
88.90.151.179.b.190.191.  
Eorū calūniæ. 90.94.b.121.182.  
193.  
Chirographa uenalia. 109.110.  
Bibliothecæ. 219.  
Chori precesque. 209.b  
Concium apparatus atque fal-  
laciæ. 214.  
Brachmanes Gansares Indiæ prima-  
rii. 15.  
Brachmanes amaracam herbā ma-  
gnis cæremoniis uenerantur. 61.b  
Bungi Rex quamuis ethnicus, reita-  
mē Christianæ fauet enixe. 172.  
181.b.191.b  
Eiusdem potentia. 172.b  
**C** Alcis subigendę ratio apud Ia-  
ponios. 200.  
Caluiniani præcipuo in Societatem  
IESV feruntur odio. 230.b  
Quadraginta e Societate peri-  
muntur. 231.  
Item anno postduodecim alios.  
235.b  
Eorundem in sacras imagines &  
reliquias contumeliæ. 231.233.b  
Catechizandi ratio. 181.b  
Catholicos hæretici per ludibrium  
Papistas appellant. 234.b  
Cedri mirę magnitudinis. 201.202.  
Ceilani res mira contigit. 19.  
Chia portionis Iaponicæ genus. 198.  
Colossi ingentes. 202.b  
Consalius Sylueria post multos la-  
bores Christi causa pimitur. 28.  
Conuersiones insignes. 8.14.38.19.  
20.27.30.31.b.33.53.62.63.b  
71.b.102.178.186.188.189.190  
Cosini Turriani labores. 125.b.174.  
Crucis miracula. 78.127.b.138.b  
163.  
Cubucama Iaponis imperator 209  
eius maiestas. 215.  
Cubucama Iaponis Imperator cum  
uniuersa pœne familia a coniu-  
ra tis occiditur. 222.b  
Eiusdem aulicorum quorundam  
mira fidelitas. 222.b.223.b  
**D** Aemon e corporibus obse-  
sis eiicitur. 104.b.108.b  
Idem e corporibus obseisis fun-  
dit carmina. 108.b  
Satagit ut in belluis adoretur.  
108.b.122.  
Timeatur a Iaponiis & colitur stu-  
diosissime. 108.b.122.154.155.b  
Eiusdem fraus perniciofa dete-  
ctæ. 210.  
Cultoribus sese crebro offert ul-  
sendum. 118.b.210  
Ecclesiasticos ritus esingit. 186.  
209.b.210.b.215.220.223.  
Eiusdem fallaciæ. 94.122.b  
Duartis

Duartis Syluæ labores, & obitus.

192. 193.

**F**ranciscus Lopes fortiter in cōfessione Christi p̄sistens, a barbaris interficitur. 17.44.

Francisci Sauani reguli neophyti excellens pietas. 204.

Franciscus Xauerus ch. 4.

eiusdem in Indiam profectio. 4. b

In Iaponem. 80.

Vitæ institutū & ratio. 5. 12. 126. b

Miracula. 9. 13. 98. b. 99. 160.

Obitus. 12. 95. b. 98. b

Frigoris niuiumque in Iapone uis. 8. bi. 196. 200. 208.

Funerum Meacēsium apparatus & pompa. 211. b

Fulgentius Freires a Turcis capitur. 14. b

**G**Asparis Belgæ labores. 22. b

Goæ collegiū Societatis quomodo institutum. 18.

Grana benedicta & alia id genus quantifiant. 175. 183. b

**H**orti amœnissimi. 201. 211. 219.

Iapon insula. 73. b

Iaponis Ecclesiæ. 147. b. 171.

Iaponiorū ludi & spectacula. 152. b  
154. b. 155. b.

Eorundem ridicula superstitio in colēdis manibus mortuorū. 153.

Aliæ superstitiones & sectæ. 95.  
109. 122. 147. 154. 166. b. 210. 215.

Egē unde ortę. 173. b. 208. 219. b

Eorundem ingenia & mores. 82  
88. 145. b. 208. 216.

Suppellex apud eos pretiosissima, quæ. 198.

Administratio publica. 145. b

Quæstiones de Christiana religione. 89. b

Quotidiana precatio, quæ 214.  
220.

Mediterranei maritimis longe politiores.

Ioannis Tertii Regis Lusitaniz pietas. 4.

Eiusdem munificentia. 13. 15. 21.

Idola inaurata quamplurima. 202.  
203. 216.

Idolorum templa magnifica. 201  
203. 219. b

Ignatii Loiolæ (qui Societatem IESV primus instituit) monitum salutare. 79.

Ignatius Azebedius intrepide sese Catholicū profitēs, cū Sociis, 39, a Calvinianis occiditur. 235.

Ioannis Ferdinandi labores. 174. b

Iogues Indorum quasi monachi, & eorum uestitus. 67.

Itinerū difficultas. 8. 144. 161. b. 194.

Iubilei promulgatio quā fructuosa. 68.

**M**aristenes Iaponiorū Deus, rei militari p̄positus. 177. b

Meacū urbs Iaponis totius caput. 81

Meaci, Euangelium quomodo acceptum initio. 135. 151

Meacensium uestitus & mores. 208.

Meacense bellum. 167. b.

Melchior Carnerius Nicenus episcopus. 16. b

Mingoaxanes Gilox Rex. 25. b

Monicæ Iaponiz Virginis mira sanctitas & constantia. 129.

& inde.

H h 2 Naires



**N** Aires homines militares. 70.  
 Nāguinata, hastilis genus. 172  
 Naufragia ac tempestates. 32. 39. b  
168. & inde. 111. 127. 169. 174.  
 Neophytorum pietas. ch. 53. 62.  
104. 119. 120. 128. 130. 133. 134.  
140. 142. b. 145. 149. 160. 163.  
171. b. 173. 175. 182. 185. 194.  
195. b. 199.

Eorundem pēnitentiæ studium.  
120. 182. 199.

Eorundem fides arque cōstantia.  
17. 18. b. 34. & inde. 41. b. 68. b  
128. 139. 158. 173. b. 189. 199. 207.

Precandi studium & assiduitas.  
149. 183. 185. 195. 199.

**P**atrum aliquot e Societate pericu-  
 cula & obitus. 18. b. 19. 36. b  
& inde. 39. b. & inde. 67. 132. 169

Petrus Dias cū Sociis undecim pro  
 fide Catholica a Caluinianis oc-  
 ciditur. 234.

Petri Ferdinandi fabri lignarii uir-  
 tus eximia. 235.

Populi plurimi Euangeliū magno-  
 pere efflagitāt. 32. b. 33. 47. b. 51. b

Puerorū quorundā egregia sāctitas  
141. 142. 156. b. 165. b. 200. b

Pueri e diuersis regionibus plurimi  
 Goæ educantur. 14.

Perduelles quomodo puniātur. 117.  
 Quintinorum secta. 45. b

**S**acramentū Eucharistię neophy-  
 ti quātopere efflagitent. 108.

Quām religiose percipiant. 130.  
218. 221. b

Ad Sacramentum Confessionis  
 quām accurate se cōparēt. 183.

**Simon** Rodericus Lusitanus. 4.

Sinarum mores & ingenia. 49. 112.

Sionis Rex egregia pietate uir. 52.

Supanorum Rex neophytus. 32.

Syluestrium hominum regio & mo-  
 res. 211.

**T**emplorum frequētiā ad re-  
 ligionem tuendam & amplifi-  
 candam utilem esse, re ipsa com-  
 pertum est. 54.

Tintinnabulum seu campana in Ia-  
 pone miræ magnitudinis. 203

Trauancoris Rex. 18. 48. b

Typhonis uenti uis. 39. b

## E R R A T A.

Ad, lege Ab. fol. 114. b. uersu 18. Alij lege alijs. fol. 64. uersu 4. Aliquot, aliquod. 65. b. u. 3.  
 Balthasari, Balthasar. 93. b. u. 1. Catenasq; , Catenasq; . 45. u. 5. Cātonis, Cantonē. 98. b. u. 5.  
 Da me, Ad me. 53. b. u. 18. Ed, Ad 86. u. 19. E ffunderem, effunderent 218. u. 1. Exerdelsens,  
 exardescens. Hoc, hos. 210. u. 6. Iaponis, Iaponem 107. u. 1. Inhabane , Inhabanes 24. u. 9  
 Locij, locis 157. b. 18. Mediam, Inediam 197. u. 21. Opiniurum , opinionum 126. u. 25.  
 Paracutis, peracutis 170. u. 10. Parentem, parentum 34. u. 2. Peterat, poterat 46. u. 3. Plano,  
 plane 98. u. 16. Quam, quem 70. u. 14. Quattordecim, quattuordecim 155. b. u. 12. Rece-  
 perai, receperat 54. u. 16. Salutati, salutari 3. u. 4. Suffiectus, suffectus 25. b. u. 18. Trinos,  
 ternos 231. u. 11. Tempere , tempore 18. u. 24. Tueretur , tueretur 24. u. 9. Vaenus,  
 ualensis 23. u. 1. Virute, uirtute 18. u. 2.



